

Secure

Providence



V-643

12. 19. C 23.



PHYSICA HYPOMNEMATA.

- I. De Rerum naturalium principiis.
- II. De Occultis Qualitatibus.
- III. De Atomis & Mistione.
- IV. De Generatione viuentium.
- V. De Spontaneo viuentium ortu.

Autore

DANIELE SENNERTO,
D. ET MEDICINÆ IN
ACADEMIA VVITEBERGENSI
Professore publico.

Cum Indicibus necessariis.



S. Andrea

della Valle.

LVGDVNI,

Sumptibus PETRI RAVAVD, via
Mercatoria, ad S. Petri vexillum.

M. DC. XXXVII.

2. A. V. 1.

2. A. V. 1.



ILLVTRISSIMO AC
CELSISSIMO PRINCIPI
AC DOMINO,

D. AVGVSTO
IVNIORI, DVCI
BRVNVICENSI ET
Lunæburgensi, &c.

Domino meo Clementissimo.



I vllibi in toto hoc terra-
rum orbe Dei Opt. Max.
sapientia & omnipoten-
tia apparet, *Illustrissime &
Celsissime Princeps, Domine Clementissi-
me*, in rerum Naturæ contemplatio-
ne maximè elucescit. Quis enim
non sapientissimum & omnipoten-
tissimum artificem agnoscat, qui
à 2 admi

EPISTOLA

admirandam hanc mundi machinam contemplatur, & in ea Solem, Lunam, & reliqua cœlestia corpora intuetur, ac eorum lucem splendidissimam, vires potentissimas, cursus & recursus tam varios, & tamen tot seculis tam certos & regulares considerat; qui aëris istud spatium amplissimum perlustrat, & in eo volantes, & capitibus nostris imminentes nubes, atque hinc decedentes pluuias, niues, grandines, fulmina, & alia meteora obseruat; qui hunc, quem pedibus calcamus, terræ globum, in medio aëre libratum & suspensum, atque in eo ardua montium, accliuia collium, depressa vallium, plana camporum, eaque tot arboribus, fruticibus, herbis, floribus, frugibus, consita, tot animalium, volantium, gradientium, reptantium speciebus, domicilium & victum suppeditantia, tot fontes, riuos, flumina,

DEDICATORIA.

flumina, ipsaque maria, & in iis in-
 numerum piscium numerum per-
 pendit, & in ipsis terræ cauernis tot
 mineralium & metallorum genera,
 tot ignes tot seculis ardentes, aquas-
 que magno per terræ globum, sine
 eius ruina, impetu permeantes &
 ruentes rimatur ac reputat? De quo
 ipse D. Paulus, *ad Rom. cap. i.* scribit:
 τὰ ἀόρατα τοῦ θεοῦ διὰ τὴν κτίσιν γινώσκονται τοῖς ποιήμασι
 νοούμενα καθαροῦται, ἥ τε αἰδώς αὐτῆς δυνάμει καὶ θεότητι.
*Nam quæ Dei sunt inuisibilia, dum
 per res conditas intelliguntur, & crea-
 tione mundi peruiidentur; aterna scilicet
 eius tum potentia, tum diuinitas: & Her-
 mes Trismegistus; διατὴς ἐξουσιᾶς τῶν ἔργων
 τοῦ θεοῦ ὁ ἀνθρώπος, καὶ ἰθαύμασι, καὶ ἰγνώσει τὸν
 ποιῆσαντα: Spectator operum Dei factus est
 Homo, & admiratus est ea, & cognouit
 Creatorem. Ut verò Dei in rerum
 Natura opera sapientissima & admi-
 randa sunt: ita ea indagare & co-
 gnoscere difficillimum, adeo qui-*
 dem,

EPISTOLA

dem, vt ipſe Philoſophorum Princeps, Ariſtoteles confiteri non erubuerit, intellectus noſtri aciem ſe ad naturæ lucem habere, ſicut noctuæ oculi ad Solis lumen meridianum ſe habent, & ſubtiliſſimus I. C. Scaliger, *exerc. 307. ſect. 27.* de anguſtia intellectus noſtri conqueratur, fateaturque, humanæ ſapientiæ partem eſſe, quædam æquo animo neſcire velle, & *exerc. 297.* de ſe ipſo, vir aliàs acutiſſimus, ingenuè ſcribat. Sæpe meipſum moneo, videam, animaduertam, meminerim, quàm ſit imbecilla noſtræ mentis acies ad inueſtiganda Naturæ penetralia. Quia tamen in rebus magnis & difficilibus etiam conari aliquid laudem meretur: præclara & heroïca ingenia, omnibus ſæculis, difficultate à Naturæ contemplatione ſe deterreri paſſa non ſunt. Cum quibus etſi me comparare non poſſam: tamen in vltimis etiam ſubſiſtere

DEDICATORIA

sistere nolui, sed bonam ætatis partem hisce contemplationibus tribui: Et quamuis illud vulgatum, Obsequium amicos, veritas odium parit, non solum in ciuili cōuersatione, sed & in Philosophicis Disputationibus verum esse expertus sum, dum vidi, eos, qui maiorum inuēta simpliciter recitant & transcribunt, nullis obre-
tationibus esse facile obnoxios, at qui ex Senecæ monitu, maiores multa egisse, sed non peregisse, & multum adhuc operis restare, persuasi antiquorum inuentis aliquid addere conati sunt, odiis & calumniis sese obiecisse: tamen veritas mihi semper potior, quàm cuiusquam amicitia vel odium fuit. Itaque & has de quibusdam Physicæ capitibus meas meditationes in publicum edere non dubitavi, & iam ante vnum atque alterum annum conscriptas nunc cum aliis communicare volui.

EPISTOLA DEDICAT.

Eas verò, *Illustrissime Princeps*, *Domine Clementissime*, *Illustrissimæ Vestræ* Celsitudinis honoratissimo Nomi-
 ni inscribere volui, non tam de
 more huius seculi, quàm quia cogni-
 tum perspectumque habeo *Illustriss.*
Vestr. Celsitudinem ita bonis literis
 imbutam esse, vt de eorum, qui eas
 profitentur, laboribus rectè iudicare
 possit. Et propterea ab *Illustrissima*
Celsitudine Vestra maiorem in mo-
 dum peto, vt hoc, quicquid est, ope-
 ræ sereno vultu suscipiat, & *Illustris-*
fimi sui Nominis splendore, male-
 uolorum, si quæ obiicientur, nebulas
 discutiat. Deus verò Opt. Max. *Illu-*
striss. Vestr. Celsitudinem diu incol-
 lumem, felicemque conseruet. Vvit-
 tebergæ, Calend. Maij, 1500. xxxvi.

Illustriss. Vestra Celsitud. Subiectissimus


DANIEL SENNERTVS, D.



INDEX CAPITVM


HYPOMNEMATIS
PRIMI.

De rerum naturalium principiis.

CAP. I.	 REATIONIS mundi no- titiam <i>Physico necessariam</i> esse. pag. 1
II.	<i>An principia sint contraria.</i> 10
III.	<i>De Forma.</i> 14
IV.	<i>De Priuatione.</i> 23
V.	<i>De Rerum naturalium consensu & dissensu.</i> 29
VI.	<i>De Materia rerum naturalium.</i> 34

HYPOMNEMATIS II.

De occultis qualitatibus.

CAP. I.	 VID <i>sint occulta qualitates.</i> pag. 39
II.	<i>An dentur qualitates occulta, & agen- tia à tota substantia.</i> 44
	à 5 III. De

I N D E X

III. *De origine qualitatum occultarum.*

50

IV. *De differentiis occultarum qualitatum.* 68

HYPOMNEMATIS III.

De Atomis & Mistione.

CAP. I.	D E Atomis.	pag. 77
II.	De Mistione.	106

HYPOMNEMATIS IV.

De generatione viucentium.

CAP. I.	A N Anima fiant	pag. 151
II.	An Anima sint à Deo, vel à Cælo.	134
III.	Aliarum de origine Anima sententiarum enumeratio, & vulgaris erroris notatio.	142
IV.	An Anima educantur è potentia materiae.	144
V.	De λόγῳ πλαστικῷ, & Instrumento separato.	158

VI.

CAPITVM.

VI. Semen esse animatum, animamque in
semine formare corpus animatum.

165

VII. Argumentorum contrariorum solutio.

206

VIII. De Plantarum generatione & propa-
gatione.

224

IX. De generatione & propagatione Ani-
malium in genere, & brutorum in
specie.

231

X. De propagatione anima humana.

258

XI. An, nisi anima cum semine communi-
cetur, simile simile generare dici
possit,

274

XII. An Deus, vel λόγος ἀλαστικός corpus
humanum formet.

277

XIII. An plures sint in homine animæ.

280

XIV. Contrariarum obiectionū solutio.

296

HYPOMNEMATIS V.

De spontanea viuientium generatione.

CAP. I. **F**alsa de spontaneo viuientium ortu
opiniones.

pag. 316

II. Vera de spontaneo viuientium ortu, &
caussa efficiente sententia.

336

III.

INDEX CAPITVM.

III.	<i>De materia sponte ortorum viuentium.</i>	
	359	
IV.	<i>De fine sponte ortorum viuentium.</i>	369
V.	<i>Summa sententia de spontaneo viuentium ortu.</i>	374
VI.	<i>De Plantarum spontaneo ortu, & primo de Fungorum generatione.</i>	376
VII.	<i>De Plantis sponte nascentibus.</i>	388
VIII.	<i>De Animalium spontaneo ortu.</i>	415

LECTORI



LECTORI CANDIDO ET BENEVOLO, S.

MIRABUNTUR forsan nonnulli, Lector Candide & Beneuole, quòd hac ætate, & laboribus aliis occupatissimus, ad Physica scribenda iterum animum adpello. Verùm ij soli mirabuntur, qui, vbi inter prima Philosophiæ tyrocinia de generalissimis aliquot Physicis quæstionibus disputarunt, se Physicæ studio satisfecisse opinantur, eoque seposito ad altiores, vt vocant, disciplinas, & ipsam etiam artem Medicam se rectà accedere posse, persuasum habent. Verùm longè aliter omnium seculorum doctissimi Philosophi & Medici senserunt, qui diuinæ sapientiæ infinitos thesauros in rerum Natura absconditos esse agnoscunt; in quibus inquirendis & eruendis quò quis diutius & diligentius laborauit, eò minus scientiâ superbit, sed ignorantiam suam liberè & ingenuè fatetur, & quò plura didicit, eò plura discenda restare animaduertit. Et
omnino

LECTORI CANDIDO

omnino si de vlla re illud Comici verum est, de rerum naturalium contemplatione verissimum est:

Nunquam ita quisquam bene subductâ ratione ad vitam fuit,

Quin res, ætas, usus, semper aliquid apportet novi,

Aliquid moneat: ut illa, quæ te scire credas, nescias;

Et quæ tibi putaris prima, in experiendo repudies.

Vnde etiam Galenus veritatis studiosum iubet ea, quæ cognouit, κρίνειν, καὶ βαλάνίζει, κρίνει Παμπόλλω, καὶ σκοπεῖν, πόθεν μὲ ὁμολογᾷ τοῖς ἐναργῶς φαινομένοις, πόθεν δὲ ἀναφέρεται. καὶ ἔτιως τὰ μὲ ἀγρίῳται, ταυτὶ δὲ ἀποσπρίφεται. Quapropter & ego, etsi in iuuentute non parum operæ rerum naturæ cognoscendæ impendi: multa tamen non satis cognita restare animaduerti, & experientia, rerum omnium Magistra, me de multis antea non animaduersis monuit. Id verò magis quis mirari posset, cùm ob dogmata quædam à vulgatis opinionibus nonnihil dissidentia passim meis scriptis inspersa ab inuido quodam, & maleuolo tam male accèptus & tractatus sim, quæ me

caussa

ET BENEVOLO.

caussa mouerit, vt eadem iam peculiari scripto exhibeam, & Baccham bacchantem magis irriter & concitem. Verum enim verò, etsi calumnias, obrectationesque quibus me obiicio, præuideam: vicit tamen veritatis & naturam rerum cognoscendi studium; vt illas omnes contemnerem, & non plus, quàm si canis me allatret, curarem; imprimis cum nihil solidi, & quod animum veritatis studiosum mouere possit, ab eo proferri videam. Equidem audio, cum conqueri; Proterua quædam ingenia eò deuenisse petulantia, & infrunita audacia, quod principiorum verissimorum, toto antiquitatis sincerioris & eruditissimæ consensu celebratorum & custoditorum, & in hunc diem rectè vsurpatorum doctrinam & basin, contra quæ cuilibet sano & pio vel hiscere religio fuerit, euertere, è scholis profligare, sua verò paradoxa, absurda, falsa, rancida, hæretica & blasphema substituere, & ex hoc omnes bonas disciplinas corrumpere, artium studia pessundare, barbariem reducere, & cum hac extrema mundi inclinantis fæce veram rerum scientiam, & antiquitatis solidam sapientiam, è medio tollere non erubescant,

LECTORI CANDIDO

scant, quæque recepta, æternumque vera
 venerandæ antiquitatis principia negare,
 labefactare, auerruncare & eruderare;
 sua verò inepta, Inuario frigidiora, impia,
 falsa, hæretica, dudum damnata, aut re-
 censin Sycophantarum cerebellis nata,
 & contradictionibus implicata dogmata
 & paradoxa pro principiis reponere, ne-
 quicquam moliantur. Verum si quis
 quærat, quænam sint illa, & quibus fun-
 damentis nixa principia, ob quorum con-
 temptum & neglectum tam graues que-
 relas instituit, & bonos viros tam acerbis
 conuitiis, & apertis mendaciis, quæ pri-
 mæus ille mendax, & διάβολος ipsi sug-
 gessit, onerare non dubitat, nihil nisi
 ignorance & πρότερον παλαιότητας, & rerum
 ipsarum, & si ad vnguem res rescetur,
 duo præcipuèi actata inueniet. Primum
 est; Formas educi è potentia materiæ.
 Alterum est; In qualibet mistione no-
 uam formam educi, & semper manen-
 tibus priorum gradibus, alios aduenire,
 & simul cum his nouas qualitates emer-
 gere; & naturam primò formas vniuer-
 sales, iisque mediantibus particulares;
 donec tandem ad indiuiduorum peruen-
 tum sit, assumere, atque ita primò formas
 vniuer

ET BENEVOLO.

vnũuersales, iisque mediantibus particu-
lares, donec tandem ad indiuiduorum
peruentum sit, assumere, atque ita primò
formas essentiaẽ, deinde existentiaẽ indu-
cere, & quidem primas propter postre-
mas. Seu naturam primò recipere formas
essentiaẽ, deinde existentiaẽ, seu educere
primò formas vnũuersales, iisque median-
tibus particulares, donec ad indiuidua-
lem & existentiaẽ perueniat. Primas illas
esse propter postremas, neque illarum
essentias propter vltimaẽ inductionem
perire, vel aboleri, sed, vt nobiliori formæ
nobilius esset subiectum, suo rigore sepo-
sito, quasi materiaẽ vicem recipientes,
eiusdem se submittere potestati; & ex
hac qualitatũ à diuersis formis orta-
rum contemperatione, corporũque ser-
uatis formis, materiaẽ seu potentiaẽ natu-
ram quodammodo induentibus, mistione
oriri indicibilem quãdam *ἰσχυρὴν κρᾶσιν*,
quæ rectè occultæ qualitatũ nomen quo-
dammodo mereatur. Comperies simul,
nullas ad ea probanda rationes afferri, sed
istum generationis rerum naturalium
modum, qui nunquam in rerum Natura
fuit, nec vnquam erit, quasi oraculum ob-
trudi, vt, qui eum non admittat, &

LECTORI CANDIDO

veneretur, ille Physicæ principia euertere dicatur, sit Nouator paradoxologus, absurdus, & ne quid calumniis & mendaciis desit, sit blasphemus & hæreticus. Si etiam porrò quæras, quænam sit illa veneranda Antiquitas, de cuius contemptu adeo conqueritur; vel *Ἀειφορικώτατοι* ingenuè fatebuntur, se ista principia, & eductionem formarum è potentia materiæ, in Aristotele hætenus reperire non potuisse; & propterea alij ea Auerroi, alij nec huic, cùm contraria in eo loca reperiantur, sed Scholasticis transcribenda esse respondebunt. Hæc nimirum æternum verè venerandæ antiquitatis principia; hic venerandæ antiquitatis consensus. Sed sit sanè, quòd ea Aristoteles seu inuenit, seu ostenderit: tamen Aristoteles (quod pace magni Viri, quem admiror & veneror) non est antiquissimus, sed tempus fuit, cùm & ipse nouus esset; quo tamen nomine eius scripta reprehendi non potuerunt: nec tota antiquitas, sed fuere ante Aristotelem Pythagoras, Anaxagoras, Democritus, Empedocles, Leucippus, Melissus, Parmenides, Xenophanes, Socrates, Plato, omnes Viri doctissimi & laudatissimi. Et si antiquissimus omnium

Philosof

ET BENEVOLO:

Philosophorum esset Aristoteles: tamen ideo pro veritatis norma haberi non posset. Veritas enim est adæquatio rationum, quæ sunt in intellectu, non cum alterius hominis rationibus, sed cum rebus. Quæ omnia, cum perpenderem, me à veritatis inuestigandæ studio terreri passus non sum. Mouit me præterea & hoc, vt ista, quæ suppressere animus erat, ederem, quòd animaduerti, à maleuolis meas sententias in alienum, & qui mihi nunquam in mentem venit, sensum detorqueri, & alienas opiniones mihi affingi. Consultius itaque esse putavi, *Lector beneuole*, vt mentem meam ex meo hoc, quàm aliorum scriptis perciperes. E quo tandem & hoc cognosces, me istas, quas tam acerbè maleuolus insectatur, & quibus potest, calumniis onerat, opiniones. Primum non disseminasse, sed magnos, & isto Zoilo magis in Aristotele versatos Philosophos & superioribus seculi fuisse, & hodie cùm alibi, tum in celeberrimis Europæ Academiis primarios professores, quibus nihil cum Paracelso commercij est, esse, qui eadem mecum de hisce statuunt, & propterea me solum iniustè ab obrectatore isto vapulare, & vt

LECTORI CANDIDO

Nouatorem, nouæque sectæ conditorem
immeritò traduci.

Accipe ergo, *Lector Candide*, beneuolo
animo has δευτέρας φροντίδας, & de qui-
busdam admirandis Dei operibus medi-
tationes, quibus ut tibi Naturam, quæ or-
dinaria Dei potestas, qualis à Deo sapien-
tissimo & omnipotentissimo constituta
est, exhiberem, vnicè dedi operam. Ne-
que enim ignoro, impium esse, de rebus
naturalibus aliter, quàm quo modo à
Deo creatæ sunt, pertinaciter sentire &
statuere. Quod si veritatem affecutus
sum, est quod gaudeam: Si verò in hac
humanæ mentis caligine quandoque
aberrauì; veniam honestam, eúmque
non inutilem conatum merituram spero;
cum secundum Aristotelem τοῖς εὐπορῆσαι
βελομένοις necessarium sit τὸ ἡξιοπορῆσαι καλῶς.
Nemini verò mea obtrudere, aut, quod
maleuolus calumniatur, nouam sectam
condere cupio. Liberè γνώμην εἰς βελὴν
εἰσφέρω. Proferat quisque etiam, quod in
libera Republ. decet, liberè suam senten-
tiam; me non offendet. Neminem à me
dissentientem conuitiis impetiui, nec
etiam conuitiis laceratus cum quoquam
ferram maledicendi recipiabo. Neque
enim

ET BENEVOLO.

enim Philosophi faltem fumus, sed & Christiani, quorum est, non malum pro malo reddere, sed iniurias æquo animo tolerare.

Hic scopus unus erit, cunctis prodesse, nocere

Nemini, amare bonos, & tolerare malos.

ẽ 3

HYPO



HYPOMNEMATA PHYSICA.

Proœmium.

DV o imprimis esse, quæ animos à veritate abducunt, & omnium disciplinarum incrementis obstant; seruilem nimirum quandam credulitatem, & temerarium nouandi studium: & à me. & ab aliis alibi pluribus monstratum. Vtrumque quantum aliis disciplinis damni attulerit, dicant illarum periti. Ego ut de Physica & Medicina, quæ meæ sunt Professionis, dicam; & his, ac imprimis Physicæ, multum damni allatum esse, negari non potest, dum quidam de ratione & experientia parum solliciti, Antiquorum auctoritati saltem inhæserunt; alij nouitæ studio antiquæ disciplinæ fundamenta funditùs euertere conati sunt. Ab utrorùmq; instituto me semper alienum fuisse, liberè profiteor. Etenim nec in temerariorum illorum Nouatorum, seu Paracelsistarum, seu Chymicorum, seu alio nomine veniant, qui antiquam Philosophiam, quæ Aristotelis præcipuè scriptis ad nos peruenit, è scholis planè eliminare conantur, numero esse volui:
nec

P R O O E M I V M.

nec tamen iis etiam accenſeri, qui noſtro ſectulo publicè profiteri non erubuerunt, ſe malle cum Ariſtotele vel Galeno errare, quàm cum Recentiorum aliquo verum dicere. Nouatores illos iam mittam. De his rectè ſcripſiſſe puto Iul. Cæſ. Scaligerum, *exerc. 306. Nihil infelicius eſſe iis ingeniis, qua mordicè ſentiunt, Maiores noſtros nihil ignoràſſe.* Equidem non inuidenda Ariſtotelei illa elogia, quibus paſſim eum ornat idem Scaliger. Sit Ariſtoteles homo de vniuerſa ſapientia humana præter ſupràque cæteros omnes mortales bene meritus; ſit ſapientiæ noſtræ pater & dux; ſit ſummus dictator ſapientiæ; ſit ſummus Philoſophorum Imperator; ſit Philoſophici regni, ſapientiæ, laudis literariæ Aquila; ſit veritatis Hercules, princeps, tribunal; ſit Philoſophorum Numen; ſit denique Vir omni laude maior, omnique calumniâ potior: veritatis tamen norma nec ipſe, nec vllus mortalium conſtitui poteſt. Pulchrum & elegans ſit, autoritates Ariſtotelis, vt ſummi Philoſophi, pro ſua ſententia citare & afferre plurimas: at niſi rationum momenta addantur, his ſolis animus veritatis cupidus non acquieſcit. Itaque eorum ſtudio nullo modo probandum, qui de orationibus parùm ſolliciti, non niſi autoritatibus certant. Error tamen hic ſatis vulgaris eſt. Si enim nonnullorum ſcripta inueniatur, nihil, quàm autoritates Ariſtotelis, Hippocratis, & Galeni ad thematis, quod propoſitum eſt, probationem afferri videmus, & ſæpè de vnius loci allegati ſenſu plurimorum interpretationes adduci, easque omnes reiici,

P R O O E M I V M.

aliâmq; tandem substitui, forsan prioribus non meliorem, & ita in eo vltro citroquâ disputando tot paginas insumi, vt oîs abundantis hominis sit, omnes euoluere velle. Et, quod ridiculum est non rarò, non tam de ipsius autoris suâ linguâ loquentis mente, quàm barbaræ alicuius, & vitiosæ versionis, quæ pro autoris mente obtruditur, interpretatione agitur, & Andabatarum modo pugnatur.

Debetur sanè Aristoteli sua reuerentia, vt, si quid minus commodè ab eo dictum videatur, laborandum sit, vt commodâ interpretatione emolliatur. At si res plena sit, sententia aliqua Aristotelis veritati consentiar: in alio sensu Aristoteli affingendo inutiliter laboratur. Et, quod caput mali est, videas passim pro Aristotelicis venditari, quæ nullibi in Aristotele extant, & Scholasticorum, quibus omnia pro & contra disputare solenne & volupe fuit, inuenta sunt.

Quæ res, vt dixi, incrementis disciplinarum non parùm officit, dum & tempus, cuius parcos dispensatores, cùm vita brevis sit, ars longa, nos esse oportet, malè prodigitur & sine fructu insumitur, & à veritatis inuestigandæ via aberratur. Duo enim solùm sunt omnis veritatis inuestigandæ principia, & sententiarum examinandarum *κειθέλια*, *λόγος*, καὶ *πειρα*, ratio, & experientia. Hæc qui sequitur, non faciliè errat: qui verò, his neglectis, ad externum illud argumentum, auctoritatem nimirum, confugiunt, & veluti mancipia quædam, in vnius verba iurant, & ex homine Deum quasi quendam, qui fallere non

P R O O E M I V M.

non possit, faciunt; facile in varios errores labuntur. Hinc (ut iam nihil de Medicina, nec aliis Philosophiæ partibus dicam, sed in physica, cuius gratiâ hæc dixi, subsistam) inter Aristotelis (quem hæc in parte aliquot iam sæculis plerique omnium ferè nationum Philosophia hanc philosophiæ partem perfecisse crediderunt, ut nullo amplius labore opus sit, quàm qui eius scriptis impendatur) interpretes tot dissidia, & tot pugnæ & obiectiones vtrò citròque indissolubiles ortæ sunt, eæque tot annorum sæculis non terminatæ, sed in dies in plures sectas abierunt, dum ex sectarum hypothesebus disputarunt, & hic hanc, hic aliam viam secutus est; hic Auerrois, hic Thomæ, hic Scoti, hic aliûs; ut, cui crederes, non facile inueniretur. Rectiùs Plato, in *Charmide*, inquit; nihil refert, ex quo quid auditum sit, nec considerandum, quis dixerit, sed vtrum verè dicatur. Et verum est illud Euripidis: *εἷς ἀνὴρ ὃ πάμπαν ὄρᾷ, ὅστις οὐδὲν οὐκ ὁρᾷ*, unus vîr non omnia videt. Et nemo hominum inuentus est, qui nunquam errauerit, & nunquam hallucinatus fuerit; seu, ut Galenus, 2. de comp. med. sec. loc. cap. 1. monet, *χαλεπὸν ἀνθρώπων ὄντα μὴ διαμαρτάνειν ἐν πολλοῖς· τὰ μὲν ὅλως ἀγνοῦσθαι, τὰ δὲ κακῶς κρίναντα, τὰ δὲ ἀμελέστερον κρίναντα*: Difficile est, ut, qui homo sit, non in multis peccet, quadam videlicet penitus ignorando, quadam verò malè iudicando, & quadam tandem negligentiùs scriptis tradendo. Idèoque cùm libera, excellentiâque ingenia, cordatîque viri animaduertent, antiquorum autoritates incremento disciplinarum hætenus plus obfuisse,

é 5

quàm

P R O O E M I V M.

quàm profuisse , videréntque , hoc modo intellectui humano , multisque præclaris ingeniis quasi frenum iniici ; hoc seruitutis iugum excutere conati , & rerum cognitionem è rebus ipsis petere aggressi sunt.

Ij ipsi tamen, qui non solùm autoritates , sed rerum momenta secuti sunt, non omnes scopum veritatis feliciter attigerunt. Cùm enim , vt dixi. λόγος καὶ αἴσα norma verma veritatis in Physicis sit : αἴσα , seu experientia , necessariò præcedere rem postea inuentam demum ratio probare debet. Qua in re tamen frequenter peccatur ; cum multi experientiam negligant , & rationibus saltem nitantur , ac speculationibus suis nimiùm fidant , quos inde sæpe sæpissime falli necesse est. Cuius rei documenta illustria passim extant. Negarunt olim , ratiunculis quibusdam fisci , Antipodas nonnulli ; inter quos Lactantius , qui Philosophos , qui Antipodas stauunt , multis exagitat , *de falsa sapientia* , lib. 4. cap. 24. ineptòsque esse putat , qui pendentes istos Antipodas , hominésque , quorum vestigia sint superiora , quàm capita , esse credunt : & , lib. 3. *Instit.* cap. 24. stultitiam & vanitatem appellat , statuete , dari contrarios vestigiis nostris Antipodas. Et Augustinus , *de ciuitat. Dei* , lib. 16. cap. 9. fabulosum esse putat , credere , esse Antipodas , id est , homines à contraria parte terræ aduersa pedibus nostris calcare vestigia. Imò refert Auentinus , Vigilium quendam , hominem eruditum , quòd homines vndique terræ globo circumfundi , & couersis , siue aduersis inter se pedibus stare

P R O O E M I V M.

stare asseruisset , excommunicationis fulmen euitare non potuisse. Zacharias enim P. ad Bonifacium scripsit , vt Vigilium , tanquam hæreticum , ab Ecclesia depelleret , Sacerdotioque deiiceret , nisi peruersam doctrinam missam facere vellet. Ita ratiunculis quibusdam Zonam torridam non habitari , superioribus seculis quidam persuadere conati sunt. Quorum vtrumque tamen falsum experientia , & Recentiorum nauigationes docuerunt. Ita ociosi Monachi , & alij superiorum seculorum , multa de partibus corporis humani , suis speculationibus fiksi , neglectâ anatomîâ , finxerunt , quæ falsa esse , experientia , & anatomia docent. Errorem hunc agnouit doctissimus Aristotelis interpres , Iacobus Zabarella . qui, *lib. 2. de propof. necess. cap. 17.* ita scribit : *Hæc omnia ita vera sunt, vt ex ipsius rei inspectione omnibus nota esse deberent , si temporibus nostris Philosophos haberemus, qui rerum naturas perscrutando , philosopharentur, nec solum verbis Aristotelis addicti , eaque sapius perperam intelligentes, ad ea res ipsas accommodare soliti essent, nil aliud quærentes , quàm quid dicat Aristoteles , neque aliunde , quàm ex ipsius verbis argumenta ad omnium cognitionem & probationem sumentes.* Hæc omnia considerans nullo Aristotelem , (quem , si quis alius , veneror,) vel alios insectandi , aut carpendi , sed vnus veritatis inuestigandæ studio , quædam de quibusdam Physicæ controuersis capitibus diligentius perpendere cœpi. Et si enim an-

PROOEMIUM.

te annos triginta , & quod excurrit, Epitomen quandam Physicæ collegerim , & postea in publicum ediderim : autorum tamen aliorum , & præcipuè Medicorum , qui Physica, quàm alij , diligentius tractarunt , & propterea Physici etiam vulgò audiunt , lectio , ipsarum rerum naturalium consideratio , chymicarum operationum tractatio , & , ut vno verbo dicam , usus experientia multa me monuit , ut illa , ut Comico verbo utar , quæ me scire credebam , iam nesciam , & quæ mihi putarim prima in experiundo , repudiem. Equidem pleraque , quæ in eo libello scripsi , cum rerum natura consentire puto ; tamen etiam aliqua esse existimo , quæ vel rectius , vel clariùs dici possent. De quibus Lectorem monere , non mihi vitio ducendum puto ; cum idem antè Viri plurimi doctissimi fecerint. Quæ propterea paucis comprehendere , & succénturiatâ quasi operâ illi subiicere volui , & quidem ea præcipuè , quæ principia & fundamenta Physicæ , non solum generalia , sed & specialia concernunt. Physicæ enim non satis exultæ causam præcipuam esse existimo , quod superioribus seculis , qui maximè subtiles esse sibi visi sunt , maximam ætatis partem in generalissimis illis quæstionibus de materia prima , forma , priuatione , motu , & similibus disputationibus illis toties ad nauseam repetitis tempus triuerunt ; specialia verò , quorum tamen obseruatione principia constituenda sunt , & ea , quæ Medicinæ , & aliarum

PROOEMIUM.

rum disciplinarum fundamenta constituere debuerunt, nunquam, aut, veluti canes à Nilo bibentes, summo ore vix delibant. Hinc adeo factum, ut tot plaustra ferè commentariorum in libros Aristotelis Physicæ generalis nata sint, maximam partem quæstionibus, non Physicis, sed potius Metaphysicis, & sæpe inanibus speculationibus referta. Qui verò Aristotelis libros Meteorologicos, de historia animalium, de partibus animalium, de generatione animalium, de plantis legeret, vel in eos commentaretur, pauci reperti sunt, & vix totidem, quot *Thebarum porta, vel diuitis ostia Nili.*

Et si verò scio me, dum hoc tento, plurimorum calumniis obijci, & Nouatorem, & Paradoxologum per calumniam audire: tamen ea de causa veritatis studium deferendum non putavi. Rectè enim Aristoteles, 1. *Ethic. cap. 4.* βέλτιον εἶναι, καὶ δεῖν ὄντι σωτηρία τῆς ἀληθείας, καὶ τὰ οἰκεία ἀναιρεῖν. *Præstare, imò oportere, ut veritas sit salua, vel nostra ipsorummet decreta mutare & tollere.* Imò non solum scriptis, sed & re ipsâ docuit. Nam quanquam viginti annos docentem audiuisset Platonem Aristoteles: tamen Præceptoris autoritate se in scruitutem redigere passus non est, qui in eius, imò in omnium, qui antecesserunt, Philosophorum dogmata liberè inquireret, ea pro lubitu impugnaret & reiceret, & quæ probabilia sibi videbantur, substitueret. Ideoque nec posteri plus reuerentiæ debemus

P R O O E M I V M.

debemus Aristoteli quàm ille suis antecessoribus; quod fiet, si ita Aristotelem sequamur, ne ipsum veritate magis amicum habeamus. Gloriatur Galenus de se, quòd libero semper ingenio præditus fuerit, & veritatem doctrinæ Hippocratis, Platonis, Aristotelis, aliorumque ingenio anteposuerit. Nos verò an omnes serui & mancipia alienarum opinionum nati sumus? Præclarè Seneca: *Multum*, inquit, *egerunt, qui ante nos fuerunt, sed non peregerunt. Multum adhuc restat operis, multumque restabit, nec ulli nato post mille secula præcludetur occasio aliquid adhuc adiiciendi.* Omnino autem hoc agemus, ut tota Physica tractatio in Dei Opt. Max. honorem & gloriam dirigatur & cedat. De quo me monet D. Paulus. dum, *ad Rom. 1. vers. 20.* scribit: τὰ ἀόρατα αὐτῆς, διὰ κτίσεως κόσμου τοῖς ποιήμασι νοούμενα, κατοράται, ἢ τε αἰδῶν, αὐτῶ δυνάμει καὶ θεϊότητι, εἰς τὸ εἶναι αὐτὴν ἀναπολογητὴς: h. e. *Quæ sunt invisibilia illius, ex creatione mundi, dum per opera intelliguntur, pervidentur, ipsaque aterna eius potentia ac divinitas in hoc, ut ipsi sint inexcusabiles.* Et Hermes Trismegistus: διατὴς ἐγγύετο τῶν ὀργῶν τῷ Θεῷ ὁ ἀνδρωπῶ, καὶ ἰθαύμασε, καὶ ἐγνώρισε, καὶ τὸν ποιῆσαντα: *Spectator operum Dei factus est Homo, & miratus est, & agnovit creatorem.* Et idem, in lib. de pietate & philosoph. ἐδεμία ἂν γένοιτο δικαιώτερα εὐσεβεία, ἢ τὸ νοῦναι τὰ ὄντα, καὶ χάριν τῷ ποιῆσanti ὑπερ τῶν ἡμολογῶνται: *Nulla fuerit iustior pietas,*

PROOEMIUM.

pietas, quàm intelligere entia, & gratias effe-
ctori de eis confiteri. Et mox: εὐσεβείᾳ, ἢ τέκνον·
ὁ δὲ εὐσεβῶν ἀκρῶς φιλοσοφεῖ· χωρὶς γὰρ φιλοσο-
φίας ἀκρῶς εὐσεβεῖν, ἀδύνατον· ὁ δὲ μα-
θεὺν οἷα ὅτι, καὶ πῶς διδάσκειται· καὶ ὑπὸ
τινὸς, καὶ ἐνεκίν τινος, χάριν τῷ δημιουργῶ
ὡς πατρὶ ἀγαθῷ, καὶ τρυφεῖ χηρῷ, καὶ ὀνη-
τρόπῳ πιεῷ ὁμολογῇ· ὁ δὲ χάριν ὁμολογῶν
εὐσεβήσει· ὁ δὲ εὐσεβῶν ἴσεται, καὶ πῶς ὅτιν ἢ
ἀλήθεια, καὶ τίς ὅτιν ἐκείνη· καὶ μαθὼν ἔτι
μᾶλλον εὐσεβήσιν· ἔσται. i. e. Pius esto, ὁ fi-
li; qui verè pius est, summè philosopha-
tur. Namque sine Philosophia summè pius
esse, est impossibile. Sed qui discit, qualia
sint entia, & quomodo disposita, & à quo, &
cuius gratia, opifici, ut Patri bono, & nu-
tritori probo, & curatori fido, gratias ha-
bebit: & qui gratias agit, pius erit. Qui
verò pius est, sciet, ubi sit veritas, & qua-
nam sit illa. Et sciens etiam magis erit pius;
Pietate scilicet eâ, quæ haberi potest ex prin-
cipiis naturalibus, cùm theoreticis, tum pra-
cticis. Quis enim pius non sit, qui verè Dei
immensam omnipotentiam, bonitatem, sa-
pientiam agnoscit? Ille enim, ut Augustinus
ait, est sine loco, & in omni loco, inuisibilis,
& lustrans omnia; immutabilis, & omnia
mutans; semper operatur, & perpetuò quie-
tus est; ipse implet omnia, & conclusus non
est; omnibus rebus intentus est, & non est
disten

PROOEMIUM.

distentus; magnus est sine quantitate, & pro-
pterea immentus est, bonus est sine qua-
litate, & propterea summè
bonus est.



HYPOMNE



HYPOMNEMA I.
DE RERVM
NATVRALIVM
PRINCIPIIS.

C A P V T I.

*Creationis mundi notitiam Physico
necessariam esse.*

DE rebus naturalibus tractaturo
prima cura de principiis esse de-
bet; de quibus nisi doctrina be-
ne constituta sit, omnia, quæ su-
perstruuntur, ruinosa fieri oportet. Duo autem omnino princi-
piorum rerum naturalium genera intelligenda
& consideranda sunt: originis nimirum illarum
primæ, seu creationis; & durationis, seu conti-
nuationis. Prius principij genus omnino diligen-
ter considerandum est, &, qui prima principia
inquit, necessariò Deum inquit. Hic enim
omnium primus est, & principium omnium
aliorum

*Principia
rerum
naturalium du-
plicia.*

*Deum
omnium*

A aliorum

rerum
natura-
lium pri-
mum
principiū
esse Phy-
sico co-
gnoscen-
dum.

aliorum principiorum, resque omnes naturales creauit, creataque conseruat; eaque eam, quam in prima creatione acceperunt, essentiam ad hunc usque diem retinent. Imprimis autem hac in re gentiles Philosophi plerique deficiunt, aut valde ieiuni sunt, & primi Autoris naturæ, Dei, vel nullam, vel obiter saltem mentionem faciunt; totum verò naturæ cursum ita describunt, quasi sine causa prima, causarum secundarum, & quidem contrariorum principiorum, actione is absoluitur. Altiùs paulò mentem extollit Socrates, dum paulò ante mortem, apud Platonem in Phædone, se, postquam aliquando ex libro quodam Anaxagoræ audiuiſſet mentem esse, quæ omnia ordine disponat, regatque, omniumque causa sit, valde delectatum esse hac causa refert; additque porro, eos errare grauissimè, qui in causis secundis immorantur, primas verò negligunt. Et quidem mentem, seu Deum, vocat τὸ αἴτιον τῶ ὄντι, reuerà causam: utpote sine quo causæ reliquæ, secundæ dictæ, non sunt causæ.

Causa
secunda:

Causas verò has secundas, seu rerum creaturarum continuationem & conseruationem, quod attinet, cum res quædam naturales, quales in prima mundi origine creatæ, essentiam suam integram, sine omni mutatione, retineant; quædam verò saltem secundum species continuentur, quarum indiuidua perpetuæ corruptioni & generationi sunt obnoxia: etiam posterius principij genus, corruptionis nimirum & generationis principia consideranda.

AD E

Prius principij genus quod attinet, cum solius Dei

Dei nutu, quod omnes sanæ mentis conce- *Mundus*
dunt, omnia regantur; ab eodem etiam, vt *creatus.*
efficiente causa, pendere necessum est: & cum,
antequam res omnes naturales fierent, nihil
dari possit, quam Deus Ter. Opt. Max. cum
rerum omnium naturalium primum autorem
constituamus, necesse est; qui, cum nihil esset,
nisi Ipse, & nulla, quam elaboraret, vel misce-
ret, materia daretur, ex infinita bonitate, sa-
pientia, & potentia res, quæ non erant, vt fie-
rent, iussit. Id quod suo modo saniores etiam
Philosophi concesserunt, etsi rem ipsam satis
clarè non explicauerint. Vt aliorum mentio-
nem non faciamus, Plato equidem mundi or-
tum comprobavit, à quibusdam autem, quæ
mundi ortum concernunt, assensionem cohi-
buit. Etenim, quod mundus non à natura, non
à fortuna, non temerè productus sit, sed quod
à diuina voluntate, nullà necessitate adstrictâ,
effluxerit, constanter affirmat. Vtrum autem
ab æterno materia quædam à Deo profecta sit,
totâque simul hæc rerum varietate formata,
an, cum informis prius esset, post infinitum
tempus eam tot formis exornauerit, aut, quod
reliquum est, vtrumque simul in tempore præ-
stiterit, neque ait, neque negat, & ita de mundi
ortu differit, vt, in quamcunque partem totam
illam disputationem, quam, in *Timæo* de ipso
habet, conuertas, omnes has opiniones inducere
possit. Quod & de aliorum Philosopho-
rum, ante Platonem, sentiis dici potest. Et
hinc factum, vt, qui Platonem tempore subse-
cuti sunt Philosophi, in varias partes abierint,

Aristoteles equidem, etsi Deum mundi conditorem agnoscat, dum, 2. *de generat. & corrupt. cap. 10. text. 19.* scribit: *συνεπλήρωσε ὁ θεὸς τὸ ὅλον: Deus uniuersum compleuit, & 30. sect. problem. 5. ὁ θεὸς ὄργανα ἐν ἑαυτοῖς ἡμῖν διέδωκε δύο, ἐν οἷς χρῆσόμεθα τοῖς ἐκτὸς ὄργανοις: Deus instrumenta nobis duo dedit, quorum opera instrumentis extraneis uti ualeamus*: tamen fidenter sanè, & apertè Deum nouam operis molitionem aggressum esse, atque in tempore eam factam, variis rationibus tollere, & antiquorum de mundi ortu sententias labefactare conatus est. Et propterea, licet Deum mundi autorem agnoscat; in eo tamen sibiipso non satis consentientia scripsisse docti viri censent, cum solius Dei propria duratio sit æternitas, nec creatura creatori coæterna esse; nec duo infinita dari possint, nec mundum Deo parem facere recta ratio admittat. Atque hinc de mente Aristotelis in hac quæstione grauis inter Peripateticos orta est dissensio, neque dum ab ipsis controuersia satis decisa est. Duo nimirum præcipuè sunt, quæ Philosophi omnes penè assequi nequeunt: quomodo scilicet mundus ex nihilo factus sit, & quomodo in tempore factus sit. Cum enim artifices omnes alia miscendo, alia demendo, opera sua perficere viderent; & hoc modo Deum mundum perfecisse putarunt. Ideoque etsi mundi autorem Deum concederent: tamen corpora quædam, vel in immenso spatio ante mundi ortum volitantia, vel in chao aut miscella quadam, & seminaria latitantia constituerunt. Verum & hi, à quo & illa corpuscula prouenerint, nesciunt: & si infinitum Deum concedunt, ipsum etiam ex

nihilò

*Mundus
ex nihilo
creatus.*

Creatio Mundi Physico cognoscenda. 5

nihilo aliquid producere potuisse credant ; præsertim , cum nihil esset ante ullam , quæ cogitari potest, materiam, nisi Ipse.

Alterum, quod offendit ipsos, est, quod absurdum putant, Deum tanto tempore ociosum fuisse , & postea ad noui operis molitionem accessisse. Verum cum in æternitate neque prius sit, neque posterius, non potuit fieri , antequam factus est, nisi ab æterno fieret. Fieri verò, & ab æterno fieri, contradictionem implicant. Et si quæras, cur mundus demum ante annos sex mille sit creatus, non ante viginti mille ; rursus quæro : sit, vt fuerit creatus ante viginti mille annos ; cur non ante centum mille : & si ante centum mille annos, cur non ante centies millenos mille, atque ita porro semper ; nisi ab æterno factus fuisset , quod fieri non potuit. Nimirum æternitas est punctum, in quo nihil prius, nihil posterius. Verum Dei Opt. Max. supra vires naturæ agentis potentiam, nudis freti naturæ & intellectus rationibus, cognoscere satis non potuerunt Philosophi. Rectissime autem ea è sacris literis, quarum vsus Dei beneficio nobis indultus est, cognoscere possumus ; & propterea ea , in quibus Philosophi deficiunt , ex iis supplenda sunt. Et si enim Sacræ literæ non ad naturæ interpretationem scriptæ sunt : tamen quia , quæ de mundi creatione à Mose scripta sunt, Spiritus S. afflatu edita sunt ; omnia illa, quæ in historia creationis habentur, verissima esse putandum est : & à pietate alienum, putare, quæ ibi dicuntur, vel latum vnguem à veritate aberrare. Et sit , de quo iam non disputo , vt passim quædam in Sacra Scriptura de rebus naturalibus

Mundus in tempore factus.

Sacrum literarum in physicis vsus.

occurrant, quæ ex vulgata hominum sententia, & ad vulgi captum vel tropicè, vel figuratè dicta sunt: tamen de historia creationis id dici nullo modo potest, utpote quam Deus vnico hoc Mosis scripto clarè comprehensam ad extréma vsque mundi tempora hominibus notam esse voluit. Et licet Scripturæ S. scopus primarius sit, media salutis æternæ proponere: ab iis tamen historia creationis mundi excludenda non est, ut Apostolus, *ad Rom. 1. v. 20.* docet; cum vnâ operâ à Spiritu Sancto ea nobis in iis revelentur de rebus naturalibus, ad quæ nullius ingenij acumen peruenire potuit. Cuius rei exemplum creatio mundi & ipse Aristoteles præbent. Sit enim, ut, quod I. Cæs. Scaliger censet, à natura omne ingenij humani acumen in Aristotele ostentatum sit; is tamen ad Creationis mundi cognitionem peruenire non potuit, ut doctissimi Peripatetici fatentur. Ideoque à S. Scripturæ sensu manifesto recedere, & paganis assentiri, nec licet, nec pium est. Et quamuis ad vitam æternam obtinendam indifferens sit, quam quis de rebus naturalibus teneat opinionem, & in hac humanæ mentis caligine error, qui hac in re ex imbecillitate mentis humanæ committitur, nemini in consequenda vita beata fraudi esse possit: tamen si quis sciens Sacris literis contradicat, & pagani alicuius auctoritatem pluris, quàm Sacras literas faciat, omnino illum grauitè peccare puto. Excusari certè non potest, nec ab vllò Medico vel Philosopho Christiano debet, Galenus, qui, *lib. 2. de puls. different. cap. 4.* Mosis & Christi scholam sugillat, quasi leges tradat, nullâ constitutâ demonstratione. Et,
lib.

Creatio Mundi Physico cognoscenda. 7

lib. 11. de usu part. c. 14. vbi de pilis palpebrarum disputat, Moſem irridet, quaſi naturę opifex Deus ſolis his pilis æqualem ſemper ſeruare magnitudinem præſcripſerit, hos autem, ſive imperium præſcribentis metuentes, ſive Deum ipſum præcipientem reueritos, ſive melius eſſe hoc facere perſuaſos, obſeruare id, vt mandatum ſibi fuerit. Et poſtea Moſem reprehendit, arbitrantem, omnia Deum facere poſſe, etiam ſi ex cinere bouem, vel equum fingere veller, ſtatuitque Deum, quæ natura facere non poteſt, neipſum aggredi, affirmâtque, pilos palpebrarum, etſi millies voluiſſet Deus, nunquam tales futuros, ſi ex cute molli producti fuiſſent. Rectè ergo fecit CL. ille Philoſophus & Medicus, Fr. Valleſius, qui, *in præmio libri de ſacra Philoſophia*, ingenuè confiteri non erubuit, ſe iuuenem ſcripſiſſe Philoſophica, (dum nimirum in Auditorios Ariſtotelis libros commendaretur) ad opinionem: (ſcilicet mentem Ariſtotelis & Interpretum) hæc autem (quæ ſcilicet de naturalibus ductû hiſtoriæ Creationis ſcripſerit) ſcribere ad veritatem; cùm priùs nihil certi de rerum naturalium principiis habere potuiſſet, priuſquàm ex Sacrarum literarum lectione cognouerit, cuius lectioni ſeneſcutem conſecrate conſtituerit. Et iam diu in eâ ſum ſententia, qui ignoratâ vel poſthabitâ Creatione mundi de rerum natura diſputare aggreditur, cum in multis erraturum; imò multos ea de cauſa in errores grauiffimos incidiſſe.

Hiſtoriam autem Creationis deſcripſit Moſes, *in expli-*
Genefew cap. 1. cuius interpretationem hîc affer- *catione*
 re optæ pretium non puto; cùm multi, iique ſatis *hiſtoria*

creatio-
nis Mun-
di obser-
uanda.

prolixi in hunc exstent commentarij, & inter eos, etsi brevis, non postremus, Francisci Vallesij. Hoc saltem moneo, reperiri non paucos, qui textui Moisis mentem alienam inferunt, & non Mosen ex Mose, sed ex Gentilium scriptis interpretari conantur, ausu infelici & non tolerando. Certum enim est apud omnes Christianos, omnia, quæ in sacris literis habentur, vera esse, & quæ à Mose traduntur, planè historica, & propterea secundum propriam & germanam, & quam ipsa verba, secundum genuinam, & Sacris, imò vulgo vsitatam significationem, suppeditant, intelligenda, non verò secundum anticipatas, & ex Gentilium lectione haustas opiniones explicanda, nec Sacram Scripturam ad eiusmodi opiniones detorquendam esse. Vnde rectè Augustinus, *in initio lib. 2. in Gen.* monet, ne non pro sententia Scripturæ sed pro nostra ita dimicemus, vt eam velimus scripturæ esse, quæ nostra est; cum potius eam, quæ Scripturarum esse compertum fuerit, nostram esse velle debeamus. Equidem historia Creationis Naturæ non aduersatur, sed sæpè hominum falsis de natura conceptibus repugnat; de quo idem Augustinus, *Epist. 7. ad Marcellum*, ita scribit: Si ratio contra diuinarum Scripturarum autoritatem redditur, quantumlibet acuta sit, fallit veri similitudine. Nam vera esse non potest. Rursum, si manifestissimæ, certæque rationi velut Sanctarum Scripturarum obicitur autoritas, non intelligit, qui hoc facit, & non Scripturarum illarum sensum, ad quem penetrare non potuit, sed suum potius obicit veritati, nec quod in eis, sed quod in seipso velut pro eis inuenit,

oppo

opponit. Itaque , etsi multis durum videtur , aliquas Physicorum hypotheses abiicere , quia cum Creationis mundi historia non consentiunt: omnino tamen hoc factu necessarium ; cum nonnulla sint in Aristotele , quæ historiæ creationis mundi aduersantur. Nam, ut candidè scripsit Benedictus Pererius , optimus Aristotelicus , *de comm. rerum nat. princ. lib. 5. cap. 7.* nihil reperiri & fingi potest, quod sit magis contrarium doctrinæ Aristotelicæ, & quod omnes eius artus & nervos vehementiùs elidat , quàm Creatio mundi. *Et paulò antè :* Cùm Peripatetici animaduertent, admissâ creatione omni ex parte consequi grauissima incommoda contra suam ipsorum materiam , nullo modo possunt in animum inducere, ut eam concederent. Et non planè falsò ita Pererium sensisse & scripsisse , facile animaduertet, qui quædam Aristotelis dogmata examinare velit. Ut iam de motûs & mundi æternitate nihil dicam , idem videbit , qui doctrinam Aristotelis de principiis considerare voluerit. Omnia verò iam , quæ de iis dubitari possent , in medium afferre propositum mihi non est , nec meum institutum , Physicam Aristotelis subvertere , sed potiùs, qua ratione perfici possit , monstrare. Ideoque pauca quædam saltem de iis mouebo.

CAPVT II.

*An principia sint contraria.**An Principia sint contraria.**Finis & usus materiae.*

ARistoteles 1. *Phys. cap. 6.* hoc tanquam ab omnibus concessum præsupponit, Principia rerum naturalium debere esse contraria. Hoc autem ut statueret, seu eo persuasus est, quod credit, generationem omnem rerum naturalium contrariorum actione absolui, & cum contrarium vnum vincit aliud, hoc intèrire, istud generari; seu quòd voluit methodo, *lib. 1. cap. 1. Physicor.* indicatè insistere, & à notioribus nobis ad naturas rerum inuestigandas progredi. Verùm monuerunt iamdudum nonnulli Aristotelis Interpretes, propositionem hanc non esse vniuersalem, nec de omnibus rebus physicis locum habere. Cum enim mundus duplices partes habeat, quasdam, quæ incorruptibiles & immutabiles ad hunc diem vsque perstitèrunt, cælum puta, & stellas; quasdam corruptibiles, quarum indiuidua oriuntur & intereunt, continuâ tamen earum successione species conseruantur: facillè apparet, quomodo ista principia cælo & stellis competant. Materiam quod attinet, ea equidem cælo competit, sed non contrarietate definita, verùm tantùm magnitudinem tribuens. Etenim, quod nec Aristoteles negat, finis materiæ est, esse formarum cum substantiarum, tum accidentalium receptaculum; & propterea, 2. *Phys. cap. 8. text. 81.* formam finem materiæ nominat: & eadem materia corpulentiam & magnitudinem indeterminatam rebus tribuit,

8c

& potentiam habet formas & figuram determinatam recipiendi, ac per se ortus atque interitus vices nullo modo efficit, sed ab agente aliquo effectus illos recipit, seu, ut Scaliger, *exerc. 61. sect. 1.* scribit: *Non data fuit à natura materia ob transmutationem ad generationem primò & per se; ut, ubicunque sit, ibi etiam sit generatio, sed ad subsistendum forma corporeitatis in substantia, & recipiendum quantitatem ac figuram. Quantitatem, propter loci mutationem: figuram propterea, quod omne corpus finitum esse & decuit & debuit.* Et mox: *Hiscæ de causis primario Dei consilio materia creata est: Secundaria verò, ac minus nobili utilitate, propter generationem.* Ac proinde quamvis materia omnibus rebus naturalibus competat: istud tamen, Principia rerum naturalium esse contraria, omnibus non conuenit; cum in cælo & stellis, ex ipsius Aristotelis sententia, nulla fiat generatio, & nulla ibi sit contrarietas, quæ generationis & corruptionis autor esse possit. Ideoque principia, contrarietate definita & determinata, non sunt generalissima, sed saltem corporibus generationi & corruptioni obnoxiiis competunt.

Deinde nec corruptibilibus & mutabilibus omnibus competunt, sed iis solùm, quæ per contrariorum actionem fiunt, non verò quæ ex semine. Et de hac ipsa principiorum contrarietate, & de iis, quomodo contraria sint, non parum ipsi Peripatetici dissentiunt; de quo ipsorum commentarij videantur. Plerique tamen in primis principiis non veram contrarietatem ponunt, sed eam oppositionem, quæ est inter habitum & priuationem, ut Zabarella, *lib. 1. de mat. prim. cap. 2.* scribit:

scribit: atque hoc modo ex ovo, quod pullus non est, pullum; ex ligno, quod statua non est, statuatam; ex argilla ollam fieri docent, generationemque esse transitum ab Esse priuatiuo ad Esse positium dicunt.

Verum enimvero hoc modo doctrinam de rerum generatione non satis explicarunt, nec sufficienter rerum generationis causas posuerunt. Primò enim exempla rerum artificialium, cum ex ligno fit scamnum vel statua; ex argilla olla; ex cera globus, vel aliud, & similia, quæ afferunt, omnia reiicienda; cum actione physica illa non producantur, sed artis opera sint. Deinde etsi omnino contrarietas in rebus naturalibus propter formas admittenda, per quam multæ actiones ac sympathiæ & antipathiæ fiunt, quemadmodum aqua igni aduersatur, plantæ frigore emoriuntur: ex ea ipsa tamen contrarietate generationum omnium causa reddi non potest, neque generatio, quæ primariò intenditur, contrariorum actione absoluitur; & propterea ad omnem generationem, principia contraria constituenda esse, concedi non potest. Neque enim, ut ouis ouem, prunus prunum producat, id ex actione contrariorum prouenit.

Ideoque etsi Aristotelis Interpretes, re vltro citroque de principiorum contrarietate disputata, tandem statuunt, vnum contrarium non fieri ex altero, tanquam ex termino à quo, sed vnum contrarium fieri post aliud, v.g. frigidum post calidum: tamen terminus ille nullam causalitatem infert, nihilque ad rei productionem præstat, & propterea principium contrariū dici non potest.

CAPVT

CAPVT III.

De Formā.

ITaque præter materiam de principio sollicitum ^{Forma} esse oportet, quòd in rerum naturalium gene- ^{principa-} ratione cuiusque rei efficiens causa. & principale ^{lis gene-} agens sit; & considerandum, quā ratione, an ^{rationis} contrarietate, vel alio modo, generationis causa ^{causa.} sit. Equidem, ne Aristoteli injuriam facere videar, diffiteri non possum. eum; *lib. 2. de ort. & inter. cap. 9. text. 53. & seqq.* ut & *in fine 4. Meteor.* reprehendere veteres, quod per qualitates primas *λίαν ὀργανικῶς*, nimis instrumentaliter generationem fieri docerent, omittentes, quæ à specie sumitur, causam, & perinde facientes, ac si quis ferræ, & cæteris id generis instrumentis, eorum, quæ per illa fiunt, causam tribuat. Verum optarim, ut initio Physicæ etiam eius causæ mentionem pluribus fecisset, aut certè Interpretes ea, quæ Aristoteles in *Acroamaticis* de principiis tradit, ex aliis locis explicassent. Ita enim procul dubio in eam inquisivissent, nec ita contrariorum principiorum actione contenti fuissent, & *λίαν ὀργανικῶς* generationes rerum ab ea absolui docuissent. Imò optandum, ut ipse Aristoteles de illa causa magis sollicitus fuisset, aut pluribus explicasset, & non nimis latè primarum qualitarum actionem extendisset. In fine certè quarti meteor. mentem suam clarè explicat, ubi generationem partium similium in animalibus actioni primarum qualitarum, solùm verò dissimilium genera

generationem causæ efficienti superiori tribuit, dum scribit : Tales partes calore ac frigore, & eorum motionibus fieri contingit; cum caloris vi atque frigoris cogantur. Eas autem intelligo, quæ similes sunt, ut carnem, ossa, pilos, nervos, & quæcunque sunt eiusmodi. Omnes enim differentiis hisce, quas prius diximus, tensione scilicet, tractione, comminutione, duritie, mollitie, & cæteris id genus distant. Tales inquam partes calore & frigore, & mistis motibus fiunt. At dissimilares, quale est caput, aut manus, aut pes, ex illis constitutæ nemini videbuntur : sed sicuti frigoris & caloris motio, ut æs argentum ué fiat, caussa est, ut verò ferra aut viola, aut arca, non item; sed hîc ars, illîc autem natura, aut alia quædam caussa est : sic & ut illæ fiant, in caussa esse putabitur. Verum an omninò rectè ita docuerit Aristoteles, Lectori iudicandum relinquo. Galenus certè, & alij Medici, non solum partium dissimilarium formationē ab anima deducunt; sed & eidē vim *εἰς αὐτοποιήσασθαι, ἀπὸ τοῦ ποιεῖν, ὁ δὲ ποιεῖν, καὶ ποιεῖν* tribuunt; & procul dubio rectè. Et quis credat, aurum, argentum, ferrum, principaliter & solum à calore & frigore generari & non τὴν κατὰ τὸ εἶδος αἰτίαν accedere. ? Præterea nec quæ illa κατὰ τὸ εἶδος αἰτία in rerum generatione sit, satis clarè explicauit, sed eâ neglectâ sæpe ad causam vniuersalem confugit. Etenim 2. de gener. & corrupt. cap. seq. 10. nullam eius mentionem facit, sed postquam veterum opiniones reiecit, suamque afferre vult, ad cæli motum confugit, & postquam cæli motum perpetuum esse docuit, inde concludit, consequens esse, ut id potius, quod est, ei quod non

non est, quàm quod non est, ei, quod est, caussa esse debeat, atque id, quod semper est, efficiat id, quod non est, ac gignitur. Verùm nec cœli motus in mundi initio res sublunares effecit, nec nunc, cùm saltem causa vniuersalis sit, rerum species efficit. Deus nimirum in prima creatio-
*Formarū
origo pri-
ma.*
 ne rebus suas formas dedit, per quas generatio-
 nis ordo continuatur & absolvitur; hæque agens præcipuum meritò statuitur, &, vt ipsi Aristotelis Interpretes statuunt, sui multiplicatiuæ sunt, totaque rerum naturalium generatio pendet ab animarum multiplicatione & propagatione, à vi in prima Creatione Dei Omnipotentia ipsius indita, dum dixit Deus, *Gen. I. 11. Germinet terra herbam virentem, & facientem semen & lignum pomiferum faciens fructum iuxta genus suum, cuius semen sit in se super terram. Et factum est ita. Et protulit terra herbam virentem, & facientem semen iuxta genus suum, lignumque faciens fructum; & habens vnumquodque semen secundum speciem suam. Et, v. 22. Piscibus ac auibus dixit: Crescite, & multiplicamini, & replete aquas maris: auesque multiplicentur super terram. Et fecit Deus bestias terra iuxta species suas, iumenta, & omne reptile terra in genere suo. v. 25. Et hominibus dixit: Crescite, & multiplicamini, & replete terram. v. 28. & 29. homini dixit: Ecce dedi vobis omnem herbam afferentem semen super terram, & vniuersa ligna que habent in semetipsis semen generis sui. Modum verò generationis quod attinet, generatio plantarum & animalium satis docet, generationem eorum non fieri contrariorum actione, sed*

animarum

animarum communicatione, seu per semen, quod corporis sui fabricam non primariò contrariorum actione, sed amicorum & cognatorum attractione, & inimicorum expulsionem absoluit. Non enim ut corpus alicuius plantæ vel animalis fiat, id accidit ex solo elementorum concursu & pugna. Nam nisi, ut l. Cæf. Scaliger Exerc. 307. sect. 20. rectè docet, quatuor illa elementa rectorem habeant, temerè, & sine modo; metæque vlla & iactabunt & iactabuntur. Quid enim illud est, quod tantum terra; tantum commiscet caterorum? At oportet in unoquoque motu esse unum, & primum. Non enim illa sese mouere vllum ad opus queunt, sed in compositis à forma excellentiore, in mistis imperfectis ab extèrne principio ciuntur ad mutuam connexionem. Nimirum dum plantarum aliquot semina in terram coniiciuntur, non demum pugnare incipiunt elementa, ut plantæ corpus constituent, sed quodlibet semen è terra suæ naturæ conueniens alimentum attrahit, aliud acerbum, aliud amarum, dulce, salum, ut Hippocrates, de nat. humi. scribit.

Qualitates primæ
saltem
sunt agēs
instrumentarium
in generatione.

Imò nec ipse Aristoteles, dum de generatione viuientium agit, in qualitatibus primis acquiescere potest, sed agens superius in generatione, etiam partium similium, animam nempe addere cogitur, dum 2. de generat. animal. cap. 1. scribit: Quemadmodum non securim, non aliud instrumentum dixerimus factum esse ab igne solo: sic non pedem, non manum, eodèque modo ne carnem quidem. Nam eius quoque aliquod officium est. Dura igitur, mollia, lenta, rigida, & quicunque alij affectus partibus insunt animatis, à caliditate, frigidi

frigiditytate effici possunt. At ratio, quā iam caro, aut os est, non potest : sed à motu proficiscente efficitur ab eo, quod genuit, quodque actu est id, quod potentia est id, ex quo gignitur : quomodo in iis quoque agitur, quæ arte efficiuntur. Ferrum enim durum, aut molle efficitur calore, vel frigore : at verò ensis à motu instrumentorum, qui artis obtinet rationem. Ars enim principium formæque eius, quod efficitur, est, sed in alio. Motus autem natura in ipso est, ab altera profectus natura, quæ actu obtinet formam. Et, ut modò etiam dictum, 2. de generat. & corrup. cap. 9. text. § 3. § 4. § 5. calidū, frigidum, similisque qualitates pro instrumentis habet, & λιαν ὁργανικῶς generare docet ; scribitque qui his generationem tribuit, perinde facere, ac si quis ferræ, & instrumentorum cuique, eorum, quæ generantur, causam tribuat.

Eadem ratio Elementorum est. Cum enim Deus primū cælum & terram creauit, primū elementa separauit, & terram ab aqua distinxit, atque ita formas suas elementis dedit. Falsum ergo est, quod ex Aristotele docere conatur Zabarella, lib. 1. de element. qualit. cap. 8. & 9. (vbi se miserè torquet, nec tamen monstrare potest, quomodo qualitates primæ, quæ à formis suis fluunt, iisdem priores esse possint ; & quidem non in veritatem ex re ipsa inquirat, sed ut talem sententiam inueniat, qualem verba Aristotelis recipiunt) elementarem hunc mundum nihil ex sese habere, nisi potestatem ; quicquid autem actus habet, id à cælo recipere : totamque hanc mundi inferioris materiam esse potestate calidam, frigidam, humidam, siccam ; actu autem talem

fieri à motu & immobilitate cæli, à motu cæli in-
calefcere, à motûs carentia refrigerari, & ad qua-
litates primas, quæ sint præparationes pro edu-
ctione formarum, ipsas formas elementorum fe-
qui, atque ita elementa talia ab æterno secundum
sententiam Aristotelis reddi & conseruari. Re-
ctius, vt dictum, sacrae literæ nos docent, in prin-
cipio elementa creata esse, & res omnes suam
materiam & formas, quibus à se inuicem diffe-
runt, & efficaces sunt, ex prima creatione habere,
quasque Dei Opt. Max. voluntate ad hunc vsque
diem conseruant.

*An for-
ma edu-
cantur è
potentia
materia.*

Ex quibus omnibus patet, Deum omnibus
corporibus naturalibus in prima creatione de-
disse suam materiam & suam formam. Quæ si
nonnulli attenderet, de origine formarum aliter
sentirent. Etenim satis vulgata opinio est, de qua,
vt pro aris & focis, nonnulli pugnant, formas edu-
ci è potentia materiæ: quæ tamen nullis firmis ra-
tionibus nititur, vt, in *Epit. Phys. lib. 1. cap. 3.* mon-
stratum, & infra *hypomn. 4. de orig. viii. cap. 4.* mon-
strabitur. Hic nihil addo, nisi ex ignoratione
creationis mundi ortum hanc opinionem ha-
buisse. Cum enim nescirent, vnde omnes res na-
turales suas formas acceperint, & quod vim iussu
& benedictione Creatoris sese multiplicandi ha-
beant; istam earum originem commenti sunt.
Equidem plerique eam pro Aristotelica vendi-
tant, sed cum Bonamico, & aliis, vir in Aristotele
versatissimus, D. Casp. Hoffmannus eam Auerroi
transcribit, in *tract. de orig. form. sub fin.* Idem ta-
men, *ibid.* aliquot loca ex Auerroë adducit, quibus
causam efficientem generationis formam in
semine

femine contentam esse statuit : vt potius à Scholasticis hoc dogma profectum esse videatur. Aristoteles certè aliter hac de re sensit, qui etsi cœlum vt causam vniuersalem admittit, tamen causam proximam addit, dum solem & hominem generare hominem scribit. Et, 2. *Phys.c. 3. tex. 31.* expresse de femine hæc habet : τὸ δὲ σπέρμα, καὶ ὁ ἰατρὸς, καὶ ὁ βέλους, καὶ ὅλως τὸ ποιοῦν, πάντα ὄντων ἀρχὴ τῆς μεταβολῆς, ἢ γένεως, ἢ κινήσεως : Semen & Medicus, & consultans, & omnino efficiens, (quippiam) omnia (hac sunt causa) unde est principium mutationis, vel status, vel motionis. Et plura cuiusmodi loca adducit Scaliger, exerc. 6. sect. 7. quorum etiam infra, de generatione viuent. fit mentio.

Adduxerunt autem Scholasticos in hanc sententiam duo in primis: Primum est, quod crediderunt, vt supra ex Zabarella, lib. 1. de element. qualit. cap. 9. dictum, & quidem, vt putant, ex mente Aristotelis, lib. 1. Meteor. cap. 4. elementarem hunc mundum nihil ex se habere, nisi potestatem; quicquid autem actus habet, à cœlo recipere : & si aliquando vniuersa elementa generari, & talia fieri cœpissent, à cœlo esse genita; cum autem apud Aristotelem nunquam inceperit generatio, ea continuò à cœlis talia reddi & conservari.

Alterum est, quòd exempla generationis rerum artificialium (quibus etsi Aristoteles in Physicis & Metaphysicis vsus est : tamen similibus illis, & analogia ab arte factis illustrare tantùm, non probare voluisse suam doctrinam, censendum est) ad probanda principia naturalia traducere conati sunt: Cum enim viderent statuam fieri, si

*Artifi-
cialium
& natu-
ralium
effectuum
discrimē.*

à statuario aliqua ligno demantur, alia, si opus sit, addantur, & , vbi artificis operatio absoluta est, tandem ad vltimum operationis artificis momentum formam illam emergere : putarunt eodem modo ex actione externi agentis (quod tamen quale sit ; satis clarè , non explicarunt , sed sub vocabulo Naturæ generaliter latuerunt ; cum tamen cuiusvis specialis effectus specifica causa reddenda sit) in materiam dispositionem aliquam induci , ad cuius vltimam perfectionem in momento forma exoritur : eamque è potentia materiæ educi , dixerunt. Verùm valde in eo errarunt. Dum enim è ligno fit statua vel scamnum, ex argilla olla, è cera globus, materiæ nihil, nisi accidens & qualitas quædam ac figura, inducitur, & materiæ potentia nulla tunc est, nisi obedientialis. At hic de substantiæ origine quæstio est. Ipsa tamen artificialium rerum generatio eos in cognitionem generationis rerum naturalium deducere potuisset. Vt enim artificialia fiunt ab agente actu ad determinatam in mente artificis ideam, & ita non à quolibet artifice quodlibet fit, sed aliud opus statuarius, aliud scriniarius, aliud faber lignarius efficit : ita etiam ad cuiuslibet rei naturalis generationem determinatum & specificum agens, & actu tale requiritur, quod pro concessa sibi à creatore potestate (sicut artifex agit secundum ideam, quam in mente concepit) sibi simile opus efficiat. In hoc tantum diuersitas est, quod artifex est extra materiam : in rebus naturalibus in materia. Neque enim externum aliquod, quodcunque etiam fingatur, pro determinata causa admitti potest, cum nullum generato sit simile

simile & vniuocum, & quod eam saltem similitudinem habeat cum generato, quam habeat idea in animo artificis cum statua, vel alia re artificiali. Nimirum natura est ars intrinseca; ars verò natura extrinseca. Natura autem hoc artificium habet à Deo, cuius sapientiæ vestigia vbique apparent, in homine, in apibus, in formicis, in foliis & floribus arborum, & omnibus omnino rebus naturalibus, quibus Creator sui imaginem impressit, dum formas dedit. Omnis enim forma est participatio, & suo modo, imago Dei potentiæ & sapientiæ, bonitatis, amoris: & omne Ens per suam formam cupit esse, scit esse, potest esse.

Et si verò in formis multa admiratione digna occurrunt: tres tamen imprimis formæ proprietates habent, quæ diligenter notandæ sunt: Prima est, quòd forma per se nec quanta, nec diuisibilis est, & eadem forma sua essentia æquè integra esse & consistere potest in exigua mole, quàm in magna, atque in minima atomo ignis vel aquæ forma ignis vel aquæ æquè perfecta est, ac in magna eorundem mole, & in exiguo papaueris & nicotianæ semine, ac in magna papaueris & nicotianæ planta; seu, vt nulla tergiuersanti alicui sit occasio, in exiguo germine, è glande querna pullulante, æquè integra forma quercus est, ac in procera & ardua postea quercu: nec anima, quæ est in exiguo semine vel germine, minor est, quàm quæ postea est in procera arbore, aut quæ in procera arbore est, maior per se est, quàm quæ est in exiguo semine vel germine.

Secundò tamen extenditur forma ad extensionem materiæ, seu potius forma totam suam

Formarum proprietates.

B 3

mate



materiam replet. Cum enim, ut exemplo plantarum id demonstrem, totum corpus plantæ viuat, nutriatur, augeatur; anima, quæ primò in exiguo germine erat, sese, naturâ suâ maior non facta, in nutrimentum appositum diffundit, & vbicunque corpus est, quod viuit, ibi animam esse rectè dicitur, & animæ, si sic loqui licet. plenitudo & repletia tanta est, quantum est corpus ipsum viuens, eiûsque dimensio. Cùm enim nulla actio fiat sine agentē primario; vbicunque est nutritio, ibi animam esse necesse est. Et quia augmentatio fit, cum præexistens anima alimento affluent, cuius amplior moles est, quàm corpus, quod nutritur, sese communicat, & in id se diffundit; necesse est, eam in toto corpore præsentem esse. Eodem modo sese res habet in animalibus. Cum enim illa nutrantur, augeantur, & sentiant; animam, quæ vnica est, cum omnibus suis facultatibus, in omnibus partibus esse necesse est.

Tertiò, omnis forma sui multiplicatiua est. Multiplicationis tamen ratio non eadem est. In plantis quibusdam, in quibus materia seminalis per totum corpus dispersa est, anima, etsi per se non sit quanta, diuiditur, suo modo, ad diuisionem materiæ, & vna numero actu existens, multiplex est potentiâ, fitque actu multiplex ad subiecti corporis diuisionem; quomodo ex vna vite plures vites, ex vna salice plures salices fieri possunt. In aliis verò illa multiplicatio per semen fit: quâ de re plura, *de generat. viuent.* dicentur.

CAPVT IV.

De Priuatione.

DE Priuatione, quæ inter principia vulgò nu- *Priuatione*
merari solet, etiam aliquid hoc loco mon-
endum. Cum origo formæ talis sit, vt modò ex-
plicatum, & postea pluribus explicabitur, frustra,
nisi rectè explicetur, inter naturalia principia po-
nitur priuatio. Equidem ipsi Aristotelis Interpre-
tes concedunt, si rem constitutam consideres,
priuationem non esse principium, nisi per acci-
dens: generationem tamen ipsam si spectes, per
se esse principium, quia se nimirum habet vt ter-
minus à quo, cum sit carentia formæ in proxima
materia, ad eam recipiendam potentiam haben-
te. Quæ sententiæ si tolerari debent, commodè
omnino explicatione indigent. Quod enim vul-
gò dici solet, quòd priuatio, etsi non per se ad es-
sentiam rerum generandarum pertineat, tamen
per se ad mutationes Physicas producendas cō-
currat, & ab ea omnis generatio physica proce-
dat, ita vt ex ea quasi forma emergat; id falsum
est. Formæ absentia nihil ad generationem facit,
sed præter materiam dispositio eius necessaria est.
Forma enim & anima quælibet, cū à benedi-
ctione diuina vim sese multiplicandi habeat,
materiā, in qua propagari possit, requirit,
eāque ipsa sibi disponit. Plantæ nimirum
semina vel bulbos producant, ouipara oua ani-
malia alia semen, per quod se multiplicare, &
aliquid de sua essentia cōmunicare possunt. Hanc

dispositionem si illi priuationem nominare velint, per me licet. Sed quomodo priuationem forma sequatur, & vnde illa proueniat, non satis rectè & clarè explicant. Aiunt quidem Conimbricenses, *lib. 1. Phys. cap. 9. quæst. 9. art. 2.* quod materia proximam & completam aptitudinem tunc solum obtineat, cum peruentum fuerit ad terminum complementumque omnium accidentium, quibus ab agente disponitur. qui terminus in ipso tantum generationis momento detur. Et verum omnino est, illam dispositionem materiæ, quæ apta est ad formæ multiplicationem, in tempore fieri, & in momento tandem absolui; nec semen vel pyri, vel pomi semen dici potest propriè, antequam complementum accidentium adsit. Verum forma, dum hæ præuiæ dispositiones fiunt, non abest, & postea demum eâ absolutâ & completâ emergit, sed iam adest, & illa ipsa, pro suæ speciei ratione, materiam, in qua se multiplicare possit, disponit, & elaborat, atque in elaboratione eâ temporis spatium aliquod, quod in aliis longius, in aliis breuius est, pro formarum nobilitate vel ignobilitate, absumitur: cum verò vltimam perfectionem & complementum materiæ induxit, tunc iam forma, quæ antea potentiam habebat sese multiplicandi, actu sese multiplicat, & v.g. in papauere quot semina papaueris generantur, toties sese forma papaueris multiplicat, & sic nouæ papaueris plântæ generantur. Non quidè est alia anima, quæ est in semine immaturo, quàm quæ in maturo, sed ea ratio diuersitatis est, quod semen nondum maturum saltem animâ plantæ viuit, à planta verò, in qua generatum est, separatum per

per se existere non potest: semen verò perfectum & maturum ita dispositum est, vt, licet à planta, in qua productum est, separetur, animam tamen eandem secum retineat, & sua iam anima viuat; vt ita per se existere possit. De quo rectè Iul. Cæs. Scaliger, *exerc. 6. sect. 10. Generat, inquit, arbor, cum producit semen. Non autem generatur arbor, cum pullulat è semine; sed tum generatum, quod erat imperfectum, perficitur.* Si verò doctrinam de priuatione vulgarem ita quis explicare velit, ac dicere, postquam materia omne accidentium complementum accepit, tum adesse priuationem, & tum in momento postea ab agente externo formam educi, is valde errat, vt suo loco postea pluribus demonstrabitur, & à I. Cæs. Scaligero, *exerc. 6. f. 5. satis probatum.*

Summa: Primò Priuatio. quocunque etiam modo explicetur, non omnibus rebus naturalibus competit, sed iis tantum, in quibus est generatio, & propterea inter generalissima naturalia principia referri non potest. Neque enim in cælo est propriè dicta priuatio. Nam cum ponat subiectum cum aptitudine ad aliam formam, in cælo talis aptitudo non est.

Secundò, Priuatio, quod etiam ipsi Aristotelis Interpretes docent, vt apud Toletum *lib. 1. Phys. cap. 9. quest. 21.* videre est, non est principium constitutionis, sed generationis.

Tertiò, licet pro principio generationis admitatur: tamen qui doctrinam de formarum educatione defendunt, quid priuatio sit, vix commodè docere possunt. Si verò formarum multiplicatio & propagatio statuatur, non incommodè

priuatio explicari potest duobus modis :

Primo, cùm formæ propagentur non sine materia, sed cum materia, quælibetque forma requirat peculiarem materiam; illa vltima dispositio ad formam recipiendam & propagandam non planè incommodè appellatur priuatio, & definitiur Priuatio, quod sit absentia formæ in materia, proximam ad eam recipiendam potentiam obtinente. Vt rem exemplis declarem : in lapide nulla est aptitudo ad recipiendam formam pomi vel canis ; & proinde etiam in lapide non dicitur esse priuatio formæ pomi vel canis. Ita neque cum sanguine anima canis, neque cum pulpa pomi forma pomi, sed cum semine propagatur. Cum autem semen non in momento generetur, v.g. semen in pomo primùm sit album & immaturum, deinde nigrum fiat & maturum, aptumque, vt animam pomi in se recipere, & etiam ab arbore separatam retinere possit: in semine iam maturo, & quod iam animam pomi habet, non dicitur adesse priuatio, quia iam anima adest, sed in illo ipso semine, quod in momento maturitatis est, & quod proximè aptum est, vt animam suscipere, & licèt ab arbore separetur, secum retinere possit ; dicitur adesse priuatio : & priuatio tum est vltima illa dispositio seminis, ad formam pomi recipiendam & propagandam apta.

Secundo, quia tamen in semine illo maturo adest anima saltem actu primo, & ob defectum organorum nondum vulgò Pomum appellatur, sicut nec ouum gallina, eadem de causa, nominatur : si quis & ob absentiam organorum ad actiones pomi & gallinæ edendas necessariorum, dispositionem

dispositionem illam, quæ est in semine & ouo animato ad recipienda organa & actiones actu secundo exercendas, priuationem dicere velit, & statuere, in ouo esse priuationem gallinæ, quia in eo est proxima potentia, vt ex eo fiat gallina, animâ & corpore perfecto constans, cum eo non pugnauiro; modò concedat, in tali semine & ouo non esse priuationem animæ simpliciter, vtpote, quæ actu primo iam adest, sed priuationem animæ organici corporis ad actiones edendas necessariis instructæ.

Et video sanè doctissimos Aristotelicos, cum animaduertent, aliter sententiam Aristotelis de priuatione explicari vel defendi non posse, in hanc sententiam descendere. Vna eadèmq; res est, inquiunt, quam Aristoteles nominat priuationem, & quam etiam formam nominat, cuius absentia suo modo sit priuatio, diuerso scilicet respectu. Est in semine anima formatrix, antecedens animam, cui parat illud domicilium, seu, vt Zabarella *de facult. anim. cap. 11.* semen animatum est materia quædam abscissa ab ipsomet animali generante, retinens vim actiuam & generatiuam alterius similis animalis. Semen enim humanum habet insitam vim actiuam, quâ, vt inquit Aristoteles, 2. *Phys.* est natura humana non tanquam forma, sed tanquam artifex & agens proximum. Quapropter priore respectu, est internum principium rei formandæ; & licet non informet compositum illud, quod nondum est: tamen informat semen, vt hinc dicatur humanum, caninum, equinum, &c. Itaque Aristoteles vocat priuationem *ἡδὲ πῶς. 2. Phys. cap. 1. t. 15.* quædammodo formam,

formam, in collatione ad formam posteriore modo spectatam, nempe compositi. Quatenus ergo materiam disponit, ac partium informandarum architecta est ex semine, quod actu informat, eatenus dicitur priuatio. Estque reuera substantia, & comparatiue tantum dicitur $\mu\eta\ \epsilon\iota\varsigma$, non Ens, ratione formæ partes ex semine generandas animaturæ. Nondum enim habet officium formæ. Ita cum mica salis accipiendum est illud, *lib. 2. de gen. animal. cap. 1.* vbi Philosophus docet, animam potentiâ esse in semine. Sicut enim partes corporis actu semini non insunt: ita nec anima semini inest vt forma, compositi partibus generandis ex semine $\tau\omicron\ \tau\grave{\iota}\ \eta\upsilon\ \epsilon\iota\varsigma\alpha\iota$ datura. Interim semini actu inest, vt principium agendi in semine, vt generetur animans, quemadmodum dicto loco ex professò differit Philosophus. In quem sensum etiam I. Cæf. Scaliger, *exerc. 6. sect. 5.* scribit: *Hac de re ita sentiendum: Formam esse in semine canino, cuius in potestate dicitur esse; quia semen est potens dare formam, quam in se continet. Educitur autem de ea potentia remota, qui est actus primus, ad potentiam propinquam, qui est actus secundus: scilicet vt forma sit in eadem materia ad eum modum, qui nullis egeat adminiculis: vt sine suo fruatur, ad quem comparatum est totum compositum. Est igitur declarandum, quo educatur modo per preparationem: siquidem ipsamet forma eius preparationis autor sit. Ipsa enim sibi & alterat totum, & disponit partes. Ipsa igitur educeret se. Itaque non bene dicebant: cum ad summam peruentum fuerit perfectionem preparationis, tum fore, vt ad substantia quoque formam perueniatur. Est enim ipsa*

ipsa forma antiè existens. Ergo non ad eam peruenitur, sed ad eius actum: quo ipsius deinceps usum capessere possit. Quo modo si priuationem explicare aliquis velit, eam libenter admitto. Hoc tamen certum est, vulgarem de educatione formarum è potentia materiæ cum hac sententia stare non posse.

CAPVT V.

*De rerum naturalium consensu
& dissensu.*

VT autem omnium actionum causa prima *Rerū natura-
formæ sunt: ita etiam propter formas om-
nium rerum naturalium est consensus & dissen-
sus, atque alia sese amicè appetunt, & vniuntur, <sup>consensus
& dissen-</sup>
alia sese auersantur & fugiunt. Similia enim ma-
ximè appetunt unionem. Quod enim non est unum,
ne est quidem. Ita quod est à suo simili separatum,
videtur & illud defraudare, & ipsum ab illo defrau-
dari essentia quasi complemento. Neque enim duo
ignes duo sunt, sed vnus diuisus, scribit Scaliger,
exerc. 3. 10. sect. 2. Cum ergo res quælibet sui con-
seruationem postulet; eam consequitur cum fu-
ga contrariorum, tum motu ad similia, & simi-
lium attractione. Hinc ignis igni vnitur, aquam
verò, vt contrarium, fugit, & contra. Hinc
aqua in aërem vel puluerem effusa vel sparsa sese
in guttulas globosas cogit, vt se à terra & aëre
tueatur. Hinc parua flamma à maiore velocissi-
mè attrahitur, aut minor ad maiorem mouetur.
Idem fit in aëre. Hinc bullæ illæ, quæ in aqua
fluunt;*

frunt, vna ad aliam appellit, & eò velocius, quò propior fuerit. Ita, vt Plinius, *lib. 2. cap. 105.* scribit, naphthæ magna cognatio ignium est, transfiliuntque protinus in eam vndecunque visam. Ita ferunt à Medecapellitem crematam, postquam sacrificatura ad aras accesserat, corona igne rapta. Hinc videmus, si in oleum vel pinguedinem calentem, item plumbum vel antimonium fufum, aqua inspergatur, ignem fugere ab aqua vt hoste, flammam excitare, & in altum euolare, ita vt interdum aquæ in oleum vel pinguedines fusæ incendiis ædium occasionem dederint. Diuersum quidē hic sentit Hieronymus Fracastorius, qui, *lib. de sympath. & antipath. cap. 5.* negat, ob similitudinem rem vnā ad alteram moueri, vt illi vniatur & conseruetur, ideo, quòd pars separata neque per cognitionem neque per naturam moueri ad consimilem possit. Ac non cognoscere, manifestum putat. Verum sine ratione. Nam vt appetitus quidam naturalis, quem vulgò instinctum naturalem vocant, datur: ita etiam datur cognitio aliqua naturalis, à sensu & intellectu distincta. Nihil enim potest aliquid appetere, vt gratum, vel fugere, vt ingratum, nisi cognitione aliquā naturali illud gratum, & sibi conueniens, hoc ingratum, & sibi non conueniens esse cognoscat. Nihil enim appetitur, nisi quod prius agnoscitur. Hæc cognitione plantæ alimentum sibi conueniens agnoscunt, appetunt, & ad se trahunt; quod verò sibi conueniens non est, relinquunt, aliud in corticem, aliud in fructum conuertunt. De quo Hippocrates, *de Nat. hum. text. 31.* τὰ Φυόμενά τε καὶ σπερόμυα, ὁκόταν εἰς τὴν γῆν ἔλθῃ, ἔλκει ἕκαστον τὸ κατὰ φύ-

Appeti-
tus &
cognitio
naturalis.
lib.

ἐν τῷ ὅτι ἐστὶν ἐν τῇ γῇ· ἐν δὲ καὶ ὅτι, καὶ πικρὸν,
 καὶ γλυκὺ, καὶ ἀλμυρὸν, καὶ παντοῖον: *Qua crescunt*
& seruantur, quando in terram veniunt, attrahit
unumquodque quod secundum naturam sibi familia-
re in terra inest. Est autem acidum, & amarum, &
dulce, & salsum, & omnigenum. Ita in crisis
 cognitione naturali natura vitiosum humorem
 agnoscit & expellit, bonum & vtile retinet. Co-
 gnitione hâc naturali natura sæpe miras & oc-
 cultas vias in expellendis humoribus quærit. At-
 que inter principia de natura rerum, illud etiam
 ex Hippocrate Galenus, 1. *de facul. nat. cap. 12.*
 ponit, naturam omnia artificiosè ac justè pera-
 gere, facultatibus scilicet præditam, quibus sin-
 gulæ particulæ conuenientem sibi succum ad se
 trahant, attractum verò coalescere, accrescere-
 que omnibus sui partibus faciant, demùmque ad-
 simulent: quod autem interea non peruicere,
 quòdque omnimodam alterationem ac cum nu-
 triendo similitudinem recipere non potuit; id
 alia rursus vi, nempe secretoria, reiciant. Ecce, *ibid.*
lib. 3. cap. 13. scitibit: vniuersas corporis particulas
 attrahendi, quod conueniens amicùmque est, re-
 pellendi, quod grauat, mordet uè, potentiam ha-
 bere. Itaque frustra laborat Fracastorius vt mon-
 stre, quomodo violentiâ quâdam, quæ à se inui-
 cem diuulsa sunt, iterum coniungantur. Et si
 autem iste rerum naturalium consensus & dissen-
 sus primariò à formis rerum pendet: quia tamen
 formæ per qualitates agunt, etiam alia per ma-
 nifestas qualitates, vt aqua & ignis; alia per oc-
 cultas, de quibus postea dicetur, consentiunt &
 dissentiunt.

Atque

Cōsensus Atque ex hoc rerum naturalium consensu mul-
Et dissen- torum, quæ in Chymia & Medicina, & passim
sus re- in rerum natura accidunt, causa dari potest: falsa
rum exē- falsis, olea eleagenosis, & pinguibus ac sulphu-
pla. reis miscentur, & iis etiam solvuntur; v.g. aqua
 fortis metalla dissolvit, sulphur tamen dissolvere
 non potest: Contra su'phur in oleo solvitur, quod
 metalla solvere non potest. Ita gummi & lachry-
 mæ sulphureæ & pingues ab oleo solvuntur; quæ
 verò sunt aquæ naturæ, solvuntur à vino &
 aqua, non oleis. Vulgatum est, ut si manum quis
 picce inquinet, eam aquâ non mundet, sed oleo
 aliquo vel pinguedine, quæ picem liquefaciat. Et
 passim in medicamentis, præcipuè emplastris,
 componendis talia occurrunt, quæ nisi Pharma-
 copœo nota sint, & materiam & operam perdet.
Præcipi- Egregium etiam huius rei documentum Præci-
tatio. pitationes dictæ præbent, cum aurum, argentum,
 corallia, margaritæ, oculi cancri, & similia sol-
 vuntur & præcipitantur. Ut de coralliis saltem, &
 margaritis exempli loco (nam reliquorum eadem
 est ratio) dicamus, corporum horum solutio fit
 ab aceti destillati, vel similis acris liquoris sale,
 cui corpus illud ob cognationem per minutissi-
 mas atomos ita sociatur & vnitur, ut etiam per
 chartam bibulam percolari possit. Huic liquori
 corpus coralliorum & margaritarum in se conti-
 nenti, si vel oleum tartari per deliquium paratum,
 vel oleum vitrioli dictum, guttatim instillerur, sal
 liquoris soluentis se cum oleo tartari vel vitrioli
 ob cognationem vnit, corpusque solutum dese-
 rit, quod ita sibi soli relictum naturali gravitate ad
 fundum descendit, quod Præcipitare nominant.

Quarta

Quanta etiam vis pulueris illius pyrij fit, nemo ignorat. At ea non aliunde prouenit, quàm ex antipathia sulphuris & nitri. Ex eadem proueniunt fulgura, tonitrua & fulmina. Si enim in globo terræ vapores sulphurei, nitrosi, aquei simul in altum eleuantur, equidem in infirma regione aëris, quâ is nos ambit, cum in minutissimas atomos sint dispersi, nullam pugnam instituunt: at cum in nubibus atomi igneæ igneis, sulphureæ sulphureis, nitrosæ nitrosis, aqueæ aqueis coniunguntur; tandem vtrinque viribus sumtis pugnant impetuosè, hostémque & fugiunt & protrudunt. Hinc ignis aquam fugiens è nubibus emicat: ex pugna illa fragores & tonitrua excitantur, spiritusque ille igneus & sulphureus è nubibus erumpens, obuia quæque liquefacit, incendit, vel prosternit. Vulgatum quoque huius rei exemplum est in calce viua, cui si affundatur aqua, atomi igneæ in ea latentes aquam, vt sibi aduersam, fugiunt atque erumpunt. Vnde ex congregatis calor excitatur, sæpe etiam tantus, vt vicina ligna accendisse compertum sit. Si etiam butyro antimonij dicto spiritus nitri, vel limaturæ ferri aut chalybis oleum vitrioli infundatur, fit inde ebullitio & strepitus imò & flamma excitatur. Vbi tamen hoc notandum, credibile esse, istam ebullitionem non saltem fieri ex pugna contrariorum, sed etiam subito motu similium ad similia. Possunt etiam ex hoc rerum naturalium consensu & dissensu multæ in Physi-

Combustionum & refrigerationum curatio.

C oleo

Camphora temperamento.

oleo lini, vnguento ex cepis illinendo; partes vero refrigeratæ, eas niue fricando, vel aquæ frigidæ immergendo, vt & quod oua & poma frigore congelata restituantur, si frigidæ aquæ immergantur: ea omnia accidunt, quòd calida calidum & ignem frigida frigidum ad se trahunt. Disputatur quoque inter Medicos de temperamento Camphoræ, dum Antiqui eam frigidam, è Recentioribus plurimi calidam esse statuunt. Sapor tamen & inflammabilitas eam calidam esse, ita manifestè conuincunt, vt mirum sit, de eo dubitari posse. Vnicum est, quod aliis persuasit, vt crederent esse frigidam, quòd scilicet refrigerat. At hoc per accidens, non per se præstat, dum nimirum igneas & sulphureas atomos ad se propter similitudinem trahit, & è corpore extrahit: quod & flores & aqua sambuci, & oleum cum lixiuio mistum in crysipelate præstant.

C A P V T VI.

De Materia rerum naturalium.

VT autem Deus omnes formas creauit, ita iis etiam materiam cuique formæ idoneam dedit, & vt rerum vicissitudines sint, & apta semper variis formis materia; Deus cælum & elementa creauit. Cælum quidem, quod influxu suo generationes rerum inferiorum foueat & gubernet: elementa verò, vt corpora simplicia, quæ actionibus suis vicissitudines generationum & corruptionum promoueant, tum etiam materiam viuentibus corporibus præbeant.

An

An præter elementa adhuc alia corpora simplicia dentur, quæ viuentibus materiam præbeant, non immeritò dubitatur. Equidem apud Peripateticos extra controuersiam est, nulla alia simplicia in hoc mundo sublunari corpora dari, quàm elementa, & ex his reliqua omnia componi. Verùm non pauci, nec sine causâ, de eo dubitarunt. Ioh. Franciscus Picus Mirandulanus, *lib. de elementis, cap. 3.* scribit: *Si qui Philosophorum sententiæ atque autoritati acquiescere nollent, & aliiqua alia adhuc esse elementa, quæ vulgò notis elementis mista sint, & occultâ quâdam vi nature concurrant ad res sublunares constituendas, statuerunt, eos vix solidè refutari posse.* Et Iacob Schegkiius, *lib. de calor. vi & effic. cap. 4.* scribit, omne corpus esse aut elementum, aut ex elementis compositum, aut habere quandam analogiam & similitudinem cum cœlesti corpore. Atque id sumsit ex Aristotele, qui, *2. de generat. animal. cap. 3.* scribit, calorem in animalibus neque ignem esse, neque ab igne originem ducere, sed esse ἀνάλογον τῷ τῶν ἄσπρων στοιχείῳ. Verùm quale id corpus sit, & vnde originem habeat, sine creatione mundi explicari non potest. Ex creatione mundi autem omnia hæc clara sunt. Neque enim Deus primò inter se elementa pugnare iussit, vt mista constituerent, è quibus postea plâtæ & animalia fierent, sed, vt plantis & animalibus suas formas & animas dedit, ita etiam corpora sua singulis tribuit. Quæ etsi (vt iam de eo non disputem) ex elemētis quoad materiam sint constituta: tamen quòd nihil præter elementa in iis insit, & quòd horù corporum formæ elementares sint, & quòd animæ

viuentium in corpore ex elementis simpliciter constituto recipiantur, & ita elementa, seu vt simplicia, seu vt mista considerata, animarum proximum subiectum sint, nulla firma datur demonstratio, neque dum probatum, quod illud ἀνάλογον τῷ τῶν ἁπλῶν στοιχείῳ necessario sit ex elementis tantum compositum. Cum enim nobiliores formæ nobiliorem requirant materiam, vt etiam Aristoteles docet: cuique formæ conueniens corpus creator dedit, quorum quodlibet suam nobilitatem, & agendi vim à forma, quæ, vt Scaliger, *exerc. 307. sect. 20.* loquitur, Natura est quinta, longè alia quatuor elementis, obtinet. Et omnino mirabile quid est spiritus ille animalibus & plantis insitus, qui primum est in exigua feminis quantitate, deinde à sanguine in prima fœtus formatione affluente, & postea alimentis, quæ assumuntur, in magnam molem augetur, totumque corpus, vasti etiam animalis, peruadit, illudque ad finem vitæ usque vegetat & calefacit. Imò idem calor, etsi aliorum admistione non percipitur, est in ipsis; isque ex iis, vt in spiritibus è plantis paratis patet, separari potest. Vbi & hoc notandum, quòd, sicut nihil alitur, nisi quod vitam habet, vt docet Aristoteles 2. *de anim. c. 4. text. 46.* ita nil alere propriè possit, nisi rei animatæ vel pars, vel fructus & effectus fuerit; & propterea omnibus alimentis aliquid spiritus illius, quem calidum innatum vulgò vocant, inesse debeat: vnde etiam alimentis non solum humor, sed etiam calor instauratur.

Neque etiam alia corpora, quæ mista saltem & non animata videntur, ex mutua pugna
elemen

elementorum oriuntur. Parum prudentis est, credere, vinum, oleum, mel, saccharum, lac, ex pugna elementorum mutua oriri. Equidem non creauit Deus ista in principio. Neque enim vinum est, antequam vindemia fuerit, neque oleum, nisi oliuæ legantur, contendantur, & exprimantur; neque mel, antequam apes mellificent; neque lac, antequam animalia viuipara grauida fiant. Creauit verò Deus talia in suis principiis, id est, viti potentiam dedit, ex alimento, quod è terra attrahit, succum talem, qui vinum, oliuæ, qui oleum, arundini, qui saccharum nominatur, generandi; apibus potentiam tribuit è floribus succum colligendi, & inde mel elaborandi; mammis facultatem è sanguine lac generandi.

Atque hîc Chymici sua principia inserunt, de quibus *de consens. & dissens. Chymicorum cum Galen. & Aristotel.* pluribus dictum. Hoc loco ^{Chymicorum principia.} vt pauca de iis dicam, primò etiam ij, qui ea simpliciter non admittunt, prima mixta esse concedunt. De quo cum nemine litigabo, modò hoc obtineam, eo modo principia dici posse, quòd in resolutione rerum naturalium ars vltra progredi vix possit, imò nec natura forsan progrediatur; dum aliquod mistum constituit, illud non immediatè ex vltimis simplicibus, sed potius ex primis istis mistis constituit. De quo plura dicentur infra, *Hypomnemate 3. de Mistione.* Et maximè manifestum est in nutritione viuentium. Neque enim chylus fit ex elementis proximè, sed ex pane, carne, piscibus: sanguis non fit ex elementis proximè, sed ex chylo, vt pluribus de Mistione dicetur.

Deinde & hoc consideratione dignum, an mixta ista prima tantum ex elementis constent, an verò formam ab elementorum formis diuersam in prima creatione, cum Deus non saltem materiam primam creauit, sed & secundam, & formis singulis suam propriam materiam & subiectum dedit acceperint, per quam se conseruent, & in variis generationum vicissitudinibus integra maneant, & variè mixta rebus aliis naturalibus materiam præbeant. Certè vt Interpretes Aristotelis in disputationibus de materia prima nimis prolixi sunt, ita in materiæ secundæ (cum tamen quæuis forma requirat *οἰκείαν ὕλην*, seu proprium subiectum) consideratione nimis fuere breues. Neque enim quodlibet corpus formæ cuiuscunque, præcipuè animarum, *οἰκεία ὕλη*, & subiectum esse potest, sed in viuentibus vt ita disposita sit necesse est, vt ad induendam & suscipiendam animam proximam potentiam habeat, & in substantiam corporis viuentis conuerti, & ab anima nutriendi animatum fieri possit. Quæ dispositio à peculiari-
bus formis proficiscitur. Ac dari & in plantis & animalibus formas ab anima distinctas, quæ ad proprium animarum subiectum constituendum pertinent, satis quoque docent mirabiles actiones, quæ in plantis emortuis, vt & partibus animalium mortuorum in Medicina quotidie obuiæ sunt. Cum enim omnis actio fluat primariò à forma; hæ autem actiones nobiliores sint, quàm vt à formis elementorum, seu simplicium, seu inuicem mixtorum, provenire possint: necessariò præter elementorum formas aliæ formæ dantur, à quibus hæ actiones proveniunt, quas cur quintam essentiam

Forma
mixtorum
formis
superad-
dita.

essentiam cum Scaligero dicere, & corpus, cui illæ insunt, cum Aristotele & Schegkio ἀνάλογον τῷ τῶν ἀσπρῶν στοιχείῳ nominare non debeam, causam nullam video. Et ex Aristotelis Interpretibus quidam, inter quos præcipuè Zimara, non solum animas formis elementorum superadditas esse, sed & formam mistionis esse quintam formam, re distinctam à quatuor elementorum formis, & illis superadditam, statuunt.



HYPOMNEMA II.

DE OCCVLTIS
QUALITATIBVS.

CAPVT I.

Quid sint occulta qualitates.



V M scire sit rem per causam cognoscere: Summo studio laborandum est, ut & in Physicis operationum atque effectuum, qui in rebus naturalibus accidunt, veras & proprias causas reddamus. Equidem dari in rerum natura quatuor Elementa, atque ea per suas qualitates, primas dictas, seu manifestas, & sensui obuias efficacia esse, extra dubium est. Verum sunt effectus plurimi in naturâ, qui ab istis

Omnia
ad mani-
festas
qualita-
tes dedu-
ci non
possunt.

qualitatibus nullo modo deduci possunt. Et proinde rectè ad manifestas omnia deducere qualitates, summam impudentiam esse, candidè & liberè acutissimus I. Cæf. Scaliger *exerc. 2. 18. sect. 8.* scripsit. Et qui id tentant, illis plerumque evenit id, quod de Epicuro & Asclepiade, *lib. 1. de natural. facult. cap. 14.* scribit Galenus, ut rationes vel ineptas & ridiculas afferant, vel ea negent, quæ etiam experientiâ confirmata, & nihil consequantur, ut Th. Erastus, *de occult. medic. propriet. cap. 4.* scribit, quàm quòd ab omnibus veritatis studiosis, & rerum naturalium scientibus meritò derideantur. Ideoque Galenus *lib. 11. de simpl. med. fac.* ubi de fluviatilium cancerorum cinerum vi contra canum rabidorum morsum agit, facultatem illam omnem à proprietate substantiæ totius provenire agnoscit, & Præceptorem Pelopem reprehendit, quod ambitione magnâ iactauerit, se omnium talium causas novisse; seque librum aliquando de iis, quæ proprietate substantiæ totius quid agunt, scripturum pollicetur. Et si nihil aliud persuaderet, quàm frustra & temerè multi instituerint, omnia ad manifestas qualitates deducere, saltem venena & eorum remedia docere id poterant, ut idem Scaliger, *allegato loco*, docet: Liberè & audacter pronuncio, vix ullam perniciosiorem opinionem, & quæ optima etiam ingenia irritò & inani labore magis fatigaverit, & attriuerit in Physicam irrepsisse, quàm illorù, qui omnium eorù, quæ in rebus naturalibus sũt, causas è quatuor Elemētis & qualitatibus manifestis primis dictis, deducere conati sũt. Siue enim ea ut simplicia, siue quocũq; modo mixta,

mista, remista, iterumque mista, qualitatésque eorum quocunque modo temperatæ considerentur, nihil ex iis nisi elementare emergit. Et perinde est, siue plures, siue pauciores a symboli ad cœnam accedant: omnes siquidem esurire necesse est. Iste tamen error satis vulgaris hætenus fuit, nec Physicæ limitibus se continuit, sed & in Medicinam irrepsit, dum multi omnium morborum differentias, causas, symptomata, remediumque vires è primis qualitatibus irritò ausu deducere conati sunt.

Verum enim verò errorem hunc viri in Medicina exercitatissimi dudum agnouerunt & aliis agnoscendū exhibuerūt, atque inter eos imprimis Ioh. Fernelius, nunquam satis laudatus Medicus, *Fernelius occultas qualitates defendit.* qui in libb. duobus de abdit. rer. causis doctissimè demonstravit, multa in Medicina esse & fieri, quorum causæ frustra à primarum qualitatum temperie petuntur. Pro quo tamen egregio labore à nonnullis nihil nisi calumniam reportauit. Nec mirum. Regitur enim mundus opinionibus: & minus honorificum, imò turpe multi putant, errores, quos incautè imbibetunt, deponere, & veritatem, etiam clarissimâ luce oculos perstringentem, admittere & agnoscere, & propterea omnia, quæ ignorant, pro nouis & falsis habent. Interim tamen doctissimi quique Philosophi & Medici veritatis patrocinium susceperunt, & multarum in Physica & Medicina rerum ab occultis qualitatibus dependere, nobisque sæpe ad salutare asylum illud occultæ proprietatis, vt Scalliger, exerc. 2. l. 8. sect. 8. nominat, confugiendum esse, constanter docuerunt. Quod cum Ignoran-

An qualitates occultæ sint ignorantie asyllum.

Qualitates occultæ scientiam pariunt.

Forma nobis incognita.

tiæ nomine à nonnullis traducitur, imbecillæ mentis nostræ acies ad inuestiganda naturæ penetralia potius accusatur, quàm qualitates hæ culpantur. Si enim vera harum qualitatum origo, de qua non ita multi solliciti fuerunt, inquiratur, eius cognitio non minùs certam scientiam parit, quàm qualitatum manifestarum. Neque enim plus de caliditate Physicus notum habet, quàm eam calefacere, & à forma ignis fluere ac dependere: quæ forma æquè, ytillæ, à quibus qualitates occultæ oriuntur, homini ignota est. Nimirum, ut Scaliger, exerc. 307. sect. 29. ait *forma res diuina est, cuius exquisita cognitio nos latet. Quare ulterior disquisitio morosi atque satagentis animi est. Humana sapientia pars est, quadam æquo animo nescire velle.* Ideoque ij, qui asyli ignorantie nomine has qualitates traducunt, iamdudum ab Auicena refutati meritò sunt, lib. de virib. cord. tr. 1. c. 10. dum scribit: Sicuti sciens ignem propter caliditatem calefacere, verè scit, & non ignorat: ita qui scit magnetem attrahere ferrum, quia virtutem habet, cuius natura est, attrahete ferrum, procul dubio sciens est, & non ignorans, *Et postea*: Ignorantia causarum penitus huius virtutis in magnete non est mirabilior, quàm ignorantia caussarum disponentium res ad rubedinem aut citrinitatem, aut corpus aut animam. Sed à rebus quidem consuetis admiratio cadit, & negligit anima de ipsis inquirere. Quod autem rarò est, excitat admirationem, & inducit ad inquirendum, & ad speculandum de caussis eius. *Et mox*: Si ignis esset res difficilis inuentionis, & de longinquis partibus afferretur, admiraretur utique vulgus de proprietate

te eius ampliùs, quàm de proprietate corporum
cæterorum, & inquireret attentius de causis pro-
prietatis ipsius, quàm de causis aliarum proprie-
tatum, quoniam ipsius operationes valde mirabi-
les sunt. Etenim præsentia eius extrahit visum de ^{Ignis mi-}
potentia ad actum, & tangi se prohibet: & a- ^{rabiles}
scendit sursum, & ascendere facit ea, quæ vincere ^{proprie-}
potest, & generatur ex modico ipsius in vna hora ^{tates.}
quantitas magna, & corrumpit omne illud, cui
obuiat, & transmutat ad sui substantiam; nec
etiam minuitur, si accipiatur ex eo. Et hæc qui-
dem in veritate mirabiliora sunt, quàm tractus
ferri à magnete, vel quàm cæteræ proprietates.
Sed quoniam ista vñtata sunt, & quotidie appa-
rentia, cadit ab eis admiratio & sollicitudo per-
quirendi causam ipsorum. Actio verò magnetis,
quia rara est & inusitata, inducit admirationem;
& prouocat ad inquirendum de causa ipsius. Ni-
mirum si in originem harum qualitarum inquirat-
ur, earum tam certa, quàm manifestarum, potest
haberi scientia. Etenim æquè in hac humanæ
mentis caligine forma ignis ac magnetis nobis
ignota est, &, vt Poëta canit,

*Multa tegit sacro inuolucro natura, neque ullis
Fas est scire quidem mortalibus omnia: multa
Admirare modo, nec non venerare; neque illa
Inquires, quæ sunt arcanis pròxima. Namque
In manibus quæ sunt, hæc nos vix scire putandum.
Est procul à nobis adeo præsentia veri.*

Dicuntur autem istæ qualitates occultæ, abdi- ^{Occulta}
tæ, abstrusæ, ob differentiam manifestarum, quæ ^{rū qua-}
sensibus externis, tactui imprimis, sunt obuiæ, ^{litatum}
& ab iis perceptibiles; cùm contra hæ sensu non ^{nomina,}
perci ^{& quid}
ea sint. ^{perci ea sint.}

percipiuntur, et si earum operationes sensu deprehendantur. Ita attractionem, quæ fit à Magnete, videmus; qualitatem autem, per quam ille ferri motus fit, non percipimus. Sic euacuationem humorum à purgantibus excitatam sensibus percipimus; qualitatem autem illam, per quam purgantia euacuationem præstant, non percipimus. Eodem modo symptomata, quæ à venenis in corpore nostro excitantur, sensibus deprehendimus; qualitatem verò, per quam id præstant, nullo sensu percipimus. Sensibus equidem in elementis, v.g. igne, calorem, quo mediante is calefacit, percipimus: at non ita in operationibus, quæ ab occultis qualitibus perficiuntur, res sese habet. Actiones percipimus, sed non qualitates, quibus mediantibus istæ fiunt. Vnde qualitates hæ occultæ, & specificæ proprietates, substantiæ propriæ facultates, & agentia à Galeno καὶ τὴν ιδιότητα τῆς ὅλης οὐσίας, agentia à tota substantia, & à proprietate ac familiaritate totius substantiæ, 6.Epid. Comment.6.text.5.11. de simplic. med. facult. & alibi appellantur.

CAPVT II.

An dentur qualitates occultæ, & agentia à tota substantia?

Dari occultas qualitates, probatur.

Dari autem qualitates occultas, & actiones in qualitatibus occultis, è duobus imprimis pater. Primum est, quòd actiones multæ in rerum natura dantur, quæ toto genere ab actionibus

bus elementorum discrepant; alterum est, quòd ratio & modus agendi rerum occultis qualitibus agentiu longè alius est, quàm Elementorum.

Primum quod attinet, quæ sint elementorum actiones, notum est, nimirum calefacere, refrigerare, humectare, & siccare, &, quæ has consequuntur, rarefacere, densare, &c. At actiones in rerum natura longè aliæ ab his dantur. Magnes trahit ferrum; felis, etiam cistæ inclusa, nonnullos ita afficit, vt in lipothymiam penè incidant. Occulta-
rum qua-
litatum
actiones
aliæ
quàm
manifestarum.

Medicamenta quædam purgant varios humores: opij exigua portio *βάσκανον* inducit: quanta aspidis, viperæ, canis rabidi morsus mala in corpore nostro excitent, memini ignotum: quàm miraphalangij seu tarantulæ morsus inducat symptomata, *lib. 1. Pract. part. 2. cap. 17.* dictum. Et quanta exigui veneni pestilentis, contagio illati, sit vis, multi suo malo experiuntur. Iisdem venenis non calefacientia, frigefacientia, humectantia, siccantia, sed solum qualitatibus occultis agentia medentur. Et, vt rectè antea è Scaligero dictum, si nihil aliud persuaderet, quàm frustra & temerè multi instituerint, omnia ad manifestas qualitates deducere, saltem venena & eorum remedia docere poterant. Et infinitæ eiusmodi actiones in rerum natura passim occurrunt. Cum ergo actiones tales toto genere sint diuersæ ab elementarium qualitatuum actionibus, & earum vires superent, meritò etiam ab aliis qualitatibus, quæ sensibus manifestæ sunt, has distinguimus, & Occultas appellamus. Agnouit hoc Galenus, qui, *6. Epid. Comm. 6 text. 5. & 3. de Temp. cap. 4.* expressè scribit, quòd deleteria nequaquam eodem modo

modo agant, quo ignis & aqua, sed totius naturæ suæ contrarietate. Et, *lib. 5. de simp. med. facult. cap. 1. 18. & 19.* scribit, quod sint, quæ totâ substantiâ nobis contraria sunt.

*Modus
agendi
etiam di-
uersus.*


Deinde modus agendi in elementis ab his, quæ occultis qualitatibus agunt, longé diuersus est. Elementa enim vt vires suas exserant, iustam corporis sui molem requirunt, neque vires suas in exiguo corpore exserere possunt. Etsi enim summè calidus est ignis, nix summè frigida: tamen, vt rectè, *1. de Temperam. cap. 4.* Galenus scribit, si quod horum prorsus exiguum est, nullum euidentem in corporibus nostris excitant effectum; imò ne in maiori copia talia, vel calida, vel frigida, vt piper, nix, aqua frigida, hominem enecant. Præterea eadem tam subitas in corpore mutationes non efficiunt. At venena quædam in minimâ quantitate hominem enecant, vel grauissima symptomata excitant; idque citissimè præstant. De quo Galenus, *lib. 1. de semine. cap. 16.* scribit: *Minima portiuncula humoris lethalium venenorum, quæ deleteria appellantur, ubi animalis corpus ingressa fuerint, totum id momento temporis immutant, sibiq; simili affectione alterant.* Idem, *3. de loc. affect. cap. 7.* inquit: *Quis crederet vel à scorpionis infixi aculeo, vel à phalangiorum ictibus totum corpus ingenti & inusitatâ mutatione affici, nisi sæpenumero id accidere viderent, præsertim minimam quandam rem feris in ipsum demittentibus.* Et paulò post: *Marina turturis, quemadmodum & terreni scorpj aculeus in partem extremam, acutissimam illam quidem, finitur; ubi nullum foramen est, per quod venenû deiici possit: necesse est tamen, vt excogitemus substantiam quædam*

An dentur agentia à tota substantia. 47

quandam esse aut spiritualem, aut humidam, quæ ut mole minima, ita facultate maxima est. Et *Ælianus lib. 9. de animal. cap. 57.* refert, morsum vestigia, quæ aspis imprimit tam obscura & parua esse, ut indicia vix acri oculorum acie deprehendantur. Et *L. Cæf. Scaliger, Exerc. 153. f. 11. & Mercurialis, lib. 1. de venenis cap. 6.* scribunt, in Nubia, quæ est *Æthiopia sub Ægypto*, venenum esse, cuius grani vnus decima pars hominem, vel vnum granum decem homines, intra horæ quadrantem enecer, aut vnum vni homini propinatum, illum statim interimat.

Quibus rationibus moti doctissimi Viri, alias, præter elementares, qualitates plurimas in rerum natura dari agnouerunt, & docuerunt. *Galenus, ut etiam initio capitis primi dictum, lib. 11. de sim. pl. med. fac. cap. 6.* vbi de cineris cancerorum fluuiatiliū vi contra canis rabidi morsum agit, Præceptorem Pelopen reprehendit, quod ambitione magnâ iactauerit, se omnium talium causas nouisse: & *1. de nat. facult. cap. 14.* de Epicuro & Asclepiade scribit, quod qui omnium affectuum manifestas causas afferre conantur, iis plerunque eueniat, ut vel rationes ineptas & ridiculas afferant, vel ea negent, quæ etiam experientiâ confirmata sunt. Et, *lib. 3. de simpl. med. fac. cap. 3.* scribit: Et alio in loco sanè aliis tractatibus demonstratum à nobis est, amicitias quasdam, pugnantiasque qualitatū omnibus rebus inesse, ac, quod familiare est, expeditè assimilari; quod verò contrarium est, ad internecionem ducere tum animalia, tum plantas: præterea familiaritates eas à totius substantiæ proprietate oriri. Et, *lib. 5. de simpl.*

Occulta qualitates à doctis viris agnitæ & assertæ.



simpl.med.facult.cap.2. Ostensum est, inquit, Medicamenta esse nata alterare aut vnâ qualitate scilicet aut calefaciendo aut frigefaciendo, aut humectando aut siccando, aut dictarum coniugatione quâdam, aut totâ sua substantiâ; sicut complura lethalium venenorum, nec pauca alexiteriorum, seu amuletorum, tum purgantia omnia. Quod etiam repetit, *eodem libro, cap. 17. 18. 19. 23.* Idem docet, *6. 8. & 9. de simpl.med.facult. 1. de compos.med.secund.gen. cap. 16. lib. 8. de compos.med.secund. loc. cap. 8. lib. 13. de meth.med. cap. 6.* Alexander Aphrodisæus, in *Proæmio Problem.* infinita in rerum natura existere scribit, quæ solâ experientiâ cognoscantur, & propterea à Medicis arcanæ proprietates appellantur; atque eos reprehendit, qui talium effectuum causas ex elementorum qualitatibus afferre conantur, eosque prauè solutiones componere quamplurimas, quæ inutiles & improbables planè sint, docet. Aui-cenna, *sen. secund. prim. doct. 2. cap. 15.* vbi de iis, quæ totâ substantiâ agere dicuntur, tractat illarum operationem non provenire ex qualitatibus primis, neque ex temperamento inde orto, sed à forma specifica, post complexionem adueniente, scribit. Quem Mesues & alij Arabes sequuntur. Superiore verò seculo prolixè & eruditè qualitates has defendit Ioh. Fernelius, Medicus doctissimus, in *libb. duobus de abditis rerum causis*, qui, in *præfat. lib. 3.* scribit, multos quidem atomos Democriti ridere: sed Democritum, si vitam cum morte commutare posset, multò magis hæc, quæ putamus elementa, (quatenus scilicet ex iis effectuum omnium naturalium causas nonnulli deducere

ducere conantur) suo more risurum. Acutissimus I. Cæf. Scaliger, *exerc. 218. sect. 8.* ad manifestas omnia deducere qualitates summam impudentiam esse scribit; & *exerc. 101. sect. 14.* Cardanum ita alloquitur: Quis te malus genius Alexandræus adegit eò, vt miserè crederes, solâ elementorum permissione fieri posse, vt ferrum trahatur à magnete? Et, *in lib. 1. de plantis*, de saporibus agens, hæc habet: Quòd si quis dicat, ex qualitatibus quatuor conspiratione confici saporē, respondeat; an in elemento quopiam, quâ elementum est, sapor insit. Non sanè inest. Cæterum quemadmodum neque vita prodit ab elementis, neque risus, neque sensus, neque intellectio, neque motus voluntarius, sed à formis aliis, quàm elementaribus: ita sapor quoque. Et si nihil esset, quod nobis persuaderet, alias esse qualitates occultas ab elementaribus, saltem in venenis decuit acquiescere. Idem Scaliger, *exerc. 218. sect. 8.* ait: Eorum namque multa diuersas habent ab elementorum qualitatibus proprietates, quæ omnino latent animos temperatos, illudunt curiosis. Et Th. Erastus, quem locum etiam antea, *cap. 1. allegauit de occult. med. propr. cap. 4.* scribit, eos, qui omnia ad manifestas qualitates deducere conantur, nihil consequi, quàm quod ab omnibus veritatis studiosis, & rerum naturalium scientibus meritò derideantur. Easdem occultas qualitates etiam defendit & explicauit, & plurimis exemplis probauit, Ioh. Francisc. Vlmus, *libris 4. de occult. in re Medic. propriet.*

CAPVT III.

De origine qualitatum occultarum.

ulta
ista
non a
mis
ginem
bent.
Galenus
sententia
O Riginem autem occultarum qualitatum inuestigare longè difficillimum est, neque de ortu earum omnes idem docent. Primò enim quidam reperiuntur, qui rei euidentiâ moti qualitates occultas negare non audent: dum tamen ad ortum earum inuestigandum peruenitur, ad elementa, & eorum qualitates relabuntur, & ex commistione & temperie infelici ausu, & irritò conatu occultas qualitates deducere conantur, & occultas qualitates & proprietates à peculiari primarum qualitatum temperie, quam hinc *ισοσυγκρασίαν* nominant, prouenire existimant; & ita, quod verbis asserant, reipsa destruunt. Equidem quid Galenus hac de re senserit, non satis constat, cum liber, quem de agentibus totâ substantiâ, *lib. 11. de simpl. medic. facult.* se scripturum pollicetur, quemque, *6. Epid. comment. 3. text. 5.* allegat, iniuriâ temporum ad manus nostras non peruenit: valde tamen in hanc sententiam inclinare, & in primis qualitatibus acquiescere videtur. Nam, *lib. 1. de Element. cap. 7.* scribit, Corpora nostra alterari tantum calefacta, refrigerata, exsiccata, humectata. Solas enim qualitates has totas transmutare per totam substantiam. Et cum, in *lib. 3. de temperam. cap. 3.* dixisset, quatuor corporis facultates, attractricem, retentricem, alteratricem, & segregatricem esse effectûs totius in quouis corpore substantiæ: addit, totam illam substantiam

De origine occultarum qualitatum. 51

substantiam constare è calido , frigido , humido , sicco, inter se mistis. Et, *cap. 4.* principij loco obseruandum esse docet , cuiuslibet corporis proprietatem quandam temperamenti esse, quæ huic quidem naturæ sit conueniens , ab hac verò dissentiens. Atque hinc deducit, cur alia aliis nutrimenti vel pharmaci loco sint; ex. pr. Cicutam sturno , veratrum cortunici esse nutrimentum , quæ homini sint medicamenta ; siquidem cortunicum & sturnorum temperies assimilare sibi veratrum & cicutam possit, quod hominis téperies non possit. In eadé sententia Recétiores plurimi fuerunt, & ultra elementa menté attollere non potuerunt.

Verùm enimuerò ex elemētis quocunq; modo mistis, eorūque qualitatibus quocunque modo temperatis , occultæ qualitates , quæ supra vires elementarium qualitatum agunt , prouenire non possunt. Et licet nonnulli ad occultum mitionis modum confugiant : frustra tamen sunt. Neque enim occulta mitionis ratio vllas nouas vires inferre potest, sed quocunque modo misceantur & remisceantur elementa , eorūque qualitates temperentur, nihil, nisi elementare, inde emergit. Et proportio manifestarum qualitatum ignorata ex manifestis non facit occultas, sed temperiem saltem parit , in qua proportio qualitatum primarum nos latet. Sunt & manent elementares qualitates. etiam sub incognita craseos mensura , & vt essentiam non mutant in temperie qualitates, ita nec actionem, quæ earum virtutem superet, edere possunt. Infallibilis enim veritatis regula est, quod nihil agat ultra vires suæ speciei. Et omnino argumentū, quo vtitur I. Cæf. Scalig.

exerc. 307. sect. 20. ad probandum, animam non oriri ex elementis, generale est, quod hîc etiam locum habet. Est, *inquit ille*, in animæ potestatibus, quod nunquam fuit in potestate elementi cuiusquam. At nihil est in quapiam re, quod non fuit actu in suis principiis. Principia namque sunt actus eorum, quorum sunt principia. At in anima est facultas ad mouendum antrorsum, retrorsum, sinistrorsum, quod in elemento nullo. Aliæ quoque longè illustriores sunt animæ potentia, quæ non sunt in elementis. Quod enim Scaliger dicit de facultatibus animæ, idem dicere possumus de facultate magnetis, medicamentorum purgantium, venenorum, & aliis. Nihil enim agit ultra virtutem suæ speciei; & nihil potest causare ultra actum suum adæquatum; cum is potentia virtutem impleat. Et licet aliæ vires sint in misto, quàm in singulis simplicibus scorsim sumptis: tamen vires eæ non sunt aliæ, quàm elementares, & quas singula elementa coniunctim considerata habent; suntque qualitates primæ à contrariis refractæ & temperatæ. Etenim, ut antea dixi, si quatuor vel plures ad cœnam δούλωτοι conueniant, omnes esurire necesse est. E. g. si quatuor colores misceantur, color quidem à singulis quatuor diuersus oritur, nihil tamen aliud oritur, quàm color, non vis, qualis est in opio, scammonio, & similibus. Eodem modo si qualitates primas misceas, & remisceas, aliæ quidem qualitates seu temperies oriuntur, quàm simplex caliditas, frigiditas, siccitas, humiditas, verùm nulla alia oritur inde qualitas, quàm elementaris, seu elementare temperamentum.

Neque

Neque est, ut quis eò confugiat, & dicat, qualitates manifestas, & earum temperiem, per se quidem non edere tam nobiles actiones, sed quatenus à forma specifica & nobiliori diriguntur. Etenim nullum instrumentum, etiam cum ab agente superiore dirigitur, ultra virtutem suæ speciei agit. Et propterea sicut artifex variis instrumentis utitur, v. g. statuarius circino, serrâ, dolabrâ, scalpro, quæ singula suum usum præstant: ita quælibet forma suis qualitatibus ad varias actiones utitur. Et sicut setra, quando adhibetur à fabro, secatur, non dolat, vel scalpitur: ita calor, ubicunque est, nihil aliud agit, quam calefacit. Neque magnes trahit ferrum, vel rhabbarum purgat, per calorem, sed occultam, & quidem sui generis, qualitatem.

Neque credendum est, cum elementorum formæ suas qualitates habeant, formas illas nobiliores steriles esse, & nullas qualitates producere, ut opus habeant saltem elementorum qualitarum ministerio precario uti. Summa, ut res formis differunt, ita etiam operationibus & instrumentis.

Nec melius aut rectius quid afferunt, qui statuunt, in qualibet mixtione educi novam formam, & semper manentibus priorum gradibus alios aduenire, & simul cum his novas qualitates emergere, & naturam primò formas uniuersales, illæque mediantibus particulares educere, donec tandem ad indiuiduorum formas peruentum sit; & ex hac qualitatum à diuersis formis ortarunt contemperacione corporumque, seruatis formis materiæ seu potentie naturam quodammodo

*Occultæ
qualitates
non
educuntur
è
potentia
materiæ*

induentibus, mistione oriri indicibilem quandam *ιδιουγενεσίαν*, quæ rectè occultæ qualitatis nomen quodammodo mereatur. Etenim vt alios errores de educationibus formarum, gradibus formarum, & similes præteream, & hi ipsi nihil præter elementa sapiunt, ac id, quod antea rectè statuerunt, occultum scilicet mistionis modum nullas nouas vires inducere, ipsi postea destruunt. Sit enim, vt multæ mistiones fiant, & simul cum his semper nouæ qualitates emergant: tamen quia prima mistio non nisi elementorum est, & temperies inde non alia, quàm primarum qualitatum emergit, etsi centies, imò millies, quæ primo mista sunt, porro misceantur & remisceantur, inde nihil nisi elementare, & nullæ aliæ qualitates, nisi elementares, emergūt, & propterea nobiliores, quàm qualitatum primarum actiones ab iis prouenire non possunt. Et si hoc modo res naturales generarentur, & medianibus formis, earūque gradibus semper manentibus perueniretur ad particulares, tādēque ad indiuiduales formas, omnium viuentium formæ, tam plantarū, quàm animalium, ex elementis excuderentur. Equidem Nouatori illi, qui somnia in suo cerebro heri & nudiustertius nata pro venerandæ antiquitatis dogmatibus venditare audet, id non videtur absurdum, qui statuit, animas plantarum & viuentium, exceptâ solius hominis anima, ex elementari materia esse factas, & plantas ac animalia iuxta materiam & formam ex elementis & primò esse producta, & hodie non sortiri diuersam naturam, & manere per omnes generationes corpora elementaria secundum materiam & formam. Verum crassa

&

An for-
ma plan-
tarum
& bris-
torum
sint ex
elemētis.

& absurdissima hæc est opinio, neque ullis rationibus probari potest, neque inuictæ Iul. Cæs. Scaligeri rationes contra eam solui possunt. Quod cum ille animaduerneret, nec ullam, etiam ad speciem saltem, probabilem rationem pro sua opinione inuenire posset, ad sacras literas malè intellectas confugit, & Mosem Scaligero opponere conatur, quasi is dixerit, omnia animata & inanimata ex elementis sic producta esse, ut iuxta materiam & formam eâ elementari materiâ consent, & hodie ex ea oriantur; cum Deus dixerit: Producat terra, producat aqua viuentia: tamen ex vi verborum illorum nullo modo sequitur, plantas & animalia bruta & secundum corpus, & secundum animam ex elementis facta esse. & hodie etiam inde generari; cum Deus perfectas plantas & animalia tunc in terra & aqua creauerit, quæ ut Fr. Iunius in hunc locum scribit, è terra & aqua, in quibus à Deo creata sunt, quasi fœtus ex utero exierint. Neque verbum הוּיבֵיא materiam dare, sed ex re facere, & sinere significat; ut ex *Gen.* 14. v. 18. *Exod.* 8. v. 18. *cap.* 20. v. 2. *Num.* 17. 8. *Psal.* 68. v. 8. *Psal.* 14. v. 14. aliisque plurimis sacrarum literarum locis patet. Neque etiam Deus terræ & aquæ dixit, Crescite & multiplicamini, sed viuentibus à se creatis, & semen suum in se habentibus; de quo etiam infra, *hypomnem.* 4. c. 4. dicetur. Rectiùs longè I. Cæs. Scaliger, *Exerc.* 307. sect. 20 ait: *Quin istis edico simul, omnem formam cuiuscunque perfectè misti, etsi non est anima, ut in adamante, naturam esse quintam, longe aliam à quatuor elementis.* Et, *exerc.* 307. sect. 2. Si, inquit, ut ista bellua carnifices animarum

temerè litigant, anima conflarentur ex elementorum formis, ipsa forma corrupta plus possent, quàm integra. Quòd si integra ab istis intus in composito seruantur, necesse est aliquà potentià ab eis diuersa & misceri ad certos fines, & certis finibus contineri. Non enim ex illis actu existentibus fieri potest vnũ per se, nisi à potestate superiore, quàm ἀρχὴν ἢ ζώων appellat Aristoteles. Et omnes quæ id probant, rationes firmissimæ sunt. Quis enim, qui considerat, quomodo in plantis radices, trunci, frondes, folia, flores, tam mirabiliter & tam variè pro specierum varietate secundum magnitudinem, figuram, situm, colorem, atque ita artificiosè, & certâ symmetrià formentur, vt nullus Geometra, vel pictor artificium omne assequi possit, ea omnia à materia elementari fieri credat? Quis sibi persuadeat, nobilissimam non solùm hominum, sed & animalium fabricam ab elementari natura produci? Quis sagacitatem canum, prudentiam, vt sic dicam, elephantis, astutiam vulpis, magnanimitatem leonis, miranda apium, formicarũ, & aliorum brutorum opera, & eiusmodi alia, quæ fecerunt, vt in quæstionem apud nōnullos venerit, an animalia bruta sint rationalia, à natura elementari deducat? Et proinde Herculeum ex his argumentum, vt modò dictum, extruit Iul. Cæs. Scaliger, exerc. 307. sect. 20. *In anima potestate est, quod nunquam fuit in potestate elementi cuiusquam. At nihil est in quapiam re, quod non fuit actu in suis principiis. Principia namque sunt actus eorum, quorum sunt principia.* In quo argumento soluendo quidem valde Nouator ille, sed irritò conatu, laborat. Primò enim axioma illud, quod
principia

principia sint actus eorum, quorum sunt principia, eo eludere conatur, quod materia etiam sit principium, & tamen non sit actus rei. Verum quis non videt, Scaligerum de principio formali, actionum causa, potissimum loqui, & formam saepe κατ' ἐξοχὴν principium dici. Neque tamen absurdum est, dicere, etiam materiam suo modo actum habere. Equidem non est actus compositi, quem forma praestat: interim per se est substantia, & ut Scaliger, *exerc. 5.* loquitur, materia per essentiam sibi propriam est id, quod est. Et, *exerc. 17.* Materiae est sua quidditas, qua est aliquid, & aliud ab aliis. Et materia omnibus rebus dat quantitatem. Contra alterum verò axioma; quod nihil est in quapiam re, quod non fuit actu in suis principiis, nullam rationem asserere potest. Certè quod quis non habet, alteri dare non potest, & nisi terra esset grauis, ignis calidus, nullum mixtum esset graue vel calidum. Et omnino nulla affectio in composito dari potest, quae non vel ad materiam, vel ad formam referri possit. Aliquot tamen instantiis id eludere conatur. Atque obiicit primò Caelum, quod sit omnia potestate efficiendi. Verum, quod ipse confitetur, non de causis efficientibus externis, sed de internis, & efficiendi principiis quaestio est, & hoc quaeritur, an aliquid sit in composito, quod non ab internis efficiendi principiis dependeat. Et caelum ipsum est causa vniuersalis, non patticularis. Deinde vitam obiicit, quae sit ab anima, sed non in anima. Verum obseruare debuisset, quod plurimi Interpretes Aristotelis ad *lib. 2. de anim. cap. 1.* annotant, vitam sumi dupliciter: vno modo pro vita substantiali,

An principia sint actus eorum, quorum sunt principia.

An nihil sit in re, quod non fuerit in principiis.

Vita quorū modis sumatur.

tiali, à qua, vt fontes, vitales actiones prodeunt; quæ est in anima, quæ radix est omnium potentiarum & actionum vitalium, quomodo ipse Aristoteles 2. de anim. t. 37. vitam accipit, dum scribit: Viuere viuentibus est esse. Altero modo sumitur pro operatione vitali, aut certè potentia vitales illas actiones exercendi, cuius illa vita substantialis sit principium; quæ cum sit accidens, etiam accidentaria vita à plurimis appellatur. Itaque nisi anima actu vitam haberet, illam viuentibus communicare non posset. Effugium quidem hic quaerit Paradoxologus, & distinctionem istam eludere conatur, dum vitam illam essentialem soli animæ rationali tribuit, accidentariam illam brutis animalibus. Verum nullam huius differentiae rationem affert. Contrà omnes interpretes Aristotelis utramque vitæ significationem omnibus animalibus tribuunt, & Aristoteles in genere dicit: Viuere viuentibus est esse. Et eodem modo, vt in homine est vita essentialis, à qua prouenit accidentalis, (Neque enim in homine alia est anima, qua is sit rationalis, alia qua animal) ita etiam in brutis & plantis ab ipsa essentiali vita prouenit illa accidentaria. Hoc est tamen differentiae, quod in homine per mortem accidentalis vita aboletur, essentialis verò manet: in brutis verò in morte & essentialis & accidentalis vita perit. Quæ hoc loco omnino pro veritatis defensione dicenda fuerant.

Præterea si occultæ qualitates fluerent ab elementis, nullæ aliæ in rerum naturâ simplices qualitates darentur præter primas, sed omnes primarû temperies essent, & ita compositæ: quod falsum.

Sunt

Sunt enim occultæ qualitates planè simplices, & à suis formis simplicibus ortæ; cùm formæ illæ ultimæ non sint steriles & ociosæ, sed sui generis qualitates producant. Nam vt ab ignis forma simplici fluit caliditas: ita à forma magnetis fluit vistrahendi ferrum, quæ simplex est qualitas; à forma illa, quæ est in rhabarbaro, fluit qualitas & vis bilem purgandi, quæ simplex est; & eadem ratio qualitatum aliarum occultarum. Deus nimirum Opt. Max. non potentia materiæ eduxit omnes formas, sed res omnes creauit, iisque suas formas dedit, easque non ociosas & inefficaces, ac viribus destitutas, sed suis qualitatibus & proprietatibus ac viribus instructas.

Sunt postea nonnulli, qui à cælo infundi istas *An occultæ qualitates à cælo fluant.* qualitates existimant. Verùm cùm iidem negare non possint, omnes qualitates & proprietates à formis suis fluere, concedere necesse habent, etiam has qualitates, etsi à cælo prouenirent, mediantibus formis suis prouenire. Verum alibi probatum est, formas non prouenire à cælo.

Quæ omnia ergo cum falsa sint, rectissimè statuitur, vt omnes alias qualitates & proprietates, ita & iam has à formis suis prouenire. Verùm quænam illæ formæ sint, porro inquirendum. Quod vt expeditius & facilius fiat, primò qualitatum harum secundùm subiecta differentiæ, seu substantiarum inuestigandæ sunt, à quibus apparebit, non omnes eandem habere originem. Sunt corpora alia viuentia, alia non viuentia; & non viuentium alia vitam habuerunt, vt rhabarbarum, absinthium, alia non habent, nec habuerunt. Quæ omnia, si, vt debent, in suas classes distribuuntur, *Qualitatum occultarum vera origo. Qualitatum occultarum differentia.* scx

sex omnino differentiarum qualitatum occultarum secundum suam originem constituentur.

Occulta
qualita-
tes in vi-
uentium
quibus-
dam spe-
ciebus.

Primò enim sunt occultæ & admirandæ proprietates, quæ viventium quibusdam speciebus semper competunt. Exemplum harum qualitatum & actionum suppeditat echeneis, seu remora, cuius vim tum alij, tum imprimis Plinius, lib. 32. cap. 1. admiratur. *Ruant, inquit, venti licet, & fœvant procella, imperat furori, viresque tantas parvus admodum pisciculus compefcit, & cogit stare navigia; quod non vincula vlla, non machina pondere irrenocabili iacta. Infrenat impetus, & domat venti rabiem nullo suo labore, non retinendo, aut alio modo, quàm adharendo. Hæc tantilla est satis contra tot impetus, ut vetet ire navigia. Sed armata classes imponunt sibi turrium propugnacula, ut in mari quoque pugnetur velut è muris, Heu vanitas humana! Cum rostra illa ære ferroque ad ietûs armata semipedalis inhibere possit, ac tenere revincta pisciculus.* Hæc Plinius. Id quod tamen vivus saltè præstat hic piscis, non verò mortuus. Torpedo quam vim habeat, notissimum etiam est: nempe quod non solum tangentes alligat, sed per ipsum etiam rete obtorpescentem grauedinem piscatorum manibus inducit. Ac narrant quidam, periclitatum sæpe, si quis, cum viua elabatur, supetnè interea manibus aquam agitet, vim ad manus remeantem & obstupefacientem penetrare. Eadem tamen mortua in cibum etiam nonnullis cedit. Quàm admirandæ Basiliscus viventis vires sint, videatur in *Epit. nostra Phys. lib. 7. cap. 10.* Mortuus tamen idem sine periculo tractari potest. Tales qualitates meritò ab animabus deduc-

deducuntur; quarum quæ sit origo, alibi pluribus dictum: nimirum quòd in primâ rerum creatione omnes sint cum plantis & animalibus creatæ, & nunc etiam in plantarum & viuentium generatione multiplicentur, viresque à creatore infitas habeant.

Secundò sunt quædam individuales proprietates in viuentibus. Ita quidam caseum, hunc vel illum piscem, vel alium cibum vel potum auersantur; & omnino variæ variorum indiuiduorum cum certis rebus sympathiæ & antipathiæ passim ab autoribus annotatæ. Hæ proprietates cum toti speciei non sint communes, sed quibusdam indiuiduis propriæ, etiam à forma specifica ortum non habent, nec ad potentias essentielles, quæ immediatè à forma fluunt, & sicut forma ipsa non mutatur, nec gradûs recipit, ita nec ipsæ mutantur, pertinent, qualis in homine est vis ratiocinandi, ridendi, videndi, audiendi, &c. sed ad potentias & impotentias naturales quæ fluunt à peculiari corporis, vel eius partium dispositione referenda sunt. Quæ dispositio cum homini essentialis non sit, sed variè mutabilis; etiam potentia naturalis cum impotentia naturali, & hæc cum illa permutari potest. V. g. hominis inter alia proprium est, cibum & potum, qui corpori alendo vtilis sunt, appetere, concoquere, & in alimentum mutare posse. Quòd verò quidam caseum, alij lucios pisces, alij vinum auersantur, id ab impotentia naturali est, è peculiari ventriculi in hoc vel illo indiuiduo dispositione proueniente: quæ cum non semper sit perpetua, sed nonnunquam ætatis progressu, vel aliis de causis mutetur, accidit

*Indiuiduales
proprietates.*

accidit sæpe, ut, qui in pueritia caseum auersati sunt, & abstemij fuerunt, postea in virili ætate caseum comedant, ac vinum bibant. Cùm autem ad impotentias naturales pertineant ea omnia, quæ ad morbosam constitutionem quamcunque pertinent; istæ occultæ qualitates non pendent vel ab intemperie, vel à morbo aliquo organico, vel à soluta vnitæte, sed ab occulta & inexplicabili dispositione. Equidem quod quis cibum non appetere, vel non coquere potest, id prouenire potest ab intemperie ventriculi manifesta: sed quòd quis, qui omnes alios cibos sumit vel coquit, saltem caseum vel panem, vel hunc aut illum piscem auersatur; id omnino ab occulta qualitate prouenit. Dispositiones autem illæ interdum ab ipso ortu insunt, interdum postea adueniunt. Quæ ab ipso ortu adsunt, quædam sunt hæreditariæ, quæ cùm antea in parentibus fuerint, cum ipsis principiis generationis in sobolem deriuantur: quædam verò etsi in parentibus non fuerint, à matribus tamen per imaginationem fœtui imprimuntur, unde accidit, ut nati cibos aliquos auersentur, quos matres grauidæ vel auersatæ fuerunt, vel quorum compotes fieri non potuerunt. Post orrum interdum per morbos, interdum ex cibi alicuius crebrius & copiosius sumti fastidio excitantur. In qua re imaginationis plerumque primariæ vires sunt, de quibus, *de consens. & dissens. chymic. cap. 14. actum.*

*Occulta
qualita-
tes gem-
marum,
lapidum,*

Terrium genus occultarum qualitatum est rerum, quæ non viuunt, quæ tamen suas formas specificas, alias ab elementis, habent. Ita ob formam suam specificam magnes trahit ferrum. Habent-
que

que gemmæ singulæ, vt & metalla ac mineralia & me-
suas occultas proprietates & vires, quæ à forma *tallorum.*
ipsarum specifica fluunt; quæ tamen formæ speci-
ficæ, vt aliæ omnes, animum hominis latent.

Quartò sunt occultæ proprietates in rebus na- *Occulta*
turalibus, quæ antea vixerunt, sed iam amplius *qualita-*
non viuunt. Quales passim in plantis & animalibus *tes rerum*
quibus loco medicamentorum vtimur, appa- *emortua-*
reut. Neque enim viuus animalibus vel plantis *rum.*
ferè vtimur in Medicina, sed iam emortuis. Ita
bufonibus exiccatis vtimur ad extrahendum ve-
nenum: cinis cancrorum fluuiatium medetur
morsui canis rabidi: alcis cornua & ungulæ contra
epilepsiam viles sunt: cornu cerui & os de cor-
de cerui contra venena vsurpantur; cranium hu-
manum contra epilepsiam medetur: rhabar-
barum, agaricus, mechoacanna, elleborus albus &
niger, atque aliæ plantæ purgandi vini habent: ra-
dices pæoniæ contra epilepsiam prosunt: scor-
dium veneno aduersatur: & sunt aliæ plurimæ in-
signes plantarum vires. Et omnino huc pertinent
omnium medicamentorum, quæ ab omnibus ani-
malibus & plantis, quæ amplius non viuunt, pe-
tuntur, vires & occultæ proprietates.

Has autem proximè & immediatè non fluere *Vnde ea*
ab anima & forma specifica seu animalium seu *fluant.*
plantarum, certum est; cum anima in medicamen-
tis illis amplius non adsit. Neque etiam possunt
prouenire & pendere à mixture elementorum
simpliciter, & temperie qualitatum primarum;
cum illarum actiones sint toto genere diuersæ ab
iis, & supra earum vires, neque etiam dirigantur
ab anima, vtpotè amplius non præsentem. Cum
verò

vero omnis qualitas præsupponat formam , & has qualitates à forma quadam fluere & pendere necesse est. Illa autem nulla alia esse potest, quàm quæ antea subiectum seu οἰκείαν ὕλην formæ nobiliori, perfectæ & specificæ suo modo, & pro sua parte (suo modo, inquam, ne quis cauillandi occasionem habeat. Nam forma illa cum sua materia ἡγεατην ὕλην, quæ cum forma ipsa corrumpitur, non planè absoluit; aut certè organum perfectum non constituit; cum in animalibus etiam calor influens; & in plantis quiddam ἀνάλογον requiratur) constituebat. Cum enim nobilior forma nobiliorem requirat materiam, & sicut formæ τιμιότητι καὶ ἀτιμία, ut Aristoteles loquitur, differunt, ita etiam materiæ illæ differant, & singulis speciebus ac formis propriæ sint: materiæ illarum differentia & diuersitas non nisi per formas diuersas esse potest, quæ cuique formæ specificæ suam οἰκείαν ὕλην cōstituunt. Quæ quidem formæ per se consideratæ etiam veræ formæ sunt, quæ materias suas informant: sed respectu animæ & formæ specificæ rationem materiæ immediatæ habent; atque ita vna res duobus actibus substantialibus non subsistit, sed quæcunque vnā formam specificam habet. Vbi autem forma specifica recedit, ramentent aliquandiu hæ formæ, & formæ officio funguntur, & facultatum atque operationum, quæ in rebus pluribus amplius non viuētibz deprehenduntur, neque tamen ex elementorum qualitatibus vel formis prouenire possunt, auctores sunt.

Quæ autem harum formarum origo sit, satis obscurum,

obscurum, & pauci in eam inquisiuerunt. Cum *Vnde for-*
 verò de ea pluribus in Institut. *lib. 5. part. 1. sect. 1. c.* *ma su-*
 2. egerim, pauca saltē hīc afferā. Creator rerum *bordina*
 pientissimus vt omnibus rebus in prima creatione *ta.*
 formas suas specificas dedit, ita etiam iisdem, &
 quidem diuersis diuersam, & cuique propriam de-
 dit materiam, & in materia illa cuique speciei pro-
 prias suas simul formas; & quidem duplici fine.
 Primò, vt formæ specificæ habeant subiecta, in *Forma-*
 quibus esse, subsistere, & actiones suas perficere *rum illa-*
 possint. Secundò, vt animā, seu formā illa specifi- *rum finis*
 cā decedente homini certos vsus præstarent, &
 vel in alimentum, vel in medicamentum cede-
 rent. Et sicut formæ illæ specificæ multiplicantur
 & propagantur: ita etiam formæ hæ subordinatę
 propagantur. Aut certè, quod aliis placere video,
 animæ viuentium eam vim habent, vt tales for-
 mas, quæ ad suum subiectum & domicilium con-
 stituendum pertinent, producant, quæ etiam ipsis
 amplius non præsentibus manere possint.

Cum verò quælibet forma suum subiectum &
 materiam adæquatam requirat, cum qua simul est *Subiectū*
 & perit, etiam de harum formarum subiecto in- *harum*
 quirere operæ pretium est. Hoc autem in plantis *forma-*
 & animalibus nihil aliud esse videtur, quàm Spi- *rum.*
 ritus ille insitus, humidumque radicale, quæ con-
 iunctim sumta vulgò calidi natiui, à Recentiori-
 bus, Chymicis præsertim, Balsami naturalis no-
 mine appellantur. Experientia enim ipsa docet,
 plantas, vt & animalium partes quamdiu balsa-
 micam istam substantiam obtinent, vires suas in-
 tegras retinere: quamprimum verò eam amittunt,
 atque cariosa euadunt, vel putrida, etiam *ἐξίτληα*

E fieri,

fieri, & vires suas amittere, & reliquum corpus relictum inutile esse. Id quod Pharmaceuticæ & Chymicæ separationes docent. Si enim coctione vel infusione ea substantiæ pars, in qua vis purgandi est, sepatetur & extrahatur, utile medicamentum paritur; reliquum verò corpus planè inefficax relinquitur.

*Occulta
qualita-
tes rerū,
quæ in
plantis &
animali-
bus se-
cundum
naturam
generan-
tur.*

Quintò sunt occultæ qualitates in iis, quæ in plantis & animalibus secundum naturam generantur; qualia sunt venenum scorpionis, aspidis, serpentis, tarantulæ, & aliorum animalium venenatorum, lapis Bezoar, Molchus, Zibethum, Castoreum, & si quæ huius generis alia sunt, quæ in animalibus secundum naturam generantur. Huc referendi plantarum succi, lacrymæ & gummi, aloë, scammonium, elaterium, euphorbium, gummi gotte, opium, succus cicutæ, & huius generis plurima alia. Quæ omnia etsi hominibus vel medicamenti, vel veneni loco sint: tamen plantis & viuientibus sunt domestica & cognata. Tales autem qualitates omnes, earumque effectus, non proximè ab anima, seu viuientium forma specifica, sed forma ipsorum propria pendent; cum à viuientibus separata nihilominus suos effectus, & suas operationes habeant. Vnde autem formæ istæ proueniant, etsi explicare non ita facile est: tamen tutissimum videtur, statuere, res istas formas suas ab anima cuiusque speciei accipere, & formas istas quodammodo animæ inclusas esse, aut certè ab ea prouenire. Vt enim anima habet vini chylificam, αἵματο ποιντικήν; ossificam, cutificam: ita etiam alij succi in aliis viuientibus producuntur, vt oleum in olea, vinum in vite; eodémque modo

modo succi illi venenati medicamentosi que, quos modò commemorauimus, à sua cuiusque speciei anima producantur. Et sicut vinum, etiam si anima vitis amplius non animatur, nihilominus λόγος εἰσίας, & formam illam, quam à vite accepit, vt corpus naturale, per multos annos retinet: ita & modò enumerati succi suas formas & vires integras diu possident; imò cognationem aliquam & consensum cum eius speciei formis habent, motusque iis analogos perficiunt. Vnde vinum in doliis, dum vires efflorent, effervesce solet. Talium nimirum omnium ratio in semine latet; quia, vt Aristoteles, 5. de gen. anim. cap. 7. ait, αἱ ἀρχαὶ μικρὰ εἶναι μικρὰ τῇ δυνάμει μεγάλα ἰσὶ: Principia quamuis parua magnitudine: tamen facultate & potentiâ sunt maxima. Idque imprimis de semine. Verum est: & quod egregiè Seneca, lib. 3. quest. natural. cap. 9. de homine dixit, id de omnibus viuentibus verum est. *In semine, inquit, omnis futuri hominis ratio comprehensa est: & legem barba & canorum nondum natus infans habet.*

Sextò sunt & maligni humores & venena, quæ in corporibus animalium præter naturam generantur, & omnia qualitibus occultis sunt efficacia. Tales sunt humores, vnde epilepsia, suffocatio vteri, dysenteria maligna, febres malignæ & pestilentes, imò ipsa pestis, scorbutus, elephantalisis generatur; venenum item canis rabidi. De quorum generatione agitur lib. 6. Pract. part. 2.

CAPVT IV.

*De differentiis occultarum qualita-
tum.*

*Differen-
tiæ ocul-
tarum
qualita-
tum.
Prima.
Secunda.*

*Qualita-
tes real-
es.
Intention-
ales.*

SVnt autem qualitates occultæ non vnius gene-
ris, & prima quidem differentia patet ex iis,
quæ capite præcedente dicta sunt, fitque ex iis
manifestum, sex omnino earum, esse ratione ori-
ginis genera, de quibus plura addere non est.
Secundò habetur quædam differentia ferè à
modo inhærendi petita. Vulgò, vt etiam ex Scali-
gero, *exerc. 71.* patet, dicunt, qualitates alias esse
reales, alias intentionales. Qualitatem realem esse
viriditatem in arbore: intentionalem esse viridi-
tatem ab arbore in parietem vel vestem immis-
sam: Qualitatem realem esse colorem in vino
rubro: intentionalem in mensa productum, cum
lumen per vitrum vino rubro plenum transmitti-
tur. Vbi quidem res ipsa rectè traditur, nomina
verò sunt parum conuenientia. Cum enim inten-
tionale id propriè dicatur, quod à mentis nostræ
operatione dependet, & sine ea nihil est: hoc mo-
do qualitates hæ occultæ intentionales dici non
possunt, nec rectè realibus opponuntur, cum &
ipsæ reales sint, & nobis non cogitantibus in re-
rum natura reperiuntur, & reales effectus ha-
beant. Rectius illæ, vt color in arbore, lux in cor-
pore lucido, qualitates materiales dici posse vi-
dentur; cum à materia non separentur: hæ, spe-
cies spirituales. Atque non exigua inter qualitates
illas materiales, & species has spirituales est diffe-
rentia

rentia. Nam illa insunt suo subiecto, & cum eo, & ad eius motum mouentur, nec ab eo sunt separabiles, & successiuè in subiecto recipiuntur, nec sunt plures eiusdem in eodem subiecto numero differentes, non confusæ, sed distinctæ. At spiritales illæ species à corpore à quo oriuntur, in orbem quasi rectâ, radii instar, diffunduntur, non mouentur cum aëre, cui insunt; in eodem subiecto numero plures non confusæ insunt, quod ex plurium candelarum pluribus vmbis apparet; multæ earum etiam per solida corpora transeunt, vt ex sono & magnete apparet. Interim non sunt inefficaces, sed vires earum rerum, à quibus fluunt, obtinent; sicut lumen lucem repræsentat; magnes trahit ferrum, vmbra taxi noxia est. Quamuis autem vulgò saltem inter species sensibiles harum specierum fiat mentio: tamèn procul dubio multò plures sunt, quàm à sensibus humanis apprehenduntur. Et per eas multæ rerum sympathiæ & antipathiæ, & mirandæ operationes atque actiones, quæ hodie à nonnullis Magneticæ dicuntur, accidunt. Id quod agnouit Iul. Cæs. Scaliger, qui, *exerc. 344. sect. 5.* vbi de sympathia loquitur, tandem concludit, talia per species fieri & habere se speciestales sicut radium continuum promotum, qui etiam per & vltra phialæ vitrum propagatur.

Quid autem sint istæ species spiritales, non facile explicatu est. Vulgò Qualitates dicuntur. Verùm hoc non placet Fracastorio, *lib. de symp. & antipath. cap. 5.* qui substantias esse statuit, & eiusdem rationis cum formis illis, quarum sunt species, nec differre ab iis, nisi modo subsistendi. Eatenus enim materiales esse dicit, quatenus causantur

Species
spiritalis
quid.

quâdam existentia in materia sunt, & certos terminos poscunt. Cum autem ingenuum sit omnibus formis, sese propagare, & has formas materiales, cum per eum modum & existentiam, quâ ipsæ sunt, sese propagare non possint, tenuem & superficiale suam vel partem, vel gradum producere, quem ὁτι-πολύν vocant, qui ob tenuitatem suam & contrarium non habet, ac momento gignitur ac propagatur, seu soboles quædam. Verum nemo facile dixerit, lumen & lucem solis esse eiusdem essentia, multò minus eiusdem rationis cum forma Solis, aut colorem, qui est in re, cum eo, qui est in speculo. Quomodo verò si sunt qualitates, in momento gignantur & propagentur, cum aëre, per quem diffunduntur, non moueantur, eiusdem speciei plures numero sint in eodem aëre, nec confundantur, nemo etiam facile explicabit.

Vt ita hinc cum eodem Fracastorio seqq. versibus nobis conquerendum sit.

Quid dicam miserum me agere, & quam ducere vitam,

*Irrequietum animi, & querendum indagine vana
Naturam semper fugientem, qua se ubi paullum
Ostendit mihi, mox species in mille repente,*

*Ceu Proteus, conuersa, sequentem eludit & angit,
Mœrentem seniique horas, cassumque laborem?*

Nuper enim tenues species, simulacraque rerum,

Qua fluere ex ipsis dicuntur, perque meare

Omnia, dum sector, meditans tacitusque requiro

Ania sylvarum, & secreta silentia solus:

Cognoui tamen his spectris illudier ipsis;

Vt sensus feriant nostros semperque laceessant,

Perque fores, caulasq; animi ludantq; meentque,

Ac

Ac remeant, ipsamq; nec inter somnia linquant.

Nam quæ obscuritas naturæ in speciebus sensibilibus occurrit, eadem in omnibus aliis eiusdem speciebus spiritualibus, quarum multò plures sunt, & quàm quæ sensibus nostris percipiuntur, & vulgò creditur, deprehenditur.

Secundùm hanc qualitatum differentiam, *Qualitates occultæ materiales.* etiam occultæ qualitates differunt. Primò enim occultæ qualitates, quæ materiales dici possunt, quòd semper cum materia & subiecto, in quo generatæ sunt, propagantur, & extra non sese diffundunt. Et quamvis se in alia corpora & in longum diffundere videantur: tamen id fit per atomos & minima corpuscula, quæ à corporibus, à quibus fluunt, non nisi magnitudine differunt, & eandem essentiam, qualitates, & vires cum iis habent. Tales sunt qualitates omnes illæ occultæ, per quas morbi contagiosi in alios diffunduntur, id quod in lue Venerea, elephantiasi, pestilentibus & contagiosis febribus, & peste ipsa accidit. In talibus enim omnibus à corpore ægto minima quædam corpuscula effluunt, quæ ab aliis corporibus recepta similem in iis morbum excitant; ut pluribus de cōtagio in *Instit. lib. 2. part. 2. cap. 12. & lib. 4. de febribus, cap. 3. & lib. 6. præf. p. 3. cap. 3. dictum.* Neque enim talia species sunt, quæ quasi radius continuus promotus sunt, sed minima corpuscula, quæ inordinatè per aëris motum & ipsa moventur: neque quisquam vel peste, vel lue venereâ, vel elephantiasi inficitur, nisi qui ab alio eiusmodi corpuscula acceperit.

Deinde sunt qualitates occultæ, quæ species *Spirituales.* spiritales meritò appellantur, quod quasi radius

continuò promotus à corpore suo effluunt, in orbem diffunduntur, & suam certâ actiuitatis sphæram habent, & quædam etiam per corpora alia penetrant. Ita magnes etiam tabula imposita ferrum trahit: felis etiam cistæ inclusa alium, cui cum felibus antipathia est, afficere potest: canis etiam per ianuam occlusam qualitarum harum beneficio herum præsentem agnoscit: sic torpedo per tridentem piscatoris manum torpidam reddit. Et Auicennas ac Conciliator, *lib. 1. de venen. cap. 1.* serpentis mentionem faciunt, qui mediante hastâ, quâ miles quidam serpentem illum percusserat, militem eundem interfecit. Ita Basiliscus visu hominem occidit. Id quod priores qualitates materiæ adhærentes præstare non possunt. Neque enim aliquis morbo contagioso laborans alium per ianuam clausam inficere potest; cum minima illa corpuscula per eas transire non possint.

Tertia occultarum qual. differensia. Tertiò & alia adhuc qualitarum occultarum est differentia, à paucis omnino adhuc notata, quòd scilicet quædam qualitates spirituales, quæ ab aliis rebus effluunt, in quibusdam corporibus recipiuntur, & ab iis recepta eadē, quæ priores, vires habent. Tale quid in magnete obseruatur. Eius enim vis à ferro recipitur, vnde & ipsum ferrum trahendi, & versus polos mouendi vim accipit. Neque solùm hoc per affrictum magnetis, & atomorum quorundam communicationem fieri potest; cum ferrum etiam conclusum & reclusum à magnete vim accipiat: id quod ipse obseruavi. Cum enim indicem horarium magnéticum seu versorium, (vulgò Compassum vocant) in quo index ferreus & ossæa capsula conclusus,

&c

& vitro testus esset, in eadem cum magnete maiora capsula haberem, accidit, ut ille verticitatem planè mutaret, & alio, quàm antea motu moueretur. Ita canes vestigia heri & ferarum odoratu legunt, proculdubio speciebus eiusmodi terræ & gramini, quod odoratu explorant, impressis. Omnino enim aliquid reale, esse necesse est, quod ipsorum odoratum mouet, neque tamen materialis qualitas, quæ cum corpusculis suis nullibi certè hæret, sed inordinatè aëris motu mōuetur. Atque in mea sententia me confirmat Nicolaus Cabeus, *Magnetic. Philos. lib. 3. cap. 21.* ubi docet, ferrum acquirere verticitatem, non solum magnetem tangendo, sed etiam solum propius accedendo. Sume, inquit, acum, quæ nunquam magnetem tetigerit, & filo suspendito, tum admoveas magneti, sed ita procul suspensam detineas acum, ut accedat quidem ad magnetem, re tamen non tangat, imò per aliquod etiam interuallum à magnete distet; dico, futurum, ut acus illa non solum virtutem à magnete concipiat, si ita ad magnetem accedat, ut tangat illum, sed etiam, si non contingat, dummodo propius accedat. Imò virtutem etiam à magnete in se deriuaret, si inter acum & magnetem interpositum esset aliud corpus, ut lignum, lapis, & quodlibet aliud. Patet hoc primum experientiâ. Si enim, ut dixi, ita procul acus suspendatur, ut ad magnetis contactum aspi-
 ret quidem peruenire, tamen nequaquam possit, vel quia procul detineatur acus, vel quia inter acum & lapidem interponatur corpus aliquod durum & imperuium, si postea amoveas magnetem, suspensa acus ostendet omnes effectus

magneticos clarissimè, ac si magnetem tetigisset, quos priùs non ostendebat. Nam & librata conuertet se ad polos determinatos, cuspide, exempli gratiâ, semper in septentrionem directâ, ex legibus magneticis, & ferri ramenta optimè suspendet, vt quacunque ratione tentes, magneticam semper virtutem clarissimè deprehendas, quæ tamen non apparebat, antequam sic ad magnetem accederet. Ergo magnes non solum verticitatem, & suam virtutem ferro immittit per contactum, verum etiam, dummodò propius ad ferrum accedit, per solam præsentiam. Constat deinde hoc idem ex ratione. Magnes enim non solum in se habet magneticam virtutem, atque adeo in se etiam facultatem eandem producendi in sibi cognata corpora, sed etiam illam ipsam virtutem circumquaque effundit in orbem, & sibi sphaeram format actiuitatis. Et multæ procul dubio aliæ dantur tales species, quæ per solidissima corpora æquè facile penetrant, ac per tenuissimum aërem. *Hæc Cabeus.*

Recipiuntur autem tales qualitates non in quolibet corpore, sed sibi conueniente. Ita magnetica illa qualitas in ferro purissimo recipitur. Illam tamen etiam in lateribus illis coctis, qui propter vehementem in fornacibus ignem fer-ruminari solent, eandemque ob causam nigrum vel ferreum inducunt colorem, & siue ex colore, siue ex duritie ferrei lateres appellantur, recipi se obseruasse scribit idem Cabeus, *lib. 2. Philosoph. Magnet. cap. 8.* & si frustulum huiusmodi lateris sumas, & valido magneti ex arte opponas, qualitatem contrahere duarum facierum, quam appellat,

pellat, id est, inclinationem ad utrumque polum accipere affirmat.

Quartò etiam distinguuntur qualitates occultæ effectûs ratione quòd aliæ sympathiam, aliæ antipathiam excitant, quarum exempla passim tota natura suppeditat, & collegerunt, Fracastorius, in lib. suo de sympath. & antipath. Marcel-
Quarta
differentia.

lus Donatus, de hist. med. mirab. Ioh. Francisc. Vlms, de occult. in art. Med. propriet. Andreas Libavius, part. 2. singul. tr. 4. Ioh. Schenkus, lib. 7. obseru. in fine, quæ hîc repetere non opus esse censeo.

Quintò est quædam differentia, quam recenset Galenus, 6. epid. comm. 6. text. 5. ubi ea, quæ ex totius substantiæ proprietate in quatuor genera distinguit, in alimenta, medicamenta, deleteria, & alexipharmaca, quibus comprehenduntur omnia, quæ in rerum natura consistunt, mineralia & lapides, plantæ, animalia. Et quidem alimenta quod attinet, omnino inter nutrimentum, & quod nutriri deber, quædam similitudo & sympathia intercedat, necesse est, quæ non solum consistit in qualitatibus primis, & eorum temperamento, sed etiam in tota substantia, & qualitatibus occultis: quod vel ex eo patet, quòd vitentium omnium non vnum, sed varium alimentum est. Etenim plantæ varix in eodem agro sitæ singulæ suum alimentum attrahunt, & ut Hippocrates, de nat. hum. text. 31. scribit, τὰ φύσιν καὶ ποικίλον, ὁκόταν εἰς τὴν γῆν ἔλθῃ, ἔλκει ἑασον τὸ καὶ φύσιν ἰωντῶ ἐνὶ τῇ γῇ. ἐνὶ ᾧ καὶ ὄξυ, καὶ πικρὸν, καὶ γλυκὺ, καὶ αἰμυρὸν, καὶ παντοῖον: Quæ crescunt & feruntur, quando in terram veniunt,
Alimen-
torum
occulta
qualitas.

attra

attrahit unumquodque quod secundum naturam sibi familiare in terra inest. Est autem acidum & amarum, & dulce & salsum, & omnigenum. Eadem ratio est in animalibus. Quæ enim homini venena sunt, quibusdam animalibus nutrimentum fiunt; veluti cortunici vetatrum, & cicuta sturno, ciconiis ranæ, serpentes, bufones. Imò inter homines repetiuntur, qui certis cibis delectantur, contrà ab aliis planè abhorrent.

*Medicamentorum
occulta
qualitates.*

Medicamentorum verò vires pleràsque ab occultis qualitatibus provenire, extra dubium est. Purgantia vires suas exercent per occultas qualitates. Eodem modo occultis qualitatibus agunt medicamenta specifica, & singulis partibus propria; amuleta item, & quæ extra corpora quocunque modo applicata prosunt vel nocent. Pertinent huc odores, suffitus, & occulta illa effluvia, quæ cum hominem, tum animalia afficiunt; sicut notissimum est, canes herorum & ferarum vestigia odorata legere, & nonnullos felis, etiam quam non vident, præsentiam ferre non posse, ut antea dictum: Ut de iis, quæ visu vel auditu sese mutuò afficiunt, iam non dicam. Quorum omnium exempla plurima habet Ioh. Fr. Vlmus, *toto libr. 3. de occult. in art. Med. prop.*

*Venenorum
occulta
qualitates.*

De venenis verò res adeò manifesta est, ea occultis qualitatibus agere, ut rectè scripserit I. Cæs. Scaliger, *exerc. 218. sect. 8.* Si nihil aliud persuaderet, quàm frustrà & temerè multi instituerint omnia ad manifestas qualitates reducere, saltem venena & eorum remedia id docere posse.

Alexipharmacorum.

Eadem ratio Alexipharmacorum est, utpote, quæ venenis opponuntur, & proinde, sicut venena,

venena, non manifestis, sed occultis qualitatibus corpori nostro inimica sunt, ita hæc venenis itidem non manifestis, sed occultis qualitatibus aduersantur.

Atque hæc, quæ in genere de qualitatibus occultis dicta sunt, si quis obseruauerit, non difficulter ea, quæ passim in Physicorum & Medicorum scriptis de qualitatibus occultis occurrunt, intelliget.



HYPOMNEMA III.

DE ATOMIS;
ET MISTIONE.

CAPVT I.

De Atomis.

ON solum vocabula, sicut nummi, usu valent, sed & sententiæ, & quæ in usu fuerunt opiniones olim Philosophorum, aliis emergentibus vnâ cum scriptis eorum abolitæ sunt.

Fuerunt olim totius antiquitatis testimonio viri sapientissimi, Pythagoras, Empedocles, Democritus, Socrates, Anaxagoras, Parmenides, & plurimi alij, quorum tamen dogmata vel planè ignorantur, vel talia ipsis attribuuntur, quæ fabulis anilibus,

anilibus, quàm sententiis viro sapiente dignis similiora videntur; seu, vt Franciscus Titelmanus, *lib. 5. Philosoph. natural. cap. 15.* loquitur, quæ, si à nobis rectè intelligerentur, forsitan non penitus nobis viderentur improbanda, quæ tamen nunc prima facie, dum non intelliguntur, velut absurda ridentur, ac velut Philosophis indigna abiiciuntur. Equidem Aristoteles antiquorū opiniones passim & recensuit, & acriter impugnauit; sed ingenuè confitetur Pererius, *lib. 4. com. de rer. nat. princ. c. 16.* se inficiari non posse, Aristotelem in aliorum opiniones inquirendo, & in his ipsis diiudicandis magis, quàm æquum erat, durum atque acerbū arbitrum & iudicem existisse. Et, *ibid.* Simplicij sententiam refert, qui existimauit, priscos illos Philosophos solitos esse velare sententias suas ænigmaticis & allegoricis obscuritatibus: quocirca Platonem & Aristotelem veritos, ne, qui rudiores, hebetiorésque sunt, ad eorum abstrusa sensa introspicienda, quod primo aspectu quasi apparet ex eorum dictis arripientes, in errorem laberentur, ita opiniones eorum tractasse, vt eas vulgò improbare ac reprehendere videantur.

Democri-
ti laus.

tur. Vt de aliis non dicam, Democritus, Hippocratis *συγγραφεύς*, vt non solum ex epistolis Hippocratis, sed & Diogene Laërtio, & Plinio, *lib. 30. cap. 1.* patet, Philosophiæ studiosissimus fuit, & non modò Anaxagoræ, quo ætate minor 40. annis fertur, sed & Philosophorum peregrinorum sententias diligenter perpendit, & sapientiæ conquirendæ gratiâ multis annis peregrinas regiones, Chaldæam, Indiam, Persiam, Æthiopiam, Ægyptum peragrauit, & magos ac sapientes illorum

Horum locorum audiuit & consuluit, vt ex Æliano, *lib. var. histor. cap. 20.* Diogene Laërtio, *in eius vita*, Clem. Alexandrino, *lib. 1. Strom.* & Eusebio, *de preparat. Euangel. lib. 10. cap. 2.* Plinio, *lib. 30. cap. 1.* videre est. Et vitæ satis longæ spatio (obiit enim annum 109. agens) ad rationis & experientiae trutinam omnia diligenter examinavit, & ita in Philosophia excelluit, vt vulgò *ῥητάδης*, quasi quinquertio victor, id est, qui in Naturalibus, Moralibus, Mathematicis, & reliquis disciplinis scientiâ emereret, appellatus, ab Hippocrate, *in Epistola ad Damagetum*, ἀνδρῶν ῥητάτης, hominum sapientissimus; αἰνῆ ῥητάτης, vir sapientissimus; & *in Epistola ad Democritum*, αἰεὶ φυσικῶς καὶ κόσμῳ ἑρμηνευτῆς, Præstantissimus Naturæ & Mundi Interpretes nominatus, & ab ipso Aristotele, *1. de generat. & corrupt. cap. 2. text. 5.* omnib. priscis Philosophis in scientia naturali prælatus fuerit. Ascenatu verò populòque Abderitano tanto in pretio habitus, vt *in Epistola ad Hippocratem*, scribat, se metuere, si Democritus malè valeat, vrbs Abderitana penitus pro desertâ habeatur. & *in eadem epistola* σώμα ῥητῆς, corpus sapientiæ nominetur. Imò ab iisdem Philosophia dictus sit, vt refert Ælianus, *allegato loco.* Ac vel hoc eius insigne in cognoscenda Physica studium arguit, quòd Plinius, *lib. 14. cap. 2.* scribit: Cùm vitium innumera atque infinita penè sint genera, & totidem penè quot sunt agri; eorum tamen genera numero comprehendiposse, vnus existimavit Democritus, cuncta sibi Græciæ cognita professus. Non ergo credibile est, virum ῥητάτην, vt appellatur ab Hippocrate, & tam sagacem,

fragacem, ac vitæ vtilissimum, vt à Plinio, *lib. 28. cap. 8.* nominatur, tam absurdas, vt hodie ipsi attribuantur, opiniones fouisse; nec vero consentaneum est, vt verbis Pererij, *lib. 4. Phys. c. 4.* vtar, virum cordatum & sapientem, ac multifariè laudatum ab Aristotele, res tam perspicuè falsas & absurdas, nec occultè modò rationi, sed & aperte ipsi sensibus aduersas credidisse & enunciasse.

De atomis doctina antiqua.

Inter alias autem opiniones, quæ Democrito, vt Empedocli, aliisque pluribus nobilissimis Philosophis antiquis tribuuntur, est, quod atomos principia rerum naturalium constituerint, ex quarum varia vnione reliqua corpora orta sint. Atque hæc sententia antiquissima fuit, & iam Monacho cuidam Phœnicio, quem ante Trojæ excidium floruisse memorant, tribuitur; imò communem ferè fuisse Philosophorum ante Aristotelem sententiam, ex initio *lib. 8. de generat. & corrupt.* patet. Primus Aristoteles ab hac sententia recessit, statuitque, corpora illa minima non solum in mitione vniri, sed & per mutuam actionem & passionem inter se ita alterari & affici, vt desinant esse id, quod ante mitionem erant, & in corpus quoddam ita ἑμοιομερὲς transeant, vt quælibet etiam pars minima non ampliùs ignis, aër, aqua, vel terra, sed mistum dicatur. De qua re plura de mitione dicentur. Et si verò satis odiosè doctrina de atomis & corporibus indiuisibilibus vulgò proponitur: tamen si rectè explicetur absurda non videtur. Imo rationes, quæ pro hac sententia adferuntur, non sunt leues aut futes, sed λόγοι ἀναγκαστικοί, καὶ οὐκ εὐποροὶ ἀγῶναι, rationes, quæ vrgent & cogunt, quæque haud facile

Rationibus nititur.

—
p. 22

facile solui possunt, vt ipse Aristoteles, *de Generat. & Corrupt. cap. 2. t. 6.* confitetur, quasque se certò soluturum promittere non potest, sed *περὶ τὸν*, rentandum, scribit. Et proci dubio agnouit, se solidè hanc sententiam refutare non posse, ideoque, quod omnino facere debuisset, propriis & Physicis rationibus ferè vsus non est, sed Mathematicis & alienis.

In hunc autem modum doctrina de Atomis *Explicata doctrina de atomis.* explicari posse videtur. In rebus naturalibus, generationi & corruptioni obnoxiiis, quia perpetua generationum & corruptionum vicissitudo est, simplicia quædam corpora sui generis esse, necesse est, è quibus composita generentur, & in quæ rursum composita abeant. Cum enim videret Democritus, corpora naturalia neque ex nihilo, neque ex punctis fieri, necessariò statuit, ea ex minimis corpusculis componi. Vbi notandum, Democritum non quæsiuisse, an detur indiuidua magnitudo Mathematica, sed an dentur minima corpuscula naturalia, quorum multitudine congregatâ certa species corporis naturalis emergat. Appellantur ita hæc corpora minima naturæ, atomi, *Atomorum nomina.* atomina corpuscula, *σώματα ἀδιάτρετα*, corpora indiuisibilia; idque ideo quòd in natura in resolutione ultra ea ad minora progressus non fiat, & contra, à quibus corpora naturalia suum exordium habent. Quæ in quidem in natura reuerà sunt, tam parua verò sunt, vt sensibus non pateant. De iis Plato, *in Timæo*, ita scribit: De his adeo paruis ita putandum est, quod, si singula duntaxat singulorum generum capiantur, nullum eorum propter paruitatem cerni à nobis poterit: si multa

Dari atomos, multi statuunt,

inuicem congregentur, eorum moles, magnitudinesque cernuntur. Neque enim, quæ oculis cernuntur in aëre volitantia corpuscula, atomisunt, de quibus nobis sermo, sed iam corpora composita.

Agnouerunt eas Doctissimi quique Philosophi, ut de Empedocle, Democrito, Epicuro, utpote quorum doctrina, forsan non rectè intellecta, suspecta est, non dicam. Et de iisdem Galenus 1. *de Elem.*

cap. 9. mentionem facit. Et omnino passim apud Philosophos & Medicos, cum Antiquos, tum Recentiores, corpusculorum minimorum, seu Atomorum fit mentio, ut mirer, nouitatis nomine istam de Atomis doctrinam traduci. Ut præter eos, quos iam laudavi, alios non memorem, qui de contemptu veteris Philosophiæ, vel nouitatis studio forsan suspecti esse possent, Franc. Aquilonius, *Optic. lib. 5. defin. 5.* ita scribit: Inter elementares duæ imprimis, quæ passiuæ vocantur, longissimè à natura luminis distant. Nam neque humiditas qualitatem, neque humectatio alterationem significat. Est enim in aquea substantia humiditas, quod in oleaceâ pinguedo: & ut pinguedo illita pinguefacit, sic humiditas solo adhæsu humectat. Rursus siccitas humiditatis solius est defectus, exsiccatioque humoris absumptio. Inter actiuas verò frigus nullam de se frigiditatem effundit: quod etsi mirum fortassis nonnulli videbitur; est tamen à ratione minimè alienum, & experientia hoc ipsum manifestè demonstrat. Nullum siquidem, quantumuis frigidum attractu corpus existat, ut glacies, in proximè admota vllum frigiditatis sensum ingerit: sed solâ attrectatione frigidum vnumquodque sentitur, quod sæpe inficiantibus ludicro experi

experimento ostendimus, cum exporrectâ manu, obuelatisque oculis, edicere ipsos juberemus, an admoti proximè frusti glacialis frigiditatem persentiscerent. Fiebat enim subinde, ut sentire se quidpiam dicerent, cum nihil esset admotum; aliàs se nihil prorsus sentire affirmarent, cum frigidum corpus adeo prope admoueretur, ut solum non tangeret. *Et mox* Calor sui, ut apparet, diffusius, quemadmodum lux. Deinde verisimilius equidem existimo, à materia igni succensa vaporem item succensum efflari, qui occultè per aërem deletus obuia quæque tactu calefacit, atque etiam deurit, si densitatem aliquam obtineat. Hinc enim fit, ut luculentiori igni propius admotâ vstulentur, tametsi aspectabilem ipsum ignem non contingant, id quod in charta ac stupa per sepe apparet; at longè manifestius in naphtha, asphalto, succinis, aliisque, quæ è longinquo flammam suffurantur. Fit hinc etiam, ut supernè validius, acriusque, quàm infernè, aut ad latera ignis excalefaciat, quod scilicet ignitus vapor calore attenuatus, superna capestat. Quod sanè qualitati non propriè conuenit, sed substantiæ. Non enim rectè calorem leuem dixeris; sed id potius, quod calidum est. Hoc namque caloris vi diductum fit leuius, uti grauius id, quod materiæ condensatione in angustio rem morem compingitur. Hinc præterea genuina causa elici potest, cur hyeme, acriusque gelu, viuaciores sint flammæ. Frigus namque, quod circumstat, expirationem prohibet. *Et, eod. lib. proposit. 2.* Reuocandum in memoriam id, quod, *definit. 5. huius libri*, diximus, calorem ignis neutiquam continuatâ actione traduci, sed vnâ

cum ignito vapore occultè per aërem deportari, non aliter, quàm odores tacitâ exhalatione subnixi, è corporibus odoriferis expirant, tenuique aëre suscepti hûc, illûcque fortuito oberrant. Sic, inquam, igneus calor, succenso quodam spiritu vêtus, rectâ, quantum ignis potestas valet, extruditur; summo quidem impetu sursum versus, at eò segnius, quò infernè magis. Solutus verò iam, & quasi rude donatus, liberius per aërem vagatur, motuque vel leuissimo quamuis in partem propellitur, cuius adhæsiōe propinqua calefiunt, quemadmodum ea, quæ iuxta odorifera colla- cantur, solâ exhalationum adhæsiōe redolent. Experiuntur hoc in castris milites, cùm cæsâ syluâ medio in campo pyram construunt, accendunt, circumstant. Qui namque à tergo ventum habent, nil propemodum caloris sentiunt, quamuis proximè adstent, vento scilicet ignitos spiritus in oppositam partem propullante; quod ventus præstare non posset, si sola qualitas per aërem traduceretur: hæc enim cùm corpus non sit, vento liberum transitum concederet. *Hæc Aquilonius.*

*Dariato-
mos pro-
batur.*

Sed quid auctoritatibus opus est, cùm res ipsa per se plana sit? Etenim si *ὑμπερίαν*, in Democrito ab Aristotele tantùm laudatam, consulamus, inueniemus, & generationes & corruptiones rerum naturalium per atomos fieri, & passim *συνεῖσθαι* & *διαίρεισθαι* atomorum in natura exempla consistere. Cùm verò atomorum non sit vnum genus, sed pro corporum naturalium varietate varia; eas & secundùm simplicia corpora. quæ elementa dicuntur, & secundùm composita, considerare libet.

Primò

Primò enim ipsa elementa in talia corpora resoluuntur, & corpuscula rursus coëuntia, tum composita corpora, tum ipsam molem elementorum constituunt. Proueniunt autem istæ atomi elementorum cùm ex compositorum resolutione & corruptione, tum ex globo terreno, in quo omnia sunt elementa, & in aërem eleuantur; unde variæ aëris mutationes & generationes ac corruptiones fiunt, variæque & hominem, & alia animalia, vt & plantas, afficiunt. Omnino enim de primis atomis verum est, si singula duntaxat singularum genera capiantur, nullam earum propter paruitatem à nobis cerni posse: si multa verò inuicem congregentur, earum moles magnitudinesque cernuntur, quod, vt & ante dictum, & Plato, in *Timæo*, docuit. Corpora ergo hæc, cùm sint minima ac subtilissima; & in alia corpora facile sese penetrant, & aliis materiam præbent.

Vt per omnia corporum naturalium genera *Atomis ignea.* discutamus, & primò elementa quod attinet, Ignis in ferrum & aquam sese insinuat. Idem insensibili modo aëri permistus tempore æstiuo æstum parit; imò, quod compertum, aliquando syluas accendit. Idem aliis rebus variis permiscetur, & pro varia cum iis commistione varias species exhibet. Equidem per se neque lucet, neque vrit ignis, vt I. Cæf. Scaliger, *exerc. 9.* docet, sed quod lucet & vrit, id facit aliena corporis admistio, & partium propinquitas, quarum coactione in minore spatio substantia maior; ac propterea maior vis. Non comburit verò rarefactus, sicut ne lucet quidem. Qui fumus ascendit, is in se ignis habet plurimum. Neque tamen vim habet

comburendi, neque luce ullâ fulget, & quæ in verubus affantur, ab eo, quem videmus, igni non tanguntur, sed ab eo tanguntur, quem non videmus: adeo verò tanguntur, ut etiam crémentur tandem. Neque tamen visibilis est ignis ille. Et idem, *exerc. 323. sect. 7.* Ignis longè, quàm aër, pellucidior. Tenuior enim. Hic apud nos flauus est propter admistionem. Est nimirum ignis in vaporè, in fumo, in carbonibus ignitis, in flamma, Aristoteli flamma fumus ardens est; nec planè malè. Flamma enim nihil aliud esse videtur, quàm coitio & vnio particularum ignis, separatis heterogeneis admixtis. Dum enim propter distantiam & contrariorum admistionem coire minimæ ignis particulæ non possunt, ablato obstaculo vniri incipiunt. Hinc accidit, ut, vbi locus, in quo ignis continetur, conclusus est, flamma non excitetur, quamprimùm verò aëri ingressus datur, & heterogenea illa corpuscula discutuntur, flamma excitetur. Nec tamen flamma planè pura est, sed aliquid heterogenei in se continet, quod vel color docet. Ille verò ignis, qui supra flammam; purior est; & propterea non videtur. Nimirum ex diuerso atomorum concursu corpora sæpe diuersa, quæ tamen sunt vnus naturæ, oriri videntur. Ignis est vnus tantùm, diuersa tamen nomina subit, pro diuerso atomorum eius concursu. Multarum partium homogenearum ignis concursus requiritur ad ignis existentiam sub forma lucis & actu caustico; quem tamen vbi ignis non habet, reuerà etiam ignis est.

*Atomi
aëreæ.*

Aër verò omnibus penè corporibus inest. Cum enim corpora naturalia pleraque porosa sint,

sunt, eorum vacua spatia naturaliter aër implet. Vnde de aliis non dicam, metalla alia sonora sunt, alia sonum non edunt. Quæ si sonum edunt, aërem in poris suis continent, utpote qui soni subiectum est. Ita ligna ad sonum admittendum apta sunt, quod non fit nisi beneficio aëris. Et id maximè accidit in lignis siccis; quia absumptâ humiditate aqueâ, quæ ad suscipiendum sonum minus apta, in eius locum succedit aër suâ qualitate ad sonos suscipiendos & prouehendos commodior. Et si quis baculum in vna extremitate tangat, alteri verò aurem admoueat, sonum percipiet. Quod fit beneficio aëris, qui in eis, quamuis solidissima videantur, continetur. Et milites hostes longè aduenientes, aure terræ admotâ explorare solent.

Aqua vel aër humidus, qui nihil aliud est, quàm *Atomia* aër vaporibus aquæ plenus, in ligna ita sese insinuat, ut etiam mole augeantur. Vnde valvæ in aëre humido sepe aperiri & claudi non possunt. Et doliorum asseres, quibus exsiccatis dolia rimosa euaserant, aquæ immersi dilatantur. *quea.*

Terra tandem etsi crassior sit; tamen & ipsa per *Atomia* minima corpusculâ aliis rebus sese insinuat & permiscetur. Sic videmus thermis stirias & tephos canalibus accrescere, ut quis non immeritò miretur, quomodo in tam limpida & clara aqua corpus tam crassum latere potuerit. Si ergo aër & aqua ita sese in corpora etiam solida insinuare possunt, & terra aquæ perspicuæ ita permisceri potest, ut visu non percipiatur, cur non etiam ignis, qui longè subtilior est, idem facere possit? Ut iam non opus sit disputare, quomodo ferrum ignitum vrat, cum reuerà ignis atomos in se contineat, *terrea.*

quibus euanescentibus ad naturalem actualem frigiditatem redit. Eadem de causâ metalla etiam liquantur, & postea refrigerata iterum indurantur. De quo mox dicetur.

*Alteratio
quid.*

*Quid ca-
lesfactio.*

Quæ si quis diligenter perpendat, animaduertet, alterationes vulgò dictas non esse saltem in qualitatibus mutationes, sed corporis alieni participationem: aquæ calefactionem esse atomorum ignis participationem, ob quas etiam vim vrendi habet, quibus euanescentibus aqua ad pristinum suum frigus redit. Id quod vel ab experientia cognoscere licet, quod scilicet aqua calida lagenis stanneis conclusa calorem horas decem, & plures, in ipso hyberno frigore retinet; quo modo & lecti tempore hyberno calefieri, & iter curru facientes scæminæ nobiles pedes à frigore defendere solent. Etenim si aqua tantum caliditatem ab igne contraxisset, illa impressa qualitas in loco frigido, in lagena metallica, & aëre frigido, tanto temporis spatio durare non posset. Sunt ergo procul dubio igneæ particulae, quæ lagenâ densâ & metallicâ conclusæ & coërcitæ aliquo tempore ibi morantur, antequam sensim omnes per poros corporis dēsi diffluere & dilabi possunt. Sic æstiuo tempore vinum & ceruisiam non qualitatem tantum calidam contrahere in aëre calido, sed partes igneas etiam in se recipere, sequenti experimento discimus: si nimirum duo vasa eodē tempore vino vel ceruisiâ impleantur, & ambo frigida maximâ sui parte immergantur, alterumque sit clausum, alterum apertum, citius refrigeratur vinum vel ceruisia, quæ in aperto vase cōtinetur, quàm quæ in clauso; quod ideo accidit, quòd

quòd atomi igneæ, quæ liquorem calefaciebant, vi contrarij frigoris compulsæ citius exhalant, si liber pateat exitus, quàm si vase denso clauso coërceantur. Imò non absurdum videretur, aërem, qui in hypocaustis nostris igne in fornace accenso calefit, non solùm alterari, sed & aliquid substantiæ ignis accipere. Neque impossibile est, ignem fornacem penetrare posse; cum aër, quo tamen ignis subtilior, & in ferrum, & in vasa fictilia penetret. Imò res ipsa hoc testatur; cum videamus, papyrum, vestes, & res alias inflammabiles, fornaci calidæ admotas, flammam sæpe concipere: Et si istæ, quæ putantur sunt meræ alterationes, quomodo in eadem aquæ parte calor & frigus esse poterit? & cum nullum accidens agat, nisi virtute suæ formæ, à qua fluit, quomodo calor ille ab igne & in frigus, & in alia corpora agere poterit, igne iam absente & extincto? Vtrum a, est absurdius, statuere, in aqua simul esse ignem, à quo, tanquam proprio suo subiecto, fluit calor, aut calorem cum frigiditate in alieno subsistere, seu calorem tam in proprio, quàm in alieno subiecto statuere? Atque ita rem sese habere, multi doctiss. viri agnouerunt, atque inter eos Auerroës, qui, *lib. 2. de anim. tex. 115.* scribit: Non est opinandum, aquam calefieri, dum pura aqua fuerit, neque quod aër infrigidetur, dum est aër purus, sed hoc accidit propter corpora admista cum iis calida aut frigida. Et manifestum est hoc in aëre frigido, qui minus vrit plantas, dum agitur, quàm dum quiescit. Frigida n. corpuscula aëris permixta plantis adhærentia plus nocent, quàm dum agitantur. Concedit hoc ipsum lul. Cæf.

Scaliger, dum *exerc. 12. sect. 3.* æs ignitum fieri statuit par partium ignis in poros eius immisionem. Idem Scaliger, *execr. 14.* docet, aquam feruentem esse ignitam, seu habere ignem & siccitatem: & ex aqua feruente ignem exhalare scribit: *Est, inquit, aqua feruens habens ignem & siccitatem; quam in fumo abeunte comprehendimus in intellectu, atque etiam sensu. Vrit enim. Qui calor in aqua est, ignis est, contrario suo mistus.* Inò iam olim hoc docuit Galenus, qui, *lib. 1. de elem. cap. 6.* ait: *Ego illum, qui in gelu calefit ab igne, dico ignem in corpus assumere.* Et substantiam ignis & aëris in alia corpora penetrare, illud quoque docet, quòd digestionem, quæ in fimo, vel balneo seu aqua calida perficiuntur, nullo modo in cineribus, quemcunque etiam gradum ignis adhibeas, exactè perfici possunt; & quòd in calido & sicco res facillè comburitur, quod non fit in calido & humido. Docet & ambustorum & refrigerantium curatio, ut & res aliæ frigore congelatæ, alterationes, quæ hætenus tales esse creditæ sunt, non esse meras alterationes, sed atomorum sui generis admixtiones. Si quis n. oua vel poma congelata aqua calidæ imponat, vel aëri calido admoueat, (quod fieri deberet, si esset nuda alteratio) corrumpuntur: si verò aquæ gelidissimæ immergat, gelu extrahitur, & instar glaciæ extra adhæret, ipsa verò integra seruantur. Ita qui tempore hierno iter faciunt, quod Noruegis, & aliis Septentrionalibus notissimum, (nec nostris hominib. planè ignotum) & membra quasi congelata habent, si ad ignem & locum calidum statim accedat, maximopere læduntur, & summum dolorem perci-

percipiunt, ac sæpe accidit, ut pars gangræna corripatur, frigido (frigido dico, non frigiditate) ad interiora penetrante, & calorem insitum extinguente. Si verò membra priùs niue fricentur, vel aquæ gelidæ immergantur, aqua vel nix atomos illas, & minimâ corpuscula frigida, quæ parti sese insinuarunt, ad se ob similitudinem attrahunt. Contra cùm membrum aliquod quocūque modo combustum est, si aquæ frigidæ, quod alterationis lex requirit, immergatur, certissimè periclitatur. Contra sanabitur, si non aquæ frigidæ immergatur, sed calidæ, quæ calida illa corpuscula ob similitudinem ad se trahat, admoueat, membrumque, si cōbustio non sit magna, igni admoueat, vel cineres calidi ei applicentur. De quo Fernelius, 6. de meth. med. c. 20. Ut ignis, si propius ipsi pars vsta admoueat, proprii iniusti mali sit Alexiterium, càmque revocato, empyreumate dolore leuat: sic nonnulla impressum partibus ardorem foràs calore prolestant, atque ita sedata inflammatione ambustis medentur. Nimirum ignis & calida ob similitudinem atomos igneas extrahunt. Hac ipsa etiam de causâ, ut Aristoteles, sect. 24. Problem. 13. scribit, calida magis in sole, quàm in vmbra refrigerantur. Accidit enim hoc, quia solis radij atomos igneas extrahunt.

Absurda verò omnino est Thomæ Fieni opinio, qui, in *Apolog. aduersus Sanctacruz*, pag. 50. ignem statim nostrum, quo utimur, (artificialem ille appellat & terrestrem, parum commodè; cùm sit naturalissimus, & eiusdem cum igne, qui in alijs mundi locis est, substantiæ, etsi sit in crassiori materia) accidens esse statuit; putatque, res ipsas,

*Ignis non
est acci-
dens.*

ipsas, quæ dicuntur esse ignitæ, seu substantias illas, quas homines solent vocare ignem, ut ferrum, carbones, flammam, esse quidem substantias, illud verò, quod iis inest supra propriam earum substantiam, cuius ratione vocantur ignis vel ignitæ, substantiam esse negat, existimatque, igneitatē ferro, ligno, furno, nihil superaddere, præter accidens, & superaddere solū intensissimum calorem. Idque ita probare conatur:

Primò, inquit, substantia non recipit magis & minus. Igneitas illa in ligno, ferro, furno, recipit magis & minus. E.

Secundò: cū ferrum cander, vel fumus ignescit, totus fumus est ignitus, & ignis inest omnibus partibus eius. Si ergo ignis esset substantia, omnibus rei ignitæ partibus inesset altera substantia, & consequenter vna substantia esset in altera, & daretur penetratio dimensionum; quod est absurdum.

Tertiò ait: cū ferrum ignescit, vel substantia ignis ingreditur ferrum ab extra, vel in poris ipsius generatur. Neutrum fieri posse putat. Prius quidem, quod nec ignis carbo, utpote, qui est crassior, & loco non mouetur, sed quiescit, nec ignis flamma, utpote tenuissima & levis, possit duram ferri substantiam ingredi. Præterea, si ignis ingrederetur ferri substantiam, quando ferrum iam decandesceret, flamma, quæ ferrum subintravit, deberet iterum è ferro exire. At neminem vidisse scribit ignem è ferro exire aut euolare. Posterius etiam fieri non posse putat, quia substantia ferri hoc modo conuerteretur in substantiam ignis, quod falsum, quia ferrum manet ferrum.

Quartò,

Quartò, si ferrum fieret ignis, deberet perdere suam grauitatem, duritiem, consistentiam.

Quintò, substantia est Ens per se subsistens, non existens in alio, neque vlli inhærens, vt subiecto. At ignis per se nusquam subsistit, sed semper est in alio, vt in subiecto, sicut accidentia; & demto subiecto, cui inhæret, nihil ignis est. E.

Sextò: Omne corpus per se est quantum. A materia enim est quantitas, à forma quantitatis determinatio. At ignis nec per se est quantus, nec habet determinatam figuram, sed solummodò habet quantitatem & figuram subiecti, cui inhæret, sicut reliqua accidentia. Ergo non est corpus.

Verùm errorem istum iam olim in Cardano notauit & refutauit Iul. Cæs. Scaliger, *exerc. 10*. Nihil enim accidentaliter inest alicui, quod secundùm essentiam non insit alicui primò & per se; quandoquidem accidens omne fluit à certa substantia. Ideòque quia calor ferro accidentaliter conuenit, necesse est, dari substantiam, cui primò insit, & per quam ferrum sit calidum. At talis nulla potest esse, nisi ignis. Si verò ignis est qualitas, erit eius subiectum primum ac proprium aliqua substantia. Rationes verò, quibus in istam sententiam adductus est Fienus, tam leues sunt, vt mirer, iis virum tam doctum ad id credendum moueri potuisse.

Primò enim negatur, igneitate in ligno, ferro, furno recipere magis & minus. Quòd verò ignis nunc plus vrit, nunc minus, fit pro ratione variæ ad patiens applicationis. Virtus enim vnita fortior, & propterea ignis in subiecto denso, vt ferro,

ferrum, plus calefacit, quàm in raro, ut stipulis.

Ad secundum respondeo: ferrum esse porosum. fabris ferrariis notum; & proinde ignis in eum sese insinuare facile potest. Quod verò Fienus negat, ferrum habere poros, sensui repugnat. Norunt enim fabri ferri genera & chalybem à ferro pororum varietate discernere. Nec alicuius momenti est, quod porro obiicit, si ignis solummodò esset in poris ferri, solidæ eius partes non essent ignitæ, nec ferrum omnibus partibus esset lucidum, sed plurimæ deberent esse opacæ. Et enim Fienus corpusculorum minimorum & individuorum naturam ignoravit, neque, quid in rerum natura quotidie fiat, attendit. Si enim aqua omnes ligni partes ita per minima potest penetrare, ut nulla dati possit, quæ non sit humida; cur non multò magis ignis subtilissimus ferrum penetrare possit? Ideoque etiam ad tertium respondemus, omnino substantiam ignis ingredi ferrum ab extra. Etsi enim non ipse carbo, qui non movetur loco, ignem ingreditur: tamen ignis, qui in carbone est, minorum corpusculorum modo exhalat, & in ferrum sese insinuat. Et, ut flamma ingredi possit duram ferri substantiam, non impedit tenuitas, sed potius adiuuat. Cum verò ferrum iterum refrigeratur, ignis rursum exhalat, qui etsi oculis corporis non cernitur (Elementa enim pura, ignem & aërem, quis potest videre?) tamen ex effectu à Philosophis satis percipitur.

Ad quartum respondeo: ferrum non fit ignis, sed eum recipit. Quod dum fit, omnino duri-
tiem & consistentiam mutat, ita ut iam malleo
duci

duci, flecti, imò fundi possit.

Ad quintũ: falsum est, nuspiam per se subsistere ignem, sed semper in alio, vt iuncto: id quod sensus docet. Et licet ignis sit in ferro: tamẽ est in eo non vt accidens in subiecto; eodẽ modo, vt aqua, dum est in vase, non est in eo vt in subiecto.

Ad sextum: Elementa ex se determinatam aliquam quantitatem & figuram non habent, sed determinantur & figuram recipiunt à rebus, quæ ea ambiunt.

Frigidæ contrà atomi, puræ, & nihil calidi corporis permistum habentes, dum tempore hiberno in aëre copiosiores sunt, frigus intensum pariunt, & omnia corpora, in quæ sese insinuant, congelant. Refrigeratio.

Neque solùm atomos illas primas elementorum variè se passim diffundere, & in alia corpora penetrare, sed ex iisdem etiam mista constare Antiqui docuerunt, simul tamen immutabilia esse statuerunt, & suam naturam, quocunque modo misceantur, seruare, & ab iis, cum quibus miscebantur, separata, eam integram retinere. Ita enim Lucretius, lib. 2. scribit: Ex atomis elementorum fit mistio.

*Cedit enim retrò de terra quod fuit ante,
In terras & quod missum est ex ætheris oris,
Retrorsum cœli rellatum templa receptant.
Nec sit interimit nox res, vt materiei
Corpora conficiat, sed cœlum dissuat illas.*

Meteora certè pleraque tantum sunt Elementariorum atomorum varia congeries. Exhalationes enim & vapores, quod vulgò creditur, non corpora continua sunt, sed congeries infinitarum atomorum: id quod ex vaporibus ex aqua, quæ Meteora ex atomis.

quæ ad ignem calefit, ascendentibus manifestum est. Hi enim etsi procul corpus continuum videantur, tamen qui prope est, aut qui in montibus aëre nebuloso ambulat, vel visu discernere potest, vapores tales non esse continua corpora, sed atomorum congeriem. Nubes nihil aliud sunt, nisi infinita atomorum multitudo. Vt enim, dum fumum aliquem è pice vel ligno aliquo accenso videmus, putamus, procul esse corpus continuum; si tamen propius accedamus, & diligenter fumum intueamur, non continuum, imò nec contiguum corpus esse videmus: ita etiam de nubibus res sese habet, quæ, antequam corpuscula minima iterum coniungantur, quod fit in pluvia & niue, non corpus continuum sunt, sed variarum atomorum mille myriades. Nubes autem ut diuersi generis sunt, ita, dum rursus coeunt, diuersa è nubibus generantur, pluiæ, nix, grandines, venti, fulgura, & alia meteora dicta. Interdum tamen & corporum perfectè mistorum atomi meteoris permiscuntur.

*Secundum
atomorum
genus.
Prima
mista.*

Sunt enim secundò alterius, præter elementares, generis atomi, (quas si quis prima mista appellare velit, suo sensu utatur) in quæ, ut similia, alia corpora composita resoluuntur. Et omnino in mitione rerum naturalium, seu quæ fit in non viuentibus, corpora, è quibus mihi constant, ita in exiguas partes confringuntur, & comminuntur, ut nullum seorsim, & per se agnosci possit. In omnibus etiam fermentationibus & digestionibus ac coctionibus, quæ vel à natura, vel ab arte fiunt, nihil aliud agitur, quàm ut ad minima redigantur, & ea sibi arctissimè vniantur. Contra
resolutio

resolutio corporum naturalium, cum ea, quæ à natura, tum quæ arte fit, nihil aliud est, quàm in minima corpora resolutio.

Et imprimis resolutiones chymicæ atomos pa- *Chymica*
refaciunt, &, quàm minima sint ista corpuscula, *operatio-*
fatis docent. Ita spiritus vini per chartam scripto- *nes ato-*
riam quadruplicatam in Alembicum penetrat; & *mos pro-*
ex plantis ac mineralibus in distillationibus & su- *bant.*
blimationibus, eiusmodi atomi in Alembicum
vel Recipiens eleuantur, quarum tamen aliquot
myriades, dum rursus coeunt, sæpe vix vnâ
guttam, vel sensibilem molem constituunt. Ne-
que enim hic quis sibi persuadeat, dum ex aqua,
spiritu vini, vaporem, ex pice, sulphure, lignis ac-
censis, fumum adscendere videt, esse mutatio-
nem horum corporum in aërem; sed aqua, spiritus
vini, vt & alia corpora. in minimas atomos resol-
uuntur, quæ vbi coeunt, in aquam, spiritum vini,
vel aliud corpus rursus abeunt; id quod Chymi-
corum Alembici, & vasa recipientia docent. Dum
etiam spiritus vitrioli, vel alij destillantur, corpū-
sculis eiusmodi parvis, nondum tamen planè mi-
nimis, vas recipiens sæpe per biduum vel triduum
continuò plenum est, & singulis momentis ali-
quot myriades eiusmodi corpusculorum præsen-
tes sunt, & sibi succedunt. Exigua tamen liquo-
ris quantitas ex iis coeuntibus & condensatis
ptouenit: ita, vt, quæ eodem momento præsentia
sunt atoma corpuscula, quorum tamen aliquot
myriades sunt, vix vnâ guttam constituent.
Videmus idem in aliis resolutionibus. Si quis exi-
guam particulam picis accendat, flammamque
supprimat, ingens aëris spaciū repletur fumo illo,

qui corpus continuum non est, sed innumera exiguum corpusculorum multitudo. Et quanta inter corpus compactum & in atomos resolutum sit differentia vel candela extincta docet. Si quis enim flammam è candela accensa flatu dissipet, ellychnium fumigans, quod vix pisi magnitudinem æquat, tantam continuò atomorum copiam emittit, ut magnum aëris spatium eâ repleatur. Ita flores sulphuris in sulphur liquecunt; Mercurius præcipitatus & sublimatus, aut quocunque modo resolutus, iterum in currentem & viuum Mercurium abit. Ita quamuis aqua, in qua metallum solutum est, non nisi limpida aqua esse videatur, & tam exactè sit mista, ut talis aqua etiam per chartam transfudi possit: tamen metallum suam naturam in ea integram seruat, & facili negotio formâ subtilissimi pulueris ad fundum præcipitatur, qui postmodum in metallum iterum funditur. Ita etiam si vna massa ex auro & argento fiat per fusionem, & ita per minimas atomos coëant, ut corpus istud ex variis constare nemo agnoscere possit: interim in minimis illis atomis quodque suam formam retinet, & per aquam formam separari, & in pristinum corpus reduci potest. Hinc multarum operationum chymicarum, & eorum, quæ in chymicis fiunt, causæ reddi possunt. Si plumbo quocunque modo calcinato affundatur acetum destillatum, plumbum quidem soluitur in aceto, sed sal aceti plumbo se vnit, ut, si destillatione separentur, planè insipidum exeat, sale aceti cum plumbo remanente, vnde mistum dulce, Saccharum tunc appellatum, oritur. Ita si oculi cancri, corallia, margaritæ, ab aceto,

Præcipitatio.

&

& aliis liquoribus acidis soluantur, & in liquorem rediguntur, vt etiam per chartam colari possint, & sal liquorum illorum acidorum ob similitudinem cum soluto se vnit, vt, si destilletur, non nisi magno negotio, separari possit, si verò in solutionem instilletur oleum tartari per deliq. factum, sal tartari cum sale aceti ob similitudinem se vnit, & margaritæ vel corallia soluta ad fundum præcipitantur. Ita si argento viuo affundatur oleum vitrioli vel sulphuris, argentum viuum in iis soluitur, sed sal, quod in spiritibus istis est, vnitur argento viuo, vnde Mercurius præcipitatus oritur, qui inde etiam tantam corrodingi vim habet. Ex argento viuo, vitriolo, sale, fit Mercurius sublimatus. Ex Mercurio & sulphure, si simul sublimentur, fit cinnabaris. Ita metalla in puluerem abeunt, dum in aquis fortibus soluta ad fundum præcipitantur. Redeunt autem & reuertuntur in pristinam naturam sublato illo corpore, seu sale, quod à soluendo adhæsit, quæ operatio *Reductio* appellatur. Quæ quidem plurimis modis fieri potest. Mercurius præcipitatus si cum oleo tartari seu sale tartari per deliquium soluto teratur, sal, quod Mercurio adhæret, vnitur sali tartari, & Mercurium deserit, vnde ille viuificatur. Ita si Mercurius sublimatus calci viuæ misceatur, & Retortæ indatur, sal vitrioli & communis, qui sublimato inest, calci viuæ adhæret, atque ita argentum viuum in pristinam naturam redit & viuificatur; quomodo etiam cinnabaris in argentum viuum reducitur. Calces metallorum in metalla abeunt fusa, dum nimirum igne forti metallo admissum dissipatur; quod tamen facilius

fit, si pulvis aliquis fusorius [*Iluspuluer*] addatur. Sales enim, è quibus illi pulveres fusorij constant, salem, qui calcinato metallo adhæret, ad se trahunt, à quo liberata metallorum atomi ob similitudinem uniuntur, & ita in pristinum corpus abeunt. Et omnino quàm multas formas externas corpora naturalia cum aliis mista, saluâ manent formâ substantiali, inducere possint, vel vnus Mercurius docet, qui tot formas externas induit, vt merito πολύμορφος dicatur. Mutatur in aquam limpidâ, in liquorem butyro similem, sublimatur, præcipitatur, redigitur in puluerem, in vitrum, plumbi, auri, argenti, vt etiam laminari possit, figuram, & nescio quas alias formas induit; quastamen omnes deponit, & pristinam ac natiuam formam induit, si id, quod ei admiscetur, ab eo separetur.

Hanc etiam de atomis doctrinam manifestè confirmant inunctiones Mercuriales, & suffumigia ex argento viuo, in quibus argentum viuum in atomos redactum totum corpus penetrat, vsque ad ipsas fauces & os, in quo aureis nummis excipi potest. Imò deprehensum est post inunctiones Mercuriales argentum viuum in venarum & ossium cauitatibus collectum fuisse.

Atomi
corporum
animato-
rum.

Imò dantur atomi non solum corporum inanimatorum, sed & animatorum quorundam: & ipsa anima interdum in talibus minimis corpusculis integra latere & sese conseruare potest; vt postea, de *missione* & *spontaneo viuientium ortu*, dicetur: & huic de atomis doctrinæ totam penè suam de spontaneo viuientium ortu sententiam superstruxit Doctissimus Fortunius Licetus. De quo suo loco dicetur;

Plantæ

Plantæ certè manifestò atomos exhibent. Quis enim crederet, in vino limpidò & perspicuo tartarum, & materiam calcariam & tophaceam inesse, nisi *ἡ γὰρ κρισις* eam ostenderet, dum tartarum à vino secretum lapidis instar doliorum parietibus adhærescit. Et materia alendo corpori inutilis, ad articulos detrusa arthriticos dolores excitat, & tandem in iis in tophos calcem generantes crescit. Idem & aliorum morborum generatio docet. Cùm enim varia *ἀνεπιτήδεια*, & corpori nostro alendo inutilia, cum alimentis assumantur, ea, quamvis sint amara, acida, salsa, acerbà, aliisque modis *ἀκρετα, ἰχθυα, καὶ δὲ αἰρόντα*: tamen ut Hippocrates, *de prisca medicina*, loquitur, *μεμιγμένα καὶ κεκευμένα ἀλλήλοις*ιν, ἔτε φανερά ἐστιν, ἔτε λυπτεῖ τὸν ἀνθρώπον; mixtione & mutuâ inter se contemperatione neque cernuntur, neque molestia hominem afficiunt. ὅταν ὅ τὶ τετέων ἀποκριθῇ, καὶ αὐτὸ ἐφ' ἑαυτῷ γέννηται, τότε καὶ φανερόν ἐστι, καὶ λυπτεῖ τὸν ἀνθρώπον; At ubi horum quippiam secretum fuerit, & per se extiterit, tunc & conspicuum fit, & hominem molestia afficit.

Atomis quoque purgantium medicamentorum lac purgans efficiunt, ut etiam Hippocrates. 6. *Epid. comm.* 5. t. 33. ait: Mulier, capra, elaterium aut cucumerem sylvestrem edentes, pueris purgatio. Et si enim, ut etiam, *de diffens. Chymorum cum Aristot. & Galen.* dictum, planta purgans à capra deuorata in ventriculo eius coquitur, & chylo permiscetur, chylus ille in sanguinem mutatur, sanguis iste in mammis capræ in lac vertitur, lac hoc à nutrice bibitur, & tot mutationes accidunt: tamè in iis omnibus atomi purgantium

plantarum integræ, & vires suas saluas retinentes remanent.

Lac etiam ipsum etsi vnum corpus apparet: tamen diuersas partes per minima mistas demonstrant, serum, butyrum, caseus, vbi separantur. Ita sanguis animalium etsi vnum corpus homogeneum apparet: tamen non solum diuersæ in eo partes, quæ diuersis membris alimentum præbent, reperiuntur, verum etiam, si destilletur, sal volatilis, qui antea non apparebat, magnâ copiâ recipienti adhærescit. Quod etiam accidit si cornua & ossa animalium destillentur.

Imò ipsa animalia integra, si considerentur, in atomorum notitiam nos deducere possunt. In cæra vetusta, vt & in ligno, animal gigni, quod omnium animalium minimum existimatur, nomine Acari, Aristoteles, *3. hist. animal. cap. 32.* scribit. Sunt & Sirones vulgò vocati, pediculi tantæ paruitatis, vt vix acutissimo visu, & non nisi in speculo, conspici possint. Animalia tamen hæc sunt. Habent ergo facultatem animalem, nutrientem, mouentem, & sentientem in corpore organico; eoque ex plurimis organis constructo. Alimentum attrahunt, coquunt, assimilant, mouentur. Habent ergo spiritus naturales, habent animales qui quidem & ipsi corpora sunt; habent organa, in quibus illi generantur, quibus continentur. Hæc rursus omnia si in prima minima corpora diuidi debent, in quot mille partes abibunt? Et si animaculum illud Acari, vel pediculus subcutaneus in tot millia partium diuidi debet, quantæ erunt illæ particulæ?

Etsi verò atomi illæ sint minima corpuscula: tamen

Acari.
Sirones.

tamen in iis formæ essentielles specierum integrae manent, ut modò dixi, & ipsa experientia testatur. Si enim simul aurum & argentum fundantur, atomi auri & argenti ita per minima miscentur, ut nullo sensu hæ ab illis discerni queant. Interim utræque suas formas integras servant. Quod vel ex eo patet, quòd, si massæ isti aqua fortis affundatur, argentum soluitur, & in liquorem abit, aurum verò formâ pulveris remanet. Argentum solutum si præcipitetur, formâ pulveris subtilissimi subsidet. Uterque pulvis, si seorsim fundatur, in pristinum aurum & argentum abit. Ita si argentum viuum sublimetur, præcipitetur, in aquam abeat, & alias mutationes externas, quæ fiunt pro varia atomorum, in quas resoluitur, cum aliis mixture, induat: semper tamen suam formam essentialem retinet, facilèque à corporibus, quibus permiscetur, separatur, & in pristinam currentis Mercurii formam redit. Neque hoc fit in metallis saltem, sed & in vegetabilibus. Dum enim aquæ destillatæ & spiritus à chymicis parantur, atomi è plantis insensibiles ascendunt, ita ut in cucurbitâ nullo modo percipi possint: at dum in Alembico coeunt, & in liquorem abeunt, formâ suâ iterum sese produnt, dum alius est spiritus vini, alius iuniperi, &c. Et si capra alatur quibusdam herbis purgantibus, lac verò capræ bibat nutrix: fiet, ut infans, qui lac nutricis sugit, purgetur; ut ante ex Hippocrate, 6. Epid. comm. 5. 1. 33. dictum.

Agnovit veritatem huius rei, & confessus est, Doctissimus Peripateticus, Iacobus Schegkiius, dum, lib. 2. de occult. med. fac. cap. 1. scribit: In

minutissimas partes diuisio non corrumpit & necessitate substantiam rei sic comminuta in puluerem; cum sit accidens *συγγεῖας*, id est accidens accidentis, ut continuum in minutissima corpora diuidatur. Et paulò post: Non sequitur, aboleri substantiam, si quis in puluerem trita medicamenta & confusa concedat efficacia esse in corpore nostro. *

Atomi
sunt de-
termina-
ta.

Habent tamen & atomi à natura suas leges, & procul dubio subtiliores sunt atomi ignis, quàm atomiteræ, etsi id à nobis cerni non possit. Ita enim cum rebus naturalibus comparatum est, ut formæ non nisi in certo quanto consistent; & sicut vltà naturales terminos sese non diffundere: ita non, nisi in certo quanto conseruari possunt. Obseruauit etiam hoc Francisc. Aquilonius, qui, *libr. 5. optice. propos. 8.* exemplo luminis hanc rem declarauit, dum scribit: Licet non detur minimum quantitatis, dari tamen minimum luminis naturale, hoc est, lumen adeò tenue, ut citra interitum magis attenuari non possit. Quo pacto & corporum naturalium minima dantur; quæ nimirum, si amplius diuiduntur, formam, essentiàmque deperdunt. Vti namque corpora ad naturalem subsistentiam nonnullam exposcunt quantitatis molem, cum ipsa nil aliud sit quàm ipsius substantiæ corporeæ modulus; ita & qualitates, nisi aliquo excellentiæ gradu præditæ sint, spontè deperirent. Et, *propos. 15.* Asserimus, lumen non sub quocunque intensiõis modulo posse suapte vltimariè existere, sed aliquem esse paruitatis terminum, vltra quem progredi diuidendo non liceat citra interitum, quem proinde minimum naturalem

Minima
naturalia.

naturalem non incongruè possumus appellare: si autem maiori lumini adiungatur, quantumvis exiguum, nil vetat, quin hoc illius ope queat sustentari, dummodò vtrumque simul minimum naturale saltem attingat. Est porrò hæc subsistendi imbecillitas non his modò qualitibus, quæ maioris ac minoris diuersitatem admittunt, verum etiam omnibus corporibus, quæ magnitudinem variant, communis. Vt enim hæc sine aliqua mole, sic illæ sine aliquo excellentiæ gradu sese ab interitu vindicare, non possunt. Ultra namque vires attenuatæ in nihilum collapsæ pereunt, nullo contrario interimente, sed solius mensuræ defectu, quæ ad propriam cuiusque tutelam velut necessaria conditio, irrefragabili naturæ lege exposcitur. Verùm quod ille de qualitatibus dicit, multò magis de formis accipiendum est, à quibus qualitates fluunt.

Quæ verò contra atomos de continui diuisione in infinitum, de lineis insectilibus disputantur, ex alienis principiis, Mathematicis scilicet, non propriis, seu Physicis disputantur. Non enim, ut ante etiam dictum, hic quæritur, an continuum Mathematicè sit diuisibile, sed an natura in corporum resolutione & generatione in minimis quibusdam corporibus subsistat.

CAPVT II.

De Mistione.

Mistio
quot mo-
dis dica-
tur.

Um doctrina de mistione ad omnium rerum naturalium generationem rectè cognoscendam summè necessaria, & totius penè Physicæ fundamentum sit; vt ea rectè explicetur, operæpretium est. Id vt rectè fiat, primò sciendum, nomen Mistionis non eodem modo semper accipi. Etenim, vt Th. Erastus, *disput. 2. contra Paracelsum*, p. 195. scribit, aliquando congeriem & aceruum, rerum commistarum, vt milij, tritici, aliorumque talium, superficies suas seruantium, significat. Interdum compositionem duorum vel trium, vel plurium corporum, ita inter se confusorum, vt, quamuis singulam naturam seruent, ac aliquando separari iterum possint, vnum tamen ex omnibus confectum corpus denotat. Talis est crama, ex vino & aqua compositum corpus; quod non est vnum formâ, sed continuatione tantum. Etsi enim neque vinum, neque aqua terminis suis separata sunt, sub forma tamen sua naturali vtrumque sic continetur, quomodo in argento sæpe aurum inest, ac per aquam nominatam fortem ab eo secernitur. Tale quoque corpus est melicratum: itémque hydromel, aliæque infinita per artem composita. Tertiò sumitur pro corpore ex pluribus rebus composito, vt ex omnibus vnum quiddam sit factum, à componentium omnium natura diuersum, formamque possideat à formis componentium prorsus

protus differentem. Quæ sic miscentur, ea demum verè vocantur mista. Primum modum, cum in eo nulla reuerà fiat mistio, sed res siccæ, quæ nullam in animis nostris creant difficultatem, saltem confundantur, omittit Iul. Cæs. Scalliger, & alios tres proponit, *exerc. 101. sect. 1.* Tres sunt, *inquit*, siue modi, siue gradus, siue species misionis. Primus est eorum, quæ, vbi coière, rursus dissolui ac diffusa esse possunt. Cuiusmodi est aquæ ac vini. Separantur enim edera vasis apud Plinium, vt accepit à Catone: apud nos panno. Alter modus est, veluti in iis corporibus naturalibus, quæ mista imperfecta nominantur. Quorum duo gradus sunt: alter debilior, vt nubis, pluuiæ, venti, grandinis, niuis, roris, pruinae, & eiusmodi. Sunt enim exhalationes mistæ ex pluribus elementis, quæ haud magna cum re dissolui possunt. Cohærent tamen arctius, quàm prima illa lege misionis. Alter gradus est firmiori nexu compositus: velut in glebis & lapidibus. Horum enim partes à partibus haud temerè separantur. Mista tamen vocant potius, quàm aliâ nobiliori appellatione, quoniam videntur illis entia inchoata. Tertia mistio reliquorum est, quæ nonnulli arbitrato suo composita priuatim nominarunt. Qualia sunt corpora, quæ vagantur, ac sentiunt.

De his verò tribus modis iam disquiritur, an vnâ eadèmq; ratione in omnibus mistis fiant, Quod vt rectè explicetur, primò sciendum est, quid sit Mistio. Definit verò Aristoteles mi- *Mistio* stionem, quòd sit miscibilium alteratorum vnio. *quid sit.*

Scali

Scaliger autem, *loc. alleg.* quòd sit motus corporum minimorum ad mutuum contactum, ut fiat vnio: explicatque mentem suam porro, & rectè quidem, quòd omne, quod est, vnum est non solum propter continuationem & priuationem partium contiguitatis, sed propter actum quoque, cuius vi fit, ut partes illæ vnum fiant. Actum verò vocat formam, per quem fit, ut partes, quæ naturam suam atque aptitudinem coire poterant ad unionem, vnum actu sint. Et rectè concludit, quæ non vnum sunt formaliter, sed per accidens saltem, sicut vnum est frumenti, fabarumque cumera, non mista dici propriè, sed crama: neque verè mista esse, sed ad cramata pertinere etiam vini & aquæ misturam, ut & auri ac argenti; cum talia cramata non sint vnum formaliter, sed tot entia, quod sunt intus & extra partes: vnum saltem per accidens, quod licet sensibus minus manifestum sit, sapientum tamen intellectibus non occultum; cum possint facile separari, sicut aqua à vino edere vasis, vel etiam pannis; argentum ab auro aqua forti dicta separari potest.

Verum ista nondum omnem difficultatem tollunt, nec misionis naturam satis explicant, sed duæ adhuc exodenda restant, quæ rectè explicata magnam Physicæ & Medicinæ lucem afferunt. Etsi enim hoc omnino concedendum sit, nihil verè mistum esse, nisi quod formaliter vnum est; tamen adhuc quæritur. primò; an necessarium sit, ut miscibilia quæ vi vnius formæ vnita sunt, & in vnum mistum coierunt, formas suas amittant: an verò in misto sub alia forma singula suas formas integras retinere possint. Deinde an solùm
elementa

elementa sint miscibilia, omnisque resolutio ad minima, quæ propter misionem fit, semper usque ad elementa procedat; an verò etiam alia corpora, elementis nobiliora, misceri propriè dici possint? Quod utrumque explicandum.

Primam quæstionem quod attinet, ut ea rectè explicetur, saltem de elementis disquiremus. De his enim nullum dubium est, ea verè misceri; de aliis verò corporibus dubitatur. Quicquid tamen de elementis dicitur id omninò etiam in aliis miscibilibus locum habebit. Duæ autem de misione imprimis opiniones sunt, ut Antiquorum penè omnium ante Aristotelem, Empedoclis, Democriti, Anaxagoræ, Hippocratis, imò etiam plurimorum post Aristotelem Philosophorum, qui omnes statuerunt, generationem & corruptionem fieri per σύγκειταιν & διάκειταιν corporum minimorum, & corpora, quæ miscentur, formas suas in misione integras retinere. Id quod manifestè patet ex Hippocrate, lib. 1. de vict. rat. ubi scribit: δ, τιδ' α'ν δ'αλέγομαι γενέσθαι. καὶ τὸ δ'ἀπολέσθαι τῶν πολλῶν εἴνεκεν ἐρμηνεύω. Ταῦτα δὲ ζυμμίσι- γένεσθαι καὶ δ'ἀκρίνεσθαι διηλῶ. ἔχει δὲ ὥδε. γινέσθαι καὶ ἀπολέσθαι τ' αὐτό. ζυμμιγῆναι, καὶ δ'ἀκρίνεσθαι τ' αὐτό, γινέσθαι ζυμμιγῆναι τ' αὐτό ἀπολέσθαι μειω- εῖσθαι, δ'ἀκρίνεσθαι τ' αὐτό, id est: *Quid autem generari & interire vocem, multorum gratia explicandum videtur, eaque commisceri & discerni, significare declaro. Hubet autem se res ad hunc modum: Generari & interire, idem, commisceri & discerni, idem. Generari idem quod commisceri. Interire, imminui, idem quod discerni.* Ad quorum mentem, ut dictum, definit misionem I. Cæf. Scalig. exerc.

exerc. 101. quod sit motus corporum minimorum ad mutuum contactum, ut fiat unio. Altera est Aristotelis. Is enim solus ab antiquis hanc in parte diuortium fecit, eorumque sententiam reiecit. Ita enim, 1. *de generat. & corrupt. c. 10.* contra Empedoclem scribit: *Non oportet dicere, quae miscentur, esse mixta secundum partes exiguas, quae suam adhuc naturam retineant. Compositio enim esset, non temperatura aut mistio, nec pars eandem cum toto haberet rationem. Dicimus, si quid misceri debeat, quod mixtum est, similium esse partium: & quemadmodum aqua pars est, ita temperati temperaturam. Quod si mistio compositio sit secundum partes exiguas, nil horum accidet, sed solum esset mistio ad sensum, atque idem huic quidem, si acutè non videat, esse mistum, lynceo verò non esse mistum videbitur. Idem docet, 2. de generat. & corrupt. cap. 7. p. 47. cuius loci sensum ita proponit Toletus: *Modum istum (quem ponebat Empedocles) redarguit, quia sequitur unum inconueniens, quod ex qualibet parte misti non possent quatuor elementa extrahi, & sic qualibet pars misti esset mixta: sequela ostenditur; quia sicut ex qualibet parte parietis non possunt extrahi lapides & lateres, quia in quo loco erant hi, non erant illi: sic profectò fiet in misto, quod eodem modo ex elementis componitur.* Ita quidem Antiquorum sententiam impugnat Aristoteles: suam verò ita proposuit, ut, quid senserit, quomodo explicari possit, adhuc inter Interpretes, qui intestinum bellum gerunt per tot secula lis sit, dum alij, ut Auerroës, tam formas substantiales elementorum, quam qualitates manere actu in misto statuunt*

ftatuunt, fractas tamen omnes & castigatas, ad mediocritatem redactas; alij, vt Scotus, formas & qualitates elementorum in miftio penitus interire, & nouam mifti formam generari docent, nouamque qualitatem, quæ fit temperatura mifti; alij, vt Latini plurimi, formas elementorum nullo modo in miftio feruari, exiftimant, neque integras, neque fractas, qualitates tamen in miftio remanere putant, fed refractas & ad mediocritatem reductas. Quorum concertationes hoc loco afferre, mei instituti non eft. Legi illæ poffunt apud Zabarellam, *lib. de miftione*, Toletum, *in libr. 1. de generat. & corrupt. in cap. 10.* & alios paffim Aristotelis Interpretes.

Reperiti interim femper doctiffimi viri non infimæ notæ funt, qui ipsâ rei euidentiâ peruaſi in antiquorum ſententiam abeunt, Philoponus, Albertus, Aureolus, Zimara; & inter Medicos Auicenna, Fernelius, & alij plurimi, qui antiquorum opinionem ita acriter defendunt, vt quidam ex iis ſcribant, eum, qui ipſorum argumenta legerit, niſi molaris lapis ſit, manus daturum, & qui aliter ſentiunt, ſophiſtas agere, naturæ operibus imponere, veteris diſciplinæ ſplendorem obtinere & inquinare. Et præcipuè Auicenna planè ad mentem Priſcorum accedit, ſtatuitque, elementa in miftio formas ſuas perfectas & integras retinere, diſſecta tamen & minutim conſiſta, ita vt eorum particulæ ordine quodam compoſitæ & connexæ mutuò aliæ aliis cohæreſcant. Auicennam Fernelius ſequitur, qui, *lib. 2. Phyſiolog. cap. 6.* eorum, qui contrarium ſtatuant, Auctori
qui for-
mas in
miftis re-
manere
ſtatuant
op
pueri

puerilem, ferèque inanem sententiam appellat, imò portentosam opinionem, atque ita sentientes Veterum spreuisse Philosophiam censet. Qui tamen omnes quidem in eo rectè fecerunt, quod Antiquorum sententiæ, ad quam firmissimis argumentis adducuntur, firmiter inhærent: in eo verò frustra laborant, quòd illam sententiam Aristoteli tribuere conantur; cùm expressis verbis Aristoteles ab Antiquis diuortium fecerit, ut ex loco modò allegato patet. Imò alij plurimi, qui ab Antiquis dissentiunt, viderunt hanc veritatem, sed quin eam sequeretur, nihil aliud obstitit, quàm Aristotelis autoritas; quæ si seponatur, & rationibus tantùm res putetur, neque; quomodo cum verbis Aristotelis hæc doctrina, id est, verum cum falso conciliari possit, frustra laborent, res omnino plana esset. Imò ipse Aristoteles inuitus in hanc sententiam accedit, dum, *in fine libri 1. de ortu & interitu*, mixturem definit, quòd sit miscibilium alteratorum vnio. Cùm enim dicit, alteratorum vnio, ea, quæ miscentur, non interire, sed manere significat. Si enim alterantur & miscentur, non intereunt. Neque vnionis vox hanc sententiam impugnat, ut Zabarella *cap. 1. de mixt.* putat, sed potius confirmat. Vnio enim est eorum, quæ reuerà sunt, copulatio, non autem eorum, quæ interierunt. Et quamvis ex pluribus vnum fiat: tamen nec simplicia illa interire necesse est, nec nuda est aggregatio, sed à forma superiore simplicia in vnum corpus rediguntur. Et ista antiquorum doctrina, quòd scilicet elementa & simplicia corpora suam naturam integram in compositis seruent, clavis est ad totam ferè naturalem scientiam,

scientiam, & maximam Medicinæ & Chymicæ partem.

Contra vnica illa Aristotelis opinio, quòd simplicia in mifto suam naturam non retineant, in labyrinthos & inextricabiles controuersias Aristotelis Interpretes coniecit, & magno rei Medicæ damno in Physicam inuecta est: quâ reiectâ omnia plana & expedita sunt.

Argumentis omnino firmis Antiqui & Recentiores qui eos sequuntur, in eam sententiam adducti sunt. Etenim primò miffionis ratio hoc indicat; cum illa, quæ non seruantur, misceri dici non possint: quod ipse Aristoteles, *in fine lib. 1. de ortu & interitu*, agnoscit. Neque aliter potuit. Cum enim, *vt lib. 5. Metaph text. 3.* statuit, elementa sint id, ex quo existente res sunt, necessarium est, hæc elementa, si debent esse elementa, in mifto manere & inexistere.

Præterea cùm actio actum præsupponat, & in miftis elementorum actiones appareant; necesse est, vt ea actu iis insint. Vt de aliis non dicam, ipse Aristoteles, *initio lib. 1. de cælo*, miftum ad modum prævalentis elementi moueri scribit.

Tandem idem docet miftorum in elementa resolutio. Mifta enim in elementa resoluuntur, atque ipse Aristoteles statuit, *1. de generat. & corrupt. text. 84.* miscibilia posse iterum separari à mifto. Quod si fit, actu in miftis existere necesse est.

Cuius argumenti ea vis est, vt, qui in eo soluendo laborarunt, animè sese dederint. Dum enim Conimbricenses, quando ligna comburuntur, negant, ea in quatuor elementa resolui,

H &

Argumē.
ta pro
hac sen-
tentia.

& aquam quæ ex lignis, quæ comburuntur, exsudet, vt & illos stultitios liquores, veram esse aquam negant, non solum ipsi Aristoteli & aliis Peripareticis, sed sensibus etiam repugnant. Sic enim, vt ille liquor, qui in lignis exsudet, vel per Alembicum destillat, non sit pura aqua: maximam tamen partem aquam esse, sensus & separatio, quæ facilis est, testantur. Et hoc modo nullum elementum aquæ in rerum natura daretur; cum nullibi pura reperiatur. Alij verò, ne sensibus repugnent, mista quidem in elementa resolui concedunt, verum ineptè statuunt, elementa non eadem numero, sed specie redire à misto; id quod nullâ ratione nititur, sed saltem ad palliandum absurdum dogma comparatum est, imò rationi & experientiæ repugnat. Etenim cum statuunt, elementa è misto redire ob similis elementi actionem quâ id, quod in mitione amiserant, rursum acquirant: quomodo quæso, in destillationibus & combustionibus aqua & terra è misto elici poterunt; cum ignis agendo in mistum nihil aquei, nihil terrei inducat, imò actio ignis aquæ & terræ aduersetur, non verò eas augeat & perficiat? Vnum in combustionibus agens est, ignis, eiusque vis omnes misti partes æqualiter afficit, & nihilominus alias calidas, alias frigidas, alias humidas, alias siccas, alias amaras, alias dulces, alias aliis modis differentes educit: quæ cum ab vnicâ actione ignis prouenire non possint, certè antea in misto fuisse, credendum est.

Et quocunque se vertant qui contrarium sentiunt, nullo tamen modo se expedire possunt, Vcl enim manet forma in misto, vel non manet.

Si

Si manet , manet vel integra , vel refracta.

Qui integras manere statuit, cum antiquis consentit. Refractas verò manere statuunt Auerroës & Zabarella. Verùm quod de formarum refractione afferunt, merum figmentum est, satisque è Latinis contra Auerrois sententiam disputantibus refutata est eorum opinio; qui formas elementorum recipere posse magis & minus statuunt : neque vnquam vllam, vel saltem probabilem rationem isti pro sua sententia adduxerunt, sed simpliciter saltem affirmarunt, formas quosdam gradus habere, vt aliqui tolli possint, reliquis remanentibus. Formæ n. omnis ratio in indiuisibili consistit, nec vlla forma suscipit magis & minus , sed vbicunque est, vel tota est, vel non est.

Qui verò formas non remanere in misto , & nihil ex elementis manere, nisi materiam statuunt, planè absurdi , & penè ridiculi sunt. Quæ enim mistio est, vbi nihil remanet? Cùm enim elementa nullam aliam habeant materiam, quàm primam, & materia prima sit omnibus elementis communis, non possem dicere, quòd vnum mixtum habeat plus ignis, quàm aquæ. Quicquid enim est, per suam formam est. Ideoque si elementa per formam non sunt in misto, nullo modo insunt. Et hoc modo mistum non minus ratione elementorum esset corpus simplex , quàm elementa ; quia , licèt ex quatuor elementis esset materia: tamen quia materia ignis, aëris, aquæ, terræ non differt, forma verò (ex istorum sententia) ignis, aëris, aquæ, terræ non ampliùs adesset , mistum corpus simplex esset.

Vt verò etiam quæ contrà obiici solent , dispiciamus;

ciamus; si inquiratur, quæ rationes fuerint, quæ Aristotelem mouerint, vt ab antiquis secessionem fecerit, & à communi sui sæculi & maiorum sententia recesserit, nulla, quæ alicuius momenti sit, reperitur, nisi quam præcipuè, 1. *de generat. & corrupt. cap. 10.* & 2. *de generat. & corrupt. cap. 7.* proponit, estque hæc: quòd putat, ex antiquorum opinione hoc absurdi sequi, quod quælibet pars misti non esset mista, & quod ex qualibet parte misti non possint quatuor elementa extrahi. Verùm respondebunt Antiqui, id fieri non debere, & Aristotelis hanc esse hypothesein, & ipsum fundamento ponere quod in controuersia est. Etenim contra naturam misionis videtur hæc assertio. Si enim mistio sit, quæ miscentur, simplicia sint, necesse est. Neque opus est, vt simplicia illa mista sint, sed tandem in resolutione ad simplicia peruenire necesse est.

Addunt & alij alias rationes. Scaliger, *exerc. 16. sect. 3.* Constantibus formis, *inquit*, mistio acerius esset: quemadmodum etiam in siccis corporibus. Etenim cuiusque existentiam sequitur sui itidem cuiusque minimi naturalis quantitas, non continuatio, quæ verè essent atomi Democriteæ. Verùm Scaliger, dum aliàs veritatem, aliàs auctoritatem attendit, sibi ipsi contradicit, & hoc argumentum soluit, *exerc. 101.* dum scribit, quòd partes hæ suas formas seruent, extremorum verò præscriptionem amittant, atque ita non solum acerius sint, sed reuerà mistum constituent. Falsum enim est, quod nonnulli obiiciunt, specie differentia continuari non posse. Nam dum elementa sub vnius formæ dominio uniuntur, verè
 conti

continuantur. Neque absurdum eft, vt idem Scaliger, *eodem loco*, fcribit, in continuo non ftatuere plures formas. Sunt enim formæ hæ actûs materiæ quifque fuæ. Quæ materiæ quia funt à natura ad operofiore compositionem inftitutæ, factum ab eadem eft, vt quemadmodum ipfæ, fic & earum formæ commifceri queant. Formæ verò vltimæ & excellentes, vt hominis, cùm ad vltiorem operam non funt comparatæ, folæ non mifcebuntur.

Præterea nec hoc magni momenti eft, quod nonnulli obiiciunt, fi elementa perfectæ sub alterius formæ dominio manerent, fequi, formam illam mifti effe accidens; cùm, quod aduenit entî perfectò, & in actu conftituto, fit accidens. Etenim reuertiſſio extis, quæ modò ad præcedentem actionem dicta funt, facile patet. Nam, vt Scaliger, *ibidem*, ait, illa (elementa & mifcibilia fcilicet) ignobiliora propter nobiliora facta funt, & propterea dominio nobilioris formæ feſe ſubmittunt, quæ ſuperueniens non accidentis, ſed formæ ſpecificæ rationem obtinet. Ea verò ſolùm, quæ corporibus illis nobilioribus, quæ ad vltiorem compositionem non funt comparata, ſuperueniunt, accidentia funt.

Vt verò veritatem in hac controuerſia multi *Miftionis cauſſa principialis.* aſſequi non potuerint, & in re ſatis plana errarint, cauſſa præcipua eft, quod veram ac principalem miftionis cauſſam non agnouerunt, & putauerunt ſolùm ex mutua elementorum pugna, & in ſe mutua actione, omnium corporum naturalium ſpecies prouenire; & vt ipſius Ariſtotelis, *lib. 2. de generat. & corrupt. cap. 9. text. § 4.* verbis vtar,

H ; potest

potentias atque virtutes corporib. tribuerunt, per
 quas *λειτουργικῶς*, id est, admodum instrumen-
 taliter, generant, eam, quæ à specie sumitur,
 causam negligentes. Verum solus elementorum
 concursus paucissimarum rerum naturalium, imò
 perfectorum istorum corporum nullam speciem
 constituit, & præter mentem Aristoteli Inter-
 pretes tribuunt, quòd ex solis elementis corpo-
 rum naturalium generationem deducat. Expressè
 enim, vt modò dictum 2. *de generat. & corrupt.*
text. 40. § 3. & seqq. statuit, qualitates elementor-
 um saltem instrumenta esse; principalem causam
 formam cuiusque rei specificam. Idem docuit
 Scaliger; *exerc. 307. sect. 20.* Nisi, inquit, quatuor
 elementa rectorem haberent, temerè ac sine mo-
 do iactabunt & iactabuntur. Quid enim illud est,
 quod tantum terræ, tantum commiscet cæterorum?
 At oportet in vnoquoque motu esse vnum & pri-
 mum. Non enim illa sese mouere vllum ad opus
 queunt, sed in compositis à forma excellentiori,
 in mistis imperfectis ab externo principio cien-
 tur ad mutuam connexionem. Idem agnoscere
 necesse habuit Erasius, qui, etsi in disputationibus
 contra Paracellum *parte alterâ, pag. 196.* scribit,
 qualitates in tota vniuersitate hæc rerum mutabi-
 lium nullas reperiri, quæ admota sibi corpora tota
 alterare possint extra caliditatem, frigiditatem,
 humiditatem, siccitatem; & propterea has qua-
 litates necessariò principium mistionum statuen-
 da esse? tamen ipsâ rei euidentiâ coactus mox
 addit: Non sic dicimus esse principia, vt princi-
 pes causas statuamus, sed vt instrumenta esse
 dicamus, sine quibus forma nulla miscere possit.

Cæterum

Thoma.
 Erasii de
 mistionis
 causa o-
 pinio.

Cæterum portò rogatus, quæ fit forma illa miftionum opifex; Refpondet, effe mandatum diuinum, quo in creatione præcepit elementis, vt inter fe pro fingularum rerum generatione concinnè conuenirent: atque ad eam rem cælorum conuerfionem non parùm facere. Verùm refponfio hæc partim aliena, partim falſa eſt. Non enim quæritur de cauſſa prima rerum naturalium, ſed de proxima. Neque dum probatum, quòd Deus hoc mandatum elementis dederit, ſed elementa in miſto diſponere, formæ officium eſt. Et licèt Deus omnia condiderit, & cæli motibus & influxu hæc inferiora ſubiecta ſint: tamen Deus Naturam dedit, per quam omnes res generantur, quæ cuiusque rei ſua forma, & in viucentibus anima eſt. Illa ſuum ſibi corpus fabricat, & ad id conſtituendum tum elementa, tum alia corpora attrahit, diſponit & vnit, & ſuo imperio regit; vnde accidit, vt formaliter iam vnum ſint, & ſub vno actu vnita vnum actu fiant, quæ plura per ſe erant. Ideòque elementa non per ſe concurrunt, ſed à formis attrahuntur. De qua re egregiè Scalliger, in 1. de plant. ſcribit: *Natura*, inquit, *animali anima eſt. Ipſa ſibi fabricat calces, dentes, cornua ad vitam tuendam. Itaque iis & vititur, & ſcit, quo ſit vtendum modo, ſine obiecto, aut phantaſia vllà. Qui animam fecit, certis eam præceptis oneravit, partim generalibus, partim contraiioribus. Illa ſunt, quæ pertinent ad vñionem ſuam cum corpore conſeruandam: cuius nullus autor extimuiſſe debet. Eius itaque ſtudioſa mouet cor, coquit in ventriculo, recoquit in iecore, perficit in venis, digerit in membris, mutat in corpus, ſuffert, vnit, inſtaurat,*

*Miſtio
quomodo
fiat.*

*Natura
Dei mi-
niſtra*

redintegrat : Imò diuinè, in lib. 2. de plant. *Graue*, inquit, *etiam ascendit*. Fit enim opus illud à vi distributrice, quæ & terram sursum leuat, & ignem deorsum vel pellit, vel trahit; terra scilicet atque ignis domina, Domini ipsius opificis primo iussu. Non enim dubito, vos existimare, non alium rerum esse conditorem, alium, qui condita tueatur, spiritum, & illum, ubi ista condidit à seipso, qui à se non potest abesse, ab his abesse noluisse. Deus, Deus, ô viri optimi, neque otiosus, neque negotiosus, neque in operè, neque extra opus : sed sine opera operis caput, principium, medium, finis, totum, & , ut uno verbo omnia tum expleam, tum ambiam, tum superem, I P S E : cuius simplicissimâ atque indiuisibili sui intellectiōne seculi facta uniuersa : ita suum quaque finem atque ordinem omnia nanciscuntur.

Genera-
tio misti
animati
& inani-
mati dis-
feruntur

Vidit eandem veritatem ex parte etiam Zabarella: totam tamen præconceptâ hypothesi impeditus assequi non potuit, dum, de mist. generat. & interitu, lib. 1. cap. 2. distinguit, inter generationem misti animati, & inanimati, & rectè animatum non à virtute elementari generari, sed à calore vitali, semini indito, scribit, ita ut in generatione viuientis omnes elementorum qualitates locum habeant materiæ, agens autem proximum sit calor vitalis semini insitus, proportionē respondens elemento stellarum.

Quòd verò mistum, quatenus mistum, à calore elementari, à frigore temperato, ut primario operante, in duas qualitates passiuas, ut materiā, agente, generari dicit, id multis difficultatibus obnoxium. Dico potius, vix aliquod mistum perfectum eo modo, quem Zabarella ponit, generari,

generari, nullumque mistum tale in natura dari. Quid enim, ut modò ex Iul. Cæs. Scaligero, *exerc. 307. sect. 20.* dictum, certas elementorum portiones hoc modo coget, & quid tantum terræ, tantum aquæ miscabit? Neque est, ut quis ad ignem confugiat, de quo Scaliger, 2. *de plant.* Si ignis tria elementa tanquam partes vnit, quid erit, quod vnus ipsum tribus? Hoc potius verò consentaneum, omnia mista perfectæ vel partes esse corporis animati, vel species corporum naturalium in prima creatione conditas, quæ vel talia secundum individua adhuc permanent, vel per nouam generationem continuantur, de quo rectissimè Scaliger, *ead. exerc.* omnem formam cuiuscunque perfectè mixti, etsi non est anima, ut in Adamante, naturam esse quintam, longè aliam à quatuor elementis. Hæc nimirum forma in auro, argento, & cæteris metallis, in gemmis & lapidibus elementa & materiam sibi aptam apto modo disponit. Vnde facilè patet, nullius momenti esse illud, quod Zabarella, *de mixture, cap. 9.* obiicit, vbi scribit, si in minima naturalia fieret resolutio in mixture, semper æquales portiones miscibilium, seu eandem in omnibus esse illorum proportionem inter se. Nullo enim modo hoc necessarium est; sed elementa in inæquali & diuersissima proportionem concurrunt, prout ad mixti constitutionem requiruntur, & prout mixtio à forma superiore dirigitur. Nimirum plus aquæ & minus ignis attrahit cucurbita & cucumis, plus ignis & minus aquæ picea, pinus, abies.

Præterea & hæc non levis causa fuit, (quæ tamen cum præcedente ferè conuenit) ut plurimi

An digna elementorum

in mi-
stione
opus sit.

à veritate aberrarent, quòd putarunt, non aliter elementa, nisi ex mutua pugna ad mistum constituendum concurrere posse. Cùm enim mista è contrariis consent, contraria verò se mutuò auersentur; vt ad mistum constituendum concurrant, & amicè consentiant, putarunt nonnulli, hanc conciliationem & amicitiam fieri non posse, nisi præuiâ pugna ad mediocritatem redigantur. Quæ tamen conciliatio quomodo fieri debeat, inter se non consentiunt, dum alij statuunt, satis esse, si qualitates remittantur, et si formæ integræ maneant; alij & qualitates & formas remitti & frangi putarunt. Verùm hâc pugna simpliciter opus non est: satis est, si ad minima redigantur miscibilia. Etenim tum demum, quæ sunt contraria, inter se pugnant, & se inuicem auersantur, quando eorum notabiles magnitudines & portiones concurrunt. Dum autem in minimas particulas rediguntur, nullam, vel vix notabilem pugnam ineunt. Id quod multis experimentis constat. Dum carbonibus ignitis affatim aqua affunditur, strepitus inde ex pugna contrariorum excitatur: non autem si atomi igneæ aquæ communicentur, eique per minima misceantur, dum aqua calefit, & in vapores resoluitur; vbi ex omnium confessione tam ignis, quàm aquæ atomi in vaporibus continentur, & pacatè degunt. Sic etiam si aqua leuiter calefiat, recipit quidem atomos ignis sine pugna: si autem aqua vehementiùs incalescat, atomique igneæ vberim, vel ignis particulæ atomis maiores aquæ communicentur & permisceantur, fit pugna, ac insignis ebullitio. Quando autem in vapores &

minima

minima corpuscula refoluta est aqua, licet ignis atomis coniuncta fuerit, nulla tamen animaduer- titur pugna. Oleum non admittit aquam, nec ei permiscetur, ob naturæ contrarietatem. Si autem oleum in minimas particulas redigatur, id aquam admittit. V.g. olea destillata vino & aquis destil- latis innatant, nec miscentur: si verò olea illa prius cum saccharo misceantur, saccharumque postea in vino vel aqua dissoluatur, aqua oleum in mi- nimas atomos redactum simul recipit, & medi- catum inde vinum, vel aqua olei illius odo- rem, saporem, & vires exhibens efficitur. Eodem modo in solutione margaritarum, coralliorum, metallorum, primò feruor & strepitus excitatur, adscendunt bullæ, quando autem corporum illo- rum compages soluta est, & in minimas particu- las diremta, omnia sunt quieta, nec inuicem agunt ampliùs, licet quodlibet corporum illorum, sub propria forma subsistat, vt præcipitatio & redu- ctio docet. Sic etiam in præparatione tartari vi- triolati, si spiritus vitrioli cum oleo vel sale tarta- ri confunditur, oritur insignis pugna, strepitus, feruor & ebullitio. Quando autem vtræque hæc pugnancia debito modo per minima mixta sunt, omnis cessat pugna, nec vllus amplius fit strepi- tus & ebullitio. Neque est, vt quis obiiciat, mi- nima illa corpuscula ideo inter se non agere, quia mutuâ actione sint temperata, & ad æqua- bilitatem redacta. Nam separatio & reductio contrarium demonstrant, quæ docent, mini- ma illa corpuscula sub propria forma subsiste- re, & facile, vt sibi sociantur, in pristinum cor- pus redigi. Ita spiritus vitrioli, & sal vitrioli
in

in ipsa mixtione formas suas integras retinent; quod vel ipsa destillatio docet, cuius beneficio spiritus vitrioli iterum à sale tartari separatur, & separatus viribus omnibus integerrimis per se subsistit. Quid si denuò affundatur sali tartari, nouam pugnam excitat, donec iterum per minima hæc duo pugnantia mixta inter se amicè conspirent.

An in
mixtione
opus sit
corporum
in ato-
mos re-
ductione.

Ex quibus omnibus patet, etsi contraria principia in generatione & nutritione mixtorum concurrant; tamen, vt vniantur, pugna principaliter opus non esse, sed sufficere, vt formæ minimarum atomorum concurrant. Atque hoc ipsum est, quod Hippocrates, in lib. de prisc. Medic. scribit: In homine & amarum, & salsum, & dulce, & acidum, & acerbum, & insipidum, & sexcenta alia inesse, quæ mixtione & mutuâ inter se con-temperatione neque cernuntur, neque molestiâ afficiunt, id est, quando ad minimas atomos inter se redacta, & inter se mixta fuerunt. At vbi seorsim extiterint, id est, vbi eiusdem generis atomi plures à reliquis separatæ coiuerint, & corpus inde conspicuum & coagulatum euaserit, tum actiuitatem suam exercere. Atque huc omnes digestionēs & fermentationes chymicorum tendunt, vt nimirum corpora, quæ in maiori mole erant contraria, in minimas atomos redigantur, vt postea amicè inter se conspirent & vniantur.

Eductio
formarū
reiecitur.

Tandem etiam non leuis errandi causâ multis fuit, ficta illa formarum eductio, quæ alibi reiecta est. Quamuis enim rectè, vt antea dictum, in hoc sentiat Zabarella, quod in generatione viuientium agens calorem vitalem (licet ille ipse non prima-

rius

rium agens sit, sed forma, cuius ille est instrumentum) esse statuit, subinde tamen in vulgarem opinionem relabitur, & etiam viuientium generationem ad concursum & simplicem misionem elementorum reducere conatur. Ita, lib. 1. de misti generat. & interitu, cap. 3. scribit, quando calidi gradûs quinque, & humidi sex concurrunt, conuenientem esse proportionem pro educatione formæ olei. Cùm tamen certum sit, oleum non ex simplici elementorum concursu generari, sed ab olea produci. Oliuæ autem fructus sunt oleæ, eæque ab olea producuntur per calorem insitum; ex iis exprimitur oleum eodem modo, vt ex amygdalis, nuce moschata, semine lini, papaueris, & vt vinum ex uuis.

Alteram quæstionem, an nimirum sola elementa misceantur, an verò etiam dentur alia corpuscula & minima naturalia, quæ verè misceri possint, quod attinet, plerique equidem Aristotelis Interpretes, & ex hypothese illa, quòd ex mutua elementorum inter se actione mista omnia oriri statuunt, etiam tantum elementa misceri, & nullam ferè esse misionem, in qua non ad elementa vsque resolutio fiat, existimant. Verùm hoc semper necessarium non esse, facile animaduertet is, qui, quæ quotidie in natura fiunt, diligenter perpenderit. In misionibus illis minùs perfectis equidem res plana est; cum corpora naturalia in iis suas formas integras retineant, vt in metallis in aqua forti solutis clarum est. Neque tamen etiam in perfecta misione id necessarium est. Atque in plantis & animalibus id manifestum esse puto. Neque enim ea puris elementis, sed corporibus

*An sola
elementa
misceantur.*

ribus mistis aliis, quæ eorum causâ creata sunt, nutrituntur. Homo nutritur sanguine, atque in illa nutritione, quæ vera mistio est, & substantialis mutatio, sanguis non primum in elementa mutatur, ut inde fiat caro, os, &c. sanguis fit ex chylo; chylus ex cibis. In quibus mutationibus nulla fit in elementa resolutio, sed sicut proxima materia ossis, carnis, &c. est sanguis: ita sanguinis chylus; chyli panis. Et multa passim sunt huius rei documenta. Si enim in ventriculo cibus & potus usque in elementa resolverentur, nulla vel forma, vel qualitas rerum, quæ cibi loco usurpantur, maneret; cum tamen cibi purgandi vi præditi in sanguinem, & hinc lac talem vim purgandi habens abeant, quæ qualitates in simplicibus elementis, si cibi in ea resolverentur, manere non possent. Et multi morbi ex vitiosorum ciborum usu orti satis superque demonstrant, non resolutionem ad elementa usque in ciborum corruptione &imenti generatione fieri. Nimirum omnia mista ignobiliora nobiliorum sunt materia. Ita de plantis scribit Hippocrates, *de natura humana*: τὰ φυόμενα καὶ σπειρόμενα, οὐκ ὄντα εἰς τὴν γῆν ἔλθῃ, ἔλκει ἕκαστον τὸ κατὰ φύσιν ἰσχυρὸν ἐνὲν ἐν τῇ γῇ· οὐδὲ καὶ ὄξύ, καὶ πικρὸν, καὶ γλυκὺ, καὶ ἀλμυρὸν, καὶ παντοῖον· ὡρῶτον μὲν ἐν πλείστον τέτεκε εἰλκυσει εἰς ἰσχυρὸν, ὃ, τοῦ ἢ ἰσχυρῶ κατὰ φύσιν ἔπειτα ὃ ἔλκει, καὶ τ' ἄλλα, id est: Quæ ex terra oriuntur, & in eam conferuntur, ubi terram subierint, eorum quodque trahit, quod suæ naturæ accommodatum in terra inest. Inest autem & acidum, & amarum, & dulce, & salsum, & cuiusque modi. Imprimis igitur ex eo plurimum, quod suæ naturæ accommodatum fuerit,

fuert, ad fe allicit, tum etiam reliqua attrahit.
 Ideoque etiam corpora illa, ex quibus hæc fiunt, etfi minima dicuntur, tamen abfolutè talia non funt, fed fui generis minima, id eft, talia, in quæ corpora illa, cùm refolueuntur, abeunt, atque ita non in elementa, fed in ea, è quibus proximè conftant. Lac abit in butyrum, ferum, calcum. Ita idem calor agens in cibum homogeneous eum in diuerfos humores, prout eft difpofitus, conuertit, neque ex qualibet particulâ quodlibet format. Vinum, opinor, non pro re confufa, fed meritò promifto perfectò habetur. At infundatur illud vafi deftillatorio, & deftillatio inftituatur, fpiritus ignem concipientis parùm educitur, multum aquæ remanet, parùm terræ; quia plus aquæ vino, quàm ignis vel terræ ineft; quod tamen non fieret, fi ex qualibet minima particulâ ignis, aër, aqua educi poffet.

Nimirum vt vix aliquod miftum immediatè ex elementis componitur: ita rarò etiam mifta in elementa refoluuntur. Id quod cùm ex naturali, quæ fit per putredinem, tum violenta quæ fit per ignem & combustionem, refolutione & rerum corruptione patet. Plantas & animalia mortua, vbi putrefcunt, non planè in elementa refolui, vel odor feu fætor, qui inde excitatur, fatis euincit, qui nullius elemèti, fed miftorum corporum proprius eft. Et vt rerù viuientium aliarum alijs odores funt: ita & plantarum & cadauerum. Imò peftem ex animalium cadaueribus putrefcentibus excitatam fuiffe, non rarò obferuatum eft. Idem accidit in violentis refolutionibus quæ in deftillationibus & fublimationibus chymicis accidunt.

Equi

*Refolutio
miftorum
in qua
fiat.*

Equidem Zabarella, *lib. 1. de mist. generat. & inter. cap. 2.* scribit, combustionem esse totius misti in vnum tantum elementum, ignem puta, mutationem, exceptâ aliquâ parte terræ. Multique alij etiam opinantur, si fumum aliquem vel vaporem ascendere è re aliqua vident, rem illam in elementa resolutam esse. Verum res longè aliter sese habet, ignisque suum sibi retinet, aliis suum etiam tribuit. Adhibetur ignis in destillationibus & sublimationibus chymicis nunc lenior, nunc violentior; neuter tamen in elementa rem resolvit. Etsi enim fumi & vapores ascendunt: tamen si Alembicis & vasis recipientibus excipiantur, patet, resolutionem saltem in atoma corpuscula sui generis factam esse; alique flores chymicis dicti ex Mercurio, alij è sulphure, alij ex sale Ammoniaco colliguntur. Ita in destillationibus, etsi vapor eiusdem generis ascendere videatur: tamen si Alembico colligatur, patet esse spiritum vel vini, vel cerasorum, vel iuniperi, vel aquam fortem, aut aliam compositam. Imò etsi insensibiliter ascendant, ut oculis percipi non possint, ut etiam per chartam satis densam quadruplicatam possint penetrare: nihilominus in aërem non mutantur, sed spiritus sui generis manent. Imò si sulphur, vel piceæ, aut pix accendantur, non in elementa abeunt, sed sui generis olea ex iis colliguntur.

Atque ex his, quæ hæcenus dicta sunt, patet, missionis, quæ in plantis & animalibus; imò mixtis perfectè omnibus, lapidibus puta, gemmis, mineralibus, & metallis fit, ad eorum corpora constituenda, causam efficientem primariam esse
formam

formam illam corporis naturalis specificam, quæ materiam sibi idoneam attrahit, eamque certo modo disponit.

Mistiones autem reliquæ omnes, quæ à forma superiore non diriguntur, quocunque etiam nomine veniant, ab atomorum consensu & dissensu proueniunt, ob quem similia ad similia mouentur, & similia similibus vniuntur. Et si enim hæc corporum sui generis similitudo vel dissimilitudo etiam ad mistionem commodiorem, quæ in animatis fit, quæque à nobiliori forma gubernatur, non parùm facit; sicut videmus, cibos similes facilius coqui, quàm dissimiles: tamen præcipuè locum habet in fermentationibus seu naturalibus, seu artificialibus, & medicamentorum præparationibus, hæc mistio, vt & iis, quæ fortuitæ appellantur. Et hæc corporum sui generis minimorum similitudo, vt multarum mistionum, ita omnium solutionum fundamentum est. Hoc modo fit vini, ceruisiæ, aliorumque succorum fermentatio, dum nimirum, quæ eiusdem naturæ sunt, vniuntur, & aliena à se expellunt, & in fæces extrudunt, quod imprimis fit spiritus illius insiti ope, qui cuncta penetrat; quod & in panis fermentatione fieri videmus.

Quid de vino albo & rubro, mistis, vino multo, vinis medicatis, theriaca, Mithridatio, aquis destillatis & compositis & similibus statuendum sit, an sint vera mista, an verò saltem cramata, ab authoribus dubitatur. Nonnulli saltem cramata esse statuunt. Ita vinum rubrum si albo miscetur, crama saltem esse statuit Th. Erastus, disputat. 2. contra Paracels. pag. 212. eâ additâ ratione, *quod*

*Quadam
mistiones
fiunt ab
atomorū
consensu
& dissensu.*

*An vina,
medica-
menta,
theriaca,
Mithri-
datium
aqua de-
stillata
sint vera
mista.*

quòd gustus doceat, vtrumque saporem adhuc superesse, & neutrum vinum suam naturam amiserit, & fieri non possit, vt rubedo aliud subiectum, quàm suum proprium occupet. Et de theriaca scribit Iac. Zabarella. *de mist. cap. 13.* theriacam non habere veram misionem, vel, si habeat, eam esse misionem elementorum, non mistorum theriacam ingredientium. Verùm istæ opiniones hypothesi nondum concessæ innituntur, nimirum nihil misceri nisi elementa, quod falsum esse, antea probatum. Ideoque si ad corporum naturalium constitutionem aliàs sufficit, vt minima corpuscula varij generis coëant & vniantur, quorum cum nunc hæc, nunc illa sint plura, etiam nunc horum, nunc illorum sapor, calor, odor, aliæque qualitates excellunt, sicut aliàs in misione elementorum prædominantes elementi qualitates superant: equidem non negarim, cum talia corpora primò confunduntur, posse crama appellari, sed vbi postea per fermentationem, vel sæpius repetitas destillationes, per minima vniuntur, causam non video, cur non vera mista appellari possint. Et si causa ista sufficiens esset, quam affert Eras- tus, vt mistura ex vino rubro & albo crama dici debeat, pleraque vina non essent mista vera, sed cramata; cum plerunque vina ex diuersi generis vis colligantur, & propterea nunc hoc vel illud vini genus sapore referant.



HYPOMNEMA IV.

DE GENERATIONE
VIVENTIVM.

CAPVT I.

An Anima fiant.

Um plantæ & animalia in indiui-
dis perpetuò non durent, sed alia
intereant, alia in emortuorum lo-
cum succedant, atque ita species
ad finem vsque mundi, & quous-

que Deo, Conditori, placuerit, sequentur: om-
nino, quomodo ista viuentium generatio, & spe-
cierum per indiuidua continuò succedentia con-
seruatio fiat, inuestigatione & consideratione
dignum: imprimis cum magni nominis Viros res
ista sollicitos, imò dubios habuerit. Omnia au-
tem viuentia animâ & corpore constant. Cor-
pus vnde habeant, satis manifestum; animam
verò vnde accipiant, non ita clarum. De eo er-
go iam inquirere nobis propositum. Quod dum
facimus, rem ipsam putabimus, autoritatibus ve-
rò solum non certabimus, neque in labyrinthum
nos immittemus, in quo multi errabundi va-
gantur, nec exitum vllum inueniunt, dum mo-
dò rationem sequuntur, modò autoritatem, &

*Viven-
tium par-
tes essen-
tiales.*

id agunt, ut semper magnorum virorum auctoritatem saluam tueantur, atque ita verum cum falso sæpe conciliare, irrito conatu laborant.

Et si verò viuentium plures sint differentia: tamen cum omnia vitam ab anima habeant, unde animam accipiant viuentia, & unde animæ originem habeant, primò in genere dicendum.

Anima

an fiant.

Primò nonnulli breuiter hîc se absoluunt, & formas, qualis etiam anima est, fieri negant. Ita enim Toletus, *lib. 1. Phys. c. 9. q. 19.* Negandum est prorsus cum Aristotele, fieri formas, aut produci; sed composita fiunt, non ex nihilo, sed ex materia; formæ verò consequenter fiunt, & comproducentur: unde non est ipsarum creatio, quia creatio est actio quâ aliquid primò fit; formæ verò non primò fiunt. Hæc autem est vis concessa agentibus naturalibus, ut compositum producerent, ac simul mediâtè formas attingerent, quod non est creare, nec aliam Philosophiam habemus ab Aristotele, & est optima, & notanda. Idem, *ibid.* hæc habet: Forma non produci-
tur per se, sed comproduci-
tur ad productionem compositi, quod est dicere, actio in ipsum compositum determinatur primò, & consequenter, ac velut per accidens in ipsam formam. Conimbricenses, in *lib. 1. Phys. c. 9. q. 12. art. 6.* ita scribunt: Respondemus, dicendo imprimis, nullam formam, exceptâ humanâ, propriè fieri; quia effectio non nisi in rem per se subsistentem cadit. Et Ruuius Rodensis, *lib. 1. Phys. c. 5. in quæst.* hæc habet: Negandum est, quod forma fiat ex materia, aut ex priuatione. Nam secundum proprietatem Physicam forma nec generatur, nec fit, sed compositum, ut docet expresse Aristoteles, *lib. 1. Phys. text. 64.* his verbis: Qua manifestum

stum è dictis, quòd omne, quòd fit, semper est compositum. Et Thomas, in eorum expositione. Et probat hac ratio: fieri rei ordinatur ad esse. Ergo eius tantum est fieri, cuius est esse: forma verò non est; sed solum dicitur ratio essendi composito, quòd propriè dicitur esse. Ergo forma non fit, sed compositum. Quòd si non fit: ergo nec ex materia fit, nec ex privatione, sed compositum dicitur ex utraque fieri ratione formæ, à qua habet esse, & cuius principia sunt, materia, forma, & privatio. Educi autem de potentia materia non est per se fieri, sed in actum exire, tanquam rationem essendi compositi, quòd per se generatur, & fit. Hæc Ruio.

Alij contrà opinionem istam, vt falsam & absurdam, impugnant. Cùm enim ad corporis cuiusque constitutionem materia, & forma imprimis, quæ dat esse specificum, requiratur, & quotidie individua alia intereant, alia generentur; necesse est, materiam & formam, quæ antea non erant, fieri. Ex illorum verò ratione, quam sine ulla probatione proponunt, (quòd nimirum nec materia, nec forma fiet, sed compositum) nihil fieret; cum ex materia & forma compositum constet, & compositum nihil aliud sit, quam materia & forma. Neque, vt aliquid fiat, requiritur esse completum, sed quodlibet esse sufficit; & quod iam est, quòd antea non fuit, meritò factum esse dicitur, siue sit ens incompletum, siue completum & compositum. Verba etiam sunt, & sonus sine mente, formas non produci, sed comproduci, nec primò fieri, sed per accidens quasi produci ad productionem compositi. Compositum equidem totum in generatione primò intenditur, sed fieri

non potest, nisi omnia, quæ ad eius constitutionem & essentiam requiruntur, fiant. Imò ii ipsi, qui formas fieri negant, sui immemores eas fieri affirmant, dum, quæ educuntur è potentia materiæ, dependere à materia in esse, fieri, & operari docent. Nec dubium hoc soluunt; sed vnde animæ proueniant, explicare necesse est: & tandem eò rediguntur, vt eas è potentia materiæ educi statuunt.

*Anima
potius
multiplicatur,
quàm
fiat.*

Itaque negari quidem simpliciter non potest, quod animæ, suo modo, (Nam an propria sit locutio, cum formæ dicuntur fieri, etiam Doctiss. Dn. Caspar Hoffmannus, in *tr. de formarum origine*, mox initio, dubitat) fiant: si tamen magis propriè loqui libeat, potius multiplicari, quam fieri dicuntur, secundum illud vulgatum: Omnis forma sui multiplicatiua. Ea enim propriè fieri dicuntur, quæ, quando sunt, antequam fiunt planè non sunt. At multiplicari id dicitur, quod, cum antea esset vnum in vno indiuiduo, iam multiplex fit, & numero plura. De quo infra, cap. 6.

CAPVT II.

An Anima sint à Deo, vel à Cælo?

*Anima
non à
Deo.*

A Vicennas animas viuentium non à parentibus, sed à quâdam formarum datrice, seu, vt Scaliger, *exerc. 97.* loquitur, formarum promaconda intelligentia, quam Colcodeam nomnat, prouenire statuit, docetque, cœlestem hanc mentem vti semine tanquam instrumento ad producendam

Scendam animam vegetantem & sentientem, quas
vbi mediante semine in homine produxerit, pro-
cedente tempore, nullo intercedente instrumen-
to, importari animam rationalem, & corpori ani-
mâ vegetante & sentiente informato infundere
ex se animam rationalem, à materiæ commercio
liberam. Procul dubio autem istam sententiam
ex Platone & Platoniciis hausit Auicennas. Hi
enim, vt ex Platone, in *Epimenide* & *Timeo*,
Marfilio Ficino, *super lib. Platonis de sanctitate*,
& *super Timeum Platonis c. 37.* & Alcino, in *lib.*
de doct. Platon. cap. 23. videre est, statuunt, ani-
mam rationalem à Deo Opt. Max. animas autem
rationis expertes à Diis iunioribus, qui ipsis sunt
vel corpora cœlestia, vel eorum spiritus, intelli-
gentiæque mouentes, prouenire. Verùm quæ de
intelligentiis illis in Physicis dicuntur, cum sine
ratione vlla proferantur, meritò à Philosophis
reiiciuntur. Et si quæ omnino sunt causæ cœle-
stes, quæ ad rerum generationem faciunt, causæ
eæ remotæ sunt, & vniuersales, vt mox de Fer-
nelij sententia dicetur. Et si per primam illam In-
telligentiam Deus Opt. Max. intelligatur, iti-
dem sententia hæc falsa est. Non enim hic de re-
rum creatione, sed de generatione quaeritur. Deus
quomodo
ad rerum
Deus verò postquam semel à creatione cessauit, genera-
tionē cum
caussis
nihil amplius, nisi miraculosè, creat; Naturam ve-
rò instituit, quæ cursum generationis & corru-
ptionis absoluit, eumque tuetur & obseruat. Et secundis
concur-
concurrit iam Deus quidem in omnium rerum
naturalium generatione vt causa prima & vni-
uersalis, quæ verò oriuntur, causarum secundarum
proximè effectus sunt, Deusque dicitur omnium

rerum causa efficiens, cum quia primò eas creauit, tum quia causis secundis vim ac potestatem dedit proximè effectus suos producendi. Hoc quidem verum est, causas secundas nihil agere posse sine prima, utpote à qua omnia agentia creata dependent, & qua suum Esse habent, & sine cuius opera nec consistere, nec ullam operationem edere possunt; & nisi prima simul concurrat ad actum, secundas suas operationes perficere non posse. Causæ tamen secundæ reuerà etiam agunt, & Deus agit in omnibus, ut & ipsæ operentur. vnde eleganter Scaliger, in *Theophrast. de caus. plantar. lib. 5. cap. 1.* scribit, quòd Natura sit Dei potestas in causis secundis, quibus ipse certas constituit præscriptiones. Et si causæ secundæ nihil agerent, cur rebus creatis tam varia constructio, & tam variæ vires inditæ essent? Et cur non viuientia non easdem operationes edere possent, quæ viuientia? Itaque cum in aliarum rerum generatione non simpliciter ad Deum nos conuertamus, sed causas secundas coniungamus: cur in generatione viuientium ea reiiciendæ essent? Et si à Deo solo & proximè animæ prouenirent, nullo modo simile à simili generari dici posset, neque id, è quo semen seu plantæ, seu animalis decusum est, parens nouæ plantæ vel animalis dici posset, sed Deus. Ac si dicere velient, Deum semine uti ut instrumento: tamen ut instrumentum, scalprum, exempli gratiâ, statuæ causa efficiens; & statua scalpri effectus dici non potest: ita nec seminis soboles viuens dici posset. Summa: si quæcunque etiam causa superior, siue à Platone & Platonis, siue Auicenna, animarum efficiens dicatur, nulla generatio

generatio vniuoca hoc modo fieret; cùm tamen certissimum sit, nec probatione vllâ indigeat, simile generare simile, & pyrum pyrum, equum equum, hominem hominem generare.

Quæ verò Platonici de Diis inferioribus dicunt, si eo modo, quo verba proferre videntur, intelligenda sunt, facilè quilibet videt, ea non solum sine omni ratione proferri, sed & à veritate aliena esse.

Non multum ab his dissentit Fernelius, qui, *An anima à cælo proveniant.* lib. 1. de abdit. 202. causs. pluribus in locis, acriter defendit, omnem animam à cælo proficisci & à cælo animam omnem in materiam præparatam & idoneam immitti. Ita enim, cap. 5. in fin. scribit: *Fernelij sententia*

In animalium procreutione semen conceptum uterì vi, ac benigno tepore ad agendum impellitur, non ut animam, animalisque formam de se excitet, aut edat, sed tantum ut exsuscitata aut impulsâ ipsius potentia aut facultas, deincepsque aucta, subiectam sibi materiam omni præparationum genere instruat, ut substantia tandem particeps forma extrinsecus assumatur. Eandem sententiam pluribus proponitur, cap. 7. & postea, cap. 10. addit: Cælum, inquit, nullo semine multas profert tum animantes, tum stirpes: at semen nihil quicquam sine cælo generat. Semen gignendis rebus materiâ concinnè duntaxat, & conuenienter apparat & instruit, cælum in apparatam illam speciem, summâque perfectionem immittit, vitâque suscitât in omnibus. Et tandem concludit: Quæcunque olim Deus, tum in cælis, tum in terris progeniuit, omnia vnus tuetur, atque regit, cælestia quidem per se ac proximè; animantia verò, & stirpes, aliâque mortalia; cælorum ope &

interuentu, quibus natura leges tum procreatrices, tum conseruatrices indixit & imposuit. Itaque animantium, stirpium, lapidū, & metallorum omnium, quacunque & fuerunt & esse possunt, formas una cœli forma potestate comprehendit, & innumerabilibus illa quasi grauida formis omnia gignit & fundit ex se: una illius vis & facultas, præ se fert omnium caducorum vires, quæ vel olim comparuerunt, vel posthac unquam comparebunt. Has autem mundi vector spiritus, cœlo in totam vniuersitatem diffusus, rebus omnibus impertit, simul & speciem, & naturam vitalēque calorem gignendis illis, atque conseruandis accommodatum. Is omnia continet, omnia calore, vitæque fouet, ut nihil usquam non sit huius vbertate confertum. Huius vi & ope & inanimata quæque per se sunt, & animata sui quæque generis animam habent, alia quidem nutrientem, alia sentientem, alia mentis rationisque participem. Sic illa sese rebus accommodat, sic singularum naturis inseruit, ut quantum cuiusque natura & conditio desiderat, quantum ipsa subiecti preparatio ferre potest, tantumdem illa exhibeat. Sol quanquam abest longissimè; aduersus tamen corporibus lumen sic impertit, ut niteant, splendeantque illa fulgoribus: sed aliter aqua, aliter lapis, aliter lignum, aliter argentum. Ita propemodum & vis illa cœlitus demissa omnibus quidem est vitalis, sed ita, ut aliis tantum hoc largiatur, ut sint, aliis, ut animam insuper habeant, idque aut nutrientem, aut sentientem, aut mentis compotem: non enim uno modo ab omnibus illa suscipitur. Sed & hoc velim postremò admonere, ne illam quidem ipsam vim semper sui similem esse, & uno se semper modo rebus exhibere, sed alias aliter

aliter, pro stellarum statu multiformi, quarum commistio, complexioque plerumque variat, tamen si ventoris spiritus una est & impermutabilis substantia. Fieri igitur non potest, quod quidam interpretatur, mundi spiritum vitam statumque rebus omnibus sic impertiri, ut ne minimam quidem astrorum opem desideret. Hoc si est, cur, queso, non similia, & similiter perpetuò generet, cum semper æquè præsens rebus adsit. Hæc Fernelijs.

Argumenta autem, quibus suam sententiam probare conatur, præcipua hæc sunt: Primum est, quod ex materia putrida multa animalia generentur, quæ cum nullo semine, nulloque parente proveniant, animam illorum à cælo provenire statuit: & proinde cum ignobiliora illa animalia suas formas è cælo accipiant, meritò etiam nobiliora animalia, hominem & leonem, non aliunde eam accipere debere existimat. Secundò, cum Aristotèles scripserit, quod homo & sol hominem generet, putat, non eodem modo utrumque ad hominis generationem concurrere, neque idem ab utroque effici, sed cum duo requirantur, materia & forma, ab homine, utpote imperfectiore natura, materiam apparari, à cælo verò animam amitti. Tertiò multis contra educationem formarum è potentia materiæ disputat. Quattò multa de cæli nobilitate & in hæc inferiora actione profert. Tandem cum anima uniatur corpori mediante spiritu quodam & calore cælesti, multò magis ipsam animam originis cælestis esse debere statuit.

Verum enim verò, omnino à veritate aliena est hæc opinio. Cum enim viventia, quæ generantur, eadem

*Fernelij
argu-
menta.*

*Fernelij
sententia*

*de origine
anima-
rum re-
solutio.*

eadem specie sint cum his, à quibus generantur, quomodo verum hoc esse posset si generans saltem materiam ad formam recipiendam disponderet, non ipsam formam impetraret? Et rectius omnia viuientia cœli soboles, quam eorum, à quibus generantur, esse dicerentur. Et licet superiorum & inferiorum consensus sit, cœlūque vt causſa vniuerſalis rerum ortus promoueat: tamen non sequitur, quòd tot diuersis viuientium speciebus formæ à cœlo tribuantur. Et quorsum opus est, à cœlo animas deducere, cū rerum Creator, Deus, in prima creatione viuentibus omnibus vim sese multiplicandi dederit?

Neque rationes, quæ ipsum ad hoc asserendum mouerent, alicuius roboris sunt. Primò enim etiam spontè orta viuientia suam causſam in inferioribus habere, neque solū à cœlo prouenire, postea docebitur. Neque si quid nobile est in hisce inferioribus, id omne à cœlo deducendum, sed habent ipsa viuientia suæ dignitatis gradus; & homo omnium nobilissimus cœlo nobilior est. Secundò, etsi Aristoteles solem & hominem generare hominem scripserit: tamen id non à iter intelligendum est, quàm solem, seu cœlum, vt causſam remotam & vniuersalem, hominem verò vt proximam hominem generare. Neque, vt dictum, homo cœlo ignobilior est & propterea illi saltem materiæ præparatio, cœlo verò formæ communicatio tribuenda. Tertiò rectè quidem impugnat educationem formarum è materia, & nos postea idem faciemus: verū non sequitur, si formæ non educuntur è potentia materiæ, quod ideo à cœlo procreantur. Alius enim originis.

originis modus postea monstrabitur. Sicut etiam, quartò, cælo suam nobilitatem & actionem in hæc inferiora concedimus: verùm nullo modo inde sequitur, quòd ideo omnium formarum autor sit. Tandem, etsi concedatur, spiritum illum & calorem innatum, quo formæ viuientium tanquam proximo instumento vtuntur, & qui propterea vinculum animæ cum corpore appellari potest, cœlestem suo modo nominari posse: tamen illud saltem hinc sequitur, quòd animæ ipsæ nobiliores sint, quàm spiritus ille, & calor insitus, non verò quòd à cælo proueniant. Summa, vt rectè Thomas Erastus, *de occult. med. propriet. l. 1. cap. 7.* scribit: qui formas specierum à sideribus infundi auiunt affirmare, à Philosophis ridebuntur; à Christianis etiam execrabiles rectè iudicabuntur. Non à cælo, sed à Creatore, formæ specierum originem suam traxêre, si creationis historię credendum censeant potius, quàm mendacibus fabulis. Iussit Deus quæmque speciem se indiuiduam iisdem viribus præditorum multiplicatione propagare, non imperauit sideribus, vt vel formas, vel earum vires proprias creatis rebus imprimerent.

Atque ita sine rationibus nonnullos à superioribus caussis formarum in viuentibus ortum deducere conatos esse, monstratum.

CAPVT III.

Aliarum de origine animæ sententiarum enumeratio, & vulgaris erroris notatio.

Generatio viuentium duplex.

Quatuor de generatione viuentium sententia

CVM ergo à Cœlo & caussis superiorib. anima non proueniat, plurimi concedunt, simile generari à simili. Id quod tamen plerique de vniuoca saltem generatione accipiunt. Duplicem enim generationem statuunt, vnam vniuocam, quâ simile generat simile; aliam æquiuocam, vbi generans à generato diuersæ naturæ est; quod in iis, quæ sponte fieri dicuntur, & in semine, accidere statuunt. Verùm an detur generatio talis æquiuoca, & quomodo sese habeat spontaneus viuentium ortus, suo loco postea dicitur. Satis hîc sit, in generatione vniuocâ dicta simile à simili generari, à pluribus, & iis omnibus, qui formas à cœlo, vel causa superiore, non deducunt, concedi. Verùm enim verò, etsi omnes in hoc consentiunt: de modo tamen valde dissentiant, & plures ac diuersæ autorum hac de re opiniones reperiuntur, quæ tamen omnes in quatuor classes redigi posse videntur. Primò enim alij semen inanimatum esse statuunt: qui rursus in duas partes abeunt; dum quidam semen, quod à generante communicatur, loco saltem materiæ esse statuunt, è cuius potentia ab agente externo anima educatur: quidam λόγον πλασμαὸν semini à generante communicatum inesse dicunt, eumque formationis corpus viuentis autorem statuunt, seu generans semine vt instrumento ad simile generandum

dum vti opinantur. Alij verò semen animatum esse statuunt : qui ipsi tamen etiam duplicem opinionem fouent ; dum alij omni semini, etiam humano, animam suæ speciei inesse statuunt : alij verò animam humanam, ob singularem prorogatiuam, eximendam censent, eamque corpori iam formato extrinsecam aduenire existimant; etsi ij ipsi de tempore, quo anima adueniat, inter se dissentiunt : de quibus sententiis omnibus iam in specie dicendum.

Prius tamen in genere de quodam vulgari errore lector monendus. Cum omnia viuentia, quod sunt, per animam præcipuè sint, & cā à non viuentibus differant; meritò etiam hîc de origine animæ disquisitio ita instituenda, vt omnibus in genere viuentibus competat. In quâ tamen re à non paucis peccari video, qui quæ de origine animæ, & formatione corporis viuentis in genere dici possunt & debent, saltem de homine tradunt, atque ita contra leges demonstrationis peccant, & affectiones generi competentes de specie demonstrare conantur. Commodius ergo puto, si, quæ de generatione viuentium, & origine animæ, in genere dici possunt, in genere proponantur, & postea in specie plantis, animalibus brutis, & homini applicentur, & si quid hæc viuentium species peculiare habeant, in specie annotetur.

De anima origine in genere disquirendum.

C A P V T IV.

An Anima educantur è potentia materia?

*An ani-
ma edu-
cantur è
potentia
materia.*

*Quis au-
tor opi-
nionis de
eductione
formatū
è potētia
materia.*

PRimò ergo inter eos, qui semen inanimatum esse statuunt, vulgata est opinio, omnes formas, & ita etiam animam omnem, præter rationalem hominis, educi è potentia materiæ. Nemo enim eorum tam absurdus fuit, vt statuerit, quod hodie nonnulli facere videntur, animam humanam rationalem è potentia materiæ educi. Quis autem primus huius opinionis autor fuerit, non adeo certum esse puto. Plerique equidem eam pro Aristotelica venditant: sed an ex Aristotele monstrari possit, dubito. Nonnulli, inter quos Franciscus Bonamicus, Auerroï educationem hanc formarum è potentia materiæ attribuunt; & occurrunt apud ipsum eiusmodi verba: sed non raro fit, vt interpretes multa de suo autoribus asuant. An tamen idem, quod vulgò docetur, statuerit, valde dubium. Ipsum enim causam viuentium generationis, seu potius formationis corporis viuentis, esse formam in semine latentem, statuisse, tum ex aliis locis, tum ex illo, 7. *Metaphys. text. 31*. Cùm enim ibi Aristoteles compareret artificialia cum naturalibus, & de semine, quod est efficiens, dicat, quod faciat, addit Auerroës: semen generat per potentiam, quam habet similem artificii; quia forma generati est in semine in potentia, & id, ex quo est semen, conuenit nomine & ratione cum eo, quod fit ex semine quoquo modo. *Et paulò post*: In rerum generatarum materia est

An Anima educantur è potentia materia. 145
est potentia, vt ex eis generetur aliquod simile
per potentiam, quæ est in semine.

Scholastici verò plerique, & eorum sectatores,
dogma hoc de educatione formarum materiæ acri-
ter propugnarunt, atque id per manus quasi poster-
is tradiderunt sine omni sensu claro, quem mens
veritatis auida capere posset; vt plerique potius
Magistrorum suorum verba transcripserint, quàm
rem ipsam (& quomodo potuerint, cum nulla
subsistat) intellexisse videantur.

Verùm quemcunque hæc opinio autorem ha-
beat, aut quoscunque Patronos; omnino perpen-
denda est; cùm multi pro eâ, tanquam pro axis &
focis, pugnent, & ad multas controuersias deci-
dendas quasi infallibili principio eâ vtantur. Duo
autem hi autores agunt; primò vt rationes, qui-
bus in hanc sententiam adducti sunt, exponant,
aut potius aliorum sententias oppugnent:
Deinde vt suam sententiam explicent & decla-
rent.

Primò quidem, vt ex Fonseca. *comm. in 5. Me-
taph. cap. 2. quest. 4.* Suarez, 12. *Metaph. disput.*
sect. 1. & 2. Bonamico, Ruuio, in 1. *Phys. tract. 2.*
quest. 1. aliisque patet, pro sua opinione vix vllas
euidentes rationes adducunt, sed saltem contra-
rium sentientes ad absurda deducere conantur;
quæ res valde suspecta est. Boni enim & candidi
disputatoris est, primò suam sententiam firmis
rationibus probare, postea contraria impugnare.
Nihilque tam clarum & verum dici potest, quod
non à contentiosis ingeniis in dubium vocari
possit. Loca autorum integra transcribere ope-
ræ pretium non duco; cùm in omnium sint

manibus ; & plerique nihil noui afferant, sed cramben multoties coctam reponant. Si quæ tamen ex iis rationes colligi possunt, hæc sunt ;

*Rationes
pro edu-
ctione for-
marum e
potentia
materia.*

Primò ergo eo probare volunt, formas educi è potentia materiæ, quia dependeant in fieri, in esse, & operari à materia. Verùm petitio principii est, & connexio maioris nulla. Concedimus enim sane, formas illas inseparabiles non posse fieri (seu potius propagari) sine materia, & extra materiam, & esse & operari in & cum materia: verùm hoc inde non sequitur, quod è potentia materiæ educatur forma, & dependentiam essentia habeat à materia, quæ merè passiuè sese habet. Sed hoc adhuc quæritur, vnde illæ formæ, quæ nec fieri, nec esse, nec operari possunt sine materia, aut extra materiam, originem suam habeant.

Secundò, (quæ, an sit probatio directæ, an ad absurdum deductio, aliis iudicandum relinquo) nisi statuatur, formas educi è potentia materiæ, tolli generationem putant. Vel enim, aiunt, formæ ante generationem aliquid sunt, vel nihil sunt. Si fuerunt ante generationem, nulla erit generatio; si nihil sunt, erit creatio, atque iterum tolletur generatio. Verùm dilemma hoc nullius in momenti est, & neutrum cornu alicuius roboris.

Etenim cùm omnes ferè Theologi sint, qui ista scripserunt, meritò perpendere debuissent, quid illud in sacra pagina sit: Crescite & multiplicamini; imò quomodo axioma illud Philosophorum: omnem formam esse sui multiplicatiuam, accipiendum sit. Si enim intelligerent, animas

*Quomodo
fac gene-
ratio vi-
uentium.*

esse

esse sui multiplicatiuas, simul intellexissent, cum aliquod indiuiduum generat, animam de nouo non creari, sed multiplicari, & primorum cuiusque speciei indiuiduorum in prima mundi origine à Deo creatorum animas ad omnes animas omnium indiuiduorum, quæ in hunc usque diem fuerunt, & ad finem mundi futuræ sunt, propagationem suffecisse, & adhuc sufficere; simulque intellexissent, cum animæ multiplicantur, quæ antea fuerunt, generationem non tolli, sed potius stabiliri. Etsi enim ante anima fuerit, & quidem vna numero: tamen cum se multiplicat, & in plura indiuidua diffundit, meritò generatio fieri dicitur. Vbi tamen statim notandum, quando verè generatio fiat. Illi quidem statuunt, cum ex grano tritici planta tritici formatur, aut ex ouo pullus fit, generationem fieri. Et sanè concedi potest suo modo tum generationem fieri. At si propriè loqui velimus, cum generatio sit, vt Aristoteles, *de respirat. cap. 18.* docet: *ἡ πρώτη μέδουσα οὐκ τῷ ἀρρενὲ τῆς θηρίου καὶ τοῦ ζῴου: prima communicatio anima nutritiua una cum calido nativo*; ea communicatio fit, cum semen generatur, & à generante separatur: & tum plantæ, tum animalia gignunt, quando cum calido nativo animam suam semini communicant, idque à se excutiant & emittunt, non verò quando ex semine planta vel animal producitur. Quod vel ex eo patet quòd fieri potest. vt, cum plantæ ex semine pullulant, planta amplius non supersit, & cum ex ouo excluditur pullus, nec gallus, nec gallina amplius viuant, & proinde nec

Quando fiat generatio viuientium.

K 2

cali-

calidum nativum, nec animam communicare possint. Inde rectè Iul. Cæsar Scaliger, *exerc. 6. sect. 10.* Generat arbor, cum producit semen: non autem generatur arbor, cum pullulat è semine; sed tum generatum, quod erat imperfectum, perficitur. Sic canis non gignit, cùm nascitur catellus, sed cùm semen gignit.

An opi-
nio de
eductiōe
formarū
è potētia
materia
explicari
possit.

Vt verò isti, qui educationem formarum è potentia materiæ statuunt, suam opinionem explicent, variè & miserè se torquent: ut fit, vbi rei nihil subest; & dum rem explicare conantur, eam potius implicant, quàm explicant, ut ex autoribus modò allegatis, Toletus item, 1. *Phys. cap. 9. q. 19* & 1. *de generat. & corrupt. c. 3. q. 2.* Benedicto Pererio, *lib. 5. Phys. c. 22.* aliisque videre est, quorum verba transcribere non placet, & tandem, vbi anxie in omnem partem se verterunt, illa verba Thomæ, *ex part. 1. quest. 90. art. 2.* reponunt: Formam educi è potentia materiæ nihil aliud est, quàm aliquid fieri actu, quod prius erat in potentia. Verùm an istud mentem veritatis auidam satiet, Lectori iudicandum relinquo. Sed quomodo ista aliis satisfaciant, cùm nec sibi ipsis satisfaciant? Vnde Toletus, 1. *de generat. & corrupt. cap. 3. quest. 2.* Fateor, inquit, *virtutem hanc esse mirabilem, qua participet aliquid virtutis creaturæ: sed non est; cum semper circa subiecta operetur. Est etiam virtus mirabilis materia, è cuius potentia educuntur, qua actu non sunt.* Vbi potius mirabilem illorum pertinaciam, qui è materiæ id, quod impossibile est, & neque in materiæ, neque agentis potestate est, educi volunt; admirari debuisset, quàm mate-

riæ

riæ mirabilem vim, quæ nulla est. Et Benedi-
ctus Pererius l. 14. c. 9. in fin. vbi de formarum ori-
gine tractat, & dubia quædam solvere conatur,
tandem concludit: *An hæc responsa sint vera, &
an omnino tollant difficultates propositas, dictis vi-
ris considerandum; atque indicandum relinquo:*
Mihi certè non penitus eximunt scrupulum, nec
animo meo omnino satisfaciunt. Quadam enim in-
uoluunt, quæ videntur vel perspicuè falsa, vel ma-
gis dubia, quàm id sit, de quo nunc dubitatur; cu-
iusmodi est illud, dari ultimum qualitatis, quod in
instanti inducatur. Et omnino nullo modo du-
biis, quæ contrâ afferuntur, satisfacere possunt. Si
enim quæras, quid sit educi è potentia, seu quid
sit illa potentia, respondent, esse dispositionem
materiæ ad certam formam, vt accedente ope-
ratione ordinaria agentis, siue efficientis, forma
ex illa excreseat & resultet. Verùm cum illi ipsi
concedant, istam dispositionem esse materiæ se-
cundæ, (non primæ. Hæc enim est indifferens
ad omnes formas recipiendas, nec magis ad hanc,
quàm illam determinata. Et si materia prima in
sinu suo omnes formas contineret, ac formæ
originem suam materiæ primæ deberent, mate-
ria illa esset nobilius principium, quàm forma)
cum alia dispositio requiratur ad formam quer-
cus, alia ad formam pulli, alia ad formam equi
educendam; iidem verò Aristotelis Interpre-
tes statuunt, materiam, in qua tales formæ spe-
cificæ hærent, esse elementa variè mixta & dis-
posita: quaritur, cum statuunt, formam fieri
actu, quæ antea erat potentia, an ex nihilo fiat,
an verò illa dispositio & qualitates materiæ, quæ

*Ab absurda
qua se-
quuntur
opinionē
de edu-
ctione
formarū
è potentia
materia.*

aliud sunt, quàm certa misti temperies; an verò ipsa forma misti vel elementorum mutetur in formam quercus, gallinæ siue equi? Quorum nulum sine absurditate dici potest; cum neque accidens in substantiam, neque vna forma in aliam mutari, neque formæ viuientium ex elementis componi possint. Et quocunque modo dispositio illa ad formam explicetur, cum successiue per partes fiat, & gradus vltimus eiusdem sit generis & perfectionis cum præcedentibus, actum rei constituere, & substantiæ essentiam dare non potest.

Deinde nec de efficiente proximo & principali formæ illius, quàm è potentia materiæ educi dicunt, certi & firmi aliquid afferunt. Materia ipsa, vt principium passiuum, causâ efficiens esse non potest: nec sol, aut reliquæ stellæ; cum saltem causæ remotæ & vniuersales sint, non specificæ vt *supra cap. 2.* dictum. Nec calor externus aëris, vteri, gallinæ incubantis, aut fornacis, vel rei cuiuscunque externæ. Ita enim ab accidente produceretur substantia. Præterea specialis effectus specifica causâ reddi non posset; sed idem effectus specialis à diuersis causis produceretur: sicut videmus plantas è semine pullulare & à calore Solis, & hypocausti, & ex vnius auis ouis pullos non solum ab incubante aue eiusdem speciei, sed & diuersæ; imò à calore fornacis, & sinu puellarum oua bombycum, apud Vidam, in *Bombyc.* excludi. Insuper ab vnius agentis actione diuersissimæ producerentur formæ. Cum n. in eodem orto diuersissimæ plantæ crescant, non certè omnes ab eodem agente, calore
nimi

An Anima educantur è potentia materia. 151
nimirum externo , prouenire poterunt. Insuper
secundùm hanc opinionem generata non à ge-
neraute haberent suam formam , sed dispositio-
nem saltem ad formam , quæ postea sua sponte
ad actionem agentis alicuius externi, caloris pu-
ta, à potentia materiæ, nihil communicante agen-
te, emergeret. Atque ita ex ista opinione dici
non posset , quòd animatum sibi simile generet,
& forma omnis sit sui multiplicatiua : quod ta-
men omnes saniores Philosophi concedunt. Si
enim nihil de sua essentia generans in generatū
transferret, sed saltem materiam determinaret,
ad similem formam , efficiens postea (quod non
eiusdem speciei est) faceret , ut actu prorumpati
quomodo, quæso, dici posset, formam sese mul-
tiplicare ? Certè si planta aliqua in India , dum
semen producit, nihil aliud dat, quàm materiam
cum determinata potentia ad similem formam
recipiendam, è qua post annum, duos vel plures
ipsâ plantâ vi caloris , non tantùm solaris, sed &
ignis in hypocausto , ut agente; plantam illam
sibi simile generasse , & formam illam sese mul-
tiplicasse , dici non eotest Neque enim ad vni-
tuocam generationem & veram similis essentia
productionem sufficit dare materiam cum ali-
qua procliuitate & propensione ad formam sus-
cipiendam. Et hoc modo agens calor , isque ac-
cidens, plus ad generationem conferret , quàm
generans, qui scilicet facit, ut forma actu iam sit,
quòd per generans saltem in potentia erat. Atque
ita inexplicatum relinquitur , vnde forma rei
substantialis & specifica, seu potior illa , diui-
nior , & præcipua rei pars resultet & originem

suam habeat. Interim dispositionem materiæ ad generationem viuentium necessarium esse concedimus, cum quælibet materia non ad quamlibet formam recipiendam apta sit, sed determinata ad determinatam: non tamen ut ex eâ forma vel anima fiat; sed ut in eam propagetur, & in ea postea habitet, ut postea dicitur.

Fortunij
Liceti
opinio de
eductione
formarū
è potentia
materia.

Fortunius Licetus, *de spont. Vin. ort. li. 1. c. 83.* educationem formarum è potentia materiæ hoc modo explicare conatur: Dicimus, *inquit*, educationem formæ de sinu materiæ non esse extractionem latentis ad apertum, sed esse potentiæ conuersionem ad actum. Formæ enim, quæ ab agente producitur, non, nisi per materiæ transmutationem; in eâ potentia præexisterat, ex qua ad actum deducta est. Inficiamur deinde formam ex nihilo fieri, atque absolutè creati, si detur eam nõ ex materia ceu ex principio fieri, nec ex illa, in qua actu præexisteret. Si quidem ante omnia, quæcunque verè creantur, ea fiunt ex nihilo simpliciter, ac ex nullo penitus subiecto; formæ verò infra mentem humanam constitutæ fiunt quidem ex nihilo sui, non tamen fiunt ex nihilo absolutè, ut quæ creantur; cum formæ ab agente fiant per transmutationem factam in tali, ac determinato subiecto, à quo ideo formæ in esse depèdunt & per quod additum essentiæ suæ definiuntur, Aristotelis decreto. Dein verò secus, accidentia quoque fieret ex nihilo, & propriissimè creantur: nihil etenim caloris præexisterat in aqua incalcescente. At profectò formæ non verè creantur, nec ex nihilo sui producuntur, sed propriè de sinu materiæ, ac de illius potentia educuntur, quia verè gignuntur

ex quodam sui rudimento in materia præexistente, quod rudimentum formæ actione agentis perficitur, ac euadit in formam perfectam. *Hac Licetus.* Sed inane hoc effugium est. Doceat enim Licetus, quodnam sit illud formæ rudimentum. An nimirum ipsa materiæ substantia, an accidens quoddam eius? Si prius, (quò inclinare viderur, cum scribit, quod formæ ab agente fiant per transmutationem factam in tali ac determinato subiecto) materia mutaretur in formam: si posterius accidens mutaretur in substantiam. Monstret etiam, quod vllum detur formarum rudimentum & inchoatio; cum formæ sint indiuisibiles, & essentiam suam habeant sicut numeri; ideoque ubi sunt, vel totæ sunt, vel non sunt. Neque felicius idem Fortun. Licetus, *lib. 4. de spont. viu. ortu c. 15.* rem hanc explicat, ubi inchoationem formarum defendit, & statuit, in materia præexistere futuræ formæ rudimentum, quod formam illius naturæ genericæ, sub opposita illi priuatione degens, cui causæ efficiens differentiam formæ specificam adiungens dicatur & formam constituere, & generationem promouere, ac compositam ex materia & forma substantiam simul eadem functione generare. Verùm vnica illa de educatione formarum è potentia materiæ preconcepta opinio virum alias in natura scrutanda diligentissimum seduxit. Etenim forma omnis non suscipit magis & minus, sed in indiuisibili consistit, nec remitti potest, cum remissio fiat per admissionem contrarij, neque possibile est, vt forma saltem naturam genericam primò habeat, specificam verò differentiam ab efficiente.

Quod verò axiomata illa ab omnibus Philosophis accepta negat Licetus, atque de compositis saltem substantiis vera esse ait, non verò de simplicibus; sine ratione hoc facit. Cum enim compositæ substantiæ tales fiant, ob simplices, ex quibus constant, si simplices substantiæ, materia & forma, possent remitti, etiam compositæ remitterentur, & cum forma det esse rei, ob formam etiam compositum esset magis vel minus tale. Neque ipse hac in re sibi conitat Licetus, cum, *eod. in lib. c. 2.* scribat, quòd ea, quæ spontè gigni dicuntur, non fiant ab agente externo, sed ab agente quod lateat intra materiam rei constituendæ, quod nouam à se diuersam formam exhibeat, id est, sese communicet. Neque in anima, quæ est simplicissima essentia, vlla compositio ex partibus variis essentialibus datur, & ita quidem, vt, sicut genus, adesse possit absque differentia specifica. Vna & simplicissima essentia est anima, variis saltem facultatibus prædita. Neque monstrare potest, quomodo remissio illa fiat. Quod enim Licetus dicit, solum accidentalem remissionem fieri per admissionem contrarij, essentialem qualem in formis statuit, non item; sine ratione omni asseritur, & ei probandum incumbit, quod fingit, quòd essentialis remissio sine contrarij admissione fieri possit. Et quocunque sese vertat in absurda incidit, nec sibi ipsi consentit. Nam dum dicit rudimentum illud formæ veram formam non esse, sed illius naturam genericam, generi verò à suis speciebus distinctam realiter essentiam obtinere; confundit conceptus Logicos cum ipsa rerum Natura, seu genus Logicum cum Physico.

Genus

*Generis
Logici &
Physici
differentia.*

Genus enim Logicum est in animo, & mente à specie abstrahitur: Genus verò Physicum naturam communem significat, quæ extra animum in rebus consistit. At genus quidem Logicum à specie mente separari potest; genus verò Physicum in rerum natura non existit, nisi in suis speciebus, neque ullibi animal existit, nisi in homine, leone, equo, &c. Et proinde inane figmentum est, dicere, naturam genericam esse formæ rudimentum, & quasi semiformam. Et ex hac ipsa opinione sequeretur, simile non generare simile. Cùm enim specifica forma naturam cuique rei largiatur, non verò generica; si generans saltem daret materiam, in qua sit forma generica, aut rudimentum formæ, aut semiformam, ut loquitur Licetus, agens verò externum, ut calor, inferret specificam differentiam, non generans, quod interea interire potest, antequam agens externum accedat, genitiparens & autor esset, sed externum agens, idque non uniuocum, sed æquiuocum. Miror etiam, virum doctissimum hanc de educatione formarum doctrinam defendere; cum ea nullo modo opus habeat ad suam sententiam explicandam, utpote, qui, 1. *de spont. vivent. ort.* c. 125. semen animatum, &, *lib. 4. cap. 32.* semen animal imperfectum, quæ spontè generari dicuntur, non ab agente externo, sed ab agente, quod lateat intra materiam, provenire statuit, ut modò dictum.

Verùm quocunque sese vertant, res eò redit, ut confiteri necesse habeant, præter materiæ dispositionem esse aliquid formale in semine, actionis causam, & præter materiæ dispositionem

*In semine formale ali-
quid in-
est.*

opus

opus esse alio, a quo res in actum (perfectum puta) deducatur; & patibilis principij propensionem non esse sine certa forma. Et potentiam, de qua loquuntur, necessariò tandem explicant, non de potentia passiva, sed de activa, quæ facit, ut id, quod est in actu primo, sit in actu secundo seu in actu simpliciter; ita, ut, quæ anima destituitur batur organis ad operandum necessariis, iam iis instruitur, ut operari possit. Quod ipsum etiam docuit Aristoteles; dum, *Metaph. cap. 9. t. 3. 1.* scribit: τὸ σπέρμα δύναμις ἑστὶν ἰδιότητος, καὶ αὐτὸ ἐστὶ τὸ σπέρμα ἐστὶ πᾶς ὁμῶνυμος: *Semen potentia habet in se formam, qua quodammodo idem habet nomen cum illa à qua decisa fuerat & 2. Generat. c. 1. τὸ πρῶτον σπέρμα λέγεται, καὶ αὐτὸ ἐστὶ τὸ σπέρμα, ἐστὶν ἰδιότης. Nihil refert, semen dicat, aut à quo semen.* Summa scilicet rei est, potentiam illam, quam nominat Aristoteles, esse formalem, ut Recentiores nominant, & non differre ab actu primo.

*Eductio
formatarū
e poten-
tia mate-
ria an in
S. literis
fundata.*

E Recentioribus quidam, cuius intellectus nihil, nisi elementare, capit, cum eductionem illam formatarum è potentia materiæ Philosophicā ratione nulla se defendere posse videret, nec rationes obiectas solvere posset, tandem ad auctoritatem Sacrarum literarum confugit. Verum suam mentem & præconceptam opinionem in sacras literas inferre conatur. non ex iis eruit, dum statuit, Mosem, *Gen. 1.* dum Deum dicentem inducit: Producat terra producata, quæ animam viventem, asserere, animas bestiarum & plantarum à Deo ex elementari materia producta esse, atque hodie inde oriri. Itaque id ita explicat, formas específicas non fieri ex elementis, quatenus ea sunt
mate

materia mixtionis, & subiecta commoda formarum, seu non fieri per mixtionem & compositionem ex elementis, sed elementa concurrere ad rerum corruptibilium generationem, ut continent materiam vniuersalem, sic affectam sub elementorum materiis, ut rerum omnium species, quot, qualisque Deus Opt. Max. ad mundi inferioris complementum & ornamentum voluit existere, & ex eius potentia, tanquam locupletissima & nunquam exhausta penu & copiae cornu educi, & ad mundi durationem propagari possint. Cum enim elementa nullam aliam materiam, quam primam, contineant, per materiam istam vniuersalem materiam primam intelligat, necesse est. At quis quaeso, vel Philosophorum, vel Theologorum, ita de materia prima, etiam sine formis elementorum considerata, docuit? Anne Aristoteles, cuius istam opinionem de educatione formarum esse opinatur, aliquid de benedictione ista diuina primitus facti cognouit? Et ubi, quaeso, extat in sacris, quod Deus materiae isti vniuersali ita benedixerit? Hoc quidem, *Gen. 1.* legitur, quod Deus semel iusserit, ut terra & aqua plantas & animalia à se creata proferrent; atque, ubi illa à Deo creata è terra & aqua, tanquam foetus ex utero, ut Fr. Iunius, *in explicat.* loquitur, exierunt & emerferunt, non legitur, quod Deus amplius iusserit, ut terra & aqua plantas & animalia producant, iisque ea de causa benedixerit: sed ita legitur, quod protulerit terra herbam viuentem & facientem semen, & lignum faciens fructum, & habens vnumquodque fementem secundum speciem suam; & quod Deus piscibus & auibus creatis

creatis benedixerit, dixeritque : Crescite, & multiplicamini, & replete aquas matis, auésque multiplicentur super terram.

C A P V T V.

De λόγῳ πλαστικῷ, & Instrumento separato.

HAs opinionis huius difficultates cum alij seniores Peripatetici viderent, ipsam quidem animam à generante provenire statuerunt, sed non immediatè. Ideoque in semine animam esse negarunt; vim tamen in eo à generante communicatam esse docuerunt, à qua & formatio corporis, & ipsa anima generati proveniat. In ea sententia fuit Albertus M. qui docuit, generans quidem semen communicare, non tamen cum semine animam, sed solum semini virtutem tribuere, quâ mediante, etiam mortuo generante, semen animam generato tribuat, ita ut semen, quod in se animam non habet, viuens tamen & animatum generet, non à seipso, sed in virtute generantis. Sicut enim videmus in motu projectorum, ea moveri non à seipsis, sed vi à proiciente impressa, etsi proiciens cum proiecto amplius non coniungatur, & à malleo artis habitum non habente aliquid artificiosum produci, non propriâ, sed artificis, qui malleo utitur, vi; ita etiam à semine inanimato anima um produci, vi ab animato impressa.

*De λό-
γῳ
πλασ-
τικῷ
sententia
Alberti.*

Schegkij.

Idem ferè sentire videtur doctissimus ille Philosophus, Iacob Schegkij, qui, in lib. 1. de plast. sem. facult. semini λόγῳ πλαστικῷ tribuit, docetque,

que, se τῷ λόγῳ vocabulo intelligere formam substantialem, ut quæ nullo sensu, sed duntaxat mente & ratione percipiatur. Semen tamen, & hunc actum substantialem, non è principalium agentium, sed ex instrumentalium numero esse, atque instar manus artificis corpora animata formare statuit. Idem dicit, quòd sit actus substantialis à substantia primi actus separabilis, qui habeat proprium subiectum, humorem spermaticum. Et rursus, quòd sperma sit instrumentalis causa, & λόγῳ quidam ποιητικὸς seu πλαστικὸς, sed non ἐνυλῳ, efficiens seu generans corpus animatum, & non etiam ipsum animatum existens, medium inter animatum & inter animandum interpositum sine informatione alicuius materiae ad efficiendum efficax, ut actus & energia quædam secunda. Verùm nisi Schegkij opinio ita explicetur, quòd λόγῳ πλαστικὸς sit ipsa anima, per quam semen est animatum & certæ speciei; δύναμις πλαστικὴ verò sit propria affectio animæ, quam ea habet, dum est in semine, illamque exferit, dum generatur animal, quatenus autem in semine non est actu corpus organicum, quod anima informet, eatenus abesse formam dici possit: tum ea non admitteri potest. Etenim statuere λόγον πλαστικόν, qui non sit anima, est temerè multiplicare entia. Cùm enim huic λόγῳ πλαστικῷ omnes proprietates & operationes animæ competant & tribuantur, cur non anima dicendus est? Et cùm anima in semine ad omnes hasce operationes, quæ λόγῳ huic πλαστικῷ tribuuntur, sufficiat, cur cum alium ab anima statuete opus est? Et ipse Aristoteles 2. de generat. animal. cap. 1. λόγον hunc

Opinio-
nis eius
examen.

μόνον

μὲν οὖν ὡς ζῶν, ὁ εὐθύς ἐν τῷ σπέρματι ἐν ὑπάρχοντι,
 id est, partem animalis, quæ protinus in semine
 inest, nominat. Itaque non opus est λόγον πλασι-
 κὸν quasi actum secundum alterius actus primi &
 vicarium quasi generantis in semine statuere, qui
 desinente motu generationis ipse etiam desinet.
 Statuere enim φθείρισθαι ποιῆσαι εἴτε πάντα μέρη,
 εἴτε τινὰ ἀτοπον, *corrupti id, quod efficit, vel omnes,
 vel aliquas partes, absurdum est.* Eandem ferè
 sententiam defendit, semenque saltem pro in-
 strumento habet, Anton. Ponce Sanctacruc, Re-
 gis Hispaniarum Medicus, *in opere suo supra pri-
 mam 1. Canon. Avicenna, & de Hippocr. Philoso-
 phia*, ut à Fieno, *in Apologia*, allegatur. Cum au-
 tem facile animaduerneret, multa absurda sequi,
 si semen simpliciter pro instrumento habeatur,
 distinguit inter instrumentum coniunctum & se-
 paratum. Huius autem distinctionis necessitatem
 sumi putat ex diuersitate perfectionis agentium
 & ex natura ordinis rerum. Quædam enim ope-
 rari cum medio, & sine medio, ut viuentia; alia,
 inferioris ordinis, non habere tantam perfectio-
 nem, eaque operari per se ipsa. Instrumenta ergo
 separata docet operari per virtutem permanen-
 tem, quam habeant participatam ab agente:
 Coniuncta verò successiuè suscipere virtutem
 operandi, & ob id dependenter à suo principali
 agente operari. Separati instrumenti naturam ex-
 plicat exemplo politico. Rex enim, aut aliquis
 potens, in locis longinquis operatur, quasi esset
 præsens, per deriuatam à se potentiam, quam tri-
 buit legibus & iudicibus: sed homines priuatos &
 idiotas sibi solum viuentes oportet, ut per seipso
 operen

De in-
 strumen-
 to sepa-
 rato An-
 tonij
 Ponce
 sententia

operentur. Adfert postea & aliud exemplum, quo suam sententiam probare vult, machinarum scilicet arte factarum seu automatum & horologiorum, in quibus rotæ plures ordine mouentur, absente artifice, impressâ tamen virtute ab artificis prima directione. Coniunctorum naturam explicat exemplo ferræ, quæ iacens habet talem dispositionem, ut possit recipere motum in ordine ad secundum; non tamen est instrumentum agens usque dum recipit directionem ad motum, & secundum ab artifice Instrumentum separatum dari etiam motu projectorum probat. Lapis enim projectus moueri potest, etsi statim moriatur proiciens. Ita etiam rem de semine sese habere statuit, docetque, generare animalia extra se projecto semine, virtute deriuata permanenter in illo existente, ut possit operari, & operetur de facto sine actuali influxu generantis.

Verum opinio ista, quocumque etiam modo explicetur & pallietur, falsa, & à veritate aliena est. Ipse enim Aristoteles etiam, 7. *Metaph. c. 9. t. 31.* semen inter agentia vniuoca recenset. Omnia verò agentia vniuoca non sunt è numero causarum instrumentalium, sed principalium. Deinde omnia instrumenta propriè dicta cum principali coniunguntur, & ut ipse Schegkius loquitur, instrumentum, per se nullam habet efficaciam, ut pote quod non, nisi *χρησθῇ* principalis efficientis, definitur.

Respon-
sio eius
opinionis.

Quæ verò de instrumento separato ab Antonio Ponce afferuntur, nisi rectè explicentur, falsa, & sine ratione cōficta sunt, & propterea pro principio Metaphysico, pro quo is ea venditat, habenda non sunt. Equidem posset semen instrumentum

Instru-
mentum
separatū
per se
agens
nullum
datur.

L

separa

separatum appellari, quatenus nimirum semen cum generante non necessario coniungitur, sed ab eo subordinatur, & eandem vim, imò eandem animam, quam generans habet, à generante accepit. Verùm quia ipse animam semini inesse negat, inanem operam sumit, dum semen instrumentum separatum esse dicit. Etenim etsi, dum instrumentum non agit, re ipsa ab agente principali separari possit, vt penicillus à pictore, terra à fabro, calamus à scriptore: tamen in ipsa actione nullum instrumentum dari potest, quod insitâ virtute agat; (ita enim agens principale esset, non instrumentarium) sed omne instrumentum in operatione per se nullam habet efficaciam, sed pēdet & dirigitur in agendo à principali agente, & separatum ipsum amplius per se non agit.

*Instrumentū
si actus
primus &
secundus.*

Distinguendum ergo est inter actum primum & secundum instrumenti. Vt aliquid sit instrumentum actu primo, sufficit dispositio instrumenti ad actionem aliquam edendam necessaria. Malleus per suam duritiem, grauitatem, formam est instrumentum ad ducendum & dilatandum metalla, eaque in certam formam fingenda; sed actu primo. Malleus enim hoc modo formatus, nunquam per se aliquod metalum ducet & dilatabit, sed præsentia & motus artificis eum dirigētis est necessarius, & tum actu secundo malleus est instrumentū. Ita calor natiuus est instrumentum, quo natura ad coquendum chylum, sanguinem, carnē, & ossa formanda vitur. Calor tamen ille id non præstat, nisi anima, quæ est causa principalis, cōcurrat. Et de ratione instrumenti est, agere supra vires suas, & producere effectum se mobiliorem, quatenus scilicet

*Instrumentū
tū à causā
sā princi-*

licet à caussa principali mouetur & dirigitur; quod ^{pali dire-}
 dū ea facit, nō aliquā virtutē instrumēto imprimit, ^{etum agit}
 per quā illā actionem, quæ est principalis agentis, ^{supra suas}
 edat. Neq; enim instrumēta ipsa necessariò fabrica- ^{vires.}
 tur artifex, sed ea, vel à natura, vel arte accipit, & ab
 arte vel natura pro suo usu dispositis vitur; vt in
 ferra, quā faber lignarius à fabro ferrario accipit,
 & carbone vel creta, quā pictor vitur, videre est.
 Ideoque exemplum Politicum Regis, in locis lon-
 ginq; per leges & iudices operantis, vt morale,
 ad Physica non quadrat. Et subordinati iudices su-
 premi iudicis potius ministri, quàm instrumenta
 sunt, neque virtute Physica aliqua communicata
 agunt. Neque enim instrumenta propriè dicta vi-
 cariam operam causæ principali præstant, & ita
 eandem actionem, quam causâ principalis, etsi
 concesso & communicato modo, edunt, sed sal-
 tem concausæ sunt, & nisi artifex ageret, ipsa etiâ
 nihil agerent, & cessante agentis principalis motu,
 ipsæ etiam ab actione cessant.

Exemplum verò de impulsu & motu projecto- ^{Motus}
 rum quod attinet, vim instrumentis impressam ^{projectorū}
 non satis probat. Quæ ratione enim motus ille pro- ^{causæ.}
 iectorum fiat, non satis clarum, & inter Philoso-
 phos valde controuersum est. Vero magis consen-
 taneum, motum hunc fieri potius ab aëre, vel ra-
 tione aëris, quàm à vi projecto impressâ. Nemo
 enim hætenus explicare potuit, quæ, & qualis
 sit virtus illa à mouente impressa, & quomodo
 motu locali, brachij, v. g. imprimi potuerit, &
 nunc quidem immediatè, nunc mediante re aliquâ,
 vbi inhæreat; quomodo iterum tam breui de-
 struatur. Et plura omnino sunt absurda, quæ
 L 2 hanc

hanc opinionem comitantur, & propterea pro confirmanda virtute recepta instrumenti separati afferri non possunt.

Exempla verò illa machinarum artificialium quod attinet, artificialia sunt, in quibus ab arte non ipsa mouendi vis, quæ naturalis est omnino, ut patet in ponderibus appensis, machinis communicatur, sed motus ille rotis arte fabricatis dirigitur. Longè verò alia ratio est agentium naturalium.

Nonnulli alio adhuc exemplo instrumenti separati naturam declarare conantur, ferri scilicet igniti, quod stupam accendit. Aiunt enim, calorem ferri producere ignem instrumentaliter in virtute ignis, qui ferrum calefecit, & iam ut instrumentum eius non amplius coniunctum, sed separatum, agit. Potest enim iam ille ignis, quo ferrum calefactum est, esse extinctus. Verum enim verò ferrum ignitum non accendit stupam vi communicata ab igne iam absente, sed propter ipsum ignem, qui ferro ignito inest, eiusque sese per minima insinuauit.

*Instru-
mentatio
in quo
consistat.*

Et propterea verba sunt, quibus nulla veritas in Physicis subest, agens principale præmittere suam actionem per virtutem à se derivatam; sed tota instrumenti ratio, ut dictum, in eo consistit, ut effectum se nobiliorem producat, eumque non sibi simile, sed artifici. Et hæc communis ratio omnis instrumenti est. Ideoque instrumentum diuidi non potest in coniunctum, quod agat & operetur per aliquod participatum, in esse successiuo; & separatum, quod agat per aliquod participatum inherens. Nam de omnis instrumenti natura est, operari per aliquid participatum ab agente princi

principali in esse successiuo. Et quamprimum successiuus ille influxus causæ principalis cessat, etiam tota illa actio instrumentalis cessat: quod verò agit & operatur per aliquid participatum sibi permanentiter inhærens, non est instrumentum, sed iam ut principale agens operatur, neque supra suas vires agit, quod de essentia instrumenti est. Summa; agens, cuius effectus respondet, & æqualis est, virtuti sibi formaliter inhærenti, est agens principale, non instrumentale; nullumque datur agens in rerum natura, quod recipiat virtutem ab alio sibi permanentiter inhærentem, per modum instrumenti, aut quod agat virtute sibi communicata, sibi que permanentiter inhærente, ut agens Quo, sed quicquid sic agit, agit ut Quod, ut rectè Doctissimus Fienus hac de re loquitur. Et propterea etiam semen à planta vel animali emissum; quia virtute insita, etiam si nullo amplius regatur, corpus plantæ vel animalis efformare potest, non est agens instrumentale; quia non agit ut instrumentum, sed principale; quia agit ut causâ principalis: Virtutem autem illam non aliunde fluere posse, quàm ab anima semini insita, postea probabitur.

CAPVT VI.

Semen esse animatum, animamque in semine formare corpus animatum.

Quæ omnia cum diligenter Naturæ scrutato-
res perpenderent, & scirent, quod, *ὅσα φύσιν ἔχουσι* ^{Semen} *esse ani-*
μώματα, ἢ τέχνη, ἐπὶ ἀερίᾳ ὄντι ^{matum.} *γίγνεται;*

*Autores
qui scire
anima-
tum esse
statuunt.*

omnia, quæ natura vel arte fiunt, ab eo, quod actu est, fiant, & quod τὸ κινεῖν ἐμπροστίας εἶναι δεῖ, mouens actu esse debet; nec ignorarent, non animatum non posse esse animalis corporis causam principalem, sed animatum ab animato, vt principali causa, produci, neque soli accidenti, ab anima non directo, & non presenti, tot nobiles actiones tribui posse viderent: ipsum semen animatum esse rectè statuerunt. Neque hoc seculo primùm hæc sententia exorta est; & proinde falsò & imperitè à quibusdā vt noua traducitur & impugnatur: sed præstantissimi quique omnium seculorum Philosophi & Medici eam defenderūt, Hippocrates, *lib. de Diata*, Plato, *in Timao*, Aristoteles, *2. de gen. animal. c. 1. & 3.* (præterquam quod mentè extra aduenire censet.) Galenus, *1. de sem. c. 7. & lib. de marasmo, c. 1.* Themistius, *2. de anima, t. 6.* Philoponus, Zimara, *2. de anim. t. 43.* Iacobus Foroliuiensis, *2. in art. med. qu. 38.* I. C. Scaliger, *exerc. 6.* Cardanus, *2. contradiet. tr. 6. controd. 17.* Argenterius, *in artem paruum, tit. de temper.* Thomas à Vega, *super artem paruum, c. 47.* Christoph. à Vega, *art. med. lib. 1. c. 3.* Volcherus Coiter, *l. 1. controu. c. 9.* Zabarella, *de anima facult. cap. 11.* Mercatus, *lib. 1. part. 4. class. 1. q. 98.* Capiuaccius, *lib. de fœt. format.* Ioubertus *in cap. 5. lib. 1. Galeni de facult. nat.* Archangelus Piccolhomineus, *lib. 1. prælect. anat. prælect. 3.* Fortunius Licetus, passim, *in libris de spont. viu. ortu.*

Et si verò vt supra, *cap. 3.* dictum hîc rursus in duas sententias autores abeant, dum alij omnium viuentium à generantibus cum semine communicari dicunt, alij animam humanam excipiant:

tamen

tamen satis fuerit, si id in genere de plantis & animalibus brutis potest probari; an verò etiam eadem rationes de generatione hominis locum habeant, & an generatio hominis quid peculiare obtineat, ultimo loco dispiciemus.

Ut autem res expeditior sit, primò omnino aliquid de seminis natura dicendum, & quidem non, ^{*Quæ sit seminis natura.*} ut vulgò fieri solet, de semine hominis, sed in genere de omni semine, ut per id plantæ & animalia propagantur. De Natura equidem seminis variaz autorum sententiæ extant, & pleriq; id excrementum esse statuunt. Ajunt enim, semen, cum sit secundum naturam, est vel pars corporis, vel alimentum, vel alimenti excrementum. Non esse partem propriè dictam, vel alimentum corporis, ita manifestum est, ut de eo disquirere operæ pretium non sit. Ergo relinqui putant, quod sit excrementum. Ideòque semen sanguinis illius, qui in omnes partes corporis distribuitur, omnesq; alere potest, residuum esse, & quia excernitur, excrementum esse dicunt. Verùm hic discursus contra demonstrationum leges peccat; cum non solum in animalibus ex sanguine, sed & in plantis sine sanguine semen generetur. Et licet, quòd in animalibus excernitur, suo modo excrementum dici potest semen: tamen hoc non omni semini, utpote plantarum competit. Præterea semen in animalibus non est solum sanguinis superfluitas, qui ideo, quia superfluit, quomodo menstrua excrementum sunt, expelli debeat, sed primariâ naturæ intentione, ut res maximè necessaria, ex optimo sanguine à vi *αποποιητική* generatur. Ideòque in argumento isto insufficiens est enumeratio, & præter partem,

alimentum, excrementum, quartum datur, nimirum Fructus. Semen nimirum est fructus viuentis, in cum finem productus, vt simile per id progeneretur. Vnde Epicurus, vt est apud Plutarchum, *de plac. Philos.* 3. ca. 3. ψυχῆς καὶ σώματος διόσπασμα dicebat, & vt autor definitionum medicarum refert, Zeno Citieus semen definiuit, quod sit ἀνθρώπου ὁ μεθ' ἡσιν ἄνθρωπος μεθ' ἡσιν ψυχῆς μέρος ἀρπαγμα, καὶ σύμμιγμα τῶν παραγόντων ὁμοῦς, οἷον τε αὐτὸ τὸ καὶ αὐτὸ συμμιχθὲν, ἀπεκείνη. i. e. semen est hominis abstractum, ac maiorum mistura, quod homo cum animæ humidâ parte transmittit, vti- que tale existens, quale id, à quo excretum est. Imò Sacræ literæ docent, quod terra benedictione diuinâ protulerit herbam facientem semen, lignum faciens fructum, & habens vnumquodque sementem secundum speciem suam: vbi fructus & semen idem sunt. Et si cui maior est Aristotelis, quàm sacrarum literarum, in hac re autoritas, consulat Aristotelem, qui, 1. *de Generat. anim.* c. 18. scribit, quod fructus aut semen est, aut quod semen in se continet. Et cum in plantis, vt & piscibus & auibus, manifestum sit, semen non esse simpliciter excrementum, sed quid à generante productum, quod suam quantitatem, figuram & conformationem peculiarem habet: cur in aliis animalibus semen pro excremento habeatur, etsi formâ liquidâ & fluidâ excernatur; cum idem ex eo, quod ex plantarum semine, & piscium & auium ouis, proueniat?

*Semen
quid.*

Semen ergò, vt omnibus viuentibus competit, est corpus à generâte formatum, calido innato plenū, ad animæ cuiusvis speciei propagationem vtile;

utile ; seu , est corpus à generato productum , & quo viuens eiusdem speciei cum illo , à quo decifum est , prouenit. Et quidem in semine plantarum calidum illud innatum est in forma oleosa & pingui , & vix in vlla parte plantæ plus olei est , quàm in semine : id quod vel ex eo patet , quod ex seminibus plantarum olei magna copia exprimi & destillari potest ; vt in semine lini , papaueris , cannabis , granis sambuci , amygdalis , aliisque manifestum est. In animalibus ouiparis in ouis exhibetur : in viuiparis calidum innatum in forma spiritiuosa est , & propterea facile exhalat & dissipatur nisi mox ab vtero concipiatur , eiusque calore foueatur.

Constat autem semen duabus substantiis , materiâ & formâ. Materia est corpus illud , seu $\sigma\epsilon\mu\epsilon\iota\sigma\mu\alpha$ $\sigma\pi\epsilon\rho\mu\alpha\tau\iota\kappa\omicron\varsigma$, moles seminis , $\tau\omicron\ \sigma\omega\mu\alpha\ \tau\eta\varsigma\ \gamma\omicron\nu\eta\varsigma$, corpus seminis , quod in diuersis viuentibus varium est , aliud in plantis , & cuiusque speciei ratione admiranda Creatoris sapientia variè distinctum ; aliud in piscibus ; aliud in auibus ; aliud in animalibus aliis. Et quidem materia illa rursus duabus partibus constat , quarum vna est crassa substantia , altera $\sigma\pi\epsilon\upsilon\mu\alpha\tau\iota\kappa\eta$, spiritualis , seu $\pi\upsilon\epsilon\upsilon\mu\alpha$ & $\epsilon\upsilon\sigma\iota\varsigma\ \delta\alpha\upsilon\lambda\omicron\gamma\omicron\ \epsilon\iota\varsigma\ \tau\omega\ \pi\alpha\sigma\sigma\alpha\ \sigma\tau\epsilon\iota\chi\epsilon\iota\omega$, spiritus & natura proportionè respondens elemento stellarum. Formæ verò rationem habet $\lambda\omicron\gamma\omicron\ \sigma\pi\epsilon\rho\mu\alpha\tau\iota\kappa\omicron\varsigma$, $\alpha\rho\chi\eta\ \tau\eta\varsigma\ \kappa\iota\eta\theta\epsilon\omega\varsigma$, & quæ tantam habet vim , vt de semine Plutarchus , *de communibus Notion.* dicat , $\tau\omicron\ \sigma\pi\epsilon\rho\mu\alpha\ \sigma\pi\lambda\epsilon\iota\omicron\nu\ \epsilon\iota\upsilon\alpha\iota$, $\kappa\alpha\iota\ \mu\epsilon\iota\zeta\omicron\nu$, $\eta\ \tau\omicron\ \theta\upsilon\mu\acute{\alpha}\mu\omicron\theta\omicron\nu\ \epsilon\zeta\ \alpha\upsilon\tau\omicron\varsigma$, semen amplius & grandius esse , quàm quod ex eo gignitur ; Et quod in genere de principiis ait Aristoteles , *s. de generat. animal.*

cap. 7. id in primis de semine verum est: αἱ ἀρχαὶ
μεγέθη ἔσσι μικρά, τῇ δυνάμει μεγάλαί εἰσι. Princi-
pia quamvis parua magnitudine; tamen facultate
& potentia sunt maxima. Quam vim seminis etiā
admiratur Seneca, lib. 2. *quæst. nat. c. 6. Consideremus*, inquit, *quam ingentem vim per occultum agant*
paruula admodum semina; per quorum exilitas in
commisura lapidum vix locum inueniat, in tantum
conualescunt, ut ingentia saxa distrabant, & monu-
menta dissoluant. Et Gregor. Magnus *homilia 26. in*
Euangelia, egregiè de seminis admiranda natu-
ra scribit: Ecce, in vno grano minimi seminis latet
tota, quæ nascitura est, arboris moles. Constitua-
mus namque ante oculos cuiuslibet arboris mi-
ram magnitudinem. Cogitemus, vnde oriendo
cœpit, quæ ad tãram molem crescendo peruenit.
Inueniemus proculdubio eius originẽ minimum
semen. Cõsideremus nunc vbi in illo paruo gra-
no seminis latet fortitudo ligni, asperitas corticis,
saporis, odorisque magnitudo, vbertas fructuum,
viriditas foliorum. Cõtrectatum namque seminis
granum non est validum. Vnde ergo processit li-
gni duritia? Non est asperum: vnde asperitas cor-
ticis erupit? Non estapidũ; vnde sapor in fructi-
bus? Olfactum nil redolet: vnde odor in fructibus
fragrat? Nihil in se viridis ostendit: vnde foliorum
viriditas exiuit? Cuncta ergo in semine simul la-
tent: quæ tamen non simul ex semine producun-
tur. Ex semine quippe producitur radix: ex radice
procedit virgultum: ex virgulto oritur fructus, ex
fructu etiam producitur semen. Addamus ergo,
quod ei semen latet in semine. Quod autem se-
minis pars præcipua sit anima, & proinde semen
anima

animatum, probabitur mox firmis rationibus, quibus animus veritatis studiosus acquiescere poterit. Quia tamen video, pleróque hodie, non tam quid verum, quàm quid antiquum sit, spectare, operæ pretium esset, antiquorum Philosophorum & Medicorum autoritates adducere; verùm eos supra, in principio huius capituli, allegauimus. Facile etiam & Theologorum, Græcorú. & Latinorum, *Semen animatum esse, statuit Aristoteles.* autoritates adduci possent: Verùm cum pierique de anima humana saltem agant, de quo infra dicetur, sufficiet hîc saltem Aristotelis autoritatem allegare, qui 2. generat. animal. c. 1. scribit, ὅτι φύσις γίνεται, ἢ τέχνη ἐκδιδασκεία ὄντων γίνεται ἐκ τῆς δυνάμεως τοιούτου τοῦ ἔν σπέρματος τοιούτου, καὶ ἔχῃ κίνησιν, καὶ ἀρχὴν τοιαύτην, ὥς ἐ, παρομένης τῆς κινήσεως, γίνεται ἐκαστον τῶ μορίων, καὶ ἐμψυχον. *Omnia quacunque aut natura aut arte efficiuntur, ab eo, quod actu est, fiunt, ex eo, quod potentiâ tale est. Semen igitur tale est, motumque & principium tale in se habet, ut motu peracto pars unaquaque existat, quaque eadem sit animata.* Et, 2. Phys. c. 3. t. 3 1. expressè de semine scribit: τὸ δὲ σπέρμα, καὶ ὁ ἰατρός, καὶ ὁ βουλευτής, καὶ ὁ λῶς τὸ ποιεῖν, πάντα ὁδὸν ἢ ἀρχὴν τῆς μεταβολῆς ἢ γένεως, ἢ κινήσεως, id est: *Semen, & Medicus, & qui consulit, & omnino efficiens, causa sunt omnes, unde mutationis vel status, vel motionis est principium.* Et plura eiusmodi loca adducit Scaliger, exerc. 6. sect. 7. Videantur etiam sequentia, è quibus manifestè apparet, etsi Aristoteles dicat, animam in semine inesse potentiâ, quod tamen reuerà inesse statuat. Quod vel ex exemplo Geometræ dormientis, vigilantis, speculantis, quo utitur, apparet. Vt enim Geometra dormiens & vigilans poten

potentiam habet, ut possit speculari, ille quidem remotam, hic propinquam, quarum tamen utraque actum præsupponit, qualis non est in aliis hominibus, sed saltem Geometrà: Ita in arbore v.g. tempore hiberno, cum non augetur, est potentia propinqua ad augmentationem, quia habet organa ad augmentationem necessaria iam perfecta, in semine verò est potentia remota, quia adhuc organis destituitur: Utraque tamen potentia præsupponit actum, & neque semen, nec arbor potentiâ talis dici posset, nisi adesset anima.

*Quænam
anima sit
in semine*

Sed quæritur, quænam anima sit in semine? Aristoteles equidem dicit generationem viventis esse participationem primam animæ nutritiæ cum calido innato: & 2. *de generat. animal. cap. 3.* scribit, hominem vivere primò vitam plantæ, deinde animalis, tandem hominis. Verum hoc non ita intelligendum, quasi tres distinctæ animæ diuersis temporibus adueniant. Quodcunque enim vivens, etiam ex Aristotelis sententia, vnam habet animam, quæ est id, quod est. Ideoque in quocunque semine statim tota anima adest, quæ tamen primò format instrumenta ad nutritionem necessaria, vigetque in omni vivente primo nutritio; quæ cū maximè & ferè sola conspicua sit in plantis, homo etiam primò plantatum vitæ vivere dicitur. Hinc progressu temporis & sensus & motus instrumenta formantur in animalibus; quibus perfectis & vitam animalis & hominis vivere tum homo dicitur. Neque enim, ut etiam, *lib. 6. Physic. l. 1.* docui, vegetans & sentiens, aut vegetans, sentiens, & rationale peculiares quædam & gene

generales formæ sunt, & tres essentia, sed saltem generales conceptus, ex comparatione & conuenientia viuentium orti & constituti, qui nullibi separatim existunt, nisi in mente; neque plantæ vllius natura à sola vi vegetante absoluitur, sed quælibet planta habet formam specificam, vi quidem vegetante, sed tamen & aliis facultatibus præditam.

Hanc Aristoteles animæ in semine præsentiam, & omnino ipsam veritatem, agnouerunt omnium seculorum præstantissimi Philosophi & Medici, quos initio huius capitis allegaui, & imprimis I. Cæs. Scaliger *exerc. 6. sect. 7. & seqq.* & iuter Recentiores Doctiss. Fort. Licetus, qui cum alibi, tum *lib. 4. de spont. viu. ortu, cap. 32.* eorum, quæ alibi docuit, summam quasi exhibens, scribit, semen esse animal imperfectum, & leonem ac semen leoninum esse vniuoca, & habere eandem animam pro sua forma essentiali, ac diffidere solâ corporis organizatione, & *lib. 1. c. 74.* Patrem tunc reuerà generare, quando à se semen excutit, anima eius ad subiecti partitionem diuisa, & ex vna facta duplici; quæ verò in semine permaneat, forta ab vteri tempore, nactâque materiam opportunam, in eam suas vires exerceat, ac formet sibi corpus organisi iis instructum, quibus ad alias vitæ operationes obeundas indiget: adeo, vt semen sit animal & viuens, cui sola deest organorum multitudo; & generatio præcisè à patre non fiat in vtero post patris obitum, sed emissionem seminis.

Verùm autoritatibus solùm certare non libet, *Semen esse animatum* neque etiam à generatione hominis telam huius *con probatur.*

controuerſiæ exordiri fas eſt; cum id contra leges demonſtrationis ſit. Non parum enim hanc rem obſcuritatib. inuoluunt nonnulli, dum diſputant, an ſemen ſit animatum, nec tamen ſuam mentem ſatis explicât, an ſemen hominis, an brutorum animalium, an plantarum intelligât; quod omnino definiendum. Sunt etenim nonnulli, qui nullum ſemen actu animatum eſſe cōcedunt, alij, qui plantarum quidem ſemina animata eſſe ſtatuunt; animalium verò, & in primis hominis ſemē, actu animatum eſſe negant. Nobis verò conſentaneum videtur, omne ſemen eſſe animatū. Ideoque in genere de omnib. probandum ſuſcipimus, eorum ſemina eſſe animata. Rationes autem, quæ viros clariffimos in hanc ſententiam adduxerunt, euidentiffimæ & firmiſſimæ, & à nullo hætenus ſolutæ, ſunt hæ: Prima eſt iſta, quòd in ſemine operationes animæ maniſeſtiſſimè deprehenduntur. Eſt enim ab omnibus Philoſophis conſeſſum principium: Omne, quod mouet, eſt actu. Et hæc tria indiſſolubili nexu ſeſe conſequentur: Eſſe, poſſe, operari. Et proinde operatio nos ad potentiam, & potentia ad eſſentiam deducit. Potentiæ enim eiufmodi promanât ex ipſa eſſentia animæ, & ſunt ab anima inſeparabiles, nec migrant de ſubiecto in ſubiectum. Et, vti rectè Fienus loquitur, tam abſurdum eſt, vt nihil cogitari poſſit abſurdius, ſtatuerè, conformationem, vt & nutritionem & augmentationem, quæ cum ipſa anima incipiunt, à principio non vitali prouenire. Neque potentia vitalis alij rei non vitali ſuam vim communicare poteſt. Ideoque cum in ſemine operationes animæ appareant, rectè & neceſſariò
inde

inde concluditur, in eo esse animam potentiis
 hæc operationes exercendi instructam. Motum
 autem & actionem semini comperere, tam ma-
 nifestum est, quàm quod manifestissimum, & to-
 ties id inculcat Aristoteles, dum semen ἀρχὴν γαι-
 νήσεως καὶ κινήσεως, 1. de generat. animal. 2. c. 21. &, ἀρ-
 χὴν τῷ εἶδός, ἥς ἀγὰ τὰ καλαμῆνια εἰς τὸ ἴδιον εἶδος
 αὐτῆς, 1. de gen. 20. 4. de gen. 1. nominat.

Sunt autem duæ in semine operationes, quæ *Seminis
operationes.*
 nos ad latentis animæ cognitionem certissima via
 deducunt, seminis ac conceptus viuificatio, & po-
 stea partium omnium, quæ ad vitæ actiones edē-
 das necessarię sunt, efformatio. Primò enim quod- *Prima
viuifica-
tio.*
 libet semen, vt in plantis manifestū est, ab animā
 sua cōseruatur, & aliquādiu prolificum permanet,
 aliud breuiore, anni scilicet, biennij, aliud etiā plu-
 rium annorum, pro specierum diuersitate, spatio;
 & quamdiu integrum & incorruptum est, ac lo-
 cum idoneum, præsens alimentum, & calorem
 externum excitantem nactum, in plantam suæ
 speciei crescere aptum natum est. Videtur equi-
 dem Libario, & aliis quibusdam, absur-
 dum, semen tritici in granariō actu viuere, sed
 nullam, cur id absurdum sit, rationem reddi.
 Contra rationi magis consentaneum est, semina
 viuere. Etsi enim in seminibus plantarum ad sen-
 sum motus nullus appareat: tamen anima in-
 tus latens otiosa non est; sed semen id viuificat:
 eodem modo, vt in arboribus tempore hiber-
 no nulla ad sensum actio apparet, quæ tamen
 animā non destituuntur, sed ab intus latente
 viuificantur, quæ tempore verno actionibus
 manifestis sese iterum prodit; quid idem
 fit

fit in seminibus. Semina enim dum viuunt, fecunda sunt, & sationi apta; quæ verò emortua sunt, sationi apta non sunt, neque ex iis vlla planta pullulat. Et, nisi viuerent semina, vnde, quæso, fit, vt humectata saltem, & calore fota, statim germinare incipiant?

*Secunda
corporis
viventis
formatio.
Mirandū
forma-
tionis
opus.*

Secunda operatio est corporis viuentis formatio & fabricatio: opus planè admirandum atque in quo, vt Galenus loquitur, τέχνη καὶ σοφία με- γίστη, ars & sapientia maxima, apparet. Si enim vllum est opus Naturæ admirabile, & in quo nostram oporteat fateri ignorantiam, & immensam Creatoris admirari sapientiam & potentiam, est illa fœtus in vtero, vt & animalium ex ouis, & plantarum è semine conformatio. Quis enim non miratur plantarum & animalium corpora tam artificiosè extrui, & secundum magnitudinem, numerum, figuram, ordinem, situm, colorem, odorem, & alia ita formari, vt omnium mechanico- rum artem & industriam superent? Hippocrates certè passim, præcipuè in lib. de aliment. de corde, de articulis, in epidemiis, Naturam appellat sagacissimam, iustissimam, artificiosissimā, prouidissimam, prudentissimam. Aristoteles, eam prudenti patrifamiliās, omnia rectè dispensanti, comparat, qui nihil in generatione superfluum faciat, nec necessarium omittat, nihil transmutet, neque posterius, neque prius, quàm vsus postulat, producat, nihil frustra faciat; ita, vt nullum sit in viuyente corpore membrum, quod non suam actionem, neque actio, quæ non suum instrumentum habeat. Et, I. de part. animal. c. ult. etiam in vilissimis rebus Naturæ potentiam & sapientiā admiratur.

Galenus

Galenus etiam, 16. *de usu part. c. 1.* iustitiam distributiuam maximè in Natura vigere docet. Et, 15. *de usu part. c. 1.* hominum verba multò inferiora esse naturæ sapientiæ, & *ibid. cap. 7.* naturam esse peritiorem quocunque peritissimo artifice scribit. Id quod, 17. *de usu part. c. 1.* exemplo Phidixæ probat, qui etsi in annulo Phaetontem quatuor equis vectum adeo admirabili artificio sculperat, vt quatuor equorum partes omnes inter se distinctæ, & sedecim pedes apparerent: naturæ tamen artificium in vno culicis crure longè maius inueniri, quàm in omnibus membris omnium illorum equorum. Nam præter articulationem reperitur in illo vis mouendi, nutriendi, & augendi. Et quanta Naturæ sapientia & potentia sit, vel infima viuentium species, planta, satis docet, in qua in figura, colore, situ, tanta varietas & pulchritudo est, vt nemo hominum satis admirati, multò minus imitari possit. Et ex naturæ laudibus rectè in laudes Dei assurgit Galenus multis in locis; & nemo Philosophorum in iis decantâdis prolixior, omnesque eius libri de Vsu partium nihil aliud sunt, quàm hymnus in laudem admirabiliū operum Dei scriptus. Imprimis verò, *libr. 3. de usu part. cap. 10.* egregiè planè scribit: *At verò, inquit, si de eiusmodi pecudibus plura verba fecero, melioris mentis homines meritò mihi forte succenseant, dicâtque, me polluere Sacrum sermonem, quem ego Conditoris nostri verum hymnum compono; existimôque, in eo veram esse pietatem, non taurorum hecatombas ei plurimas sacrificari, & castias, aliaque sexcenta odoramenta ac vnguenta suffumigari; sed si nouerim ipse primus, deinde & aliis exposuerim, qua-*

*Galenus
Deo Crea-
tori hym-
nū canit.*

nam sit ipsius sapiētia, qua virtus, qua bonitas. Quod enim cultu conueniente exornare omnia, nihilque suis beneficiis priuatum esse voluerit, id perfectissima bonitatis specimen esse statuo; & hanc quidem ratione eius bonitas hymnis nobis est celebranda. Hoc autem omne inuenisse, quo pacto omnia potissimum adornarentur, summa sapientia est: effecisse autem omnino quae voluit, virtutis est inuicta ac insuperabilis. Ne igitur mireris, Solem lunam, & vniuersam aliorum astrorum seriem summo artificio dispositam esse, neuē te attonitum magnitudo eorum, vel pulchritudo, vel motus perpetuas, vel circuituum certa descriptio reddat adco, ut, si inferiora hac comparaueris, parua tibi videantur esse, & omni ornatu carere. Etenim sapientiam & virtutem & providentiam hinc quoque similem inuenies. Considera enim mihi materia, ex qua quodque factum est, & ne temere tibi persuadeas, ex sanguine menstruo & spermate immortale animal posse constari, aut impatibile, aut semper mobile, aut splendidum, & pulchrum aquē, ac Sol est. Sed ut Pheidia artem expendis, ita & artem omnium Conditoris perpende. Sed te quidem fortassis attonitū facit Iouis Olympici ornatus undique mirabilis, ebur lucidum, aurū multum, magnitudo totius statuae. Porro si ex luto eiusmodi videris, contemptim fortasse praterieris. At non item certē quisquis est artifex, artisque in operibus dignoscendi peritus, sed laudat Pheidiam pariter, siue lignum vile, siue lapidem quemcunque, siue ceram, siue lutum similiter viderit ab illo ornatum. Attonitum enim facit idiotam quidem materia, artificem autem artificij pulchritudo. Age iam & tu natura peritus sis, ut te non idiotam sed Physicum nominemus. Relinque
mate

materiarum differentiam, & ipsam artem nudam conspice. Cum oculi constructionem consideras, organum visorium mente complectere, cum verò pedem, instrumentum ambulatorium. Quod si ex solari substantia oculos habere censes, & aurum sincerum in pedibus, non ossa & cutim, materia, ex qua constant, oblitus es. Memor igitur eius, considera, utrum lumen cœleste est, an terrenus limus. Permittens enim me ita vocare matris sanguinem, qui in matricem influit. Ut igitur Pheidia, si dederis lutum, nunquam repctieris eburneam statuam, ad eundem modum sanguinem ubi dederis, nunquam receperis vel Solem, vel Lunam, vel splendidum eiusmodi, & pulchrum corpus. Divina n. sunt illa & cœlestia, nos a. terrea statua, opificis tamen ars in utroque equalis. Hæc Galenus. Vix etiam satis admirari potest hoc opus, & egregiè pieque planè scribit de eo, Franc. Titelman. lib. 8. Physic. 1. (locum integrum apponere libet) Ita autem ille: Quid enim? inquit, annon superadmirabile est, ex modico semine, (quod de herba aut arbore qualibet decisum fuerit) in terram coniecto, pullulare virentem herbam, vel arborem, eandemque temporis accessu, sumpto ex terra visceribus congruo alimento, iustam sibi quantitatem adiicere, & partes omnes sibi iuxta naturæ suæ conditionem adaptare, varietate tam pulchrâ, dispositione tam spectabili, tamque admirabili ordine, ut hominis ingenium nec herbula vnius sufficiat comprehendere artificium? Considera enim in arboris è semine processione, quomodo in terram infernè radices mittit, easque ita insigit solidè, ita harere facit intimis terræ visceribus, ut post modicum vix euelli aut dimoueri, nisi vi magnâ, non

possit, quo sursum stipitem ac truncum mittit, quem
 externe quidē vestit cortice, velut indumento, aduer-
 sus aeris inclementiam, & frigoris & aestus iniurias.
 Intimè verò metulla posita est, & circumquaqu; vena
 maiores atque minores per totū corpus trunci disper-
 sa, eaque mirabili ordine adinuicem minores a ma-
 ioribus procedentes, per quas nutrimentum singulae
 partes ad se attrahunt. In superiore verò parte, quàm
 mirabiliter prodeunt de stirpe folia, in quibus simi-
 liter venarum & arteriarum conspiciamus stupen-
 dam connexionem. Et est quidem foliorum eadem fi-
 gura, eadem lenitas vel asperitas, similis ferè longi-
 tudo, latitudo, calor idem, idem sapor, idem odor, &
 per omnia maxima est arborum eiusdem generis si-
 militudo. Taceo florum pulchritudinem & fructuum
 dulcedinem, ac in utrisque mirabile artificium. Hac
 videlicet omnia originaliter ex seminis vnius prodi-
 re virtute. Sed & in semine animalis, atque ideo in
 semine hominis, (ex quo videlicet proles humana se-
 cundum corpus nascitur) nonnè illud vel maximè
 stupendum est, quod ex virtute illa; quæ in tam vilis-
 sima atque penitus deformi & sordida materia inest,
 talis ornatus membrorum, tam pulchra compositio,
 tam conuenientissimus ordo, tam efficax dispositio mē-
 brorum, tam eximia singularum partiū coniunctio?
 Videlicet ut in infimo pars aliqua lata fabricetur,
 super quā ipsum corpus debeat firmè consistere, & quā
 debeat moveri de loco in locum: cuius partis extre-
 mum multiplicem habeat diuisionem, ut sit velut in
 particulas dissecta materia, h.e. ut pes habeat suos
 digitos in extremitatibus, atque hæc rursū partes ta-
 le habeant ordinem, ut quæ primo loco ponitur, cete-
 ris sit & altitudine & crassitie maior, atque deinceps.

ceps suo ordine, ut sit nonissimus digitus omnium tenuissimus & minimus. Item ut partes has sic diuisa in extremo pedis secundum quinarium numerum ita regulariter & vniuersaliter distinguantur, ut monstrum indicetur, si quando in uno pede senaria inueniatur distinctio. Iterum ut harum partium qualibet in sui extremitate ex parte superiori duritiæ habeat unguis mirabili artificio, & subtilissima cōiunctione ita agglutinati carni & pelli, ut nulla possit excidere violentia, quantumuis cōprimantur pedes, aut urgeantur multis laboribus. Item ut singula hæ partes suas habeant iuncturas, in quibus possint incuruari, & prior quidem maior non nisi vnā huiusmodi habeat in sui medio, ceteri verò binas. Et hæc quidem omnia in pedis & manus compositione manifestè apparent, etiā extrema tantum consideranti. Ex aduerso autē in supremo loco quomodo artificio maximo pars cōponitur rotunda, quæ cranio vno in superiori parte tegitur, h. e. osseo tegmine ita durissimo & indissolubili, ut per annos plurimos in terra iacens non possit omnino consumi, quod quidē cranium carne & cute operitur, unde criniū egreditur defluxus, partē illam undiquaque circumuestiēs. Sub hoc autem cranio nobilis quadam & tenerrima formatur substantia, quæ cerebrum dicimus eamque secundum diuersas partēs variè formatam, ut diuersarum virium aptū possit esse susceptaculum; & organum diuersarum nobiliū operationum, in qua insuper rotundā parte suprema ab anteriore parte consistunt oculi, in sua concauitate pulchrè firmati, sic tamen, ut facillimè mobiles, quibus sunt etiam sua cilia & supercilia, sub his nares, ad latus autem aures, sub naribus autem iris apertura ad ingressum cibi, & per circuitum

mandibula dentibus plena, quorum ij, qui in ipso ingressu consistunt, tenues sunt & acuti ad diffecandum & scindendum impositum cibum: posteriores verò crassiores sunt & plus quàm duplicati, qui partes cibi iam anterioribus dentibus concisas possint velut molendo in minutissimas particulas conterere: propter quod etiam molares appellantur. A parte autem capitis posteriori, omnibus clausis, nulla conspicitur apertura: sed nervi fortes & iunctura mirabiles illic consistunt, qui caput, partem supremam cum humeris parte inferiori conglutinant, ita ut, cum caput humeros non contingat, pulchrè tamen absque onere per colli interpositione ab eisde gestetur. Hinc verò ab humeris velut duo rami extenduntur brachia duo, ad opus quodlibet peragendū, eaq; in medio curvabilia in cubito; extremitates autem similiter in digitos ordinare divisas habentia, ut de pedibus supra diximus. Deinde nobilissimū membrū cordis ita mirabiliter in medio animalis positum consistit habens ad sui caloris tēperamentum circumiacetē pulmonem, aërem suā respiratione continuo in modum folliis attrahentem, sicq; suum calorem temperantem: vicinum etiam habens epar, sanguinis officinā, & stomachum velut totius corporis coquum, alimenti totius susceptivū: habet insuper splenem, habet renes, habet intestina, omnia, mirabili connexione & conuolutione disposita. Quod hac, inquam, omnia, quæ tantum figuraliter attingimus, & alia intus recodita, multò mirabiliora, ita ordinatè, ita perpetuò in corpore hominis, siue etiam animalis alterius ex seminis tam vilissima substantia virtute efficiantur, quis non ista maximum reputet miraculum? Nonnè rectè videtur tibi Domino dixisse psalmista. Mirabilis facta est

est scientia tua, ex me confortata est, & nō poterō ad eam? Nonnē nos in prefatione libri huius rectē vīdebimur hoc asseruisse, quod prodigia semper secum circumferāt homines, quibus suis miraculis magis admirabilia? Et quidē nō ita multum videtur admirandum, si totam hanc connexionem dispositionēque membrorum, quam in nobis ipsis conspiciamus, per semetipsum ita suā omnipotenti virtute Deum asseramus condidisse. Si quomodo in principio Adam creavit de terra, & de eius costa Euam, absq; ullius seminis virtute, terram solam pro materia accipiens, & totā virtutē per se administrās: ita & nostra corpora in sua dispositione atque pulcherrima proportionē per se idē ipse similiter fabricaret. Itē, sicut in principio arbores & herbas creavit absq; virtute seminis; ita & nunc potentissimā suā iussione eas de terra faceret prodire. Scimus enim, quoniam nō est ei impossibile, neq; difficile omne verbum. Non novum est nobis, si magna faciat ille, de quo scriptū est: Qui facit mirabilia magna solus. Verū quod hac humani corporis dispositio ex operatione est virtutis, qua latet in paterno semine (fœdissima, & vix nomināda substantia, quam absque abominatione nemo conspicit) quodque in eo tam præclara lateat virtus, corpus tam abmirabile sic efficiendi ac fabricandi; quod tota istius admirabilis dispositionis efficacia in illo realiter inexistat, id nobis meritō in immensum aggravat pondus considerationis nostræ; id prorsus stupidos & attonitos reddit, cogitque exclamare nos, & vocē apertā confiteri, quod non solum Ipse magnus sit in semetipso, neque solum magnus in magnis; sed & in abiectissimis, contemtibilissimisque & minimis gloriosus. Hæc Titelmannus.

*Conforma-
tio corpo-
ris uiuen-
tis anima
opus.*

Cæterùm cum certum sit, Deum non immédia-
tè & solùm ista quæ in rerum generatione uiuen-
tia fiunt, facere, sed naturam constitutam esse,
quæ ordinaria Dei potestas est, quæque omnes ge-
nerationum vicissitudines absoluit; iam quæritur,
quis in uiuentibus admirandæ illius fabricæ, cum
in plantis, tum in animalibus proximus autor sit.
Etsi verò Galenus causam; vnde illa omnia fiant,
se inuenire posse desperauit, nihilque hac in re vel
probabile reperire se potuisse, atque idè magnâ
tristitiâ affectum esse, testatur, *lib. de fæt. format.*
cap. 6. tamen si considerasset, istas operationes ani-
mæ cuiusque speciei proprias esse, non ita difficul-
ter cognoscere potuisset, ab animâ in semine la-
tente istas operationes prouenire.

Esse autem operationes istas nullius alius rei,
quàm ipsius animæ cuiusque speciei proprias, facile
agnoscet, qui perpendit, quænam causâ sit, quæ ex
fœtu animalis paruo animal magnum facit, ean-
dem figuram corporis in nutritione conseruat, ne
perpetuo partium incremento mutetur, amissam
carnem restituit, venas sæpe satis magnas, id quod
in capite factum se vidisse Galenus, *lib. de sem.*
scribit, regenerat, dentes elapsos in pueris rapa-
rat, folia delapsa in arboribus singulis annis resti-
tuit, flores & fructus edit, ramos multiplicat, in
pauonibus, & quibusdam aliis auibus plumas spe-
ciei conuenientes reponit. Horum enim operum
omnium cum animam & formam cuiusque uiuen-
tis specificam causam esse certum sit, & hinc sin-
gulis annis sua arboribus folia, alia quercui, alia
pyro, alia persico, cornua decidua ceruo ceruina,
non bubula, chelæ amissæ cæcis restituâtur, prout
speciei

speciei cuique conuenit : quid, quæso, opus est, in prima corporis cuiusq; viuētis ex semine structura aliā formationis causam quærere, quàm ipsam animam, quæ eadem est in semine, & corpore uiuente formato ? Eadem enim omnino est opera, cum anima in semine latens & attracta materia corpus plātæ fabricat, & cum eadē postea amissa folia & flores instaurat, nouos surculos, ramos, radices producit. Atq; ita cū eadē operationes in semine & in planta, omnibus numeris etiam perfectè absolutæ, conspiciantur, idem in utroque principium & agens indicāt. Et propterea cū in ipso semine edantur operationes animæ propriæ: cur animam in semine inesse negemus? siquidem omnes facultates cuiuslibet formæ, atque imprimis animæ, emanētes & inseparabiles ab ipsa proprietates sunt, & proinde rectissimè concludatur: ubi facultates & actiones animæ reperiuntur, ibi ipsam etiam animam præsentem adesse, & facillimè ex operationibus ad latētis essentiæ & animæ cognitionem peruenimus. Nam si alia facultas fuisset in semine, alia in corpore adulto, cuius formæ illa potentia fuisset, aut quò & quando corpore formato euasisset? Absurdum certè est, statuere, carnis, membranarū ossium, & aliorum formationem in receptā fuisse ab vna facultate, & alia verò & diuersa continuatam & absolutam; & ita quidem, ut à primo filio cœpto nunquam aberraret? Certè vna numero & continua, quæ à principio generationis ad finem vitæ durat, operatio à diuersis principiis prouenire non potest.

Idem & hoc confirmat, quod videmus, in plantis radicem vel surculum, vel etiam folium

ut in ficu Indica, à planta auulsum terræ commiffum in integram & perfectam plantam excrefcere; id quod nullius quàm animæ præfētis opus eſt. Idem cùm fiat in ſemine, & in eo animam præſentem eſſe. idemque opus perficere, meritò concludimus. Imò cùm eandem plantam, v.g. rorem marinū & ſemine & furculo propagati videamus, utrobique eandem cauſſam agnoſcimus. Aliàs enim eiufdem & ſpecialis effectus duæ diuerſæ darētur cauſſæ, & eiufdem plantæ duæ conformatrices facultate, quod falſum & abſurdum.

Fieri contra ſemina plantarū animationē.

Equidem in hoc argumentò ſoluendo multum laborat & ſudat Thomas Fienus, *de form. ſæt. q. 5: conclud. 6.* fruſtrà tamen. Dicit enim, alio modo produci nouam plantam ex radice, ſurculis; alio modo ex ſemine. Ex illis non fieri nouam plantā, ſed ipſa, cùm iam ſunt à planta amputata, eſſe nouam plantam; quia per abſciſſionem à toto iā habeāt animam vegetatiuam multiplicatam per diuiſionem, & non acquirant eam, per quam ſe augeant, & ad perfectionem perducant. Contrà ſemen non eſſe nouam plantam, quia animam non habeat, ſed fieri nouam plantam per animæ poſt plantationem in terra ſuperuentum, ſeu per animam, quæ de nouo in ſemine poſt factam in terra plantationem producta eſt.

Verum nullo modo ſeſe ita expedire poteſt Fienus. Primò enim, eſſi alius ad ſenſum videatur propagationis modus, qui ex radice, ſurculo, vel ramo eſt, & alius, qui ex ſemine: tamen efficientis principalis ratione reuerà idem eſt, cùm ab eadem anima proueniat. Negat quidem Fienus ex præconcepta opinione, in ſemine plantæ eſſe ani

animam, sed id nulla ratione probat. Contra verò ex operationibus facultatis formatricis, quæ utrobique sunt eadem, firmiter concluditur, utrobique esse eandem animam, v.g. in semine & furculo rosis marini. Deinde quo modo radix vel folium potest dici noua planta, eodem modo & semen noua planta dici potest. Vtrique enim est sua anima, sed deest saltem vltima perfectio, quæ est ab organis. Tertiò, si concedit, in vno folio aut particula radice integræ posse esse animam, & per abscissionem animam multiplicari, & animam, quæ fuit antea vna numero, dum scilicet radix aut furculus toti plantæ cohæreret; per abscissionem verò fieri multiplicem: cur non eandem multiplicationem per semen fieri posse concedit; imprimis, cum semina omnia singularè conformationem habeant; & quædã magis artificiosam quàm radix lupuli, vel alterius plantæ, aut folium ficus Indicæ? Certè utrobique ex iisdem operationibus eiusdem animæ præsentia arguitur.

Rectè ergo ab admiranda hac corporis fabrica, quæ fit in semine & ex semine, ad ipsam animæ præsentiam argumentamur. Etenim ὅλα φύεται γίνεται, ἢ τίχνη, καὶ ἰσχυρεῖα ὄντι & γίνεται: & τὸ κινεῖν ἰσχυρεῖα εἶναι δεῖ, atque omne efficiens immediatum cum patiente coniungatur necesse est. Ideoque & in omnium viuentium generatione id quod corpus format, præsens esse, & cum corpore illo coniungi oportet? Et quod magis est, ipsæ etiam formatricis facultatis ministræ potentie omnes in semine apparent. Prima enim operatio, quæ fit in semine, est in planta attractio nutrimenti à terra, in animalibus attractio sanguinis
mater

materni. Secunda, eiusdem viuificatio & animatio, seu animæ communicatio. Alimentum enim è terra attractum inanimatum est. Sanguis etiam per se inanimatus est. Cum verò ex his fiant partes plantæ & ipsius fœtus, seu ad eum pertinentes, ea animari necesse est. At animam dare nihil potest, nisi quod habet, & proinde semen animatum est. Tertia operatio est segregatrix. Cum enim ex alia materia epar, ex alia ventriculus, ex alia cor, ex alia cerebrum, ex alia vena, neruus, arteria formetur, anima, quæ est in semine, materias hæc segregat & discernit. Quartò, vbi materiæ hæc segregatæ fuerunt, ab eadem anima suo quæque loco collocatur, alio loco cerebrum & ventriculus, alio cor, epar. Quinta est formatrix in specie dicta, qua cuique parti sua figura, quantitas, numerus, & similia tribuuntur.

*Præter
animam
nullum
adeſt
agens in
semine.*

Secundò nullum aliud agens hîc dari potest, quàm anima, quæ est in semine. Primò enim ipsum generans ampliùs sæpe non adest. Ita cum tempore verno ex semine planta pullulat, planta, quæ semen generauit, dudum sæpe emortua est, & dum animal in vtero matris formatur, accidere potest, vt parens iam mortuus sit.

*Calor
innatus
in semine
non est
forma-
tionis.*

Deinde nec calor innatus in semine principium formationis esse potest. Etsi enim negandum non sit, calorem innatum esse organum, quo, vt aliæ actiones in corpore, ita & conformatio perficitur: tamen causa primaria non est; cum operatio tam admiranda nudæ qualitati adscribi, & tot diuersis & ferè infinitis partibus suæ cuilibet peculiari figura, quantitas, numerus, sit, à solo calore tribui non possit, sed longè
diuiniò

diuiniore agente opus sit. De quo Scaliger, exerc. 6. sect. 5. Si, inquit, extrinsecus venit forma, atque interea, ut scribunt, omni perfectionum genere instruitur materia: ab aliquo intus & qualitates & quantitates, & numeros & ordines, & situs apparari atque instituti necesse est; denique corpus ipsum totum fabricari. Hac fabrica fit aut à substantia, aut ab accidente, aut ab utroque. Non ab accidente solo. Primum, quia nullum accidens agit, nisi per vim suæ substantiæ. Deinde, quia nullum accidens cognoscit. Illa verò virtus tam nobilis templi architecta sapientissima ab omnibus Philosophis iudicata est. Edificabitur igitur à substantia. At hæc forma seminis est. Sanè seminis forma, si non est anima, bruta res est: & si fabricat, est æqualis anima. At in crementis & amissa carnis repositione opus illud animæ est. Erit igitur in semine anima formatrix, antecedens animam, cui parat illud domicilium. Quare prior illa posteriore hæc sapientior ac nobilior. Et paulò antè: Ipsamet forma eius preparationis autor est. Ipsa. n. sibi & alterat totam, & disponit partes. Neque cum ad summam peruentum fuerit perfectionem preparationis, tum ad substantiæ quoque formam peruenitur. Est enim ipsa forma ante existens. Ergo non ad eam peruenitur, sed ad eius actum, quo ipsius deinceps usum capessere possit. Hæc Scalig.

Neque in animalib. vteri materni virtus causa conformationis esse potest. Etenim si in vtero esset vis conformatrix, non in semine, nihil ad conformationem fœtus pater faceret, & passuum tantum principium conferret, & hoc modo non generaret. Deinde causa nulla dari posset, cur

Vteri •
materni
virtus
non est
causa
confor-
mationis
fœtus

fœtus aliquando patri similis esset, & cur non semper fœmellæ generarentur. Tertiò in ouiparis conformatio non fit ab utero, sed extra gallinam ova in pullum perficiuntur; sicut neque terra, quæ in plantis est instar uteri, ullam vim conformandi plantam habet, sed tota ea vis est in semine. Præterea si calor deducit, ut aiunt, ad actum potentiam in semine, qualitas generat substantiam. Neque vim argumenti huius effugere possunt, qui respondent, substantialem hanc potentiam à generante sic esse affectam & comparatam, ut qualitate hæc suscitata erumpat in actum substantialem generanti similem. Quænam enim, quæso, est ista substantialis potentia? Certè nisi anima est, merum figmentum est, quod ex illorum ipsorum regula patet, cum dicunt, proximam potentiam haberi pro actu. Cum enim res non simul esse possit actu & potentia, si proxima potentia est, actus, certè non erit pura passiva potentia, sed formalis, & ita ipsa anima.

*Fieri
contra
anima in
semine
presentia
obiectio.*

Neque alicuius momenti est, quod contra hoc argumentum affert Th. Fienus, *de form. fœt. qua. 5. conclus. 6.* Cum enim ipse concedat, quod nulla alia conformationis corporis animata causa sit, quàm anima, rectè hinc ita concluditur: Quidquid in se habet efficiètem conformationis causam, habet in se animam. Semen in se habet causam conformationis corporis animati. Ergo habet in se animam. Hic quidem respondet Fienus: *Fateor præmissas esse veras; sed nego sequelam. Bene quidem infertur, esse aliquam animam semini intrinsecam, sed minimè esse animam seminis. Est quidem anima semini introducta, postquam iam semen*

*semen in utero est conceptum, vel plantatum inter-
ra, vel ouum incubatui gallina subditum; & cum
omnia iam sunt actuata, sed illa non est anima semi-
nis, seu qua semini præexistit, aut in testibus, arbo-
re, aut gallina genita fuit, sed anima fœtus, qua post-
modum fuit introducta. Verùm enim verò quomo-
do negari potest consequentia, si vtraque præmis-
sa est vera? Ex veris enim nunquam falsum colli-
gitur syllogisticè. Interim tamen minorem falsita-
tis arguit. negatque, animam, quæ conformationis
causâ est, esse seminis animam: sed falsò. Mon-
strandum enim est, vt infra dicetur, quid operatio-
num illarum in semine, & conformationis causâ
fuerit, antequam anima, ex eius sententia, adueni-
ret. Deinde cum animâ non prius adesse dicat, an-
tequam omnia sunt actuata, mōstrare debet, quis
actuationis illius & conformationis, antequâ ani-
ma aduenit, in plantis, ouis, brutis, autor fuerit?
Tertiò dicere debebat, annè animæ plantarum re-
liquarum, etiâ introducantur, & à qua causâ pro-
ueniant. Certè cum semē aliquod in tetram con-
iicitur, vel quocunque etiam in loco aqua hume-
tatur, nullâ aliâ causâ accedente, primò radi-
cem emittit, paulò post germinare incipit. Quæ,
quæso, huius operationis & formationis causâ
efficiens, nisi animâ iam in semine præexistens?
Aut, si non est anima in semine præexistens,
monstret Fienus, vnde ea postea aduenerit.*

Atque istud, quod hætenus propositum &
explicatum est, argumētum, ab animæ, quæ appa-
rent in semine, operationibus solum sufficere pos-
set ad persuadendum animæ non pertinaci, sed ve-
ritatis audio, animam inesse in semine: sunt tamen
huius

huius rei & alia argumenta satis euidencia.

*Simile
Non ge-
neraret
simile, si
semen
non esset
anima-
tum.*

Secundò enim, quicquid sibi simile generat, genito suâ essentiâ communicet, necesse est: aliàs non esset secundùm essentiam simile. At viuens quodlibet sibi simile generat. Ergo genito suam essentiam communicat; & per consequens non tantùm materiam, sed etiam formam, quâ imprimis rei essentia absoluitur. Et, nisi hoc fieret, nulla daretur generatio vniuoca, & generans nihil nisi materiam daret, neque vnde anima proueniret, doceri posset; cùm sæpe generans, antequam ex semine planta, vel anima efformatur, mori possit, & postea ad efformationem plantæ vel animalis nihil eorum, nisi calor externus, accedat. Ita semina & bulbi plantarum interdum multis annis asseruantur, antequam planta inde enascitur, plantâ, à qua semen vel bulbus generatus fuit, dudum mortua. Ita ex ouo etiam fornacis calore pullus excluditur, gallinâ & gallo, à quorum coitu ouum generatum est, dudum iugulatis. Et omnino, si in semine nõ esset principium actiuum à parentibus communicatum, parentes verè generare dici non possent, cùm saltem materiam suppeditarent.

Respondet quidem Thomas Fienus, *de Formât. fæt. q. 6.* verè & actiuè generate parentes per hoc, quòd semen subministrent, seu materiam generationis, eique imprimant dispositiones omnes ad animæ introductionem necessarias. Verùm petitio hæc principij est. Negatur enim, qui saltem dat materiam generationis, quocunque etiam modo dispositâ, vt ad formæ receptionem apta sit, principium actiuum communicare,

& verè generare. Omnes enim illæ dispositiones ad materiam pertinent, & qui agendi principium non communicat, ille actiue generare dici non potest.

Tertiò, si semen esset inanimatum, & nihilominus animatum produceret, nobilius produceretur ab ignobiliore, & virtus semini produceret substantiam; quod absurdum; cum nihil ultra vires suas agat; & id quod animatum non esset, ederet actiones animæ proprias, conformationem, nutritionem, actionem, attractionem, formaret ossa, carnes, membranas: quæ actiones omnes simul in prima itatim conformatione, quæ mox ab initio conceptionis fit, exercentur.

Et licet à nonnullis obijciatur, agens aliquod à virtute alterius producere posse effectum nobiliorem, quàm virtute propriâ aliàs perficeret: tamen, si id fiat, fit agente principali præsentem, non absente, quod in generatio non accidit. Pater enim abesse à loco, in quo fit generatione, imò iam mortuus esse potest: ita & mater potest abesse, vel extincta esse; id quod fit in pullis, qui excluduntur à calore fornacis, vel à vis alterius speciei.

Quæ omnia cum ita sese habeant, rectissimè statuitur, animam ipsam in semine inesse, & ut re-
Ab Zabarella, de facult. anim. cap. 11. scribit: Videntur, ubi generant sibi simile, largiri & communicare aliquid de sua materia, & aliquid de sua forma, quando exhibent semen animatum, ac vitali eadem facultate, quæ in generando erat, præditum.

Nimirum formæ animatorum etsi per se non sunt quantæ & diuisibiles: tamen ad extensionem
*Anima
 coexten-
 duntur
 suo corpo-
 ri.*

materiæ, cui insunt, extenduntur, quod, *duobus libris de anim. coextens. corpori*, demonstravit Fort. Licetus, & ad eius diuisionem diuiduntur seu potius multiplicantur, nec tamen ipsæ maiores vel minores fiunt. Ita animâ, quæ est in exiguo germine primùm è terra pullulante, non est minor, quàm quæ postea est in procera quercu; nec anima vituli est minor, quàm bouis. Eadem ratione anima in nutrimentum appositum se deffundit, & ita ad corporis, quod informat, extensionem & ipsa extenditur, nec tamen fit maior: sicut contrà dum ab arbore ramus auellitur, anima arboris non fit minor. Eodem modo sese res habet in generatione. Cùm enim, antequam planta generat, vna sit numero anima, quia in vno est subiecto: tamen eùm planta semen iam generat, talem scilicet materiam, in qua animâ, quæ antea erat in vno numero subiecto, iam multipliciter existere possit; & semen illud maturum à planta separatur: in quolibet semine, quamuis exiguo, anima integra manet, & iam suâ animâ viuit, & per se subsistit, & cùm ex vna numero papaueris plantâ plura quàm centum semina generantur, eadem papaueris anima in omnibus integra existit; & tum anima sese multiplicare dicitur: quod dum facit, non minor fit; cùm per se non sit quanta.

*Quomodo
anima
sese mul-
tiplicet.*

Quâ ratione autem anima ipsa integra manens suam essentiam alteri communicare possit, hoc est, quod magna ingenia torfit, & non intellectum plurimas disputationes excitauit, & errores peperit. Rectè enim de anima scribit I. C. Scaliger, *exerc. 307. f. 29*. Videmus angustias nostri intellectus, qui dicere ausus est, sese comprehendere species

species substantiarum. Quin latet nos exquisita illa cognitio, scilicet, quomodo ex duobus vnum fiat; quomodo forma sit in toto, & in quacunque parte tota. Adeo diuina res forma est, vt, cùm sit substantia, aliam totam sui impleat substantiam, ita, vt ex vtraque fiat vnum. Quare vltior disquisitio morosi atque saragentis animi est. Humanæ enim sapientiæ pars est, quædam æquo animo nescire velle.

Imprimis multos quæstio illa sollicitos habuit, *An anima sit* an anima sit tota in toto, & in qualibet parte tota: item quomodo anima sit diuisibilis, *an sit diuisibilis.* an secundum extensionem, quam habet ratione corporis. Vbi quidam omnes ac solas animas perfectorum animalium indiuiduas esse ac inextensas: alii omnes perfectorum animalium formas extensas ac diuisibiles esse statuunt, solâ animâ rationali excepta. Conimbricenses verò vtramque sententiam admodum probabilem esse putant, & propterea argumenta pro vtraque sententia allata soluunt, atque ita Lectorem dubium relinquunt: priorem tamen se libentiùs tueri fatentur. Fortunius Licetus, *libb. duob. de animarum coextensione corpori*, defendit, omnem animam, etiam rationalem, corpori esse coextensam.

Hinc & altera controuersia exorta est quomodo in corporis animalium augmentatione partes, *Quomodo anima coextendatur corpori.* quæ accrescunt, animam accipiant: quæ maximis difficultatibus coniuncta, vt Zabarella quoque confitetur, & adeo obscura est, vt Sebastianum Bassonem, aliàs in Physicis satis perspicacem, mouerit, vt formam substantialem negaret, & formam nihil aliud, quàm certam partium eiusdem

generis aggregationem in optimum concentum esse, absurdè statueret. Scripsit autem de hac questione prolixè inter alios Zabarella, *lib. 1. de accretione*, vbi cum, *c. 13.* contrarias sententias recitasset, & scoti atque aliorum opinionem rectè reieccisset, qui statuunt, animam cum materia fluere, & in partibus materiæ ex alimento genitis novas animæ particulas generari, atque ita non eandem penitus animam in vita seruari; alteram verò opinionem defendendam suscepisset, quòd anima per totam vitam maneat eadem numero, & adueniente nouà materià extendatur ad eam informandam. *cap. 16.* dubia contra eam duo valde vrgentia proponit: Primum est, quod hoc modo, & dum anima, quæ est in verere carne, transit ad informandam carnem nuper ex alimento aggregatam, forma videtur migrare de subiecto in subiectum. quod absurdum videtur. Alterum est, quod hoc modo anima per se mobilis esse videatur; cùm tamen Aristoteles, *6. Physic.* doceat, sola corpora per se mobilia esse; animam verò saltem per accidens, & ad motum corporis mobilem, *in 1. de anim.* Verùm rectè respondet Zabarella, ad primum quidem, formam hoc modo suum subiectum totum non deferere, sed in eo manere, interim simul ad nouam materiam informandam transire, quæ siue transitio. siue diffusio, nomine proprio careat. Ad secundum verò, animam ad nouam materiam informandam non transire per motum, sed modo quodam nobis occulto & abscondito. Quæ etsi rideat Basio: tamen, si rectè explicentur, verissima sunt, & errores omnes, quos hîc multi errant,

ex

ex eo proueniunt, quod formæ & animæ ea, quæ sunt corporum, scilicet quantitatem, diuifibilitatem, & partes tribuunt. Verùm quod Scaliger, de motu Angelorum, exerc. 359. sect. 12. scribit, & de anima verum est, quod sit extensa sine quantitate prædicamentali, & moueatur non motu corporeo, mutando locum, sed motu rei incorporeæ extensæ, mutando vbi. Etenim, vt est, exerc. 307. sect. 13. *Omne, quod mouetur, in loco est. Anima non est in loco, quia non est quanta. Quantum enim in omnibus quanti partibus inesse totum non potest. At anima est in quacunque parte corporis, quod est quantum.* Et mox: Ipsamet anima non fit maior, cuius beneficio corpus fit maius. Ideoque ipse etiam motum propriè dictum non appellat, sed, *ibid.* scribit: *Cum introducatur eam in partem, qua accessit, anima, qua antea erat sub magnitudine, v. g. sesquipedali, promouetur ad sesquipedem.* Et mox: *Transfertur per promotionem suiipsius anima à seipsa ad partis addita totum, ad circumferentiam usque ultimam, completâ interea totâ materiâ, qua interiacet.* Ita nimirum vbi rei natura non satis clara est. nec animâ inuenire facile est, & quæ imponuntur, æquiuoca sunt, & à notioribus petita.

*Anima
an mo-
ueatur.*

Vt tamen, quantum in hac nostræ mentis imbecillitate licet, naturam animarum aliquo modo explicemus, & quomodo omnia, quæ vulgò dicuntur animam esse totum quid, diuidi, extendi, multiplicari, decleramus, & toti huic de generatione viuientium doctrinæ aliqua lux afferatur, ita sese res habet: Omnia corpora naturalia constant materia & forma, quæ in viuentibus est anima Materia corporis per se est quanta,

*Anima
natura
declara-
tio.*

materni. Secunda, eiusdem viuificatio & animatio, seu animæ communicatio. Alimentum enim è terra attractum inanimatum est. Sanguis etiam per se inanimatus est. Cum verò ex his fiant partes plantæ & ipsius fœtus, seu ad eum pertinentes, ea animari necesse est. At animam dare nihil potest, nisi quod habet, & proinde semen animatum est. Tertia operatio est segregatrix. Cum enim ex alia materia epar, ex alia ventriculus, ex alia cor, ex alia cerebrum, ex alia vena, neruus, arteria formetur, anima, quæ est in semine, materias hæc segregat & discernit. Quartò, vbi materiæ hæc segregatæ fuerunt, ab eadem anima suo quæque loco collocatur, alio loco cerebrum & ventriculus, alio cor, epar. Quinta est formatrix in specie dicta, qua cuique parti sua figura, quantitas, numerus, & similia tribuuntur.

*Præter
animam
nullum
adeſt
agens in
semine.*

Secundò nullum aliud agens hîc dari potest, quàm anima, quæ est in semine. Primò enim ipsum generans ampliùs sæpe non adest. Ita cum tempore verno ex semine planta pullular, planta, quæ semen generauit, dudum sæpe emortua est, & dum animal in vtero matris formatur, accidere potest, vt parens iam mortuus sit.

*Calor
innatus
in semine
non est
forma-
tionis.*

Deinde nec calor innatus in semine principium formationis esse potest. Etsi enim negandum non sit, calorem innatum esse organum, quo, vt aliæ actiones in corpore, ita & conformatio perficitur: tamen causâ primaria non est; cum operatio tam admiranda nudæ qualitati adscribi, & tot diuersis & ferè infinitis partibus suæ cuilibet peculiaris figura, quantitas, numerus, sitûs, à solo calore tribui non possit, sed longè diuini

diuiniore agente opus sit. De quo Scaliger, exerc. 6. sect. 5. Si, inquit, extrinsecus venit forma, atque interea, ut scribunt, omni perfectionum genere instruitur materia: ab aliquo intus & qualitates & quantitates, & numeros & ordines, & situs apparari atque instituti necesse est; denique corpus ipsum totum fabricari. Hac fabrica fit aut à substantia, aut ab accidente, aut ab utroque. Non ab accidente solo. Primum, quia nullum accidens agit, nisi per vim suæ substantiæ. Deinde, quia nullum accidens cognoscit. Illa verò virtus tam nobilis templi architecta sapientissima ab omnibus Philosophis iudicata est. Edificabitur igitur à substantia. At hæc forma seminis est. Sanè seminis forma, si non est anima, bruta res est: & si fabricat, est æqualis anima. At in clementis & amissæ carnis repositione opus illud anima est. Erit igitur in semine anima formatrix, antecedens animam, cui parat illud domicilium. Quare prior illa posteriore hac sapientior ac nobilior. Et paulò antè: Ipsamet formæ eius præparationis autor est. Ipsa n. sibi & alterat totam, & disponit partes. Neque cum ad summam peruentum fuerit perfectionem præparationis, tum ad substantiæ quoque formam peruenitur. Est enim ipsa forma ante existens. Ergo non ad eam peruenitur, sed ad eius actum, quo ipsius deinceps usum capeßere possit. Hæc Scalig.

Neque in animalib. vteri materni virtus causa Vteri •
 conformationis esse potest. Etenim si in vtero ^{materni}
 esset vis conformatrix, non in semine, nihil ad ^{virtus}
 conformationem fœtus pater faceret, & passuum ^{non est}
 tantum principium conferret, & hoc modo non ^{causa}
 generaret. Deinde causa nulla dari posset, cur ^{confor-}
 mationis ^{mationis}
 fœtus ^{fœtus}

foetus aliquando patri similis esset, & cur non semper foemellæ generarentur. Tertiò in ouiparis conformatio non fit ab utero, sed extra gallinam oua in pullum perficiuntur; sicut neque terra, quæ in plantis est instar uteri, ullam vim conformandi plantam habet, sed tota ea vis est in semine. Præterea si calor deducit, ut aiunt, ad actum potentiam in semine, qualitas generat substantiam. Neque vim argumenti huius effugere possunt, qui respondent, substantialem hanc potentiam à generante sic esse affectam & comparatam, ut qualitate hæc suscitata erumpat in actum substantialem generanti similem. Quænam enim, quæso, est ista substantialis potentia? Certè nisi anima est, metum figmentum est, quod ex illorum ipsorum regula patet, cum dicunt, proximam potentiam haberi pro actu. Cum enim res non simul esse possit actu & potentia, si proxima potentia est, actus, certè non erit pura passiva potentia, sed formalis, & ita ipsa anima.

*Vieni
contra
anima in
semine
presentia
obiectio.*

Neque alicuius momenti est, quod contra hoc argumentum affert Th. Fienus, *de form. foet. qua. 5. conclus. 6.* Cum enim ipse concedat, quod nulla alia conformationis corporis animata causa sit, quàm anima, rectè hinc ita concluditur: Quidquid in se habet efficiètem conformationis causam, habet in se animam. Semen in se habet causam conformationis corporis animati. Ergo habet in se animam. Hic quidem respondet Fienus: *Fateor præmissas esse veras; sed nego sequelam. Bene quidem inferitur, esse aliquam animam semini intrinsecam, sed minimè esse animam seminis. Est quidem anima semini introducta, postquam iam semen*

*semen in utero est conceptum, vel plantatum inter-
ra, vel ouum incubatui gallina subditum; & cum
omnia iam sunt actuata, sed illa non est anima semi-
nis, seu quæ semini præinexistit, aut in testibus, arbo-
re, aut gallina genita fuit, sed anima fœtus, quæ post-
modum fuit introducta. Verùm enim verò quomo-
do negari potest consequentia, si utraque præmis-
sa est vera? Ex veris enim nunquam falsum colli-
gitur syllogisticè. Interim tamen minorem falsita-
tis arguit. negatque, animam, quæ conformationis
causâ est. esse seminis animam: sed falsò. Mon-
strandum enim est, ut infra dicetur, quid operatio-
num illarum in semine, & conformationis causâ
fuerit, antequam anima, ex eius sententia, adueni-
ret. Deinde cum animâ non prius adesse dicat, an-
tequam omnia sunt actuata, mōstrare debet, quis
actuatiōis illius & conformationis, antequâ ani-
ma aduenit, in plantis, ouis, brutis, autor fuerit?
Tertiò dicere debebat, annè animæ plantarum re-
liquarum, etiâ introducantur, & à qua causâ pro-
ueniant. Certè cum semē aliquod in terram con-
iicitur, vel quocunque etiam in loco aqua hume-
ctatur, nullâ aliâ causâ accedente, primò radi-
cem emittit, paulò post germinare incipit. Quæ,
quæso, huius operationis & formationis causâ
efficiens, nisi animâ iam in semine præexistens?
Aut, si non est anima in semine præexistens,
monstret Fienus, vnde ea postea aduenerit.*

Atque istud, quod hætenus propositum &
explicatum est, argumētum, ab animæ, quæ appa-
rent in semine, operationibus solum sufficere pos-
set ad persuadendum anitr. o non pertinaci, sed ve-
ritatis audio, animam inesse in semine: sunt tamen
huius

huius rei & alia argumenta satis euidencia.

Simile

Non ge-

neraret

simile, si

semen

non esset

anima-

lm.

Secundò enim, quicquid sibi simile generat, genito suâ essentiâ communicet, necesse est: aliàs non esset secundùm essentiam simile. At viuens quodlibet sibi simile generat. Ergo genito suam essentiam communicat; & per consequens non tantùm materiam, sed etiam formam, quâ imprimis rei essentia absoluitur. Et, nisi hoc fieret, nulla daretur generatio vniuoca, & generans nihil nisi materiam daret; neque vnde anima proueniret, doceri posset; cùm sæpe generans, antequam ex semine planta, vel anima efformatur, mori possit, & postea ad efformationem plantæ vel animalis nihil eorum, nisi calor externus, accedat. Ita semina & bulbi plantarum interdum multis annis asseruantur, antequam planta inde enascitur, plantâ, à qua semen vel bulbus generatus fuit, dudum mortua. Ita ex ouo etiam fornacis calore pullus excluditur, gallinâ & gallo, à quorum coitu ouum generatum est, dudum iugulatis. Et omnino, si in semine nõ esset principium actiuum à parentibus communicatum, parentes verè generare dici non possent, cùm saltem materiam suppeditarent.

Respondet quidem Thomas Fienus, *de Formât. fact. q. 6.* verè & actiuè generate parentes per hoc, quòd semen subministrent, seu materiam generationis, eique imprimant dispositiones omnes ad animæ introductionem necessarias. Verùm petitio hæc principij est. Negatur enim, qui saltem dat materiam generationis, quocunque etiam modo dispositâ, vt ad formæ receptionem apta sit, principium actiuum communicare,

&

& verè generare. Omnes enim illæ dispositiones ad materiam pertinent, & qui agendi principium non communicat, ille actiue generare dici non potest.

Tertiò, si semen esset inanimatum, & nihilomi-
nus animatum produceret, nobilius produceretur ab ignobiliore, & virtus semini produceret substantiam; quod absurdum; cum nihil ultra vires suas agat; & id quod animatum non esset, ederet actiones animæ proprias, conformationem, nutritionem, actionem, attractionem, formaret ossa, carnes, membranas: quæ actiones omnes simul in prima itatim conformatione, quæ mox ab initio conceptionis fit, exercentur.

Et licet à nonnullis obijciatur, agens aliquod à virtute alterius producere posse effectum nobilio-rem, quàm virtute propriâ aliàs perficeret: tamen, si id fiat, fit agente principali præsentem, non absente, quod in generatio non accidit. Pater enim abesse à loco, in quo fit generatio, imò iam mortuus esse potest. Ita & mater potest abesse, vel extincta esse; id quod fit in pullis, qui excluduntur à calore fornacis, vel à vis alterius speciei.

Quæ omnia cum ita sese habeant, rectissime statuitur, animam ipsam in semine inesse, & ut rectè Zabarella, *de facult. anim. cap. 11.* scribit: Viuentia, ubi generant sibi simile, largiri & communicare aliquid de sua materia, & aliquid de suamet forma, quando exhibent semen animatum, ac vitali eadem facultate, quæ in generando erat, præditum.

Nimirum formæ animatorum etsi per se non sunt quantæ & diuisibiles: tamen ad extensionem

*Inani-
matu nō
potest ge-
nerare a-
nimatu.*

*Genera-
tio vniū
sui quo-
modo fiat.*

*Anima
coexten-
duntur
suo corpo-*

materia, cui insunt, extenduntur, quod, *duobus libris de anim. coextens. corpori*, demonstravit Fort. Licetus, & ad eius diuisionem diuiduntur seu potius multiplicantur, nec tamen ipsæ maiores vel minores fiunt. Ita anima, quæ est in exiguo germine primum è terra pullulante, non est minor, quàm quæ postea est in procera quercu; nec anima vituli est minor, quàm bouis. Eadem ratione anima in nutrimentum appositum se diffundit, & ita ad corporis, quod informat, extensionem & ipsa extenditur, nec tamen fit maior: sicut contrarium ab arbore ramus auellitur, anima arboris non fit minor. Eodem modo sese res habet in generatione. Cum enim, antequam planta generat, vna sit numero anima, quia in vno est subiecto: tamen cum planta semen iam generat, talem scilicet materiam, in qua animâ, quæ antea erat in vno numero subiecto, iam multipliciter existere possit; & semen illud maturum à planta separatur: in quolibet semine, quamuis exiguo, anima integra manet, & iam suâ animâ vivit, & per se subsistit, & cum ex vna numero papaueris plantâ plura quàm centum semina generantur, eadem papaueris anima in omnibus integra existit; & tum anima sese multiplicare dicitur: quod dum facit, non minor fit; cum per se non sit quanta.

*Quomodo
anima
se se mul-
tiplicet.*

Quâ ratione autem anima ipsa integra manens suam essentiam alteri communicare possit, hoc est, quod magna ingenia torfit, & non intellectum plurimas disputationes excitauit, & errores peperit. Rectè enim de anima scribit I. C. Scaliger, *exerc. 307. f. 29*. Videmus angustias nostri intellectus, qui dicere ausus est, sese comprehendere species

species substantiarum. Quin latet nos exquisita illa cognitio, scilicet, quomodo ex duobus vnum fiat; quomodo forma sit in toto, & in quacunque parte tota. Adeo diuina res forma est, vt, cùm sit substantia, aliam totam sui impleat substantiam, ita, vt ex vtraque fiat vnum. Quare vltior disquisitio morali atque saragentis animi est. Humanæ enim sapientiæ pars est, quædam æquo animo nescire velle.

Imprimis multos quæstio illa sollicitos habuit, *An anima sit diuisibilis.* an anima sit tota in toto, & in qualibet parte tota: item quomodo anima sit diuisibilis, an secundum extensionem, quam habet ratione corporis. Vbi quidam omnes ac solas animas perfectorum animalium indiuiduas esse ac inextensas: alii omnes perfectorum animalium formas extensas ac diuisibiles esse statuunt, solâ animâ rationali excepta. Conimbricenses verò vtramque sententiam admodum probabilem esse putant, & propterea argumenta pro vtraque sententia allata soluunt, atque ita Lectorem dubium relinquunt: priorem tamen se libentiùs tueri fatentur. Fortunius Licetus, *libb. duob. de animarum coextensione corpori*, defendit, omnem animam, etiam rationalem, corpori esse coextensam.

Hinc & altera controuersia exorta est quomodo in corporis animalium augmentatione partes, quæ accrescunt, animam accipiant: quæ maximis difficultatibus coniuncta, vt Zabarella quoque confitetur, & adeo obscura est, vt Sebastianum Bassonem, aliàs in Physicis satis perspicacem, mouerit, vt formam substantialem negaret, & formam nihil aliud, quàm certam partium eiusdem

generis aggregationem in optimum concentum esse, abiurdè statueret. Scripsit autem de hac questione prolixè inter alios Zabarella, *lib. 1. de accretione*, vbi cum, *c. 13.* contrarias sententias recitasset, & Scoti atque aliorum opinionem rectè reiecisset, qui statuunt, animam cum materia fluere, & in partibus materiæ ex alimento genitis novas animæ particulas generari, atque ita non eandem penitus animam in vita seruari; alteram verò opinionem defendendam suscepisset, quòd anima per totam vitam maneat eadem numero, & adueniente nouà materià extendatur ad eam informandam. *cap. 16.* dubia contra eam duo valde vrgentia proponit: Primum est, quod hoc modo, & dum anima, quæ est in vetere carne, transit ad informandam carnem nuper ex alimento aggregatam, forma videtur migrare de subiecto. in subiectum. quod absurdum videtur. Alterum est, quod hoc modo anima per se mobilis esse videatur; cùm tamen Aristoteles, *6. Physic.* doceat, sola corpora per se mobilia esse; animam verò saltem per accidens, & ad motum corporis mobilem, *in 1. de anim.* Verùm rectè respondet Zabarella, ad primum quidem, formam hoc modo suum subiectum totum non deserere, sed in eo manere, interim simul ad nouam materiam informandam transire, quæ siue transitio. siue diffusio, nomine proprio careat. Ad secundum verò, animam ad nouam materiam informandam non transire per motum, sed modo quodam nobis occulto & abscondito. Quæ etsi rideat Baslo: tamen, si rectè explicentur, verissima sunt, & errores omnes, quos hîc multi errant, ex

ex eo proueniunt, quod formæ & animæ ea, quæ sunt corporum, scilicet quantitatem, diuisibilitatem, & partes tribuunt. Verum quod Scaliger, de motu Angelorum, exerc. 3 § 9. sect. 12. scribit, & de anima verum est, quod sit extensa sine quantitate prædicamentali, & moueatur non motu corporeo, mutando locum, sed motu rei incorporeæ extensæ, mutando vbi. Etenim, vt est, exerc. 3 07. sect. 13. *Omne, quod mouetur, in loco est. Anima non est in loco, quia non est quanta. Quantum enim in omnibus quanti partibus inesse totum non potest. At anima est in quacunque parte corporis, quod est quantum.* Et mox: Ipsamet anima non fit maior, cuius beneficio corpus fit maius. Ideoque ipse etiam motum propriè dictum non appellat, sed, *ibid.* scribit: *Cum introducatur eam in partem, quæ accessit, anima, quæ antea erat sub magnitudine, v. g. sesquipedali, promouetur ad sesquipedem.* Et mox: *Transfertur per promotionem sui ipsius anima à seipsa ad partis addita totum, ad circumferentiam usque ultimam, completâ interea totâ materiâ, quæ interiacet.* Ita nimirum vbi rei natura non satis clara est nec animâ inuenire facile est, & quæ imponuntur, æquiuoca sunt, & à notioribus petita.

*Anima
an mo-
ueatur.*

Vt tamen, quantum in hac nostræ mentis imbecillitate licet, naturam animarum aliquo modo explicemus, & quomodo omnia, quæ vulgò dicuntur animam esse totum quid, diuidi, extendi, multiplicari, decleramus, & toti huic de generatione viuientium doctrinæ aliqua lux afferatur, ita sese res habet: Omnia corpora naturalia constant materia & forma, quæ in viuentibus est anima. Materia corporis per se est quanta,

*Anima
natura
declara-
tio.*

Corpus & in partes quantas diuisibilis, & corpus ita locum occupat, vt nullum alterum in illum admittat, mobile est de loco in locum. At forma & anima per se quanta non est, & propterea totum corpus replet & penetrat, indiuisibilis est per se, corpori tamen toti sine quantitate coexténditur. Cùm autem vt Scholastici rectè docent, tres modi sint, quibus res aliqua alicubi esse dicitur; vel definitiue, vel repletiue, vel circumscriptiue & localiter: corpus solum & circumscriptiue in loco; id quod locum occupare dicitur. Duo enim corpora quanta nunquam in vno loco simul esse possunt, & quem locum vnum corpus occupauit, alterum occupare non potest, nisi prius corpus per motum localem è loco illo transferatur in alium.

Anima per se non est quantitas, corpus replet, est indiuisibilis, corpori coextenditur. Tres modi essendi alicubi.

Duo corpora non possunt simul esse in eodem loco. Substantiæ verò à quantitate liberæ, vt & species sensibiles, vel simul plures, vel cum alijs corporibus alicubi esse possunt; de quo pluribus, lib. 1. Phys. cap. 5. & 6. dictum. Etsi verò modus repletiue alicubi existendi soli Deo proprie competit,

Repletiue qua sint alicubi. qui, vt Damascenus scribit, ὁλῶ ὀλικῶς ὅτι πανταχῶ, & ὁλῶ ἐν παντί, & ὁλῶ ὑπὲρ τὸ πάν, seu, vt Scaliger, lib. 1. de plantis, ait, qui est per omnia, super omnia, in omnibus, ante omnia, post omnia, excelsus, gloriosus, immensus, incomparabilis, incomprehensibilis; animæ verò non, sicut Deus, sunt πανταχῶ, sed corporibus suis, & terminis coercentur & includuntur: tamen modum essendi alicubi repletiue virè viri docti, atque inter eos Ioh. Faber, Stapulensis Dialog. 2. Physicar. introduction. ἀναλόγως etiā animæ tribuūt, atq; ab infima plenitudine ad summam & infinitam plenitudinem mentis alis subuehuntur, & imaginem Dei,

qui

qui omnia replet, & intra mundum totus existit, & totus extra, etiam in animabus agnoscunt: Et quidem non malè. Anima enim omnium animalium totum corpus, quod informat, replet, nec, *Anima corpus suum replet.* etsi corpus hunc locum iam ante occupauit, impletur, quominus & ipsa in omnibus corporis partibus esse possit. Et sublati dimensionibus vniuscuiusque nostrum forma cum alterius in eodem esse posset, idque replere, nec vnius presentia alterius presentiam impediret. Sicut videmus, plura lumina per eundem aërem spargi, nec vnius presentiam alterius presentiam impedire, ac etiam si multa sunt in omnibus locis, non confundi ramè, quod umbræ docent. Videamus etiam eandem animam, quæ primo parui furculi, è glande enati, ut &, quæ primò infantis corpus replet, postea, vbi furculus iste in proceram quercum, & infans in magnam viri molem excreuit, illud ipsum corpus ipsam nihil auctam implere.

Atque ut hæc, quæ hætenus diximus, instituto nostro applicemus, sicut, dum ex germine exiguo *Anima quomodo sit multiplicabilis.* erbor procera excreuit, aut ex vitulo fit bos, ex infante vir robustus & quadratus, anima, quæ est in arbore, boue, viro, non facta est maior, quàm cum fuit in germine, vitulo, infante: ita, dum anima per semen sese pluribus indiuiduis materiis communicat, non fit minor, nihilque ipsi decedit, & anima, quæ est in semine in procera arbore generato, non est minor, quàm quæ est in ipsa arbore.

Ex quibus omnibus patet, rectius dici, animam *Anima propriè est diuiditur.* multiplicari, quàm diuidi. Cum enim nihil diuidatur, nisi quantum, quod habet partem extra

Anima
an corpo-
ri coexten-
datur.

partem, anima verò quanta non sit, nec habeat partem extra partem, propriè non diuiditur, nec per se, nec per accidens. Corpus quidem, ut quantum, & partem extra partem habens, diuiditur, nec pars, quæ corpori demitur, est eiusdem essentiæ cum toto: at illud animæ quod à generante separatur, est eiusdem essentiæ cum generantis anima, & quamuis sit in minore corpore, æque tamen tota est, ut anima generantis. Et ne quem extensio offendar, & putet animam, quia est extensa, habere partes: perpendat, quomodo illud Scaligeri, *exercit. 359. sectio. 12.* intelligendum sit, animam esse extensam sine quantitate prædicamentali. Vbi distinguendum est inter extensionem propriè dictam, & inter extensionem saltem ἀναλόγως acceptam. Extensio propriè est quantitatis & corporum, quæ habent partes ita dispositas, ut, ubi vna est, altera non sit, verbi gratia, ubi est pes, ibi non sit manus. Anima verò etsi corporibus coniungitur, quia corpora dimensa & extensa informat, & ipsius plenitudo & repletia (ita enim re-ctius Scholastici, quàm extensionem, nominant, & melius hoc vocabulo, quàm extensionis, in inscriptione suorum librorum de coextensione animarum cum corpore, uti potuisset Fort. Licetus,) tanta est, quantum corpus ipsum, corporisque dimensio, & ipsum quatumlibet excrescat, nulla parte addita replet: tamen non alia est animæ pars in oculo, alia in pede, neque anima in viro maior est, quàm quæ in infante; sed, sicut Deus immensus & infinitus est ubique, non habens partem extra partem; ita & suo modo anima totum corpus replet,

replet, non habens partem extra partem. Ex quo etiam ad illud, quod multos, & inter eos etiam Bassonem, turbauit, quod obijcitur, si anima est tota in toto, fore, vt, dum pars corporis amputatur v.g. in homine manus, etiã anima ad corporis diuisionem diuidatur, facile responderi potest. Etenim in iis quidem, vbi seminalis ratio per totum corpus sparsa est, vt in salice abscisso ramo anima multiplicatur, vel, vt vulgò loquuntur, diuiditur in animalibus verò, vbi per semen fit propagatio, anima in corpore suo, etiam parte abscissa, integra manet; sicut etiam in augmentatione, etsi anima se parti, quæ accrescit, communicat, non migrat de subiecto in subiectum. Agnouit hoc etiã Forr. Licetus, *lib. 2. de anim. Coextens. c. 4.* vbi *Extensio* duplicem extensionem, vnã materialem ac *duplex.* magnitudinis quæ soli quanto corporeo inest; aliam formalem, ac substantiæ incorporeæ facit. Et rectè addit, quòd, etsi hæ duæ extensões, materialis & formalis scilicet, analogiam, proportionemue inter se habent: (quod scilicet vtrâque certis terminis rem definitam coërcet. Deus enim solus totus vbique est) in eo tamen differant, quòd extensio formalis appellata rem, cui competit, non efficit de genere quanti, nec necessariò diuisibilem siue per se, siue per accidens; materialis verò extensio nominata rem facit quantam, & diuisibilem. Exhibent huius rei imaginem etiam species sensibiles. Etenim si in loco aliquo sit res lucida, vel alia cuiuscumque rei imago, & vnus saltem homo, qui eam videat, vel vnum speculum saltem; tota rei visibilis imago est in vnius hominis oculis, vel vno speculo. Si verò centum

vel mille, aut etiam plures homines adueniant, vel mille specula apponantur, eadem imago, quæ antea ab vno homine, vel vno speculo recipiebatur, iam in mille hominibus, & speculis apparet, nec tamen rei illius visibilis species in partes quantitatiuas diuiditur.

*Omnis
forma sui
multiplica-
tina.*

Atque hinc *πολυπρόπλητον* illud axioma Philosophorum natum est: Omnis forma est sui multiplicatiua. Quod etiam si Zabarella, *de sensu agente, cap. 5.* vbi de speciebus sensibilibus tractat, allegat: tamen non sequitur, vt quidam imperitè existimat, id saltem de formis accidentalibus verum esse. Contra potiùs generale est, & primariò de formis substantialibus verum, consequenter verò saltem de formis accidentalibus. Formæ enim substantiales reuerà formæ sunt; formæ verò accidentales earum saltem imagines & vmbra quasi. Et propterea si accidentales formæ vim sese multiplicandi habent, multò magis eam substantiales habebunt; cùm, quicquid agunt accidentia, vi suarum formarum agant. Atque ita omnino de formis substantialibus hoc axioma accepisse Zabarellam, patet *ex lib. de facult. anim. cap. 11.* vbi scribit, animæ vegetantis propriam esse conditionem, vt generans exhibeat aliquid de sua materia, atque aliquid de sua forma; & toto illo capite expressè docet, vulgatam illam opinionem de eductione formarum è potentia materiæ per agentis externi actionem nullo modo in viuentibus locum habere. Et ipse Aristoteles etiam expressè, 2. *de anim. cap. 2. t. 20.* docet, animas quasdam se multiplicare, dū scribit, quòd plantæ nonnullæ diuisæ sciunctæque videntur viuere

viuere propterea, quod anima, quæ est in istis, actu quidem in vnaquaque planta est vna, potentiâ verò plures; quod & in animalibus quibusdam concedit. Quod si in plantis, quæ diuisæ viuunt, verum est, cur in iis etiam, quæ semine propagantur, verum non sit, & anima non possit dici vna, potentiâ verò plures, utpotè, quæ per semen, æquè ac illa per corporis diuisionem, sese multiplicare possunt?

Propagationis anima modi varij.

Multiplicatio autem illa fit variis modis, vt mox dicetur. Hoc tamen omnibus commune, vt anima habeat proprium subiectum, in quo inhære, & per quod à generante separari, & nouum indiuiduum constituere possit: quod est semen, vel quoddam semini analogum. Animalia quadrupeda omnia per semen animam suam communicat: aues, serpentes, & insecta quædam oua, & ouis quiddam analogum pariunt, & per ea sese multiplicant. In plantis varius propagationis modus est, vt postea etiam dicetur. Quædam enim semine, quædam surculo, quædam radice vel bulbo, quædam pluribus simul modis sese propagant. Non enim in his ita, vt in animalibus, anima ad semen adstricta est, sed in quibusdam semen, aut semini quiddam analogum, vel per totam plantam, vel per plures eius partes diffusum est, vt per quamcunque etiam, si terræ committatur, sese multiplicet, & noua planta exoriatur. Nec tamen animæ etiam in plantis, etsi vulgò id dicatur, propriè sunt diuisibiles; cum partem extra partem non habeant, sed corpus saltem plantæ diuiditur, & ramo aliquo, siue surculo aut radice abscissa sit minor: anima verò

Anima multiplicatur in proprio subiecto

verò eius plantæ non fit minor : nec partem sui femini, surculo, radici, sed totam se dedit atque ita sese multiplicauit.

*An forma
metallo-
rū multi-
plicentur*

Hoc loco etiam explicandum est, quomodo illud accipiendum sit, quod, *de consens. & dissens. Chymicor. cum Aristotel. & Galen. cap. 9.* scripsi, formas quoque metallorum suo modo multiplicari; cum maleuolus quidam mihi affingat, quasi statuerim, lapidem generare lapidem, metallum metallum. Neque enim tam bardus & stultus sum, ut credam, hunc magnetem, hunc adamantem, hanc crystallum, hoc aurum, omnibus numeris à natura perfectum, alium magnetem, adamantem, crystallum, aurum generare, sicut papauer aliud papauer, lactuca aliam lactucam generat. Hoc enim modo accepta multiplicatio animæ viuenti & vegetanti *κλεινός* competit, & viuentis solum opus est generatio. Hoc interim verum est, gemmas & mineralia non in prima creatione secundum indiuidua omnia creata esse, sed experientia & historia, *loco alleg.* adductæ testantur, & euincunt, fodinas, & matrices gemmarum & metallorum semel exhaustas iterum repleri, &

*Metalla
quomodo
generen-
tur.*

in effossorum loca alia succedere. Itaque hæc mea mens est, & cum Anselmo Boëtio, aliisque Doctissimis viris sentio, sicut in plantis & animalibus ab anima in semine latente corpus plantarum, & animal formatur, ita etiam à spiritu quondam *χρυσοποιητικῷ, ἀργυροποιητικῷ, λιθοποιητικῷ, χρυδαλλοποιητικῷ* formam architectonicam in se continente, in terra generari lapides, gemmas & metalla, atque ab eo secundum cuiusque speciem iis figuram, colorem, & alia propria accidentia tribui,

tribui, & hunc spiritum in fodinas & matrices gemmarum & metallorum exhaustas sese diffundere, ibique novas gemmas & metalla generare. Vbi autem lateat ille spiritus, & quæ eius sedes sit, è qua diffunditur, in hac humanæ mentis caligine & ignorantia constitutionis globi terreni secundum partes internas & subterraneas nobis ignotum est. Hoc certum est, spiritus illos architectonicos varios esse secundum speciem gemmarum & metallorum, & non ubiuis terrarum, sed in certis saltem locis reperiri. Quæ obiter quasi de generatione lapidum, gemmarum, & metallorum; hoc loco, vt calumniam à me remouerem, dicere volui.

Vim autem multiplicandi, animæ, & singulæ *Anima*
 viuentiam species, sibi simile generandi accepe- *unde*
 runt ex benedictione diuina in prima creatione, *vim sese*
 cum Deus diceret: *Germinet terra germen, her- multiplicandi*
bam producentem semen, arborem fructiferam, fa- habeant.
cientem fructum iuxta speciem suam, cui insit se-
men suum super terra. Et, crescite & multiplicami-
ni. Non enim, vt Thomas Erastus, *de occult. medic.*
propriet. c. 1. §. rectè scribit, vt existerent duntaxat
res creatæ, iussit Deus, verùm etiam, vt seipsas ita
propagarent, sicut ab ipso conditæ essent, impe-
rauit. Nec fuit inanis ille iussus, sed prorsus effi-
cax. Dum enim iussit, vim simul contribuit suam
singulis, quâ, quod iussa essent, perficerent. Huius
ergo benedictionis vi, mediante semine, per tra-
ducem, id est, vt anima non è semine educatur,
sed per semen & cum semine deferatur ad partes
è semine generandas, & velut lumen à lumine
accensum, animæ propagantur, &, vbicunque
idoneam

idoneam nactæ fuerint materiam, in quâ per se subsistere queant, qualis est feminis corpus, in illud se transfundere, atque sese, ut Scaliger loquitur, induere possunt, ita ut pars illa, si ita appellare libeat (neque enim propriè pars est) formæ eandem essentiam retineat totius formæ, quæ in toto, à quo decisum est, erat, & postea etiam easdem operationes edere incipiat, & sic eadem animæ essentia, quæ in procera iuglande arbore est, sit in nuce & germine illo, quod ex nuce postea pullulat, & postea etiam idoneam quo augeatur, materiam nacta, easdem operationes edat, singulis annis producat novos ramos, nucisque generet. Atque ita ex primis indiuiduis omnium quadrupedum, reptilium, volatilium, piscium primò creatæ species continuantur, & omnia iumenta, reptilia, volatilia, pisces, plantæ, animabus multiplicatis generatæ sunt.

C A P V T VII.

Argumentorum contrariorum Solutio.

ET si vero res hæc ita plana sit, ut mens anticipatis opinionibus non occupata facile veritatem perspicere possit: tamen, quod in hac naturæ humanæ caligine fieri solet, reperiuntur, quibus aliud placet, quorum opiniones & argumenta contraria omnino perpendenda sunt.

Primum, quod multos, ne veritatem hanc agnoscerent, turbauit, est, quod neque in feminibus plantarum, neque in ouis, neque conceptu imperfe

imperfecto, operationes, quæ plantæ perfectæ, vel animalia perfectæ edunt, apparent. Verùm iis *Anima duobus modis inest.* ipsis non ignotum est, differre actum primum & secundum, neque à negatione actus secundi ad negationem actus primi argumentandum esse. Est enim animæ essentia in semine actu primo, neque vlla ratione monstrari potest, quod postea eandem aliunde accipiat: saltem actus secundus semini deest; cum careat instrumentis expressis ad operationes necessariis, quæ tamen apparandi potestatem habet. Atque ita deest semini saltem illa à corporis, & partium corporis structura, non illa, quæ ab anima est, perfectio. Imò nec in plantis perfectis à negatione actus secundi ad negationem actus primi argumentari licet; id quod in arboribus & plantis aliis perennantibus tempore hiberno videre est, in quibus nulla operatio manifesta est: anima tamen reuera in iis adest.

Alterum, quod Galenum offendit, est, quod fa- *Natura* cultas vegetans *ἢ μόνον ἢ θεὸν, ἀλλὰ καὶ παντάπασιν* *vis unde* ἀλογος, non solum non sapiens, sed & omnimodo rationis expers, opus tam admirandum, in quo τέχνη, καὶ σοφία μεγίστη, ars & sapientia maxima, apparent, & quod ἀνευ θεωρίας τε, καὶ δυνατοτάτης διμικροῦ, sine sapientissimo & potentissimo artifice, fieri non potest, efficere non posse videtur. Verùm nemo hoc mirabitur, qui nouit, animam quidem proximam & principalem harum operationum causam esse, eam tamen vim non à se habere, sed à Creatore sapientissimo & potentissimo accepisse; unde etiā Scalig. *exerc. 188. & 359. sect. 11.* Naturā ordinariā Dei potestatem, & in Theophr. de caus. plant. cap. 1. Dei potestatem in

*Natura
quid.*

In caussis secundis, quibus ipse certas constituit præscriptiones, definit. Etenim, ut Thom. Erastus, *de occult. med. propriet. cap. 15.* scribit: Natura nihil aliud est, quam iussus ille Dei, per quem res omnes hoc sunt, quod sunt, & hoc agunt, quod agere iussæ sunt. Non enim existere duntaxat iussit Deus, verum etiam, ut seipsas ita propagarent, sicut ab ipso conditæ fuissent, imperavit. Et quid opus est Galenum admirari tam miranda à facultate formatrice fieri, cum in ipsis elementis non minùs mira observare potuisset? Mouentur elementa secundùm lineam perpendicularem rectam, sursum & deorsum, etsi, quid linea perpendiculis sit, non sciant; quia Deus ipsis hanc vim indidit.

*An ani-
ma non
possit esse
nisi in
corpore
organico.*

Tertium, quod multos mouit, est hoc, quod putant, subiectum animæ non posse esse, nisi corpus organicum. Verùm quod ad animæ receptionem corpus organicum non requiratur, multa sunt, quæ probant. Primò enim, cum ad organicam constitutionem requiratur certa partium quantitas, numerus, figura, situs; hæc omnia ad formarum receptionem necessaria non sunt. Formæ enim, quales & animæ sunt, cum per se quantæ non sint; in materiam recipiuntur sine ulla quantitate & figura. Et manifestè hoc videmus in plantis, in quibus quantitates & figuræ variè mutantur, manente eadem animâ. Alia enim est quantitas & figura germinis è semine primò pullulantis, alia proceræ postea arboris. Tempore hiberno in hortis caules emoriuntur, manente radice salua, atque in eâ animâ. Deinde, figura corporum est effectus formarum & animarum.

Ergo

Ergo non est præuia ad eas dispositio. Forma enim ipsa est, quæ terminat quantitatem sui corporis, & quælibet anima suo corpori determinatam figuram inducit, eamque in nutritione & augmentatione conseruat; vnde tot figuræ, & tot magnitudines sunt corporum viuentium, quot sunt animarum differentię, aliamque magnitudinem & figuram habet rosa, aliam quercus, aliam abies, aliam perdix, aliam gallina aliam pavo. Tertiò, anima per se & primò est in partibus, quatenus sunt similes, & non quatenus organicę. In organicis verò saltem est, quatenus constant è similibus. At similes partes, vt tales, nullam certam figuram habent: & proinde anima non est in iis, vt certam figuram vel quantitatem habent, sed saltem quatenus tales sunt. Nimirum anima est in osse, non quatenus dens, tibia, vlna, talus, sed quatenus os, & omnibus æquè inest. Ideòque etsi in fracturis, in quibus ossa aliam, quàm naturaliter habent, figuram sæpe acquirunt, manet nihilominus anima, & æquè postea est in callo, etiam nimis magno, atque in osse antea integro. Vnde & in nutritione in alimentum nullâ figurâ prædium introducit, & sufficit, vt hoc saltem, vel illud temperamentum & constitutionem similem habeat. Atque ita organica dispositio non est necessaria ad actum primum, sed solum ad actum secundum seu operationes edendas. Neque corpus, vt organicum, simpliciter est subiectum adæquatum animæ, sed tum solum corpus organicum, quando iam corpus perfectum est, & debet operari, & suis operationibus se in vita conseruare. Et organa requiruntur ad operandum,

Forma determinat quantitates & figuras.

Anima est in partibus, quatenus similes.

non ad essendum simpliciter, & tum solùm necessaria sunt ad essendum, cùm Esse sine operationibus non potest conseruari; quoc accidit, quando corpus iam ad statum perfectum est deductum. Figura verò & organizatio, vt nonnulli loquuntur, est posterior animâ, non prior; & proinde non est dispositio ad animam suscipiendam necessaria. Præterea dispositiones ad formam sunt immutabiles. At figura & organizatio in viuentibus non est immutabilis. Patet vtrumque in animalibus & plantis. Terminus, quem omnes, qui animam infundi statuunt, longissimum ponunt, est dies quadragesimus. At eo tempore adhuc rudis est partium delineatio. Quid verò de brutis dicetur, quibus animam infundi nemo docet? Annon ibi anima est, primis statim conceptûs diebus. At quantum temporis progressu figura corporis mutatur? Et multò magis in plantis hoc accidit. Primis enim diebus, vbi plantæ iam è semine pululare & geminare incipiunt, tam rudis adhuc est plantæ conformatio, vt non nisi à peritissimis Botaniciis agnoscat, hanc vel illam plantam esse, quæ postea temporis progressu multis modis mutatur.

Neque vllius momenti est, quod Sanctacru-
ziz hîc obiicit, cùm animæ sint nobiliores, quàm
formæ elementorum & mixtorum simpliciter,
etiam nobiliorem & configurationem & forma-
tionem requirere, & quo viuentia sunt nobiliora,
eò etiam nobilius postulare corpus, atque hinc
tot & tam varias figuras plantarum & animalium
ortum habere. Verum quidem est, viuentia omnia
propter diuersas, quas perficere debent, opera-
tione

tiones diuersa requirere organa; & propterea aliter formari plantas, aliter animalia, & quidem singulas species pro formarum nobilitate aliter figurari: sed non sequitur inde, figuras illas ad organorum constructionem ante animæ introductionē requiri, & esse dispositionem ad introductionem animæ necessariam; quia, vt dictum, illa organorum omnium formatio non ad esse simpliciter, sed ad melius esse & operationes saltem est necessaria. Et si ij qui tam acriter ad animæ præsentiam corporis conformationem organicam necessariam esse putant, ea, quæ quotidie in rerum Natura fiunt, animaduernerent, longè aliter sentirent. Docuit satis libris doctissimis, *de spont. viuent. ortu*. Fort. Licetus, in Gymnasio Patauino Professor clarissimus, in materia longè viliore & ignobiliorē, quàm vllum semen putari possit, animam saluam quoad essentiam, et si iis, quæ ad actum secundum necessaria sunt, destituatur, permanere posse; quæ tandem materiam idoneam nacta, sese rursus exferat, & in plantam vel animal emergat: de quo postea, *de spont. viu. ortu*, dicetur.

Quartò, nonnulli hoc argumento vtuntur, quod etiam est quintum argumentum Th. Fieni, *quest. 6. de form. fœtus*, quod tanti facit Alphonsus à Caranza, Ictus Hispanus, *in tract. de part. naturali & legitimo, cap. 1. p. 44.* vt illud singulare & irreprehensibile, & quod penitus contrariam sententiam euertat, nominet, ideòque ad literam proponendum ducit. Cuius verba & nos integra adscribemus, vt Lectori pateat, an tanta eius argumenti vis sit, quanta à Caranza habetur. Ita autem ille: Si in semine esset principium

*An semē
agat in
seipsum.*

actiuum conformationis, seu generationis, vt alij confundunt, semen ageret in seipsum; at nihil agit in seipsum, vt docet Aristoteles, 1. *generat. & corrupt.* c. 7. Ergò. Quia, si ageret aliquid in seipsum, esset agens & patiens, actu & potentia respectu eiusdem; quod est impossibile. Secundò, quia esset destructiuum sui ipsius & maximè semen: quia illa actio eius tenderet per se ad destructionem ipsius. Tenderet enim ad generationem viuientis, quæ fieri non potest absque seminis destructione. Scotus, in 2. *sent. distinct.* 18. in fin. postquam dixisset, semen non esse principium actiuum vltimæ formæ, scilicet animæ rationalis, quærit, an saltem possit esse principium præuium alteratiuum corporis organici, quod generatur: & cōcludit, quod non; & inter alias hanc ponit rationem: quia, inquit, sequeretur hoc absurdū, quod aliquid ageret in seipsum: quod argumentum tanti fecit, vt coactius dixerit, pro inueniendo principio cōformationis ad virtutem diuinam ac cœlestem esse confugiendum. Ad saluandum hoc argumentum communiter solet responderi, in semine esse diuersas substantias: vnā tenuem & spirituosam, aliam crassam & terrestrem. In illa residere virtutem actiuam; hanc esse materiam & principium passiuum: & illam virtutem actiuam ex spirituosâ parte agere in partem seminis crassiorem, tanquam in materiam; & hâc ratione vnum & idem non agere in seipsum, sed in diuersum, nec vnū & idem habere rationem principij actiui & passiui respectu eiusdē, sed solū respectu diuersorum; quod non est absurdum. Actiuum illud principium seu illam virtutem, residere in spiritu seminis,

feminis, docet Aristoteles, 2. de gener. cap. 3. his verbis: *Inest in semine, quod facit, ut fecunda sint semina, videlicet quod calor vocatur; idq; non ignis, non talis facultas aliqua, sed spiritus, qui in semine, spumosoq; corpore continetur, & natura, quæ in semine est, respondens elemento stellarum.* Idem docet D. Thomas. 1. part. q. 118. art. 4. ad 3. his verbis: *Et ideo non oportet, quod vis illa æterna habeat aliquod organum in actu, sed fundatur in ipso spiritu incluso in semine, quod est spumoso, ut testatur eius albedo.* Quæ eadem dicit, 2. contra gentes, cap. 89. & nonnullis aliis locis. Verum solutio non valet, & in rei veritate nõ est, nisi mera euasio, inuenta ad argumenti elusionem. Quia nõ est verum talem virtutem in spiritu seminis residere. Quod probatur primò, quia spiritus qui in semine est, vel est pars essentialis eius, vel nõ est. Si est, sequeretur, vnam partem essentialem alicuius entis esse destrutiuam alterius partis essentialis eiusdem. Hoc esse non potest, primò, quia infinitæ inueniuntur res in mundo constantes diuersis ac heterogeneis partibus, in quibus tamen non videtur vna vnquam destruere alteram, seu vna esse ordinata ad destructionem alterius. Etenim si vna esset ordinata ad destructionem alterius, sequeretur, quod esset ordinata ad destructionem totius, & consequenter sui ipsius. Vnã n. parte essentiali destructâ totum destruitur. At contra est: quia partes essentielles vnius entis nõ sunt comparatæ ad pugnandum inter se, seu se mutuò destruendum, sed vt cõcordi nexu colligetur, & amica vnione valeat formam sustentare: & forma vicissim comparata est, vt partes illas teneat vnitas, & regat, ne à se mutuò

secedant , vel se mutuò destruant. Nisi enim ita esset, nunquam posset forma in rebus heterogeneis vel ad minimum tēpus subsistere ac permanere. Accedit , quòd actio omnis promanet ab ente toto, & ab ente perfecto, & à supposito; partes autem essentielles vnius entis non sunt ens totum, neque ens perfectum, nec suppositum : & ita per se non agunt. *Hac Fienus.*

*Anima
primum
agens in
semine.*

Verùm tanti non est hoc argumentum quantū id æstimat Caranza. Primò enim sciendum , propriè loquendo non semen esse causam conformationis, sed animam quæ est in semine. Atq; ita dum è semine corpus viuens formatur , non idem agit in seipsum. Sūt n. in semine duæ partes: Anima, & corpus seminis. Agens autem primum est anima, quæ non in seipsam agit, sed in subiectam sibi materiam, corpus scilicet seminis, & præterea in sanguinem maternum, quem in animalibus ad fœtus formationem attrahit, in plâtis verò in alimentum , quod è terra allicit. Et licèt , vbi animal vel planta generatur, semen esse desinit : tamen ea generatio non est corruptio , sed perfectio, & corpus illud, quod semen appellatur dum in plantam vel animam abit , in statum nobiliorē deducitur & perficitur , & , vt Iul. C. Scaliger , *exerc. 268.* loquitur, neque dicitur semen aliter corrumpi, nisi quia desinit esse, quomodo erat, scilicet potentix , & fit , quomodo non erat , id est actu. Est autem materia eadem cum principio formali , cui nihil aliud additur, quàm organorum expressio, quæ confusa prius erant. Atque dum ita ex semine fit planta vel animal , non ipsum seminis corpus in alium statum se transfert,

Dua partes in semine.

fert, sed ab anima in eo latente in illum promouetur. Neque, quod putat Fienus, qui hæc omnia diligenter perpenderit, illâ responsione utetur, quâ affert, & refutate conatur Fienus, quod duæ diuersæ substantiæ sint in semine, vna tenuis & spirituosâ; altera crassa & terrestris: atque in i'la resideat virtus actiua; hæc sit materia & principium passiuum. Spiritus iste equidem inest in seminibus, sed non primaria causa est. Quod verò spiritus in semine negare audet, vix satis mirari possum, & rationes, quibus id probare vult, planè leues sunt. Primò enim spiritus ille, qui semini, vt pars essentialis inest, non ad eius destructionem, sed perfectionem tendit. Falsum etiam est, quod omnis actio promanet ab ente toto. An enim nulla animæ in corpus, quod informat, est actio? Quod verò in reliquis viuètiis seminibus spiritum inesse negat, id postea refutabitur.

Quintò offendit & hoc non neminem, quod putant, hoc modo tolli distinctionem inter causas internas & externas: quarum illæ sunt materia & forma; hæc finis & efficiens: & efficientium causarum nullâ vnquam ingredi essentiam effecti statuunt; atque animalia in generatione neque ex materia propria, neque ex sua forma producere semen, sed semen generari ex sanguinis & spirituum mistura in testibus, hominèmq; non generare suæ essentiae communicatione, sed per suam formam, tanquam causam efficientem. Verùm enim verò doctrina ista de animarum propagatione nullo modo distinctionem causarum tollit. Est enim Philosophiæ tyronibus notum, eandem essentiam & formæ & efficientis ratione fungi

*An causa efficiens
semper sit
externa?*

posse; formę, dum materiam informat; efficientis, dum omnium, quę in composito fiunt, actionum causa est. Reliqua petitiones principij sunt, & dicuntur, non probantur. Mihi potior Zabarelle sententia, qui. *de facult. anim. cap. 11.* scribit: *Viuentia, dum generant sibi simile, largiri & communicare aliquid de suamet materia, & aliquid de suamet forma, quatenus exhibent semen animatum, ac vitali eadem facultate, qua in generante erat, pradiunt.* Etsi enim nullam sui corporis partem communicant; tamen illam ipsam materiam, ę qua ipsa nutriuntur, sed in nobiliorem substantiam mutatam, communicant. Quod verò plerisque in hunc errorem induxit, est hoc, quod viuentia eodem modo generari putant, quo artificialia ab externo agente producuntur. Verum longę alia ratio est artificialium & naturalium. Omnis enim artifex nihil de suo communicat: at viuentia, quę sibi specie simile generant, id non præstare possunt, nisi suam essentiam communicent.

*Artificis
& natu-
ra diffe-
rentia.*

*An ani-
ma mi-
gret de
subiecto
in subie-
ctum.*

Sexto, nec id alicuius momenti est, quod putant, si per traducem generatio fieret, quod migraret anima in aliam materiam, vt subiectum, aut esset per se diuisibilis. Etenim sicut in augmentatione, & dum ex glande fit ardua quercus, anima, dum sese nouę materię communicat, non transit de subiecto in subiectum, sed eadem manens, sese nouę materię communicat: ita dum anima sese semini communicat, non migrat de subiecto in subiectum, sed eadem in generante manens, sese in semę diffundit. Neque etiam propterea per se est diuisibilis. Vt n. dum a planta radix vel surculus auellitur, ę quo in terram immisso fit noua

*Anima
non est
diuisibi-
lis.*

noua planta, plantæ prioris anima minor non fit, sed eadem integra manet: ita etiam dum semini à generante anima cōmunicatur, anima generantis non minor fit. sed eadem manet. Neq; vlla hīc est diuersitas inter radicem & surculum à planta auulsum, & semen. Varia enim est propagationis plantarum ratio. Et quod radix vel surculus sit animatus, non verò semen, dicitur, sed non probatur. Et si enim semen non est pars, vt radix vel surculus: fructus tamen est plantæ qui æquē, vt partes animatæ sunt, animatus est, imò excellentiore modo animam continet.

Septimò obiiciunt, multi & hoc, quòd si semen plantæ esset animatum, esset iam planta essentialiter. At si esset essentialiter planta, cū è terra crescit, nulla fieret plātæ generatio, & ita in arbore & herba illa, in qua semen productum est, facta esset generatio, & in arbore vel herba generaretur arbor vel herba, non in terra, quod absurdum.

*An semē
sit plāta.*

Verū cōceditur suo sensu totū argumentum, & quod absurdū putatur, nullo modo absurdum est; modò rectè explicetur. Equidem seminis in viuēte generatio generationē non absoluit; primariū tamen & primum opus, quod ad generationē necessariū, est seminalis materiæ elaboratio, vt idoneum subiectū sit, cum quo anima propagari possit, & animæ materiæ illi elaboratæ cōmunicatio. Postea tamen pertinet ad generationē, & hoc, vt semen illud, quod à generante animā accepit, nō amplius generatū cohæreat; sed ab ipso separetur, & quod antea vnum eiusdem speciei indiuiduū fuit, iam plura fiant. Quod dum fit, dicitur reuerā generare arbor vel herba, non cum planta è terra

*Quæ ad
genera-
tionē re-
quirātur.*

Genera-
tio quādo
fiat.

Forma
quot mo-
dis sit in
re

crescit. Et cum è terra planta crescit, non est eius generatio, sed plātæ in actu imperfecto cōstitutæ ad actum perfectum deductio. Neque curandum est, ut ipse Fienus, etsi aliàs in hac quæstione sit contrariæ sententiæ, *quæst. 5. conclus. 6.* scribit, quid vulgus appellet generationem, aut non appellet, quidvè eius intelligentiæ, sed quid rectæ rationi & veritati sit consentaneum. Vulgus enim Philosophiæ est ignarum, nescitque, ubi, & quando fiat verè productio formæ plantæ, & essentialis generatio; & nescit distinguere inter actum primum & secundum; inter imperfectum & perfectum, & ideo vnū pro alio sumit, & tum primum putat plātam generari, quando iam perficitur, & operatur, & quando iam radices & folia producit, quorum productio non est ipsa plantæ generatio, sed iam genitæ operatio & perfectio. Et ipse Aristoteles semen, & id, à quo genitum est, synonyma vocat. Distinguendum igitur est inter actum entitativū & formalem, & formalem secundum quid, & simpliciter. Tum enim actu perfectio forma dicitur præsens, cum habet omnia organa ad actiones edendas necessaria, non verò cum est in parte aut materia seminis, & eā nondum omnibus organis instructa. Aliàs enim ramus abietis, in quo animā esse negari non potest, dicendus esset abies; pes hominis, homo. Ideoque à præsentia formæ ad denominationem formati non licet argumentari, sed tum demum rectè dicitur quid esse animal vel viuens aliud, cum anima est in subiecto suo rectè disposito, ut operationes suæ speciei edere possit.

E quibus Octauò & eorum obiectio facile
solui

soluitur, qui inquit, si semen esset actu anima-
tum, semen papaueris esset papauer, semen canis
esset canis. Etenim species rerum naturalium non
denominantur ab essentiali ratione, quam forma
dat, sed ab ea constitutione, quâ sunt species mun-
di sensibiles. Quapropter etsi vna secundum for-
mam sit essentia seminis canis & canis : tamen
quia alia seminis, alia canis secundum partes cor-
poreas & sensiles constitutio, semen non appel-
latur canis, sed semen canis. Eodem modo etsi
vna anima est in bombyce & papilione : tamen
bombyx non appellatur papilio, nisi dum sit vo-
lucris.

Nonò inquit, si semen esset animatum, vi-
ueret, si viueret, nutriretur : Omne enim viuens
quamdiu viuit, nutritur, teste Aristotele, *de respir. uat.*
c. ult. Quia verò semina reposita in horreo, gra-
nario, vel cistis & capsulis inclusa, non nutriuntur,
non viuunt etiam, & proinde nec animata sunt.
Verùm vita dupliciter sumitur, vel pro actu pri-
mo, seu ipso Esse viuentium, vel pro secundo, id
est, pro operari. Viuunt semina actu primo, sed non
necessariò secundo, neque necessariò actiones vi-
uentium exercent. Et locus Aristotelis saltem in-
telligendus est de viuentibus iam perfectè con-
formatis. Interim tamen anima in semine non
planè otiosa est, sed ipsa viuificat, vnde tamdiu se-
mina sunt fœcunda, quamdiu animam habent:
postquam verò animam amiserunt, emortua sunt
& infœcunda. Neque animæ operationes solâ nu-
tritione absoluuntur, sed sunt & aliæ eiusdem ope-
rationes, vt cōformatio. Quâprimùm tamē aliqua
facta est cōformatio, & quamprimùm locum &
materiam

*An se-
men sit
animal.*

*An se-
men vi-*

*Vita quom-
modis di-
catur.*

materiam idoneam nata est, anima nutrimentum pro corporis sui formatione & nutritione statim attrahit

An semē
sit ani-
matum
potētia,

Atque ita in genere probatum esse puto, animam semini inesse, & conformationis corporis animati causā esse, omnibūque obiectionibus satisfactum arbitror. Nonnulli tamen cum solidam vllā rationē vix possint nostræ sententiæ obijcere, ad Aristotelis auctoritatem sed malè intellectam, confugiunt, aiuntq; Aristotelem scripsisse, semen esse animatū potentiā, & proinde nō actu animā in semine inesse. Verū rectè hīc respōdet Clariss. Casp. Hoffmannus, *tr. de orig. form.* Aristotelem semini tribuere actū. vt hominis sit valde imperiti, vrgere tantū illa loca, quibus *δυνάμει* ait esse. Adducentur tamen adhuc plures rationes in sequentibus capitibus, in quibus in specie de viuentiū, putā de plantarum, animaliumq; generatione dicetur, & quæ hætenus allatæ sunt, declarabuntur & roborabuntur, & si quæ adhuc obiici possunt, soluentur.

Videatur etiam hāc de re laudatus modò Dn. Doctor Caspar Hoffmannus, qui in *tract. de form. origin.* libris de generat. hom. adiecto, eandem sententiam firmissimis rationib. probat, & contrariam opinionem Bonamici, Conimbricensium, Petri Fonseca, Franc. Suarez, Ant. Ruuio, Benedicti, Pererij Franc. Vicomercati, Frideric. Pendasij, solidè refutat. Et omnino quod is de Conimbricēsis fert iudicium, id de omnibus, qui educationem animæ è potentia materiæ defendunt, & semina actu animata esse negant, verissimum est. Ne dicam, inquit, eos multa miscere
non

non Physica, distinctiones comminiscuntur tantum non ineptas, conditiones ponunt alieno loco, difficultates maximas ne extremo quidem digito attingunt: Breuiter, rem implicant, non explicant.

Cæterum vitur anima in actione ista & corporis conformatione, subinde spiritu, qui est in semine, & vt fecunda sint semina, facit, & elemento stellarum respondet, vt Aristoteles 2. de *gen. c. 3.* docet. Et quamdiu spiritus iste est in seminibus, tamdiu est anima vt in *δικαία ὕλη*: quamprimùm verò spiritus iste euanescit, etiam anima in semine perdurare non potest, & semina infecunda fiunt. Quem spiritum, quòd agnoscere non potuerit Fienus, miror. Certè, si demulatione chymicà è siccis seminibus spiritus, qui flammam quoque concipiunt, elici vidisset, non retinisset, *de formatr. fæt. quæst. 6.* Quæ substantia spiritus est in seminib. plantarum iam diu in ferinio custoditis & siccatis, & interim adhuc fecundis?

Obiicit ille quidem. in *Apol. aduersus Sanctacruzum, pag. 99.* Si, inquit, in plantis spiritus sunt, quo loco generantur? Debet enim, vt in animalibus, ita & in ipsis plantis locus aliquis designari, in quo scaturiant, & ex quo in plantam influant. Deinde inquit: non est spiritus, vbi non est calor actu. Nam si esset, utique aliquo modo sentiretur. Etenim qualitas tangibilis est proprium tactus obiectum. Ergo vbi est, necessariò percipi debet. Quomodo ergo in magno cumulo herbarum, in maximo aceruo seminum, frumentorum, leguminum, non aliquis saltem, exiguus perci

Anima
in corfor-
matione
corporis
spiritu
vitur.

Aspici-
tus sit in
semine
hu-

perciperetur. Tertiò, calor & frigus sunt qualitates contrariæ, & sui mutuò destructiue, & maior ac intensior superat & corrumpit minorem; quomodo ergo ille in tam multis plantis tota hyeme perdurantibus, à frigore externo non extingueretur? Extinguitur enim ab externo frigore hiberno calor infinitorum animalium longè maior, cur non extingueretur & plantarum, si in ipsis aliquis esset?

Verùm leuia hæc sunt, ac tanto vito indigna. Primò enim non est opus, vt locus aliquis vel cauitas sit in plantis, in qua spiritus ille generetur, vt fit in animalibus: Sicut enim neque quid, quod ventriculo vel epati, in quo nutrimentum animalium generatur, respondeat, habent, sed vis illa nutritiua per totum corpus diffusa est: ita etiam spiritus ille in toto plantarum corpore generatur. Et si quis omnino statuat, in radice, vel trunco potius, vt alimentum, ita & spiritum potissimum elaborari, ille nihil absurdi statueret. Et dari talem partem in plantis adhuc tenellis, manifestum est, vt ex brassica, & aliis plurimis apparet. Nam quamuis tempore verno à pruina vel frigore folia ita lædantur, vt emoriantur: tamen, si pars illa, quæ in medulla est, quàmque Germani Cor appellant, salua maneat, planta sese recolligit, & iterum crescit. Si verò & illa pars læsa sit, planta tota emoritur. Et si enim, quod obiicit Fienus, rami ab arbore abscissi crescunt: tamen huic sententiæ hoc non obest. Vt enim animæ illæ ad subiecti diuisionem sunt suo modo diuisibiles: ita & spiritus, qui animæ proprium subiectum constituunt.

Secundò

Secundò nullius etiam momenti est, quod dicit: vbi non est calor, ibi non esse spiritum; calorem verò, vbi est, necessariò sentiri. Annon in spiritu vini est spiritus? sed an actu sentitur? Annon in omnibus mixtis est ignis? An verò actu omnia calida sunt? Nullo modo. Etenim, vt rectè Zabarella, *lib. 2. de mist. gen. & inter. cap. 9.* docet, qualitates in mistis à contrariorum temperatione quodammodo absconduntur, ita vt neutra distinctè sentiat. Neque valet quod obicit, si in vna planta non sentitur, in magno cumulo & aceruo earum sentiri deberet. Etenim eadem est mistionis natura & proportio in magno plantarum cumulo, quæ in vna planta. An verò non vidit Fienus, qui calor excitetur, si cumulus talis plantarum putrescere, aut seminis aceruus germinare incipiat? Certè in granariis, etiam frigidissimæ hyemis tempore, seminum acerui, qui paulò longiori tempore rutabulo commoti & deducti non fuerent, calorem haud exiguum concipiunt, qui manu admotà deprehendi potest. Imò illa ipsa semina diutius non commota tandem germinant.

Tertiò, quod spiritus ille & calor in plantis quibusdam (neque enim omnes frigore hiberno perdurant) extinguitur, mistionis ratio hoc facit. Alia enim est mistionis ratio in animalibus, & quidem his & illis, alia in hac vel illa planta. Anseres nudis pedibus in glacie ambulant: homo non potest. Rosmarinus leui frigore læditur, non abies. Aliquam tamen occultam & elemento stellarum analogam qualitatem concurre, facile Fieno largior.

CAPVT VIII.

De Plantarum generatione & propagatione.

ATque hæc in genere de animarum origine dicta sint: monstratumque fatis, omnia viuentia per semina sese multiplicare, & in semine esse animam, quæ à generante in generatum transfunditur & traducitur. Quæ tamen vt clariora fiant, libet idem per viuentium genera in specie demonstrare. Sunt autem viuentium genera duo, plantæ & animalia: quæ diuersum etiam propagationis modum habent. Est enim in viuentibus aliis sexus, in aliis non est. In iis, in quibus sexus non est, vnum semen sufficit, quod est corpus ita à generante elaboratum & dispositum, vt vbi perfectum est, à generante separati, integrum subsistere, & cum eo anima generantis in generatum transferri possit. Et tum generat arbor, cum producit semen. vt Scaliger, *exerc. 6. sect. 10.* ait. Semen autem hoc animatum esse, ex rationibus capite præcedente propositis patet, & id tam clarum est, vt rei euidentiâ conuictus Ioh. Gallego de la Setna, Hispanus, semina plantarum animata esse, concedere necesse habeat, *de princip. gener. lib. 2. cap. 6.* (etsi animalium semina animata esse negat) scribatque, hanc sententiam firmissimis Philosophiæ principiis ita niti, vt iis intellectis nullus ferè Philosophus ipsam possit negare. Et sanè sunt firmissimæ rationes, quibus probatur, semen plantarum animatum esse. Etenim primò ita comparatum est, vt à generante separatum integrum

Viuentia
quotupli-
cia.

Semen
planta-
rum est
anima-
tum.

integrum & vegetum subsistere possit, etsi aliud longiori tempore, aliud breviori; quod aliæ partes à plantis auulsæ plerumque non faciunt: quæ statim emoriuntur. Deinde quamprimum à calore Solis, imò etiam ignis, tempore hiberno in hypocausto fouetur, & idoneam materiam inuenit, vel etiâ aquam saltem, si eâ humectet, ut in malti ex hordeo cōfectione pro ceruisia coquendâ patet, sese exserere incipit, ac primò radicem protrudit, per quam postea attrahit alimentum, & corpus plantæ ei simile, à qua decisum est, format. Quæ *Formatio plantarū mira.* corporis platarum formatio non minus admiranda est, quàm animalium generatio. Ita enim materiam cuique parti, radicibus, fructibus, floribus utilem attrahit, omnibus partibus suam magnitudinem, figuram, situm, colorē in certa symmetria dat, ut nullus Geometra vel pictor artificium istud assequi possit. Præterea cum videamus, plantas non solum per radices, & exiguum surculum salicis, particulam ex radice lupuli & aco-ri abscissam, in similem plantam excrescere, animâ cum parte cohærente auulsâ; & manifestum sit, ex surculo salicis vel vitis, vel alterius arboris, etsi in eo non sit radix, & omnes plantæ partes, imò in ficu Indica ex solo folio, integram plantam formari, neque alia formationis novæ causâ dari possit, quàm anima cum parte plantæ à priore planta auulsâ: cur non etiam ex semine eodem modo plantam formari statuamus; Neque enim credibile est, reliquas omnes plantarum productiones fieri per animæ à priore plantâ communicationem, solam verò eam, quæ per semen fit, fieri sine anima in semine præsentē; sed vero

magis consentaneum est, quòd, sicut, dum radices, bulbi, surculi, rami terræ committuntur, non inde accipiunt animam, sed eâ, quam actu habent, se ipsa, necessarias partes & organa producendo, perficiunt: ita eodem modo in semine sese res habeat. Imò multo magis in semine hoc accidere putandum est, utpote quod hâc ipsa de causâ à planta generatur, & dispositionem pro conseruatione & propagatione animæ necessariam longè perfectiorem habet, quàm radices vel surculi; sicut mirandum naturæ artificium in multis seminibus apparet. Est equidem quidam qui hoc modo animæ propagationis modum declarari non putat, hac de causâ quod in accretione, quidquid accrescit, sit pars corporis, pars autem eadem anima cum toto prædita esse debeat: semen verò non sit pars corporis, nec toti cohæreat. Verùm etsi negandum non sit, semen plantæ, cum non eo fine generatum sit, ut in planta maneat, nec ipsi semper cohæreat, sed ab ea separari possit, non esse partem plantæ: fructus tamen est, qui æquè animatus, imò nobiliori modo animatus est, quàm partes, utpote per quem anima propagari potest; quod in animalibus per partes fieri non potest, Interim manet certum, quòd, sicut, dum anima in nouam materiam promouetur, ipsa non sit maior vel minor: ita etiam dum cum semine anima propagatur, parentis anima non fiat minor.

*Propagatio-
tionis
plantarū
uarij mo-
di.*

Notandum enim hîc, non eundem in plantis esse propagationis modum; quo obseruato facile explicari potest, quod nonnullos dubios facit & inter eos etiam Fr. Vallesium, *de sacr. Philosop.*

cap.

cap. 1. quâ ratione illud *Gen. 1. vers. 11.* verum sit, quod scribitur, DEVM iussisse, vt terra plantas germinet, facientes fructum, & habentes semen iuxta speciem suam; cùm tamen salix, filix, & aliæ plantæ plurimæ nullum semen proferant. Neque enim seminalis ratio in plantis eadem est, nec in fructibus ac folliculis saltem includit semen, sed in quibusdam tantum hoc accidit, in aliis illa virtus seminalis in aliis partibus hæret, & quidem nunc in vnica, nunc in pluribus, nunc in diuersis. Papauer, v.g. saltē semine propagatur, non radice vel caule, vel folio. Eodem modo se res habet in lactuca, & aliis plurimis. Rosmarinus & semine & surculis propagatur, vt & pyrus, pomus: radice lupulus: folio ficus Indica: radice & semine cæpæ & bulbosæ pleraque: Surculis, in quibus gēme sunt vitis, salix, & alia. Sunt & quibus vis seminalis est in lacryma. Prout enim animæ sunt nobiliores vel ignobiliore, ita etiam ad sui multiplicationē materiam, in quâ virtus seminalis propagatur, nobiliorem vel ignobiliorem requirunt. Hinc adeo accidit, vt fungi, cùm sint omnium plantarum ignobilissimæ, etiam, si eorum decoctum arborum radicibus effundatur, generentur. Imò cum inundationibus aquarum & pluuiis seminalis illa materia transferri potest, sicut Theophrastus, *lib. 1. de causis plant. cap. 5.* narrat, laserem aliquando in Apturæ ortum ex imbre quodam crasso, cùm eâ parte mundi nunquam fuisset, atque ibidem syluam quandam ingentem profuissse aliquādo, sibi nulla antea fuisset. Vt rectē de talibus, quæ spontē è terra nasci creduntur, dicatur, latitare potius, quàm non esse seminis naturam, vt postea, de

Ex inundationibus aquarum & pluuiis planta nata.

*Formatio
plantarū
non soli
tribueda.*

spont. uiuent. ortu, dicitur. Neque facile dixerim cum Vallesio, esse vel animalia, vel plantas, quæ, etsi à principio facta non essent, possent deinceps ex mundi elementis naturaliter oriri. Nullam enim mundi elementa ad talem virtutem feminalem producendam vim habent. Neque est, ut quis formationem istam partium Solis calori tribuat. Non enim fit hæc formatio solum vbi planta à calore Solis, sed etiam vbi à calore ignis fouetur. Et formæ, non Solis est, quantitates seminare. Vtitur enim calore natura tanquam ministro aut instrumento, non tanquam legislatore aut opifice. Alioquin in plantis omnibus eadem quantitas produceretur, eademque figura. Omnibus enim Sol idem: à terra parentis penu idem; & contra euenire constat: ut Iul. Cæs. Scaliger, in 1. de plantis, scribit.

Neque etiam aliquem hic turbet id, quod Thomas Fienus, de format. fæt. quæst. 5. affert, ut etiam supra dictum, qui statuit, alio modo produci nouā plantam ex radice, ramo, vel folio, alio modo ex semine. Ex illis quidē non produci nouam plātā, sed ipsa, cum iam sint à planta amputata, esse nouam plantā, quia per abscissionem à toto iam habent animā vegetatiuā, multiplicatā per diuisionem, contrarium verò fieri in semine. Semen enim non esse nouam plantā, quia animā non habeat, sed fieri nouam plantā per animæ post plantationem in terra superuentum. Verū nulla hīc propagationis est diuersitas. Radix enim, surculus, folium, non est integra planta. & eodem modo, sicut per horum à tota plāta abscissionem anima multiplicatur per diuisionem, ita etiam
per

per feminis generationem & emissionem anima multiplicatur. Quod verò in radice, furculo, vel folio animam inesse concedit, in semine inesse negat, sine ratione facit. Cum enim in hoc eadem planè operationes appareant, quæ in illis: cur non animam æque in eo esse concedendum est? Et si in semine in terram coniecto non est anima, unde, quæso in eo postea producit & communicatur? Falsum etiam est, quod scribit, animam, quæ est in ramo, seu radice plantata, esse eandem numero cum ea, quæ est in arbore. Equidem fuit eadem numero, dum radix vel ramus esset in arbore; post abscissionem verò ab arbore per se existere cœpit; & diuersa numero facta est. Et si post abscissionem ab arbore, quod concedit Fienus, multiplicata est, numero differre cœpit. Miror etiam, quod Fienus semen plantarum animatum esse negat, cum tamen, vt, *cap. precedente*, dictum, *quæst. 5. conclus. 6.* expressè statuatur, feminis in terra conformationem non esse ipsam generationem essentialem, sed solum nouæ plantæ iam constitutæ, & in arbore genitæ perfectionem. Nulla enim plantæ in arbore generatio datur, quàm quando semen generatur.

*Multiplicatio in-
ra plan-
tarum.*

De plantarum autem semine duo hîc obseruanda: Primum est, multiplicationem illam, qua anima sese in prolem diffundit, maximè in plantis manifestam esse, & ferè infinitam. Vt de papauere, tritico Turcico, & aliis plurimis non dicam; Nicotiana ita sese multiplicat, vt, qui primò numero, hinc pondere (nam omnia semina numerare, infiniti laboris foret) seminum rationem inire, & numerum computare velit, ex vno

semine Tabaci plus quàm 300000. semina , & si omnia ista semina iterum secundo , & quæ ex his proueniūt, tertio anno serātut, plus quàm 100000. seminum myriadas prouenire inueniet. Tantum nimirum potuit benedictio illa Diuina: *Crescite & multiplicamini.*

Dua partes seminis in plantis. Deinde & hoc de seminibus plantarum notandum, in iis, vt in omnibus seminibus, duas esse partes, vnā primariā, & quæ sola seminis nomine digna; alteram, quæ saltem tegumenti loco est. Illa cōstat animā, quæ vitæ & formationis plantæ autor est, & materia, è qua prima plantæ rudimenta, radix sci icet, & prima germina constituuntur. Semina enim plantarum quocunque in loco humectata, & calore fota, extra terram quoque primum dehiscunt, & radículas protrudunt, postea etiam prima germina: integrum verò plantæ corpus, nisi è terra per radículas primas alimentum attrahatur, formari è semine non potest. Atq; ita hic etiam non est idem agens & patiens, sed anima formationis causa efficiens & agēs est, materia verò patitur. Illud autem, quod propriè semen in plantis est, & animam ac materiam è qua prima plantæ rudimenta formantur, habet, pulpa saltem est, quæ totius plantæ ideam & delineationē in se cōtinet Vulgò appellatur Corculū. Quæ pars si corrūpatur, nihil ex semine gignitur. Ideoq; formicæ erodere illam particulam ferūtur, ne semina congesta ab iis germinare incipiant. Cōtra etiam si reliquū corpus à vermibus erodatur, nihilominus germinat, modò cor saluū sit, vt in phaseolis, fabis & pisib; videre est. Ratione ergo pulpæ seminum accidit, vt reliqua seminis ita vulgo dicti pars,

Cortex seminis cur factus.

pars, cortex nimirum exterior, theca quasi saltem sit veri seminis, quæ pulpam seu verum semen contra externas iniurias tuetur, respondetque cortex ille exterior corticibus & putaminibus ac membranis ouorum. Cum enim semina plantarum non, ut animalium viuiparorum, in utero matris statim coniiciantur, sed sæpe diu extra terram, quæ ipsis matricis loco est, asseruentur, cortex hic contra externas iniurias semen illud internum defendet, ne, priusquam germinare incipiat, aut in ipsa prima germinatione ab externis causis occurrentibus lædatur.

C A P V T IX.

De Generatione & propagatione animalium in genere, & brutorum in specie.

POSTquam hæc in genere de origine viuentium, & postea plantarum dicta sunt, proximum est, ut de animalium propagatione, & primò quidem de brutis agamus. Vbi primò monendum est, nonnullos de animabus brutorum nimis humiliter, imò crasse sentire. Etenim sunt quidam, quorū intellectus ita elementis immersus est, ut supra ea nihil sapiant; & propterea omnia ex elementis deducere conantur & scribere audent, *An brutorū anima sint ex elementis.* brutorum animalium Individua prima totaliter, & secundū vtrāque partem, videlicet materiam & formam, ex elementis esse, & illa etiam, quæ continuā generatione ab iisdem producta
P 4 sunt

232 *Hypomn. IV. Cap. IX. De Gener. &*
sunt, ex elementis prouenire & esse, & bruta ani-
malia omnia & secundum corpus, & secundum ani-
mam per omnes generationes esse elemētaria, &
talia in omnem generationē duratura. Verum lō-
gè rectius Scaliger, *exerc. 307. f. 20. ex actionibus,*
quæ sunt supra vires elementorum, de animabus
etiam brutorum iudicauit. Etenim admirandæ &
stupendæ actiones in brutis apparent, quæ à nullo
elemento, vel natura ex elemētis constante, pro-
uenire possunt, sed à nobiliori principio depen-
dent. De Elephantorum ingenio & solertia tam
mira narratur, vt fidem penè superare videantur,
nisi à fide dignis viris, Plinio, *lib. 8. cap. 3. 4. 5.* Chri-
stophoro à Costa, & prolixè à Iusto Lipsio, *cen-
tur. 1. epist. 50.* recenserentur. Quàm mira in pace,
quàm stupenda in bello, præstet equus, pluribus
idem Lipsius, *centur. 3. ad Belgas, epist. 56.* narrat.
Quid Sybaritis cum suis equis saltare peritis eue-
nerit, historiæ docent. Et quis fidem deroget fide
dignissimo Scaligero, imò oculato testi, qui mi-
ram docilitatis in equo historiā habet, *exerc. 209.*
De Bucephalo Alexandri quis non tum ex Gel-
lio, tum aliis plurimis historicis mira legit? Canum
etiam quæ sit sagacitas, fides erga Dōminos, doci-
litas, à Plinio, Scaligero, Camerario, & Lipsio,
*cent. sing. ad Ital. & Hisp. 59. & cent. 1. ad Belgas
ep. 44.* imò quotidiana obseruatione notum est.
Quæ simiarum gesticulationes, & humanarum
actionū imitationis sint, nemini ignotum. Lepo-
rem inter canes didicisse sine noxa metuque ver-
sari, & cum canibus venatū abiisse, inter alia eius-
modi plurima testatur I. C. Scaliger, *exerc. 224.* In
auium genere columbastabelligeras allegat Iust.
Lipsius,

Mira bru-
torum in-
genia.

Lipſius, *ſupr. alleg. epiſt.* 59. *cent. ſing. ad Ital. & Hiſp.* Pſittacos ad humanâ vocem imitandâ aſſueſceri poſſe, quis ignorat. Imò idem in pica, philomela, ſturno fieri poſſe, teſtantur Martialis, Plutarch. Ovidius, Plinius, & multi alij. Grues certâ diſciplinâ peregrinari, & excubias agere, teſtantur *ὁρὶς ὁ γράφοι*. Apium & formicarum ingenium, & & induſtria vulgo innotuère. Artiſcioſiſſimarum araneæ operarû omnia tuguria plena ſunt. Intelligût ſua robora, arma & imbecillitates beſtiæ, norunt medicinas ſibi familiares. Quas mirâdas brutorum operationes qui à principio elementari deducere conantur, laterem lauant.

Vt verò operationes animalium quàm plantarum magis variæ & miræ ſunt: ita etiam operoſior eſt ipſorum propagatio. Equidem de differentiis, & eorum ortu vario omnia, quæ dici poſſunt, proponere nobis hîc propoſitum non eſt, ſed tantùm ea, quæ ad animæ propagationem monſtrandam ſufficiunt. Ad generationem autem in animalibus perfectioribus duplex generans requiritur, & neutrum ſeorſim ad generationem ſufficit; etſi de modo controuerſia ſit. Scio enim, quæ de hac re inter Ariſtotelicos & Medicos diſceptari ſolent, dum illi ſolùm ſemen paternum cauſſæ efficientis locum habere, fœminam verò ſaltem materiam præbere putant: hi verò fœminam etiam ſemen præbere, idque efficax & fœcundum, exiſtimant. Quam controuerſiam grauiffimam, cùm ſit proluxior, hoc loco ventilare non placet. Hoc certum eſt, nec marem ſolum, nec fœminam ſolam, ad generandum animal ſufficere, ſed vtrumque ad conſtitutionem ani-

*In animalibus
eſt ſexus.*

234 *Hypomn. IV. Cap. IX. De gener. &*
malis suum symbolum, quodcunque etiam illud
sit, conferre. Vnde etiam Empedocles, vt ex
Aristotele, 1. *de generat. animal. cap. 18.* patet, di-
xit, maris ac fœminę symbolum esse, totum verò à
neutro proficisci. Equidem, qui semen matris tan-
tū actiue in generatione concurrere statuunt, è
multis difficultatibus, quæ hîc obiiciuntur, facile
se expedire possunt. Medicis ramen plerisque con-
trarium placet, & vt ita sentiant, tum aliis causis,
tum similitudine natorum se adduci putant, quâ
fœtus modò patri similes sunt, non solum cum ex
eiusdem speciei animalibus animal generatur, sed
tum etiam, cū ex animalibus diuersę speciei
generatio fit, in quibus & paternę & maternę
animę opera manifestè apparent. Ita mulus ex
equa fit & asino; hinnus ex equo & asina; è tau-
ro & asino fortissimi muli; Indicus canis ex tigri-
de; canis Leontomigus ex leone; canis fortis ex
lupo & cane; Laconici canes ex cane & vulpe;
musmus ex capra & ariete; ex pardo & læna leo-
pardus, & alia plura animalia: de quibus I. Bapti-
sta Porta, l. 2. *Mag. Natural.* Hi tamen ipsi ex du-
biis obiectis sese non ita difficulter exsoluere
possunt. A Creatore enim hæc sancita lex est, vt
tanquam à duabus partialibus causis vnum prin-
cipium, & vna totalis causa emergat, à qua vnus
motus & *crispus* ad fœtus productionem, certo
tamen ordine se habens, proueniat. Neque quem
mystio est hîc animarum vel formarum mystio offendere
possibilis. debet, ob quædam ficta axiomata Metaphysica.
Mas & fœmina enim sunt eiusdem speciei, &
propterea tam non est absurdum, animam vtri-
usque seminis coniungi, quàm absurdum non
est,

Semen
etiā fœ-
minarum
est protu-
sicum.

Formarū
mystio est
possibilis.

est, duas flammās vniri. Animarum mixtionem non tam pro absurdo habuit Hippocrates, vt, *lib. 1. de vict. rat. text. 61.* εἰ δέ τις ἀμείδιον, ψυχὴν μὲν ἀποομιόγειται ψυχῇ, ἀφ' ὧν ἐστὶν. Si quis autem animam animā commisceri minimè sibi persuadeat, is ratione caret. Obiicit hic Fienus, *de format. fact. qu. 6.* Si semina miscerentur, & vtriusque actiones concurrerent, effectus eorum semper esset mixtus, & semper semimasculinus & semifœmininus, & nullus vnquam neque patrem neque matrem perfectè referens, sed semper medio modo sese habens. Præterea putat, impossibile videri, quòd illæ virtutes ita æquabiliter semper in vnū effectum possint conspirare, quin frequenter deuiarent, & pro vna parte frequenter facerent duas, vel pro duabus vnam, vnā scilicet conformatrice in hoc loco, & ex hac parte seminis, aliā in alio, & ex alia parte eas fabricari conante; & quia tandem frequentissimè monstra in natura euenirent. Ex hac difficultate, vt modò dixi, facile quidem sese Auctores & alij expediunt, qui in semine fœmineo nullum actiuum principium esse statuunt. Verùm & ii, qui etiam principium actiuum, & ita etiam vim conformatricem semini fœmineo inesse statuunt, huius argumenti solutionem habent. Sexum geminum Deum cōstituisse, & in omnibus animalib. masculum & fœminam creasse, certum est. Cur autem sexum constituere voluerit, eius sapientiæ notum. Fabulatur quidem Plato, in *Symposio*, initio nullum discrimen sexus inter homines fuisse, & omnes tum hermaphroditas fuisse, sed ob fastum & arrogantiam Deum hominem in duas partes, virum scilicet & fœminam,

236 *Hypomn. IV. Cap. IX. De gener. &*
fœminam, dissecuisse, & vtrumque sexum à se
inuicem ita decreuisse, vt alter sine alterius ad-
miniculo nihil quidquam ad sui conseruationem
moliri aut præstare posset. Verùm sexus non sal-
tem est in homine, sed & in aliis animalibus.

Ad obiectiones verò Fieni responderi potest,
vtriusque animæ coniunctæ semper apparere si-
gnum, & nullum esse animal, vt soboles non ali-
quo modo, siue in corporis formâ externâ, siue in
moribus & aliis vtrumque parentem referat; fie-
rique potest, vt fœrus mas sit, animo tamen ma-
trem repræsentet. Vt tamen semper æqualiter
vtrumque parentem referat, necessarium non est.
Si enim semen alterutrum fortius sit, eum paren-
tem, à quo prouenit, soboles magis referet. Nullo
verò modo necessarium est, vt error aliquis in
conformatione fiat, si animæ duæ coniunguntur.
Sunt enim eiusdem speciei, & sicut, vt modò di-
ctum, duæ flammæ, dum vniuntur, vnum, & inse-
parabilem effectum edunt, ita duæ animæ con-
iunctæ in vnum effectum conspirant. Sûntque
etiam huius rei exempla in plantis; de quo Scali-
ger, *exerc. 106. sect. 6.* ita scribit: *Maius tibi di-
cam, quod tibi scire præstiterit ad generationis mo-
dum perscrutandum, quam Cylindrorum omnium
iura inutilia persequi. Palmularum ossa tria serito,
totidem orientur inde palma, ita demum distincta,
vt erant ossa ipsa. Hi tres stipites actu vnum hoc,
quod est, existens sibi quisque, in vnum actu coibunt;
unica demum vno contenta stipite palma fient. At-
que ex iis ita, non alio satù, exit arbor illa, quemad-
modum prodit Theophrastus: vnus, inquam, stipes
numero, ex ternis truncis, ortu, materiâ, quantitate,*
loco

*Anima-
rum con-
iunctio
absurda
est.*

loco separatis. Hæc Scaliger. Habet nimirum quilibet stipites, & primò exorians palma quæque suam animam: nihilominus hæ tres palmæ in vnâ numero palmam coalescunt. Idque non solùm videre est in palma, sed & in omnium plantarum insitione, in qua suâ animâ præditus est stipites, in quem furculus inferitur; suâ itidem furculus: ex furculo & stipite vna planta & arbor fit, vnâ animâ prædita. Imò non solùm eiusdem speciei, sed & diuersæ animæ coniunguntur, vt dictum, & in generatione muli videre est, vbi asinæ & equi animæ vniuntur, vt ex partium conformatione manifestum est, vt & in pyri in pomum aliarum plantarum diuersæ speciei insitione. Vbi enim potentia est animæ, & equi & asinæ actiones apparent. Ideoque & hîc cum Scaligero, *in lib. I. de plantis*, dicendum, *vbi res constet, si opinio aduersetur rei, quarendam rationem, non rem ignorandam.* Et proinde quæcunque obiiiciuntur ex vnus feminis, seu maris seu fœminæ deductæ rationes, nullius momenti sunt. Neque enim alterutrum semen solum ad generationem sufficit, sed vtrumque necessarium est.

Generatio autem animalium duplex est: alia enim oua pariunt, ex quibus ab ipsis exclusis animalia viuientia fiunt; alia viuientia animalia in se & concipiunt, & pariunt. Ad vtramque generationem vtriusque parentis semen requiritur, & ex iis coniunctis fit conceptus, in quo anima est formationis viuientis animalis princeps causa. Omnes enim rationes, quæ monstrant, semen plantarum esse animatum, eadem etiam firmiter probant, semina animalium esse animata, & quæ rationes

Generatio animalium duplex.

in

*Semen
anima-
lium est
animati.*

in plantis per semen animatum generationem fieri probant, eæ idem in animalibus etiam demonstrant. Equidem quidam ineptum, & à baculo ad angulum argumentari esse putant, velle ex generatione plantarum, animalium generationem demonstrare. Verùm valde in eo meo iudicio falluntur. Etenim cùm generatio sit facultatis vegetantis, seu, vt Medici appellant, naturalis actio, & illa facultas maximè in plantis vigeat, omnino per eam probari potest etiam generationis in animalibus ratio. Nam cùm omnis generatio fiat per communicationem animæ, & corpus, seu vt Zabarella loquitur, omne genetans, dum generat, communicet aliquid & de sua materia & de sua forma, atque ista materiæ & animæ communicatio maximè in plantis conspicua sit, vt nullo modo negari possit, à plantis animam per semen, per ramos, per radices communicari, & sine animæ à generante communicatione nullam generationem fieri: cur non eodem modo & in animalibus sese rem habere statuere debeam? Et cùm in plantis præsentia formæ in subiecto colligatur per firmam demonstrationem ex operationibus, atque in semine animalium operationes animæ, attractio, formatio, nutritio, augmentatio inueniantur, meritò concluditur, in eo animam esse præsentem. Et cùm nullum agens possit immediatè concurrere ad productionem viuientis, qui eundem vitæ gradum formaliter habeat, semen verò animalium propriâ virtute, absque aliquo generantis nouo concursu, motione aut directione, imò ab eodem separatim loco, & sæpe etiam tempore, viuens animal producat, & principale ac proximum

num in fœtus productione agens sit : vt etiam formaliter similem & vniuocam animam habeat, necesse est. Apparet autem hæc & in ouiparis & in viuiparis.

Primò enim oua quod attinet, in iis animam futuri animalis iam inesse, docet illud, quòd, quamprimum oua à calore debito fouentur, se in iis anima exferit, & animal simile ei, à quo oua sunt exclusa, format. Neque enim generans huius formationis causâ esse potest; cùm id sæpe, cùm oua excluduntur, mortuum sit; neque etiam vlla alia causâ vniuoca vel cogitatione inueniri potest. Oua bombycum à quocunque calore temperato excludi, testatur Hieronymus Vida, *Bombycum lib. 1.*

Oua habent animam.

*Quo foueas autem pæcto, mos ipse fouendi
Hand simplex. Sunt qua calido sub Sole re-
linquunt*

Oua, recens donec fœtus in luminis aurâs

Prodierit : tu conde sinu velamine tecta,

Nec pudeat roseas inter fouisse papillas,

Si te tangit bonos, & flani gloria fili.

Cumque dies altérque dies præcesserit, ecce!

Cernere erit formis animantia feruere miris.

Ex ouis gallinarum pullos ab anatibus, & è contra, excludi, notissimum est. Imò Cæsi calore fornacis pullos excludi Iul Cæsi Scaliger. *exerc. 23.*

refert. In quibus modis omnibus nullum agens vniuocum dari potest, nisi anima in ouo latens.

Oua autem animalium, vtpote media inter semina plantarum & animalium, cum vtrisque in quibusdam conueniunt, in quibusdam discrepant : seminibus plantarum in hoc respondent,

Quorum cum seminibus plantarum comparatio.

quòd

quodd & animam, & materiam corporis formandi continent; præterea cortice & membranis verum semen tegitur: in eo verò est differentia, quod plantarum semina, cum terræ committuntur, ex ea hauriunt materiam corpori formando necessariam, atque ex seminis materia primæ radiculae & germina saltem formantur, reliqua è materia è terra attracta: in ouis verò cum anima corticibus suis ita vallata & conclusa sit, ut nihil extra attrahere possit, interim in ovo fœtus pœnè perfectus formetur: oua non solum animam & materiam primis fœtus rudimentis formandis aptam; sed & materiam tali corpori perfecto formando & nutriendo necessariam continent. Cum feminibus verò animalium in eo conueniunt, quod semen primò omnino in testibus, & parte testibus analoga generatur, & semen statim à mare in fœminæ uterum coiiicitur; id quod non fit in plantis, quorum semina extra terram, nutricem earum, multis externis iniuriis exposita sunt. In eo verò discrepant ouipara à viuiparis, quod semen ouiparorum, non, ut viuiparorum in utero fœminæ, sed extra perficitur, & propterea semen non liquidum, ut viuiparorum semen manere, sed externo adminiculo & receptaculo tegi debuit.

*Viui-
para,*

Quæ verò intra se, vel in utero generant, omnino generant semine patris & matris concurrente; quæ semina quamprimum in utero concepta sunt, anima sese exserit, & sibi idoneum domicilium fabricari incipit, quod ubi perfectum, Animal dicitur. Semen verò vtriusque generantis et si animam in se habeat, tamen animal non est, neque

neque ex eo animal fieri potest, nisi utrumque coniungatur. Animatum est, quicquid animam in se habet, eaque per se viuit: animal verò, quod animâ & corpore omnibus organis speciei cuique conuenientibus instructo præditum est. Semen verò alterutrius parentis in animal abire non potest, sed conceptus, qui ex utroque constat semine, vel semine & sanguine menstruo, in animal euadit. Itaque nec mas in seipso generat, nec integrum essentiâ animal gignit, nec solus generat.

Semen autem hoc animatum esse, docet ipsa *Semē ani-*
 fœtus conformatio. Vel enim fœtus formatur à *malis*
 causâ femini externâ, vel internâ. Non externâ: *est ani-*
 quæ nulla dari potest; aut, si aliqua daretur, vte- *matum.*
 rus esset. Verùm formationem non esse ab utero,
 communis virorum doctorum sententia est, nec
 rationibus destituta.

Equidem inter recentiores Ioh. Gallego de la Serna, *de princip. gener. lib. 3. cap. 20.* probare conatur animam matris esse causam principalem organizationis & animationis in animalibus perfectis reliquis, in homine verò formationis & unio-
nis. Et ad suam opinionem probandam adducit quasdam auctoritates quorundam Philosophorum & Medicorum; sed contra eorum apertam mentem, quas propterea afferre non libet. Rationes verò, quibus utitur, planè friuolæ sunt.

Prima est, quòd nullum in corpore nostro organum, quod suâ similitudine & naturali inclinatione habet vim attrahendi aliquam vilem substantiam, solùm propter attractionem attrahat, sed propter fruitionem; & vterum, cùm habeat

Q vim,

242 *Hypomn. IV. Cap. IX. De gener. &*
vim, & vehementissimam inclinationem attra-
hendi materiam fœtus, eam non solum propter
attractionem, sed propter fruitionem & con-
sequenter propter immutationem attrahere.
Verum respondeo ad minorem, falsum esse,
quod vterus in animalibus sanguineis sangui-
nem ad formationem fœtus necessarium attra-
hat, sed anima, quæ est in semine, eum attrahit, &
propterea etiam immutat. Sicut enim in plantis
semen in terram coniectum, vel surculus vel bul-
bus ei commissus primò radices format & produ-
cit, per quas è terra alimentum attrahit: ita ani-
ma in semine format vasa umbilicalia, per quæ
sanguinem & spiritus attrahit.

Deinde putat, facultatem generantem pecu-
liari opus habere organo; ac tale organum esse
vterum, utpote cui simile, & magis accommoda-
tum ad talem actionem in toto corpore non re-
periatur.

Verum utrumque falsum. Primò enim vis im-
mutatiuæ non est organica, nec perficitur in par-
te, quatenus est organica, sed quatenus similis,
& suo calido innato prædita. Et quamvis ven-
tricus & epar, & aliæ partes, quæ substantiam
aliquam immutant & generant, sunt organicae:
tamen nihil immutant & generant quatenus sunt
organicae, sed quatenus similes. Organicam
verò constitutionem habent propter commo-
diorem receptionem, retentionem, & expulsio-
nem. Ita ventriculus habet superius orificium,
quod cibum & potum recipit, cavitatem, in qua
eundem retinet, orificium inferius, per quod
chylus generatus emittitur. At coctio in ven-
triculo,

triculo fit, quatenus similis, & suo calido innato præditus est. Deinde falsum est præsuppositum, quod vterus sanguinem pro fœtus formatione affluentem mutet & informet; cum anima, quæ in semine est, id præstet. Sicut enim fœtus iam formato vis nutriendi & augendi fœtui insita est, & non à causa externa provenit: ita & in fœtus formatione sese res habet. Vterus verò nihil, nisi locum, in quo formatio fit, præstat, & tota eius organica constitutio ad eam rem comparata est.

Contrà verò evidentissimæ sunt rationes, quæ probant, vterum matris formationem fœtus non perficere, nec matricem fœtui animam dare. Primò enim, si vterus conformaret fœtum, parens principium actuum generationis non communicaret, sed solum passivum. Imò mater sola esset causa generationis, utpote quæ daret materiam & formam, atque ita mater posset in se sine viro generare. Secundò nulla ratio dari posset, cur aliquando fœtus similis esset patri. Tertiò cur non semper fœmellæ, sed etiam masculi generarentur. Quartò qui opus formationis perficit, ille procul dubio fœtum immediatè tangat necesse est. At vterus fœtum immediatè non attingit, sed inter fœtum & vterum intercedunt membranæ, & illa excrementa aquosa, membranis conclusa. Nam quod per ipsas membranas etiam vim suam fœtui communicare putat Ioh Gallego, absurdum, neque, quod vult Gallego, membranæ fœtus partes sunt. Multo minùs per excrementa vis illa transire potest. Neque id alicuius momenti est, quòd dicit, torpedinem medio longissimo fune

244 *Hypomn. IV. Cap. IX. De gener. &*
 torporem inducere hominum manibus, lapidem
 Herculeum per mediam tabulam mouere ferrū.
 Nam actiones illæ fiunt per species spirituales, vt
 supra, *hypomn. 2. c. 4.* dictum, quæ sunt quasi radius
 cōtinuus promotus vt I. C. Scaliger, *exerc. 344. f. 5.*
 loquitur. At vis coëtrix, immutatrix, formatrix, im-
 manens est, nec transit de subiecto in subiectum,
 & in sub, ac proprio subiecto manens operationes
 suas perficit, non verò per membtanas & excre-
 menta suam vim ex vtero transmittit. Putat equi-
 dem Ioh. Gallego, hebetis esse intellectus, dubi-
 tare, vtrum anima matris possit animare internas
 fœtus partes, quamuis sint membranis inuolutæ.
 At ego nec subtilissimum quidē ingenium asse-
 qui posse existimo, quomodo anima absens, & lo-
 co distans, fœtum animare possit. Sit enim, vt vte-
 rus aliquam alterationem in cō per membranas &
 excrementa illa aquosa in fœtum efficere possit,
 animationem tamen efficere non potest.

*In ipso
 semine
 est causa
 confor-
 mationis.*

Ergo omnino in ipso semine esse causam con-
 formationis, statuendum est. Quæ communis
 Doctorum virorum sententia est, Aristotelis, 2.
de gen. animal. cap. 1. 3. 20. 1. de generat animal. c. 20.
21. 4. de generat. animal. cap. 1. & alibi. Galeni, lib.
de fœt. format. cap. 2. 3. 5. 14. lib. 1. de sem. c. 8. 18. 2.
de sem. cap. 1. 2. 5. 14. de usu part. cap. 7. 8. aliorum-
 que. Et omnino rationibus firmis ea vitur. Pri-
 mō enim, cum conformatio sit actus naturalis, sit
 à principio interno, non externo. Secundō con-
 formatio incipit in ipso semine æqualiter, & om-
 nes partes intus & extrā æqualiter conforman-
 tur. Tertiō, cū in auibus, quæ oua pariunt,
 principium conformationis sit internum, nulla
 causa

caussa dari potest, cur non etiam sit in reliquis animalibus?

Si autem iam quæras, quodnam sit illud inter-
num principium, nullum aliud dari potest, quàm
anima: Nonnulli equidem λόγον quendam πλα-
στικόν id esse dicunt: sed, nisi per λόγον πλαστικόν
intelligatur ipsa anima vi formatrice prædita, opi-
nio hæc locum habere non potest, & suprà, cap. 5. sa-
tis refutata est. Alij calorem nativum: sed nec
is causa principalis conformationis est. Neque
enim tam nòbilis aëtio, quàm omnes Philoso-
phi satis admirari non potuerunt, qualitati solùm
adscribi potest. Et calor saltem instrumentum
commune est, neque partibus omnibus quan-
tatem, figuram, numerum tribuere valet, &
omnino nulla qualitas agere potest, nisi à vi
principali & superiori dirigatur, qua & hîc
opus.

Nihil ergo aliud relinquitur, quod in semine
conformationis causa esse possit, quàm ipsa ani-
ma. Quod cùm negat Thomas Fienus, quæst. 5.
conclus. 6. valde errat. Et quidem primò statum
controuersie non rectè constituit. Dum enim de
animalibus omnibus disputare debuisset, ille con-
tra demonstrationis leges affectionem generis
de specie, homine puta, demonstrare vult. Ete-
nim non soli homini ex semine in vterum con-
iecto generare proprium est, sed omnibus anima-
libus viuiparis id commune. Et, in princip. quæst.
5. non rectè quæstionem format, dum scribit.
Hic non est quæstio, an anima post conceptionem
in semen introducta sit efficiens conformationis,
sed an semini ante conceptionem præinexistens,

& in testibus parentum genita. Nullo enim modo de posteriore quæstio est, sed hoc controuertitur; an semina parentum in utero coniuncta vim formatricem intrinsecam (quod ille concedit) & proinde animam (hoc enim necessario sequitur) secum habeant.

Sit enim sanè, ut ex hypothesis loquamur, ut in homine anima introducatur, & diuinitas infundatur: tamen cum in brutis talis infusio locum non habeat, eam statim in semine, & quidem à parentibus communicatam, adesse necesse est. Et id satis probat vel vnicum, quod ipse Fienus affert argumentum, ut aliis opus non sit, quod tale est:

*Animam
in semine
esse for-
mationis
causam,
probat-
ur.*

Quod conformat, est intrinsecum semini, ut ipse, *conclus. 3.* probauit. Quod conformat, est aliqua anima. Nam conformatio est animæ propria potentia. Ergo est anima semini intrinseca, seu anima feminis. Nam quod respondet, ut supra etiam *cap. 6.* dictum, nullius momenti est. *Fateor*, inquit, *premissas esse varas; sed nego sequelam. Bene quidè infertur, esse aliquam animam semini intrinsecam, sed minimè, esse animam feminis. Est equidem anima semini introducta, postquam semen iam in utero est conceptum, vel plantatum in terra, vel ouum excubationi galline subditum, & cum iam omnia sunt actuata; sed illa non est anima feminis, seu qua semini prænexistit, aut in testibus, arbore, aut gallina genita fuit, sed anima foetus, qua postmodum fuit introducta.* Sit enim sanè, ut iterum ex hypothesis hoc ei demus, semini humano introduci animam; at feminibus plantarum, ouis gallinarum, & feminibus brutorum animam postmodum introduci falsò statuitur. Quid enim semini in
terram

terram coniecto, quid ouo gallinæ, dum illi anās incubat, vel dum à calore fornacis fouetur, animam introducit? Nullam hîc causam dare potest, à qua anima introducatur. Et si parentes animam non darent, sed aliquid externum semini eam daret, non simile generaret simile. Et quid, quæso, hîc opus est frustra multiplicare entia, & duas animas statuere, vnā, quæ sit anima feminis, seu quæ semini præinexistit, & in testibus, aut arbore, aut gallinā genita fuerit, & aliam, quæ postmodum fuerat introducta. Et ipse sibi in hac re contradicit, dum, *conclus. 5.* scribit:

Semnis in terra conformationem non esse ipsam essentialē generationem, sed solum noua planta iam constituta, & in arbore genita perfectionem; eiusque in actu imperfecto adhuc solum constituta ad actum perfectum perductionem, neque esse curandum, quid vulgus appellet generationem, aut non appellet, quidue eius intelligentia, sed quid recte rationi & veritati sit consentaneum. Vulgus enim Philosophia est ignarum, nescitque ubi & quando fiat verè productio formæ plantæ, & essentialis generatio, & nescit distinguere inter actum primum & secundum, inter imperfectum & perfectum: ideo vnum pro alio sumit: & cum primum putat plantam generari, quando iam perficitur & operatur, & quando iam radices & folia producit: quorum productio non est ipsa planta generatio, sed iam genita operatio & perfectio. Hæc Fienus. Et omnino, si Fienus, vt animæ præsentiam in semine, dum fit conformatio, rectè agnouit, ita etiam propagationem & originem eiusdem agnouisset, è reliquis dubiis omnibus sese facilè expediuiſſet.

248 *Hypomn. IV. Cap. IX. De gener. &*
enim verâ sententia perceptâ dubia omnia facile
soluuntur.

Nam etsi , qui contrarium sentiunt, multa pro-
ferunt; tamen nihil solidi ac firmi pro sua senten-
tia afferre possunt: quod cum agnoscant, vt Le-
ctori fucum faciant, contra demonstrationis le-
ges ea, quæ in genere de semine & formatione
animalium disputare debebant, in specie de ani-
ma & formatione hominis disputât; quæ si suo lo-
co & in genere examinantur, nihil roboris habet.
Etenim cum multi sint in ea sententia, animam
humanam non per traducem propagari, sed cor-
pori formato à Deo infundi, & præterea anima
humana immortalis sit: omnia illa absurda, quæ
ex animæ humanæ prærogatiua contra animatio-
nem seminis obiciunt, concidunt, si in genere, ita
vt & brutis competant, proponantur. Nec enim
monstrare possunt, vnde anima & formatio cor-
poris equi, leonis, canis proveniat, nisi cum semi-
ne anima à parētibus traducatur, atque illa in se-
mine existens formationis corporis causa sit, nec
docere, quis illam in omnibus animalibus fœtus
delineationem inchoet, aut cur necessarium sit, ab
alio formationem illam inchoari, ab alio perfici.
Imprimis verò docere non possunt, quo modo
ex ovium auium aues suæ speciei, etiam alienæ incu-
bantis, vel ignis calore excludantur, nisi anima
iam sit in ovo. Itaque cum in animalibus brutis
argumenta illa nihil habeant roboris, pleraque
etiam de hominis generatione prolata nihil va-
lebunt. Et quamvis nonnulli inter conceptum
& semen distinguant, & semen appellent illud
corpus album in testibus genitum, & coitus
tem

tempore in vterum effusum; cōceptum verò corpus ex semine in vtero genitum, in quo animalis futuri delineatio aliqua iam facta est : tamē ij ipsi reddere rationem non possunt, vnde anima in brutis (animam humanam enim, cū de ea ob causas antea dictas peculiaris disputatio sit, hīc seponere libet) in cōceptum peruenerit, si in semine nō fuit anima, nec docere, quæ causa illam primam partium cuiusuis animalis delineationem & figurationem inchoauerit. Nam quod Iohan. Gallego de la Serna dicit, eam ab vtero accipere, omnino falsum. Ita enim saltem mater generaret, cū sola animam daret; pater verò solū materiam præberet.

Sed videamus eorum obiectiones. Primò quidem plurimi obiiciunt, & in eo etiam triumphāt, quod nihil sit animatum, nisi corpus, & eius partes; semen verò sit excrementum, & quædam superflua humiditas, in testibus genita quæ habeat se sicut chylus in ventriculo, sanguis in epate & corde, lac in mammis. Verū enim verò nullius momenti est hæc ratio, vt etiam infra, *cap. 4.* dicetur. Etenim primò petitio principij, & hoc ipsum in quæstione est, an tātū corporis partes, an verò etiam semen sit animatum. Nam licet semen in testibus generetur, sicut chylus in ventriculo, & corporis alimentum non sit: tamen non sequitur, quod excrementum sit. Datur enim tertium, quod in viuētibz generatur, quod seu fructum, seu semen nomines, perinde est: idque euidenter semen plantarum docet. Equidem nonnulli excipiunt & dicunt, esse diuersitatem inter semen plantarum & animalium,

Argumentū, quod contra animam in semine animalium præsentia obicitur, refutatio. Semen nō est excrementum.

& semen plantarum non esse simile semini animalium, sed conceptui animalium in utero iam facto. Verum sit sanè ita; tamen eo ipso probatur, generari aliquid in animalibus etiam, quod neque pars corporis est, neque alimentum, neque excrementum. Neque contrarium probat, quod Ioh. Gallego de la Serna, *de princip. generat. lib. 2. cap. 5.* obiicit, dum scribit, quod semen animalium non peruenire potuerit ad ultimam dispositionem ad animæ introductionem, quam fuerint consecutæ illæ partes earundem substantiarum, quæ conuersæ fuerint in substantiam partium; & quod semen solum receperit à suo organo assimilationem, qualem valet tribuere concoctrix, ac qualem lac receperit, & proinde inanimatum manserit. Petitiones enim meræ principij sunt, & semen plantarum contrarium demonstrat. Nam si semen plantarum potuit recipere illam dispositionem pro animæ plantarum propagatione necessariam, cur non eadem potuerit recipere semen animalium? Et ipsam lac, quod exempli loco adducit Ioh. Gallego, euidenter monstrat, generari aliquid posse in corpore animalium quod non sit pars corporis, neque alimentum, (neque enim mater nutritur lacte, quod generat) neque purum excrementum: quale & semen est, quod à facultate coctrice in testibus nō ideo generatur, ut tantum excernatur, sicut alia excrementa, sed ideo, & in hunc finem, ut per id nouum indiuiduum generetur, & ita species conseruetur. Ideoque etsi coctrix facultas semen non animat, ut nec in aliis partibus à coctrice facultate alimentum animam accipit: tamen postquam à facul

*Semen
quomodo
anima-
tur.*

à facultate coëtrice semen eam dispositionem accepit, vt possit animæ idoneum subiectum esse, anima, quæ est in corpore animato, ei sese communicat, tam in plâtis, quàm in animalibus: quod postquam à generante separatum est, animæ, quam possidet, & à generante accepit, vi & potentia nouum indiuiduum constituere potest. Etenim in illis etiam primò semen à coëtrice elaboratur: vbi verò semen iam elaboratum & maturum factum est, tunc ei sese communicat anima. Idem fit in animalibus, neque vllâ ratione aliud demonstrari potest; nisi quod in animalibus, vtpote perfectioribus, operosior est apparatus, & cum pater, tum mater ad fœtum constituendum aliquid communicat; neque semen in terram, sed in vterum coniicitur. Neque quem id offendat, quod seminis animalium alia videtur ratio, quàm seminis plantarum, & quòd semina plantarum variis ac miris modis cōfōrmata sunt; semina animalium verò liquorem lacti similem reptæferant. Etenim cum semina animalium in vteru matris statim coniiciantur, & ab eo foueantur, ac in eo sanguinem fœtui formâdo necessariu accipiant, non est, vt externis eiusmodi munimentis, sicut semina plantarum, & oua contra externas iniurias defendantur.

*Seminis
plantarū
& ani-
malium
differen-
tia.*

Secundò, Ioh. Gallego de la Serna, *lib. 3. de Ioh Gal-
princip. semin. cap. 5* se ita probaturum promittit, *lego obie-
ctiones.*
semen saltem esse materiale generationis princi-
pium, vt nullus, nisi stupidus & proteruus sit, qui istud negare deinceps ausit. Verum grandibus istis promissis non stat, & læuia sunt, quæ affert, argumenta. Primò enim, inquit, semen
est

Semen quatenus sit imperfectius generante. est multo imperfectius generante & fœtu generando. Est enim excrementum quoddam generantis. Verùm respondeo ; & semen plantarum, quod ipse animatum esse concedit , est imperfectius, & generante, & plantis, quæ ex eo producuntur, non quod animâ careat, sed quia expressis organis destituitur, quæ potentiâ tamen latent in semine , quod eorum ideam in se continet , & ab ipsa anima fabricantur. Quòd verò semen saltem sit excrementum , antea iam refutatum est.

Deinde putat , quod virtus eiusdem speciei non possit recipi in materia distinctæ speciei. Forma verò seminis differat à forma cuiuscunque individui eiusdem speciei. Verùm naturam seminis non rectè intelligit. Equidem verum est, animam non posse persistere modo perfectò, & durare diu, nisi in corpore sibi idoneo, & necessariis sibi organis instructo ; at quod non possit propagari per corpus diuersum, semen scilicet, & in eo tamdiu persistere, donec simile sibi corpus generet & ædificet , id falsum esse ipsa experientia testatur, atque id ipse antea in plantis concessit. Et enim vna equidem anima est in semine & animali inde generato : ea tamen, quæ est in animali, non differt ab ea, quæ est in semine, nisi organorum apparatu & perfectione. Certè nec semen plantarum, nec bulbi, nec radices, nec surculi, si organorum perfectionem spectes , sunt eiusdem conditionis cum integris plantis, v. g. semen & bulbus capæ suo modo non est integra capra ; semen papaveris suo modo non est integra papaveris planta ; surculus pyri non est integra pyrus :
interim

interim in his omnibus suæ plantæ anima integra inest. Nec materia, quæ est in semine, & quæ est in fœtu, est diuersæ, sed eiusdem speciei.

Tertiò vrget & hoc argumentum valde Gal-
lego de la Serna, *de princip. generat. lib. 3. cap. 18.*

Cùm aliud, inquit, à natura vel arte ita fit propter aliud, vt hoc sine illo existere non possit, necessarium est, vt id, quod fit propter alterius necessitatem, tempore illud præcedat. At materia &

An organa anima introductionem præstare debeant.

omnes eius dispositiones sunt propter formam. Ergo tempore debent ipsam præcedere. Forma enim nunquam vniretur materiæ, nisi propter instrumentales actiones. Igitur organa siue instrumenta necessaria præcedere debet formæ introductionem, & tota præparatio materiæ necessaria ad animæ actiones nullo modo fieri potest ab eadem forma, cuius sunt actiones, sed ab agente, cui commissum est totum generationis opus. Nam ad idem agens, ad quod attinet introducere formam in nouam materiã, attinet etiam ante eius introductionem ita illi præparare materiã, vt nullo modo in alia possit recipi, nec ipsa materia actiuam formam possit recipere. Verùm & maior simpliciter accepta, & minor vera non est, & probatio eius falsa. Minorem falsam esse, & corporis plantarum formatio, & animalium nutritio atque augmentatio docet. Primò enim cùm semen plantæ in terram coniicitur, vel surculus, radix, bulbus eidem committitur, nullum aliud agens datur, quod priùs corpus & instrumenta animæ idonea formet, sed anima in semine, bulbo, surculo, primò radices format per quas è terra conuenientem materiam pro corpore sibi idoneo formam

formando attrahit, & ex ea sui corporis partes format. Cur non ergo idem in animalibus fieri debet? Imò idem fieri, res ipsa loquitur. Semine enim in vterum recepto anima primò membranas format, quibus concluditur semen, hinc vasa vmbilicalia, per quæ sanguinem pro corpore formando necessarium attrahit. Id quod & oua testantur, quæ cum à calore quocumque etiam fouentur, auis inde producit. Vbi ne cogitari quidem vlla causa potest, quæ materiam pro anima recipienda elaboret, nisi ipsa anima, quæ est in ouo. Deinde probatio minoris falsa est, quæ vtitur illa nunquam concessa hypothese, quòd post dispositionem materiæ vltimam anima emergat, & educatur. Hoc quidem verum est, totam organizationem, vt loquitur, esse propter formam, id est, vt forma habeat idonea instrumenta, per quæ agat; sed quod forma antea non adesse possit actu primo, antequam perfectè operetur per organa, nullo modo probari potest.

Quartò obiciunt alij, si semen animalis, v.g. equi, actu habet animam, equi semen erit equus; cum posita forma rei tria ponantur, esse rei, denominatio rei, & operatio rei. Verùm nulla consequentia est. Equidem concedimus, ab anima in primis essentiam rei, & propterea etiam denominationem dependere, & ab ea principaliter operationes fluere: anima tamen non est tota res, sed pars rei. Itaque deficiente alterâ parte, corpore nimirum organico, anima animal appellari non potest.

*An semen sit
actu ani-
malium,*

Quintò nonnulli in isto quoque argumento gloriantur, quòd scilicet principium Metaphysicum

cum

cum sit: Idem non posse esse simul actu & potentia. Cum ergo semen sit potentia animal, ex sententia aristotelis, non posse esse actu animal. Verum nullum huius argumenti robur est. Vt enim de genuino sensu istius axiomatis Metaphysici hic non disputem, cum eadem res diuerso respectu possit dici actu & potentia: illud saltem attingam, quod dicitur, semen esse potentia animal, & respondeo, argumentum hoc ab autoritate petitum esse, &, quod in simili negotio ex Platonis Charmide dixit Doctiss. Th. Fienus, non considerandum esse, quid quisquam dixerit, sed utrum verè dixerit. Deinde ut salua sua maneat Aristoteli autoritas, rectè scripsit, ut aliquoties iam dictum, Clariss. Dn. Casp. Hoffmannus, in tract. de formar. origine, rat. 2. Aristoteles toties semini tribuit actum, ut hominis sit valde imperiti, vrgere tantum illa loca, quibus *δυναμει* ait esse. Cum enim, ut ante dictum, quod mouet, sit actu, semen verò animatum actu moueat, actum certè quendam, qui moueat, semen habere necesse est. Hic actus est illa *ἀρχὴ ᾧσσεως καὶ κινήσεως*, ut docet Aristoteles, 1. de generat. animal. cap. 2. & *ἀρχὴ τῆς εἶδους, ἥς ἀγεί τὰ κατὰ μὲν τὰ εἰς τὸ ἴδιον εἶδη ὡς*. 1. de gen. cap. 10. & 4. de gen. cap. 1. 1. de part. animal. cap. 1. Et, ne quis nescio quem λόγον σπέρματικόν, de quo, cap. seq. dicetur, diuersum ab anima fingat, λόγον hunc μόριον τῆς ζωῆς, ὃ εὐδὲς ἐν τῷ σπέρματι ἐνυπάρχον nominat, 2. de gen. animal. cap. 1. Quod verò Aristoteles quandoque semen *δυναμει* animatum esse dicit, hoc, ut rectè Scaliger, exerc. 6. sect. 7. ideò dixit, non quia egeat aliâ substantiâ sese eliciente atque perficiente,

256 *Hypomn. IV. Cap. IX. De gener. &*
perficiente, sic enim esset inchoata, sed quia caret
instrumentis expressis, quæ sunt in eius potestate.
Quod & Zabarella statuit, qui, *de ment. hum. cap. 9.*
expressè scribit, quòd semen animam habeat po-
testate, quoniam eius anima nondum per propria
organa operatur.

Sextò aiunt, si anima est sui domicilij fabrica-
trix, ut asseritur, cur sibi non mox in vasis semina-
riis corpus fabricat? Verùm dicant, cur anima ca-
nis in cauda canis non videat, nec semen pro-
ducat, & nouum corpus formet. Nimirum vbi
locus & organum deest, ibi nulla fieri potest
operatio.

Anima actio communissima que. Septimò dicunt, si semen est actu animatum,
cur in eo nutritio, ut communissima animæ actio,
non animaduertitur? Verùm negatur, quod nu-
tritio communissima animæ sit actio, sed viuifica-
tio est communissima animæ actio. Nutritio ve-
rò saltem est corporis iam formati, & cum nutri-
mentum adest. Hinc semen hordei, tritici, vel al-
terius, etiam in granario viuit, quod etiam Ioh.
Gallego concedit, sed non nutritur, quia non est
in loco conuenienti, in quo foueri, & alimentum
accipere possit.

*An ani-
ma
uni-
an-
tur.* Octauò obiiciunt, si semen animatum sit, &
vterque parens id conferat, animam fore quid-
dam compositum ex anima patris & matris. Ve-
rùm mixtio & compositio, ut supra etiam dictum,
saltem competit rebus diuersæ speciei: si verò
eiusdem speciei specialissimæ res cocant, nulla sit
compositio; neque ignis, qui à diuersis flammis
accenditur, compositus dicitur. Et supra exem-
plum de palmis è Scaligero allatum est. Et istud
exemplum

exemplum etiam Fort. Licetus, de perfecta constitutione hominis in utero, cap. 8. affert, quod insitione, quæ fit cum surculus trunco immittitur, duæ, imò sæpe plures animæ coeunt & tamen arbor illa non nisi vna, & non nisi vnâ animam habet. Vnde etiam concidit, quod nonnulli de duarum essentiarum commigratione, & duarum essentiarum in vno subsistentia obiciunt, quod absurdum putant. Illa enim omnia saltem de completis essentiis, & quæ per se subsistere possunt, vera sunt; non verò de iis, quæ ad vnius rei perfectionem constituendam comparata sunt.

Nonò, quòd absurdum putant, ab vno parente plures animas abscedere, & parentem in quolibet congressu animæ portione priuari, id omne ex ignorantia naturæ animarum prouenit. Anima, ut supra dictum, nullas habet partes propriè dictas, eaque nulla sui parte priuatur, sed eadem manens, sese variè multiplicare potest. Et si enim vna arbor vnâ ætate mille poma profert, & singula poma aliquot semina habent, è quibus similis arbor prouenire potest: tamen anima pomi non minuitur, sed eadem tota manet. Eadem ratio est de animalibus. Et propterea opera Dei mirabilia potius scrutari & admirari, quàm calumniari decet. Nihilque omnia illa absurda, quæ contra admirandum generationis opus obiciuntur, aliud sunt, quàm Dei operum vituperatio, ex ignorantia perfecta.

Tandem semen animatum esse, etiam Thomas Fienus, de form. fœtus, quest. 5. impugnat hoc modo: Non sanguis, inquit, nec spiritus sunt animati. Ergo nec semen. Consequentiam probat,

R quia

*An pars
in gene-
ratione a-
liquid a-
nima a-
mittat.*

quia illa producuntur in partibus longè nobilioribus, quàm sunt testes, nimirum corde, cerebro, epate, quæ si non potuerunt animam sanguini ac spiritibus impertiri, ergo nec poterunt testes. Verùm habent principes partes suam dignitatem. Ideoque etiamsi epar, cor, cerebrum, sanguinem & spiritus generant: tamen ad generationem animalium testes peculiarem vim *σπερματοποιητικὴν*, qualem partes aliæ nullæ, obtinent, ut ex sanguine & spiritibus in aliis partibus genitis peculiarem materiam forment, quæ animæ propagandæ sit idoneum subiectum, quæ semen dicitur, quod sanguine longè præstantius est, cùm sit fructus animalis, sanguis verò saltem nutrimentum.

C A P V T X.

De propagatione Anima humana.

ATque hæcenus rationibus firmis demonstratum esse puto, plantas & animalia bruta generari è semine, quod animam à generante communicatam obtinet, quæ in semine latens sibi idoneum domicilium plantæ vel animalis eiusdem speciei, à quo decisum est, efformat: Restat, ut de generatione hominis dicamus, de qua autores in varias sententias abeunt. Alij hinc *ἰσχυόν*, quàm in re difficili aliquid definire malunt. Alij ut corpus, ita & animam, à parentibus, vi benedictionis diuinæ, in sobolem propagari & traduci existimant, Alij singulis hominibus

nibus novas animas à Deo creati, & formæ iam corporibus infundi statuunt, atque ita animarum productionem immediatè Deo adscribunt Primam sententiam quod attinet, agnosco equidem rei difficultatem, & periculosum esse, hîc aliquid definire, fateor. Verùm cùm in rebus difficilibus aliquid tentare laude dignum, & omnibus viribus laborandum sit, ut veritatem inueniamus, primâ sententiâ seposi: â duas reliquas iam perpendam. Et primò quidem, quas animæ humanæ prærogativas habeat, non ignoro. Nimirum ipsi soli, quod brutorum animalibus denegatum, immortalitas à Deo concessa, ipsâque sola æternæ beatitudinis particeps futura est. Verùm an isti animæ humanæ prærogativæ aliquid derogat per semen propagatio dubium. Equidem & hîc, cum nullo odiosè contendere volo, sed quemque suo sensu abundare permitto: si tamen mea sententia liberè aperienda sit, tria probanda mihi video. Primum est, probabilius & vero magis consentaneum esse, animam à parentibus vi benedictionis diuinæ in sobolem propagari. Alterum est, quicquid etiam statuatur, seu animæ creatio & infusio, seu propagatio & translatio asseratur, nihilominus statuendum esse, animam mox in prima conceptione, & dum semen patris ac matris in utero foeminæ coniunctum est, & retinetur, & quamprimùm opus formationis corporis humani incipit, in conceptu præsentem esse, neque ullam aliam causam efficientem dari posse, quæ opus conformationis perficiat, quàm ipsam animam humanam. Tertiò, etsi viros magnos hîc discrepare sciam: tamen, si autoritate

*Propositio
de anima
humana
origine
dicendorum.*

R. 2 seposi

sepositâ, rationes solum spectentur, vix solidi aliquid contra propagationem animæ humanæ per semen afferri, monstrabo. Cum verò hæc controuersia rationibus cum Physicis, tum Theologicis ventiletur, ego falcem meam in alienam messem nō immittam, sed saltem rationibus Physicis utar. Si verò alicui aliam è Theologicis fundamentis sententiam propugnare libet, ei incumbit, monstrare, quomodo hæc argumenta solui possint. Quod si quis fecerit, non pertinax ero in meis defendendis, sed meliora monstrantem libenter sequar. Interim verò, & antequam hoc fiat, aliter de hac re, quantum quidem hac humanæ mentis caligine & imbecillitate iudicare valeo, sentire non possum. Ut tamen alij aliter sentiant, per me licet. Neque enim dictator esse cupio, sed quod ille aiebat, liberè & candidè γνώμην εἰς βελὴν εἰσφέρειω.

*Animam
humanam
cum semine
propagatur
in liberis.
Simile si-
mile ge-
nerat.*

Animam autem cum semine à Parentibus in sobolem propagari. Primò illud probat, quòd ut supra etiam dictum, simile sibi simile generat. Id quod clarè docet Aristoteles, 2. de anim. cap. 4. text. 34. inquit: φυσικώτατον ἢ ἐν τοῖς ζῴων ἐργῶν, ὅσα τέλεια, καὶ μὴ πηρώματα, ἢ πῶν γενέσιν αὐτόματον ἔχει, τὸ ποιῆται ἕτερον οἷον αὐτὸ, ζῶον μὲν ζῶον, φυτὸν δὲ φυτὸν, ἵνα τῷ αἰεὶ καὶ τῷ δεῖν μετέχωσιν, ἢ δύνανται. id est, Hæc operatio maximè omnium operationum viucentibus est naturalis; viucentibus, inquam, hisce, quæ sunt perfecta, non membris capta, quæque non sine semine oriuntur: unumquodque, inquam, aliud sibi simile procreare, animal quidem animal, plantam autem plantam, ut sint semper hoc pacto, conditionemque subeant, quoad possunt, diuinam. Cum enim Deus quoduis in genere

genere suo fecerit perfectum, hominem verò perfectissimum : certè perfectus dici non posset, sed secundum Aristotelem inter *πρῶτα* numerandus esset, si non posset alium, qualis ipse est, & quidem integrum, procreare. Vnde cum ex Philosophorum, tum Theologorum sententia homo hominem generat, & quidem totus totum : quod non fieret, si generans soboli animam non communicaret. Cum enim homo constet corpore & anima, si anima à parentibus non communicaretur, homo hominem non generaret. Communicare a. hominem soboli etiam animam, omnino sacris literis etiam consentaneum est. DEVS enim, *Gen. I. v. 28.* æquè homini, ac reliquis animalibus benedixit, dicendo : *Crescite & multiplicamini* : cuius benedictionis vi totus homo totum generat hominem ; quod non fieret, si anima extrinsecus infunderet. De quo plura infra, c. 11. Quicquid enim pertinet ad integritatem naturæ humanæ essentiali, id propagat per generationem. Verùm non solum corpus, sed & anima pertinet ad integritatem hominis. Ergo etiam anima per generationem propagatur. Vnde etià Damascenus, *lib. 4. de orthodoxa fide, cap. 7.* generationem definit, ex concursu maris & fœminæ similis substantiæ individui procreationem. Neque animæ humanæ *ἐξ ὅου* è creatione deducenda Non enim quicquid creatur, est immortale. Imò potius quicquid creatur, per se est mortale. Quod autem aliæ res sunt mortales, aliæ immortales, non ex conditione naturæ provenit, sed ex Dei liberrima voluntate, qui creavit, quicquid voluit, & quando voluit, & quale voluit. Et talis est natura humana,

qualem Deus esse voluit; & ita propagatur, essentiam à Deo concessam retinens, quomodo Deus voluit.

*Anima
humana
initio cō-
ceptionis
statim
adest.*

Verùm statuat hîc quisq; quid velit, & animam seu infundi, seu propagari credat: hoc tamen secūdò certissimum esse puto, animam mox à prima conceptione, quamprimùm semen patris & matris coniunctum est, & in vtero matris retinetur, & corpus formari incipit, adesse. & qui contrarium statuit, siue traducis, siue infusionis animæ patronus sit, eum à vero aberrare. Sunt enim primò quidam ex iis qui animam rationalem non immediatè à Deo creari & infundi, sed à parentibus propagari statuunt, qui tamen ad vulgatam istam scholasticorum de educatione formarum opinionem relabuntur, sed statuunt, quòd anima primò tempore non lateat actu in semine genitali, sed duntaxat potentiâ, quando verò semen nonnihil elaboratum, & membra corporis quodammodo sunt delineata, tum demum per *δύναμιν πλαστικὴν* in semine hærentem animam è potentia feminis educi, excitari & accendi, ita, vt. quæ ante solùm latebat in potentia, nunc actu esse, viuere, & corpus suum informare incipiat.

*Anima
humana
non edu-
citur è
potentia
materiæ.*

Verùm illa omnia, quæ contra educationem animarum è potentia materiæ, & *λόγον πλαστικόν*, supra, cap. 4. & 5. allata sunt, & contra hanc opinionem militant, quæ hîc repetere opus non est; saltem, quæ contra eandem in medium affert Dn. D. Balthasar Meisnerus, p.m. *Philos. sôbr. part. 1. sect. 3. cap. 6. quest. 1.* hîc adducere libet. Vt verò alias eius rationes Theologicas, quas adfert, omittam, multa incommoda & absurda sequun

sequuntur ex hac opinione. Primò enim accidens, videlicet potentia *πλασικὴ*, quæ est in secunda specie qualitatis, produceret tam nobilem & excellentem substantiam; quod absurdum. Secundò *δυνάμει πλασικῇ* foret sine suo subiecto. Virtus enim prolifica non est potentia feminis, sed animæ. Vbi ergo non est anima, ibi nec virtus prolifica esse potest, nisi accidens velimus statuere extra suum subiectum. Deinde vis illa in semine aut corruptibilis est, aut non est. Si dixeris non esse, tum corrupto semine aut transit in animam recens productam, aut aliò *δυνάμει* animæ inhærentes ab ipsa producuntur, non producant. Quàm ergo foret absonum, dicere, virtutem *πλασικὴν* primùm è semine animam excitare, & pòst sese in illam insinuare, atque ad ipsa emanare? Non hoc: quia vel abiret seorsum, vel transiret in aliud subiectum. Illud est contra naturam accidentium, quæ separatim non subsistunt: hoc verò est improbable; siquidem nullum nominari potest subiectum, cui sese admisceat. Igitur vis illa *πλασικὴ* corruptibilis sit, oportet: quo posito ipsam quoque animam corruptibilem & mortalem esse consequitur. Neque enim potest è re corruptibili res incorruptibilis generari.

Qui verò creationem & infusionem animæ statuunt, illi omnes non à prima conceptione animam, sed postmodum corpori formato eam infundi existimant.

Verùm qui autoritate & anticipatis opinionibus sepositis rem ipsam diligenter perpendere velit, aliter statuere non poterit, quàm animam

*Anima
humana
in prima
statim co-
ceptione
adeſt.*

humanam à prima ſtatim conceptione, & quam-
primùm corpus humanum formari incipit, adeſſe.
Ad id autem probandum vtar eodem argumēto,
quo ſupra in genere ad animæ in ſemine præſen-
tiam probandam uſus ſum. Nimirum, ubicunque
animæ humanæ operationes adſunt, ibi ea præ-
ſens ſit, neceſſe eſt. At in prima conceptione ſta-
tim operationes animæ humanæ adſunt. Ergo ani-
ma humana ibi eſt præſens. Sunt autem eæ ope-
rationes prima membranatum fœtum inuoluen-
tium, & poſtea ipſius fœtus formatio, quæ, vt
mox dicetur, à prima conceptione incipit. Dein-
de fœtus ipſius augmentatio. Certum enim eſt,
quamprimùm fœtus partes delineatæ ſunt, eas
etiam augeri. At in auctione anima partibus, quæ
accedunt, communicatur. Ergo etiam in prima
augmentatioe partes, quæ accreſcunt, vt animē-
tur, neceſſe eſt. Abſurdum verò eſt, fœtum iam
editum ab alia anima augeri, ab alia in utero.

*Th. Fieni
de anima
humana
in conce-
ptione præ-
ſentia opi-
nio.*

Vi huius argumenti procul dubio motus eſt
Vir Cl. Th. Fienus, in Academia Louaniendi Pro-
feſſor Medicinæ *de form. fœtus, quaſt. 8. concluſ. 1. r.*
vt ab omnibus, qui animæ humanæ infuſionem,
eamque circa 40. demùm diem fieri ſtatuunt, diſ-
ſentiret, ſtatueretque, animam rationalem in-
funditertio à conceptione ſeminis die: id quod

*Membra-
na fœtus
ab anima
forman-
tur.*

probat hiſce argumentis. Primò, quod confor-
mat fœtum, conformat membranas. Sed quod
format membranas, debet tertio circiter die eſſe
in ſemine. Ergo anima rationalis debet tertio cir-
citer die eſſe in ſemine. Quod enim conformat
membranas, debet eſſe in ſemine, antequam
ipſæ conformentur, vel eo ipſo, quo incipiunt

conformari, tempore; cum causâ efficiens sit prior tempore, vel simul cum suo effectu. At membranæ sunt conformatæ ad summum die quinto aut sexto. Ergo ad minimum incipiunt conformari die tertio, & propterea etiam anima rationalis ad minimum die tertio debet semini inesse. Videtur enim ad minimum biduum aut triduum requiri, prius quàm ipsæ possint esse perfectæ; cum structuram satis artificiosam habeant, & venulas ac arteriolas per substantiam suam decurrentes, quæ non possunt temporis momento conformari.

Quod autem conformat fœtum, illud etiam conformare membranas, probat hoc modo: Entia nō sunt temerè & citra necessitatem multiplicanda. Vna verò eadēmq; anima potest omnem, quæ circa semen peragitur, præstare cōformationem. Omnium enim partium cōformationem simul & semel, & eodem tempore incipit, etiam si non omnes æquè citò appareant perfectæ. Et proinde plures animæ, quæ conformant, non requiruntur. Neque vlla alia anima, vel vis, quæ membranas has conformet, dari potest, quàm anima rationalis in semine, quod, *quæst.* 8. prolixè probat. Inò facere membranas, esse munus illius conformatricis, quæ fœtum conformat, porè monstrat. Primò enim membranæ fœtus gratiâ formantur, iisque semen obducitur, ne sordibus vteri & sanguine menstruo conspurcetur; ne se diffuat & vtero excidat, & ne spiritus in eo exhalent. Secundò, membranæ formantur ex eadem materia, è qua fœtus, semine nempe, & proinde ab eadem conformatrice. Tertio, membranæ vi-

R 5 uunt.

viuunt. Ergo formatæ sunt ab illa anima, quâ viuunt. Quartò, vasa vmbicalia conformantur ab eadem caussa, à qua fœtus. Ergo & membranæ. Debent enim membranæ cum venis vmbilicalibus aptè coniungi, & vasa vmbilicalia debent ipsis vestiri, & ipsas perforare & pertransire. At illa vnio & connexio non potest fieri à conformatricibus diuersis. Ridiculum verò est, putare, membranas non fieri ab vlla vi formatrice, sed solùm generari à calore vteri, sicut crusta panis à calore furni, & pellicula in lacte à calore ignis. Generatio enim membranarum, & cum vasis vmbilicalibus connexio, longè artificiosior est, quàm vt per solam exsiccationem à calore fieri possit; neque fit ex necessitate materiæ, sed specialiter à natura intenditur, vtpote sine quâ fœtus ex semine conformatio fieri non potest.

Membrane formantur statim ab initio conceptionis.

Membranas autem iam quinto vel sexto die esse conformatas, ipsa experientia, & Medicorum obseruationes testantur, vt ex Hippocrate, *libro de Natura pueri*, vbi de psaltria agit, quæ geniturâ sexto die à conceptione pellicula obductam eiecit, Galeno 1. *de semine*, cap. 4. vbi sæpe numero mulieribus post tres aut quatuor à conceptione dies semen ipsum membrana circumuolutum excidere scribit, & Macrobio, *in somn. Scipionis*, lib. 1. cap. 6. patet, & omnes recentiorum Medicorum obseruationes confirmant. Secundò idem probat eo, quod ab animæ introductione (ex hypothese sua loquitur, aliàs propagationem dicere posset) non est opus alia actione, quàm vt semina in vtero virtute & calore eius misceantur, fermententur, & actuentur. Ad talem mixtionem,

fer

fermentationem, & actuationem non est opus longâ morâ temporis. Natura enim ne momento quidem est otiosa, sed mox à concepto semine incipit operari. Et semini in testibus existenti, ubi sunt inductæ vltimæ ad animæ introductionem (ex hypothesi sua iterum loquitur) dispositiones, non est opus vltiore magnâ eius in vtero alteratione aut elaboratione. Id quod probat exemplo feminum plantarum, quibus sic vltimæ dispositiones sunt impressæ, v: sæpe sponte sua in tabulatis incipiant germinare.

De quâ doctissimi Viri opinione vt meam sententiam aperiâ, scripsit is præ aliis diligentissimè & accuratissimè hac de re, & auctoritatibus se positis candidè & liberè suam sententiam proposuit, ac rationibus confirmavit, & in plerisque etiâ veritatem attingit. *Primâ enim conclusione* rectè probat, neque DEVM, neque Intelligentias, neque animam mundi esse efficientes conformationis causas. *Secundâ*, virtutem conformatricem nō esse in vtero. *Tertiâ*, virtutem conformatricem esse in semine, & esse semini intrinsecam. *Quartâ*, natium calorem non esse veram causam efficientem principalem conformationis. *Quintâ*, generatiuam parētum non esse veram causam efficientem conformationis vel immutationis seminis in vtero. *Nonâ*, animam rationalem esse primam ac solam in fœtu, & nullam aliam præcedere eâ. *Decimâ*, animam rationalem in homini cōformare & organizare corpus proprium, seu corporis formam esse. *Vndecimâ*, animam rationalem esse præsentem tertio circiter à seminis cōceptione die. Atq; ita ex fœtus formatione accuratè

*De Th.
Fieri sententia auctoris ludicium.*

*Vera Th.
Fieri conclusiones.*

&

& liquidò perspexit, totam fœtus formationem circa tertium diem, inò in fine secundi, aut potiùs (cum natura ne momento sit otiosa) quamprimum semina in vtero mista sunt, ab vna & eadem anima inchoari, continuari, perfici, & absolui. Quod ita clarum est, vt omnes, qui contrarium statuunt, in absurdissimas opiniones incidere necesse habeant.

In quibus definitur Fœtus.

Verùm cum iam ante tertium etiam diem, vt mox dicetur, operationes quædam, & formatio fiat, non monstrat, quidnam illam formationem, seu in homine, seu in brutis, perficiat. Deinde argumenta eius non plus probant, quàm animam hominis rationalem mox à principio formationis præsentem esse: non verò probant id, animam hominis circa tertiam diem à Deo Opt. Max. infundi, aut potiùs, vt loquitur, increari. Etsi enim satis demonstratum sit, animam rationalem hominis mox in principio formationis fœtus præsentem esse: alia tamen iam quæstio oritur, an nimirum propagetur, an verò à Deo infundatur, & à Deo semine disposito creetur. Vbi nulla pro sua opinione argumenta & rationes affert Fienus, & reliquæ propositiones, quibus à mea sententia dissidet, nimirum *sexta*, animam seminis non esse efficientem conformationis; *septima*, in semine, vt semen est, & vt est in testibus, & priusquàm iam animam in vtero recepit, nullam esse virtutem actiuam conformationis aut generationis: nec semen in generatione se habere vt instrumentum, aut vt efficiens, sed solùm vt materiam; & in neutro semine parentum esse vllum principium actiuum generationis, sed solùm passiuum;

octaua,

Falsa Th. Fieni conclusiones.

oſtendit, Efficientem conformationis eſſe animam ſemini poſt conceptionem aduenientem : eæ, inquam, omnes ex hypotheſi, animam ſcilicet rationalem diuiniùs infundi, natæ ſunt : abs qua ſi fuiſſet, proculdubio animæ præſentiam in ſemine agnouifſet. Quæ tamen ipſa hypotheſis autoritatibus ſaltem, non firmis rationibus, vt infra patebit, nititur, neque quid ſolidi ad eam probandam patroni afferunt, ſed tantùm ad illud luſti Lipſij confugiunt, qui, cum, *lib. 3. Phyſiol. Stoic. c. 7.* adduxiſſet Tertullianum & multos Latinos, docentes, animam eſſe innatam, non ingreſſam, & Gregorium Nyſſenum laudaſſet, ſtatuentem, neminem ſanâ mente præditum in animum inducere, poſteriore eſſe originem animæ corporis conſtitutione, concludit : *Sententia erat quam tueri poſſes ; niſi Eccleſia & puriores Theologi iam aliter credi conſenſiſſent.* Pareamus.

Etſi, quod etiam ſuprà monui, Fienus, & alij *Confor-*
docti Viri, qui de fœtus formatione ſcripſerunt, *matio*
non in homine, vt ſubiecto non adæquato, ſed in *corporis*
genere in omnibus viuentibus ; plantis & ani- *viuentis*
malibus cauſſam formationis corporis viuentis *omnibus*
quæſiuiſſent, facilius veritatem inueniſſent. Cum *viuentibus*
enim, *quæſt. 5.* concedere neceſſe habeat Fienus, *com-*
ſemen plantatum eſſe animatum, iam proximè *muniſ.*
inquirere debuifſet, quomodo ſemen brutorum ſeſe habeat, an ſit animatum, necnè, & quæ in eo ſit conformationis corporis animari cauſſa. Et cum ipſe concedat, conformationem ſtatim, poſtquam conceptio facta eſt, incipere ; nullam verò aliam conformationis cauſſam eſſe, quàm animam, ſolidè probauerit, anima brutorum etiam
non

non cælitùs infundatur : inde sequi , facile colligere potuisset , & semē brutorum animatum esse , & animā in eo formationis corporis causam esse. Cùm verò quæ obicit contra animæ humanæ in semine præsentiam , itidem contra semen brutorū pugnent , quā ratione illa solui possint , cogitare debuisset. Hoc enim si fecisset , facile vidisset quomodo ea dubia , quæ contra animæ humanæ in semine præsentiam obiciuntur , soluere potuisset. Vnicum tantum superfuisset inquirere , an in propagatione anima humana peculiare quid præ brutorum animabus habeat , & cùm formatio membrorum , quam ipse pro argumento præsentis animæ habet , non primùm tertio die , sed mox in primo conceptionis momento incipiat , probare debuisset , cur illa formatio mox præsentis animæ indicium esse non debeat.

*Animam
tortia de-
num die
esse præse-
ntem , non
probat
Fienus.*

Deinde nec hoc argumenta Fieni probant , de-
mum tertio die animā in semine esse præsentem.

*Cùm enim , ut ipse concedit , natura ne momento
quidem otiosa sit , sed mox à concepto semine in-
cipiat operari , & statim à primo conceptionis mo-
mento operationes in semine incipiant , & , ut mo-
do ex Galeno , 1. de semin. cap. 4. post tres aut qua-
tuor à conceptione dies , semen iam membranā
inclusum sit , membranæ verò , ut Fienus probat ,
ab eadem anima formentur : certè ante tertium
diem animam adfuisse , & mox à primo concep-
tionis momento opus formationis corporis huma-
ni aggressam esse , necessariò concluditur. Con-
firmant id abortuum observationes. Hippocra-
tes , de nat. pueri , scribit , se vidisse genituram
sex diebus in utero retentam , & foràs prolapsam ,
quæ*

*Forma-
tionē fœ-
tus mox
à prima
concep-
tione ince-
re.*

quæ

quæ hoc modo sese habuit : Vt si quis ouo crudo externam testam vndique auferat , in quo interiore membranâ contentus humor pelluceat. Ad hunc ferè modum se habebat liquor ille, prætereaque ruber erat & rotundus. Conspiciebantur autem fibræ albæ & tenues in mēbranâ cum sanie crassa & rubra contentæ, & ipsa membrana exteriore parte cruore ad instar sugillatorum suffusa erat. In cuius medio tenue quiddam exstabat , quod mihi vmbilicus esse videbatur , & per illum primùm respirasse , ex eoque protendebatur membrana tota genituram complectens. Idémque Hippocrates, *lib. de carnibus*, genituram in vtero acceptam in septimo die habere quæcunq; corpus habere decet ; & abortum hoc tempore factum in aquam iniectum omnia diligenter inspicienti omnium partium rudimēta exhibere docet. Similiter scribit Felix Platerus, in *quest. medic. quest. 1.* se multos annos plurimos abortus vidisse quæ primâ septimanâ ita se habuerint : Exsurgit, inquit , primùm vis illa procreatrix in semine latens & recondita , ac insigniores feminis portiones, quæ à tribus parentum principiis defluerunt , in tres , quasi bullas spiritibus turgentes disponit, quæ cerebri, cordis & iecoris sunt rudimenta , in exiguo corpusculo conclusa , reliquæque illi adhærentes portiones, in artûs, illique ad nata membra ruditer segregat , quæ primâ septimana ferè perficiuntur , ita vt tum reiecto per abortum embryone , informis talis massula , ex semine veluti concreata, rotunda & conuoluta , tribus hisce bullis distincta appareat. Qualem à Psaltria illa , quæ pe
vime

vim saltu impetuoso abortum tibi conciliarat; se obleruasse scribit Hippocrates. Egoque eiusmodi reiectum globuli rotundi & albi inuitat, magnitudine auellanz, in quadam, quæ quotannis ferè, non multis à conceptu diebus abortiebat, vidi, atque ex amnio tenui, cui innatabat, exemi, & cum ab invicem deducerem, tres eiusmodi bullas, quarum inferior, iecoris rudimentum exprimens, palidior, non tamen rubra erat, obseruavi, quatuorque portiones pro brachiis & pedibus formandis; & quod spectatu iucundum, duo puncta nigra minutissima oculis dicata, notavi. Quæ uti & in aliis, sic & in generosa quadam, quæ toto ferè biennio, quod mirum, & aliàs inauditum, singulis mensibus abortiebat, sæpèque ad me eiusmodi abortum, ut, quid esset, indicarem, trans mittebat, similiter sic se habere, deprehendi.

Confer-
maria-
nem se-
tus max
à primo
conce-
ptionis
momento
incipere.
Conceptio
quando
incipiat.

Quæ cum ita se habeant, facilè apparet, con-
formationem fœtus mox in primo conceptionis
momento incipere. Vnde Macrobius, lib. 1. in
somnia Scipion. cap. 6. scribit: Semen, quod post ia-
ctum sui intra horas septem non fuerit in effusionem
relapsion, basisse in vitam pronuntiatur. Et paulò
post: Conceptum, quem quisquis ultra septem horas
sustinuerit, esse ad vitam creatum. Et Ludouicus
Mercatus, lib. 3. de morb. mulier. cap. 6. scribit,
ubi semina in utero constiterint, atque etiam
intra septenas horas post eiaculationem in effu-
sionem relapsa neutiquam fuerint, si uteri calore
conferuntur. reganturque, concepisse fœminam,
credendum esse. Hinc Hippocrates, non à septima
die, sed ab ea, quæ semen retentum fuit, conce-
ptionis initium computandum docet, dum, lib. de
genit.

genit.ait: Si mulier aliquando partum experta fuerit, & aduertit, quando genitura non exciderit, sed intus remanserit, sciet. quâ die conceperit.

Quibus rationibus moti, Tertullianus, *lib. de Patrum anima*, & cum illo multi Latini statuerunt, & in *de formatione* ipso & ex ipso feri hominem, & viuum esse à pri-
mordio semen. Et ex Græcis Gregor. Nyssenus, *de fœtus sententia* anima & resurrect. scribit: Posteriores esse originem animarum, ipsasque recentiores esse corporum constitutione, nemo sanâ mente præditus in animum induxerit; cum manifestum sit, quod nihil ex inanimis vim in sese habeat mouendi, itémque crescendo. At eorum, qui in utero aluntur, neque augmentum & incrementum, neque de loco ad locum motus controuersus est. Relinquitur ergo, ut censeamus, unum & idem anima & corporis constitutionis principium esse. Ac quemadmodum terra, si surculum à radice auulsum acceperit, arborem inde efficit, non ipsa vim augendi iniiciens, sed incrementi duntaxat materiam, atque subsidium impartiens: ita dicimus, etiam id, quod ex homine auellitur (semen) ad hominis formationem, ipsum quoque aliquo modo animal esse, & ex animato animatum. Et porro dicit, omnes animæ facultates in semine esse, occultas tamen, quæ in tempore atque ordine emergant, ut sese exserant.

CAPVT XI.

An, nisi anima cum semine communicetur, simile simile generare dici posset?

ATque ita vero consentaneum esse probatum est, animam cum semine; secundò demonstratum, animam, siue propagetur, siue infundatur, in prima conceptione præsentem, sui que domicilij architectam esse. Qui verò contrarium sentiunt, duo præcipuè agunt, primò, ut rationes pro traduce; & animæ per semen propagatione allatas impugnent. Deinde, ut rationes, quibus contrarium præbent, afferant.

An, nisi homo cum semine des animam, possit dici sibi simile generare. Primò enim, cum dictum sit, quòd, nisi generans soboli per semen animam humanam communicaret, simile non generaret simile, in isto argumento solvendo nonnulli variè laborant, sed frustra. Primò enim, quod quidam dicunt, hominem posse dici generare sibi simile, si materiam proximam suscipiendæ animæ aptam communicet, nullius momenti est. Materia enim ad simile constituendum non sufficit. Et qui non dat formam hominis, ille non generat hominem. Nam homo sine forma sua, quæ est anima, nõ est homo. Ideoque si parentes non dant formam hominis; non generant hominem. Imò si pater animam non conferret, neque corpus, neque animam à parente fœtus haberet, secundum hanc sententiam. Aristoteles enim, *de gen. animal. c. 2. 20. & 21. & 4. de gen. anim. c. 4.* negat, semen patris ullam partem materiæ corporis fœtui conferre. Quod etsi negant

Qui materiã solum dat, non sibi simile generat.

negant Medici; hoc tamen certum est, si à semine aliquid corporis prouenit, id planè exiguum esse, ac prima saltem corporis lineamenta; ipsum verò corpus à sanguine matris formari, animam potius patrem cōferre, scribit Aristoteles, 1. de gen. anim. c. 20. τὸ μὲν ἄρσεν, inquit, παρίσταται τὸ, τὸ εἶδ' αὖ, καὶ τὴν ἀρχὴν τῆς κινήσεως: τὸ δὲ θῆλυ τὸ σῶμα, καὶ τὴν ὕλην. *Mas quidem prabet formam, principiumque motus: fœmina autem corpus, materiamque.* Et quod supra in genere de ortu animarum diximus, idem hîc repetendum est, nimirum, si statuatur, animam formato iam corpori infundi, sequi, eos, qui iam mortui sunt, generare. Cùm enim vnio animæ cum corpore sit generatio; at verò, ex eorum sententia, qui statuunt, animam creatam à Deo infundi, anima demum 40. die, vel etiam tardiùs, infundatur, atque interim fieri possit, vt parens moriatur: vel parens ille sobolem generasse dici non potest, vel dicendum, mortuum generare.

Deinde putant nonnulli, hominem sibi simile generare secundùm speciem, quatenus generationis terminus & finis est integra natura humana, & quatenus non nascitur, & in lucem prodit, secundùm ordinem à Deo sancitum, nisi constans corpore & anima rationali. Verùm hæc responsio non sufficit. Neque enim de partu hominis quæstio est, sed de generatione, quæ non fit in partu, sed in legitima coniunctione maris & fœminæ secundùm Dei ordinationem. Neque solùm in lucem prodit homo, sed & homo concipitur, sicut de Caino dicitur, *Genes. 4. v. 1. Adam cognouit uxorem suam, quæ concepit*

Partus non facit similitudinem speciei, sed generationis.

¶ peperit Cain. Nec firmior, sed eadem cum hac, est eorum obiectio qui dicunt, si id, quod ab homine generatur, suo tempore perficitur in hominem, hominem simile sibi generare. Etenim si formam & rationalitatem non habet à parente, sed ab alio, non generatur simile à simili.

*Anime
brutorū
non edu-
cuntur à
potentia
materiæ.
Animæ
humane
nobilitas
cum tra-
duce con-
stare po-
test.*

Tertiò, quòd nonnulli dicunt, axioma illud: Omne animal cum generat, sobolì & corpus & animam dat, accipiendum esse saltem de anima- bus, quæ è potentia materiæ educuntur, animam verò rationalem è materiâ non educi, nec depen- dere à corpore, quantum ad essentiam suam, etiam non magni momenti est. Etenim falsò, & sine omni ratione præsupponitur, animas brutorum è potentia materiæ educi, & quantum ad essen- tiam, dependere à materiâ; cum etiam vi benedi- ctionis diuinæ à parentibus in sobolem propa- gentur. Neque intellectus nostri nobilitas, cum ratione essentiæ, tum ratione operationum aliud monstrat. Placuit enim ita Creatori, substantiam nobilissimam corpori associare. Ideòque si anima rationalis immortalis in corpore mortali diu de- gere potest, cur non etiam cum semine propaga- ri possit? Neque, si id fieri dicatur, nullum absur- dum importat, ut postea patebit.

CAPVT XII.

An Deus, vel λόγος πλαστικός corpus humanum formet.

DEinde cum id, quod eos, qui animam in semine esse negant, maximè urget, sit corporis humani formatio, ne hîc etiam veritati victas manûs porrigere cogantur, varij varia effugia quæruunt. Cum enim admirandam illam fabricæ corporis nostri structuram & conformationem nemo negare possit, varij varias causas eius, ne etiam animæ statim in semine præsentī tribuere cogantur, commiscuntur. Et primò quidem hîc nonnulli ad rerum omnium causam primam, Deum, confugiunt. Ita Alphonsus à Caranza, ICrus Hispanus tract. de part. nat. & legit. c. 1. cum alias causas omnes, quas alij afferunt, reiecit; tandem primam formationis humanæ causam statuit Deum, diuinamque potentiam & sapientiam; ad lucitque pro sua sententia illud Psal. 118. v. 73. *Manus tuæ fecerunt & præparauerunt me.* Et, Iobi c. 10. *Manus tuæ finxerunt me. Nonne sicut lac liquefecisti me, & tanquam cascum coagulasti me? Cute & carne circumuestisti me; atque ossibus & nervis cooperuisti me?* Verum enimverò, eundem sapientia & potentia Dei satis in formatione corporis elucet: at ideo causa proxima & sola conformationis non statuenda est. Apparet enim eadem sapientia & potentia etiam in animalium, imò plantarum formatione; & de liliis agri Saluator, Matth. 6. v. 30. dicit, quòd Deus ea vestiue-

An Deus
formatio-
nis corpo-
ris hu-
mani
causa
sit.

rit. Sicut ergo inde concludere non licet, quòd Deus solùm caussa sit formationis corporis plantarum & animalium brutorum; ita nec concludere licet, quòd sit caussa proxima corporis humani. Deus enim caussa Physica non est, sed causa prima & vniuersalis non Physico motu, sed eminenti & ineffabili modo, ac suâ præsentia res omnes conferuans, fouens, & in actionibus suis obeundis gubernans. Qui etsi in principio mundum atque omnia, quæ in eo sunt, creauit: naturam tamen dedit, quæ ordinaria Dei potentia est, cuius lege iam rerum generatio perficitur. Sapientia equidem, & potentia illa infinita, est primaria in Creatore: is tamen caussis secundis artificiosa opera perficiendi vim dedit, quæ ipsæ etiam reuerà agunt, vt supra, *cap. 2.* monstratum. Itaque etsi negari non possit, Deum, vt causam primam & vniuersalem, in hoc opere concurrere: de quo Dei, vt causæ primæ cum caussis secundis concursu *alleg. loc.* dictum est, tamen causam non esse, vel ex eo patet, quod errores quandoque in conformatione corporum viuentium accidunt; quod non fieret, si Deus esset caussa proxima conformationis. Is enim nunquam in agendo errat. Neque causæ Physicæ illorum errorum reddi possent; quod tamen Medici faciunt, dum vel à materiæ vitio, vel loci incommoditate, vel matris imaginatione, tales in conformatione errores prouenire rectè demonstrant. Dei verò actiones nec à materiæ vitio, nec à loci incommoditate, nec matris imaginatione corrumpi & vitari possunt.

Alij causam in ipso semine quærunt, inter quos

vel λόγος πλαστικός corpus hum. format. 279

quos aliqui λογόντινα πλασικόν conformationis *Αν λόγος* fœtus causam esse, & parentes semine, ut instru- *γος* mento, in sobolis productione uti statuunt. Vc- *πλα-* *τὸν* opinio hæc supra, *cap. 5.* satis examinata, &, *σικὸς* nisi λόγος πλασικός pro ipsa anima accipiatur, *sic con-* *refutata est.* Ut hoc addam, è Recentioribus qui, *forma-* *tionis* *fœtus* *humani* *causæ.* dam omnem difficultatem se declinare posse existimat, si neget, vim πλασικὴν proximè conse- qui animæ essentiam, sed statuatur, per diuinam benedictionem hoc animæ tributum esse, ut in semine excitet vim πλασικὴν, quam deinde semen, dum in suo concluso maneat loco, fideliter retineat & conseruet; vimque hanc producere substantiam non propriâ virtute, sed eâ, quam accepit ab anima rationali, vimque hanc, ubi opus suum expleuit, iunctam animæ conseruari, donec tandem, ubi ætas hominis geniti maturuit, iterum sese exferat, & sibi similem vim πλασικὴν semini infundat.

Verum, quod aliàs fieri solet, ut qui falsam opi- *An vis* *πλα-* *σικὴ* *possit esse* *in semina* *sine ani-* *ma.* nionem tuentur, dum vnum absurdum declinare cupiunt, in plura incidant, etiam hîc accidit. Primò enim, cum omne accidens requirat suum subiectum, & per suam formam subiecto insit: quæro, per quam formam, si semen animatum non est, vis hæc semini insit. Quæ cum nulla dari possit, daretur accidens sine substantia & subiecto. Secundò, cum propria non nisi vni & suo subiecto insint, vis πλασικὴ hæc primò in semine esset in vno subiecto, postea cum animæ iungeretur, in alio. Tertiò, cum vis πλασικὴ, ut ex corporis augmentatione, & partium amissarum regeneratione, ut præcipuè in plantis &

animalibus brutis patet, propria sit animæ potentia, nullibi esse potest, nisi ubi est anima, & ubi est, firmiter & demonstratiuè concludere licet, ibi esse animam. Quarta dicitur, sed non probatur, quod accidens aliquod communicatâ virtute possit producere substantiam. Nullum enim accidens agere quidem potest, multo minùs substantiam producere valet, nisi à forma, à qua fluit, & potentiam agendi habet, dirigatur, vt satis supra, cap. 5. de instrumento separato dictum. Verùm quocunque etiam modo vim hanc *πλαστικὴν*, explicant, nisi animam semini inesse statuunt in difficultates inexplicabiles se inuoluunt. Si enim statuatur esse substantia, frustra multiplicantur Entia. Et cum ei omnia, quæ animæ propria sunt, competant, cur non anima sit? Si verò sit accidens, nullum habebit subiectum, & ultra vires aget.

CAP V T XIII.

An plures sint in homine anima?

An plures sint anima in homine. Alij verò, cum animæ præsentiam in semine negare non possint, & ab ea corpus fœtus formari concedere necesse habeant, nec tamen animam rationalem in prima statim conceptione præsentem concedere velint. plures animas in homine comminiscuntur, parum tamen solidis rationibus nixi, sed imprimis Aristotelis autoritate adducti, qui. 2. de generat. animal. c. 3. docet, hominem primò viuere anima vegetante, hinc sentiente, tertio rationalem accipere. Verba Aristotelis

telis ibi videantur. Quis tamen verborum Aristotelis sensus sit, tam controuersum est apud Aristotelis Interpretes, quàm quod maximè.

Primò enim quidam animam quancunque simplicem esse substantiam, & ita etiam non primò vegetantem, hinc sentientem produci, tandemque rationalem superuenire statuunt, sed existimant, vnam & eandem animam in conceptu primo edere operationes animæ vegetantis, postea sentire, mouere, tandem rationalis facultatis operationes exserere. Nam cum anima non possit facultates suas exserere, nisi idoneis instrumentis instructa sit, & actiones maximè necessarias primò edat, at verò ad nutritionem pauciora requirantur instrumenta, & ea primò statim maximè necessaria sit, eam etiam primò institui; cum verò sensus & ratiocinatio plura instrumenta requirat, etiam progressu temporis eas exseri operationes, vbi corporis organa magis absoluta sunt, docent.

Alij, contrà, hanc interpretationem reiiciunt, nec verbis Aristotelis consentaneum esse dicunt, dum, *loco alleg.* expressè scribit, animam vegetantem primò haberi in conceptu; sensibilem, quàm animal est, tempore procedente recipi; vt & rationalem, quàm homo, & hanc solùm extrinsecus aduenire.

Cum ergò ipsi Aristotelis Interpretes de mente eius dubitent, rectissimum est, vt seposità, quod omnino in veritatis indagatione fieri debet, auctoritate, rem ipsam consideremus, & rationibus tantùm agamus. Quod si fecerimus, inueniemus, veritati maximè consentaneum esse, statuere, *Vna est in homine anima.*

in homine, vnam esse animam rationalem scilicet, virtutibus tamē omnium inferiorum instructam, & facultate vegetandi & sentiendi præditam. Si- que verba Aristotelis hunc sensum admittunt, de quo iam non disputo, is satis commodus est. Etenim, quod primò tenendum, anima essentia simplex est, & vnica est in quolibet viuente ani-
Ab vna ma, diuersis tamen facultatibus instructa. In plan-
anima ta qualibet est anima specifica; ea tamen varias fa-
plures cultates habet, nutrit, auget, semen generat, &
fluunt præterea suæ speciei proprias actiones edit, aliàs-
faculta- que proprietates & actiones rosa, alias rosmari-
tes & nus, alias rhabarbarum, alias hellebotus, alias taxus
actiones. habet: Quodlibet animal nutritur, augetur, sibi si-
 mile generat, sensus varios habet, mouetur, & tan-
 dem quod suæ speciei proprium est, peragit; aliàs-
 que proprietates & actiones habet apes, alias for-
 mica, alias ouis, alias coruus, elephas, simia: quæ
 quidem non sunt rationales, vt tamen intelle-
 ctus specifica est hominis proprietas: ita & illæ
 præter sensum & motum, quæ omnibus animalibus
 communes actiones sunt, specificum quid ob-
 tinent. Et si non est absurdum in planta vel ani-
 mali ab vna anima plures facultates & actiones
 proficisci, cur absurdum sit, in homine idem sta-
 tuere?

Et vt statuatur, vnam in quolibet animali esse animam, à qua plures facultates & actiones pro-
 ueniant, non plures animas, multæ rationes per-
 suadent. Primò enim, si in homine plures essent
 animæ, non esset quilibet homo animal vnum,
 sed diuersas operationes à diuersis formis & acti-
 bus obtineret. De quo pluribus I.C. Scaliger,
exerc.

exerc. 307. sect. 5. *Nulla, inquit, apud me viget ratio, quæ mihi persuadeat, animam nostram, substantiam immaterialem, Dei quasi particulam quandam, vilo modo esse compositam, præsertim ex duobus actu contrariis. Non enim tam esse aquæ contrarium ignem arbitror; quàm τὸ λογικὸν τῷ αἰσθητικῷ. Anima, quæ tota sit in quacunque parte corporis, quomodo partes habeat in se simul actu contrarias duas? Et post pauca: Esset enim homo vnum, quasi cumulus partibus coagmentatis; non verus homo, sed verus Geryon, veræque chymæra. Neque vim huius argumenti effugere possunt ij, qui contrarium statuunt, dum dicunt, vnam tantum in homine esse formam specificam, reliquas genericas & specificè subordinatas, animamque rationalem in homine, ut principem, solam officium formæ obtinere, reliquas, etiamsi ex sua natura formæ sint, & actu in vivente insint, cum principe tamen collatas non esse actus, sed instat materiæ. Etenim si ante aduentum animæ sensitivæ vegetans, & ante aduentum animæ rationalis sensitiva idem indiuiduum constitueret, vnum numero indiuiduum diuersis temporibus diuersis formis specificis informaretur; quod absurdum: & ita, si indiuiduum plura esse perfecta in sese haberet, esset saltem vnum per accidens, & aggregationem.*

Secundò si homo plures successu temporis animas acciperet, absurdum hoc consequeretur, dari indiuidua viuentia, quæ ad nullam speciem viuentium pertinerent. Etenim dum homo viuit animâ vegetante solùm, esset planta, nec tamen ad vllam speciem plantæ: dum viueret animâ

sentiente,

*vegetans
nullum
datur, ni-
si ad cer-
tam spe-
ciem re-
strictum.*

sentiente, esset animal, nec tamen ad ullam speciem animalis pertineret. Ad quam rationem, etsi nonnulli respondere conantur: tamen nihil, quod alicuius momenti sit, afferunt. Ioh. Gallego Tole-
ti, 2. *de Anim. c. 3.* responsionem probat, qui dicit, quòd indiuiduum tale non sit essentialiter plan-
ta, ideòque non sit sub aliquo genere aut specie plantarum, sed còtineri sub genere embryonis, & sub aliqua specie eiusdem generis, & naturam fe-
cisse duo distincta genera vegetationis, quorum alterum sit planta, alterum verò embryo, atque embryonum genus hoc sub se còprehendere tot embryonum species, quot sunt animalium perfe-
ctorù & humani embryonis species, habere propriam speciem, quæ ut instrumentum generantis faciat organizationem conuenientē ad recepta-
culum animæ humanæ à Deo creatæ. Verùm vno absurdo dato sequuntur infinita & hoc modo ab-
surda absurdis cumulantur. Etenim si vegetatiuus ille gradus communis est plantis & animalibus, qui sit, ut ex ista anima vegetante, quæ est in em-
bryone, equus, non rosa, vel canis nascatur? Et cum tot embryonù species constituent, quot sunt ani-
malium perfectorum species, necesse est, ut vnus embryo, si ab alio per speciem diff. rt, per formam aliquam specificā differat. Nullius verò momenti est, quod idem Gallego dicit, quòd forma vegeta-
tiua embryonis producta ab vrero humano, non faciat organizationem plantæ neque alterius ani-
malis, sed potius humanam, fieri, cum quia dirigat-
ur ab anima fœminæ similem habente organiza-
tionem; tùm quia secundùm suam naturam ad ta-
lem organizationem faciendam habet naturali mi-
inclinā

inclinationem. Nam primò falsum est, & nondum probatum, quod anima fœminæ dirigat illam organizationem, vt ante monstratum. Deinde vnde habet illam inclinationem ad talem organizationem? Certè à forma communi & generica habere eam non potest, sed omnis determinatio est à forma specifica. Et quid fiet, vbi vltra gradum vegetatiuæ ad gradum sensitiuæ embryonis peruenit? Cùm enim tum neque homo, neque vllum aliud animal sit. (Nam sensitiua nullum animal in specie constituit) quid, quæso, erit; cùm in nullo animalis specie constituarur, vt forma specifica carens? Ergo res eò redit, animam, quæ est in fœtu perfectò, etiam esse in embryone, & quæ vltimam perfectionem operi tribuit, eandem idem cepisse: nimirum animam equi fabricare sibi corpus conueniens, leonis sibi aprum, nullamque dari in embryone equi formam distinctam ab aliis animalibus, quàm animam equi; & illam formam embryonis, vt à Toletò & Gallego describitur esse merum figmentum.

Tertiò, si primò anima vegetatiua informaret corpus, & postea sensitiua, tandem anima rationalis, homo esset ex planta, bruto & animali compositus. Et sequeretur etiam hoc absurdum, quòd si à diuersis formis fluereut sensitiuum & rationale non esset essentialis prædicatio, quando dicitur, homo est animal; siquidem ratio animalis non fluereut à forma hominis. Si verò ab vtraque anima idem prædicatum fluereut, homo non vnum animal, sed duo esset; animal scilicet irrationale ab anima sensitiua; rationale ab anima rationali.

Nec,

*non ho-
mo ha-
beat tres
essentias.*

Nec, quæ contra obiiciuntur, alicuius ponderis sunt. Nam prtmò dicunt, quòd non ab eadem forma plura diuersaque Esse, nec idem Esse à pluribus distinctisque formis proficisci possit; cùm forma sit adæquata essentiæ causa. Quapropter cum idem suppositū sit homo, sit animal, sit viuens, diuersa hæc Esse ab vnica forma non habebit, sed à diuersis. Et contra, quia homo & animalia bruta & plantæ sunt viuentia, eaque formis distincta, illud, quod omnibus commune est, non prouenire à formis, per quas differunt, sed ab illa, quæ æquè omnibus inest. Verùm negatur, quòd vegetans, sensituum & rationale tria diuersa Esse sint, à diuersis formis proficiscentia; sed sunt saltem eiusdem animæ potentiæ. Et quod multos decepit, hoc est, quod statuunt, in aliquo corpore posse esse animam vegetantem solam in alio sensituiam, & ab ea indiuiduum aliquod constitui posse. Vegetans enim anima nullam plantam, vel alterius viuentis speciem constituit, sed nutritio & augmentatio omnibus viuentibus communis est, & plantæ inter se æquè ac animalia specie differunt, & alia forma & anima specifica est rosæ, alia roris marini, alia quercûs, alia pyri, alia pomi; vnde etsi & rosa, & rosamarinus, & quercus, & pyrus, & pomus nutrian- tur & augeantur: tamen diuerso modo augentur, & alia aliud attrahunt alimentum, folia, flores & fructûs diuerso modo producant; alia in proce- ram altitudinem assurgunt, alia humi repunt, aut certè in altum non attolluntur. Eodem modo sensus & motus nullum animal constituit, sed omnium animalium species suas específicas animas habent,

*Vegetans
nullam
plantam
per se
constituit*

*Sensus
& motus
nullum
animal
consti-
tuunt.*

habent, ob quas etiam sensus & motus in singulis animalium speciebus differunt, & sensus externi in aliis aliter se habent, ut & motus, alia repunt, alia volant, alia ambulant. Præter sensum tamen & motum actiones suæ speciei proprias edunt; canis sagax est & fidelis; equus animosus est & suo modo superbus, prudens suo modo elephas; de quibus videatur I. Lipsius, *Cent. 1. Epist. 50.* telas texit araneus, apīs fauos format, &c. Nimirum in omnibus viventibus est facultas nutriendi, augmentandi, & simile generandi; sed hæ facultates & actiones nullam adhuc plantam in specie constituunt, sed in qualibet planta adhuc aliæ actiones apparent quæ à forma specifica, quatenus talis, fluunt, & quibus inuicem plantæ differunt. In omnibus animalibus perfectis est sensus & motus, sed sensus & motus nullum animal in specie constituunt, sed præter sensum & motum in qualibet animalis specie dantur adhuc aliæ potentia & actiones, quæ ab anima specifica, quatenus talis, proueniunt, & quibus animalia inter se differunt. Neque enim vegetans aut sentiens, aut vegetans, sentiens, & rationalis, peculiare quædam & seorsim existentes formæ sunt, & tres essentia. Et si enim reuera aliquid in natura sunt: tamen seorsim non subsistunt, & nullibi & nunquam separatim existunt, nisi in mente, non secus ac ens, substantia, corpus: ideoque non multiplicant rei essentiam.

*Ab una
anima
fluunt
omnes
eiusdem
speciei
facultates.*

Secundò, obijciunt, quòd, si in homine non sit anima vegetans & sentiens, sed saltem facultates illarum, potentia iam erit potentia. Verum hoc non sequitur, neque à facultate sentiēte fluit vegetans,

vegetans, vel sentiens à rationali, sed omnes tres facultates immediatè ab vna anima fluunt, sicut ab eadem forma ignis caliditas & leuitas.

Tertiò aiunt: Vbi operatio alicuius formæ, ibi ipsa est forma; sed in homine præter intellectum sunt operationes aliarum animarum propriæ, ergo & aliæ animæ. Verùm idem respondetur, quod ad primum argumentum. Neque facultas vegetans vel sensitiua sunt potentiæ, quæ à peculiari & specifica aliqua forma proueniant. Rosa, viola, salix, quercus, canis, leo, bos, dantur vt species viuientium, sed nullibi existit vegetans, quod per se speciem aliquam constituit: sed vegetans & sentiens, vt antea dictum fuit, etsi à mente nostra seorsim concipi & considerari possunt, tamen in natura nullibi & nunquam separatim existunt. Et quid de brutis respondebunt, de quibus eadem quæstio locum habere potest? Cùm enim equus formatur, actio illa ad facultatem vegetantem pertinet, & facultatis formatricis opus est, sed vegetans illa facultas non peculiaris anima est, diuersa à sensitiua & specifica, quæ hinnit, (hæc enim nota ignotam equi formam specificam vulgò describere solent) sed eiusdem animæ hæ facultates sunt, quæ organa ad nutritionem, vtpote imprimis, & maximè necessaria primò format, postea reliqua.

Quartò obijciunt: Vbi sunt operationes genere differentes, ibi etiam datur formæ differentes; at in homine sunt operationes genere differentes, vegetatio, sensatio, intellectio. Ergo & animæ genere differentes. Verùm diuersæ operationes saltem arguunt diuersas formas, vbi sunt diuersa

diuersa subiecta. At in vno subiecto diuersę operationes possunt prouenire ab eadem forma.

Quintò oggerunt: si anima humana esset simplex natura, non cõposita ex essentia rationali & anima sensuali ac vegetali, per eandem planè animam homo esset, & animal, & vegetans, & cùm, quicquid homini cõpetit per formã specificam, id illi cõpetat per se primò, homo esset per se primò & homo, & animal, & vegetans. At verò homo nullo modo dici potest per se primò vegetas aut sentiens, tum quia vegetare est passio propria animati corporis quod genus est hominis remotũ, commune omni viuenti sublunari, & sentire proprium est animalis, commune etiã brutis. Ideoq; passio generis non cõuenit per se primò speciei. Verũ ex primi argumenti solutione facilè etiam huius obiectionis solutio peti potest. Etenim, quod absurdum putatur, absurdum non est, per eandem planè animam hominem esse hominẽ, & animal, & vegetans, aut rectiũs, simul sentire, moueri, & nutriri. Neque enim animal aut vegetans est quiddã separatim aut seorsim in natura subsistens, sed sicut homo per unam & eandem animam est ens, est substantia: ita etiam viuens, sentiens, mouens. Interim quia conceptũs isti sunt diuersi, alij generici, alij specifici, alij specialissimi, non licet affectiones entis vel substantiæ tribuere animę humanę quatenus rationalis, & quatenus ab omnibus aliis animalibus differt.

Sextò inquirunt: Corruptibile & incorruptibile differunt genere. Sed anima rationalis est incorruptibilis, reliquę corruptibiles. Ergo non potest esse in vno subiecto. Concedo totum argumẽtũ.

T

Neq;

*Quomodo
de homo
sit simid
homo,
animal,
vegetans*

*Nihil cor-
ruptibile
est in ani-
ma hu-
mana.*

Neque enim anima humana ex corruptibili, & incorruptibili, seu substantia, seu facultate componitur: sed facultas sentiens & vegetans in homine a quæ sunt incorruptibiles ac rationalis facultas, cum ab eadem anima fluant.

Septimò, quòd verò Plato, & qui eum sequuntur, ideo plures animas in homine ponendas censent, quod pugna quædam est inter partem animæ rationalem & *θυμικὴν*, seu affectuolam; cum nihil secum pugnet: id à Christianis facillè refutatur, qui sciunt, istam pugnam inter diuersas animæ facultates non animæ essentialē esse, sed ex peccato primorum parentum aduenisse.

Constāter ergo retineamus plurimorum doctissimorum virorum sententiā, quæ rationibus firmis munita est, & contra quam nihil solidi afferri potest. animam in quolibet viuente esse vnicam, diuersis tamen instructam facultatibus, quæ in qualibet planta nutritionem, augmentationem, & generationem perficit, sed proprio cuique plantæ modo, & præterea, quod cuique plantæ propriū est, peragit; vnde differt rosa à quercu, à vite: in animalibus aliquid esse præter nutritionē, motum & sensum quod id, quod cuique animali proprium est, efficit. Nullū enim animal solo sēsu & motu absoluitur, sed sicut homini proprius est intellectus, ita in quolibet animali supra mouentem & sentientē est facultas propria, quæ ratiocinationi in homine respōdet, & qua vnū animal ab alio differt.

*Cur anima non
statim ab
exortu
omnes
operationes
simul
propriet.*

Has autem operationes in prima animalis generatione nō omnes simul edit anima, sed eas primò, quæ maximè sunt necessariæ & hinc etiam organa ad actiones, quæ primò sunt necessariæ; primò absoluit,

absoluit. Vt enim iam de fœtu non dicamus, sed de infante iam edito, habere iptum animam perfectam, extra dubium est; interim non statim ambulat, non loquitur, non ratiocinatur, verùm progressu temporis hæc præstat; sed statim nutritur & augetur: vbi verò organa ad reliquas actiones necessaria absoluuntur & perficiuntur, ea omnia præstat. Atque hinc adeo accidit, vt etsi generatio ad vegetantem facultatem pertineat, tamen non exferatur ante duodecimum vel decimum quartum annum; etsi sensitivæ & rationalis animæ operationes priùs exercentur.

Et ponamus sanè, animam rationalem peculiare quid obtinere: tamen causa nulla dari potest, cur non, vt in plantis, quod negari non potest, in omnibus animalibus reliquis omnes actiones ab vna anima proueniant, & anima cuiusque animalis specifica cum omnibus suis facultatibus statim adsit. Nec vllam rationem probabilem saltem asserere possunt, quâ probent, in cane vel leone primò saltem animam vegetantem adesse, sentientem & mouentem facultatem postea aduenire. Vt enim non sequitur, animam mouentem non adesse in catulo, quia non currit mox editus, aut in pipione vel pullo, quia non volat: ita etiam concludere non licet, in semine non adesse animam sentiendi & mouendi vim habentem, quia eæ actiones à semine non eduntur.

Et omnino, qui contrarium sentiunt, in multas difficultates sese inuoluunt, & dum nunc rationi, nunc authoribus & falsis hypothesibus nituntur, verumque cum falso conciliare laborant, in inexplicabiles labyrinthos sese immittunt.

Primò enim Th. Aquinas concedit ex Aristotele primò solùm inesse animam vegetantem, deinde aduenire sensitivam, tandem rationalem. Verùm statuit, animam vegetantem perire, dum aduenit sensitiva, & rursus sensitivam, dum aduenit anima rationalis; idque ideo, quòd, *5. Phys. text. 38.* scriptum videret, & rationi consentaneum animaduerneret, vnius numero vnum tantùm numero esse actum, atque ita plures in vno subiecto formas poni non posse, intelligeret, & propterea necessum esse putaret, vt posteriore formâ adueniente prior periret.

Verùm vidit Thomas, & rectè vidit, vnius rei formam vnicam tantùm esse, & si statuisset, mox à primo ortu vnam saltem esse in quolibet viuente animam, facilè sese expedire potuisset. Verùm dum veram hanc sententiã cum falsa; nimirũ diuersis temporibus diuersas animas produci & aduenire, conciliare conatur, in absurda incidit. Hoc enim modo fœtus in vtero non manebit idẽ numero, sed alius erit, cùm primis diebus nutritur & augetur anima vegetante; alius, cùm postea vteretur sentiente; alius rursus, cùm postea adueniret rationalis. Et si anima, seu forma specifica alterius animalis, postquam aduenit, sufficit ad nutritionẽ, augmentationem, sensum, motũ, & quod cuique animali proprium & specificum est, agendum, cur eadem etiam in homine non statim in primo conceptu possit esse nutritionis causa? Et quid ita opus entia multiplicare, cùm vna anima ad omnes, quæ cuique animali conueniunt, actiones peragendas sufficiat?

Et ipsa corporis nostri conformatio absurditatẽ huius

huius dogmatis satis demonstrat, & ab vna anima formationem inchoari & perfici, multa sunt, quæ probant. Primò enim, vt etiam antea dictum, nulla datur vegetatiua vel sensitiua simpliciter existens, quæ nõ sit determinata ad certam speciem. Equidem in plantis est anima vegetatiua, & in fœtu animalium. Verùm vegetatiua in plantis ita à natura comparata est, vt à terra alimentum attrahat, illudque plâtæ apponat: contra vegetatiua animalium non ex terra, sed in vtero ex matre, & in lucem editis è venis illud attrahat. Ita sensitiua est in cane, est in boue, est in homine. At boui fœnum sapit, non cani, non homini. Interim cum ex istorum sententia dentur operationes animæ vegetatiuæ & sentientis in fœtu, antequam adsit rationalis anima, darentur operationes, quæ à nulla anima prouenirent. Neque enim in fœtu vllius plantæ, quæ cogitari potest, aut vllius animalis, quod nominari potest, anima dareretur.

Secundò, cum mox à conceptione incipiat conformatio, illa fieret ab anima vegetante, quæ prior adest. Cum verò illa ex Thomæ opinione breuî deleatur, & simul potentia conformatrix eius aboleatur, (neque enim potentia de anima in animam trāsire potest) ac nihilominus conformatio continuetur, necesse est, vt eam sensitiua perficiat, & hâc postea etiam abolitâ rationalis. At absurdum est, vnâ numero fieri conformationem à tribus potentiis specie distinctis, seu potentiis trium animarû specie distinctarum. Et quomodo explicabunt conformationem brutorum, in quibus nulla talis animarum diuersarum successio, & ex eorum opinione, introductio datur? Itaque

Ab vnâ anima fit fœtus cōformatio.

Vegetatiua in plâris & animalibus fit diuerso modo, ita & sensus in animalibus.

sicut in animalibus brutis ab eodem principio nutritur fœt⁹ die decimo, vigesimo, trigesimo, & omnibus gestationis mensibus, imò toto reliquo vitę tempore; & omnes illę nutritiones sunt vna numero nutritio continuata à principio vitę vsque ad finem: ita etiam causă dari non potest, ob quam non etiam fœtus hominis in vtero decimo, vigesimo, trigesimo die, mensibusque gestationis omnibus, imò toto vitę spacio, ab vna anima nutrirı debeat.

Tertiò, si anima, quę primò introducitur, est causă conformationis partium ad animam sequentem introducendam, vltra vires suas ageret. Neque enim anima vegetans habet vires formandi partes animę sentienti necessarias, neque anima sensitiva (semper ex ipsorum hypothesi loquor, si scilicet tot darentur animę) potentiam formandi partes animę rationali necessarias. Rectius igitur statuitur cum Themistio, quòd anima quęlibet sit sui domiciliij architecta.

Secundò Alphonsus à Caranza, cùm videret, plures animas in vno homine statui nō posse, aliud effugium quærıt, & de part. nat. & legit. cap. 1. paragr. 2. de Animatione, duplicem animationem statuit, duplici hominis formationi, imperfectę & perfectę, respondentem; docetque primę illius rudioris formationis tempore fœtum viuere vitā plantarum, secundę verò vitā perfectā, seu sensitiuā & rationali simul. Per vitam a. plantę facultatem quandam vitalem & nutritiuam intelligendam esse docet, non verò veram vitam, quę plantis non insit. Philosophos n. in hac locutione non veram vitam intelligere, nec propriè locutos esse;

An plā-
ta verè
vivant.

esse; sed improprie & similitudinariè? Vnam enim tantum in homine esse animam, vnamque vitam, & nullum dari animarum concursum sese mutuo consequentium in eodem subiecto, sed vnam animam, quæ post ultimam corporis perfectionem infundatur. Atque hæc ratione motum fuisse Aristotelem scribit, vt, 7 *Polit.c.* 17. in multitudinæ filiorum gentilitio ritu vitanda, & ἀπελευθέρω, seu deperditione inferenda, dixerit, Fas esse id tentare, si fieret primis conceptus, & prioris istius animationis temporibus, cum fœtus vitæ plantæ viuit, postea verò, id est, post animæ rationalis aduentum, Nefas.

Verum enim verò ista sine omni ratione ita proferuntur, & multa falsa continent. Primò enim falsum, plantas verè non viuere. Et si enim alij aliter vitam definiunt, tamen quocunque etiam modo definiatur, eam plantis propriè conuenire, earum operationes intuenti manifestum euadit. Vbi verò vita, ibi anima & nulla vita datur sine anima. Itaque cum operationes vitales in priore illa & rudi formatione agnoscat, & omnino etiam nullo modo negari possit, animam iam dum adesse, fateatur, necesse est. aut aliud subiectum monstret, cui facultates illæ, quæ istas operationes & nutriendi, & augendi, & formandi edunt, propriæ sint. Itaque secundò si anima rationalis ante corporis perfectam formationem, vt ipse quidem statuit, non infunditur, monstret, quæso, quæ illam formationem vsque ad 30. vel 40. diem perficiat.

CAPVT XIV.

Contrariarum Obiectionum Solutio.

VT verò contrarium nonnulli sentirent, & nec propagationem animæ per traducé, nec eius in semine præsentiam admitterét, variis rationibus mouentur, & imprimis animæ humanę propagationem plerique vrgent; & ab ea petitis tribus præcipuè rationibus ex Aristotele, 2. de gener. animal. cap. 3. vtuntur. Prima est; quorum principiorum actio est corporalis, hanc sine corpore inesse non posse, v. g. ambulare sine pedibus. Mentem verò solam extrinsecùs accedere, quia cum eius actione nihil cõmunicat actio corporalis. Verùm enim verò concedatur sanè, animam à corpore separatam nihil amplius cum actionib. corporeis & corpore communicare, nulloq; organo corporeo vti: tamen animam, cum est in corpore, nihil cum actionibus corporeis communicare, per se subsistere, & propterea in generatione hominis creari, falsum. Neque enim iam quæstio est de anima, quæ post mortem olim à corpore separata per se, ex singulari Dei voluntate, persistet, vt mox dicitur, sed de opere generationis, & de anima, vt corpus humanum format, & informat, quæstio est. Hanc in hac mortali vita nihil cum corpore communicare, concedi non potest. Sanè si anima rationalis in homine esset peculiaris anima, à vegetante & sentiente distincta, aliquam probabilitatem haberet hæc ratio. Verùm cum sit in homine anima, facultatem vegetantem, sentientem.

ac

ac rationalem habens, vt, *cap. preced.* probatū, atq;
anima humana non solū intelligat & ratiocine-
tur, sed & corpus humanum, (non ceruinum vel
leoninum) formet, id nutriat, augeat, cōseruet, atq;
vt sentiat & mouetur, & quidē humano, nō bruti
alicuius modo faciat; corporeis instrumētis eam
carere non posse, eāmque, cū corpus informat,
& actiones has organicas edit, simpliciter cū cor-
pore communicare, manifestissimum est. Et si ve-
rò secundū facultatē rationalem quādam eius
actiones sunt inorganicæ, vt dum speciem intelli-
gibilem sine specie intelligit, & dū supra sese re-
flectit, intelligit se intelligere, quod intelligat se
intelligere, dū vult; & omnino mēs per corpus, vt
medium & organū Quo, nō intelligit; quia tamē,
dum est in corpore, phantasmate, vt obiecto, opus
habet, &, vt ipse Aristoteles, 3 *de anima*, text, 39.
loquitur, intelligentem opus est phantasmata spe-
culari; & nihil est in intellectu, quod non fuerit in
sensu: certē cū phantasia cōmunicare intellectu
necesse est. Docētq; id satis varia delirorum ge-
nera, in quibus ipsa etiam ratiocinatio læditur, ob
eam, quam cum corporis dispositione & actionib.
corporeis habet, communicationem; sicut & in-
geniorum varietas, dum alij acrimoniā ingenij
valent, alij stupidi sunt, eandem ob causam acci-
dit. Quæ omnia cū ita sese habeant, & licet in-
tellectus nec phantasia ad intelligendum vtatur:
tamen cū necessum sit, eum phantasmata spe-
culari, causa nulla est, cur intellectum, dū in cor-
pore est, ita à cōmunicatione corporis planē absol-
uamus. Multò minus causa datur, cur demū inte-
grè absoluto corpore aduenire extrinsecūs debeat.

*Anima
brutorum
non edu-
cuntur è
potentiâ
materiæ.*

Imprimis verò omnes qui istam opinionem se-
quuntur, sefellit falsa illa hypothesis de educatione
formarum & animarum è potentia materiæ. Cum
enim crederent, animas brutorum è potentia ma-
teriæ educi; animæ rationali tã ignobilem ortum
adscribere noluerunt, & proinde argumentantur:
Anima rationalis non educitur è potentia mate-
riæ. Ergò creatur. Vel: Quicquid non fit ex præ-
supposita materia siue subiecto, id creatur, sed ani-
ma rationalis non fit è materia siue subiecto alio.
Ergò creatur. Falsa nimirum & hypothesis, quas-
dam anima educi è potetia materiæ. Sanè, si è po-
tentia materiæ animæ illæ brutorum anima' iũ &
platarum emergerent, absurdũ non esset nobilio-
rem ortũ animæ humanæ ascribere; sed cùm hy-
pothesis illa falsa sit, & nullæ cuiuscũq; generis
animæ è potentia materiæ propriè loquendo, edu-
cantur, sed omnibus rerũ viuentiũ speciebus ani-
mæ suæ inditæ sint, atq; benedictione diuinâ vim
multiplicandi & sese propagandi acciperint. neq;
ex semine, tanquam materiâ, fiant, sed cum semine
& semine propagantur; si idem ortus animæ
humanæ tribuitur, nihil absurdi sequitur: si nimi-
rum statuatur, quod in prima creatione & à
Deo Opt. Max. condita, & corpori humano in-
sita quidem sit, verũ per illud crescite & mul-
tiplicamini vim sese propagandi & multiplican-
di acceperit & quidem cum semine. Neque enim
anima rationalis essentia per se completa est, vt
Angeli; quæ per se sola subsistat, sed est pars al-
tera hominis, quæ corpus humanum informat,
& proinde sicut societas illa corporis nihil eius
nobilitati & immortalitati derogat, ita nec
pro

propagatio cum semine.

Secundò multos mouit, vt animam huma-
nam cœlitùs & extra aduenire statuerint, quod
putant, si cum semine propagetur, necessariò
esse mortalem. Et omnino, ne quid dissimulem,
hoc argumentum valde speciosum est, & à mul-
tis variè exaggeratur. Cùm enim semen sæpe va-
riis modis effundatur, vt nulla fiat conceptio,
in mollitie, gonorrhœa, si vir cum fœmina gra-
uida coeat, aut cum sterili; & omnino multis
modis sæpius semen effundatur, vt nulla fiat fœ-
tûs formatio, putant, euenturum, vt toties anima
hominis, quæ aliàs habetur immortalis, intereat, &
homicidium ita committatur. Ideoque hoc argu-
mento, quod inuictum & insolubile putant, moti,
plurimi infusionem animæ statuerunt, & cùm ne-
cessarium agnoscerent, fœtus formationem sta-
tim à prima conceptione incipere, nec eam ta-
men animæ rationali tribuere auderent, alij alias
formationis causas commenti sunt, & eam vel
λόγῳ cuidam πλαστικῷ, vel vtero, vel animæ
cuidam sensitiuæ ante rationalem præsentī ab-
surdè, vt ante probatum, tribuerunt. Verùm

An, si a-
nima hu-
mana per
traducem
propaga-
tur, ided
sit mor-
talis.

non tantum huius argumenti robur est, quan-
tum putatur. Etenim, vt rectè Scaliger, *exerc. 61. sct. 5.* & *exerc. 307. sct. 20.* docet, solus Deus
verè immortalis & incorruptibilis, quia solus ex
se suum esse habet, atque à nullo dependet; Dei
verò respectu omnia creata mortalia & corru-
ptibilia sunt, quæ à Creatoris nutu deponi pos-
sunt ab ea essentia, in qua constituta sunt. Nam
corrumpuntur tamen quædam, vt Angeli, & ani-
ma rationalis, quia Creator non vult ea corrumpi,

An ani-
ma hu-
mana ex
se sit im-
mortalis.

&

& nihil contrarij ipsis, à quo corrumpuntur, condidit, nec eas ita materiæ immerfit, vt extra eam nec subsistere, nec operari possint. Et omnino, vt in præcedentis argumenti solutione etiam dictum, magna est differentia inter angelos & homines. Illi nunquam quicquam commune cum materia habuerunt, nec habebunt. At anima humana, dum in corpore est; necessariò organis corporeis vtitur, & propterea eius propagatio etiam non fit extra materiam. Ideòque falsum quod dicitur, si humana anima post mortem per se, & sine materia subsistit. Ergo etiam extra; & sine materia producit. Nam sicut Deo placuit, vt anima humana non sine corpore subsisteret, sed naturaliter in corpore humano suam haberet subsistentiam: ita idem voluit, vt cum & in semine propagaretur. Summa: Modus generationis nihil facit ad essentiæ corruptibilitatem vel incorruptibilitatem, sed ea simpliciter à voluntate Creatoris dependet, qui omnia, cum non existerent, è nihilo fecit, &, ne in nihilum relabantur, suà potentiâ quamdiu, & quomodo placet, conseruat. Abs qua diuina voluntate, & peculiari erga homines gratia si fuisset, formæ humanæ non minùs perituræ essent, quàm brutorum. Nulla ergo consequentia, si anima humana, cuius naturale habitaculum voluntate Creatoris est corpus humanum, post mortem ab ea separata, diuina voluntate subsistere potest. Ergo etiam necessariò antequam corpori associatur, extra id priùs subsistit. Et cum illi, qui creationem & infusionem animæ asserunt, Deum immediatè & sine semine animas immortales facere statuant: impiù est dicere, Deum etiam
median

mediante semine eas immortales facere non posse. Ad reliqua verò, quæ afferuntur ad argumenti huius exaggerationē, de seminis effusione, quam nullus conceptus sequitur, respondeo, benedictionem diuinam, & dona illa gratiæ, quæ semini & animæ vtriusque parentis in conceptione coniunctæ liberrima voluntatē & ordinatione Deus concessit, nullo modo semini alterutrius parentis seorsim existenti, & non eo modo, qui ad generationem necessarius est, effuso, tribuenda esse. Imò cum nec in reliquis animalibus alterutrius parentis semen eam perfectionē habeat, ut vnum solum ad speciem constituendam sufficiat, & ea prædicata, quæ vtrique semipi coniuncto rectè tribuuntur, alterutri tribui non possint: id multò magis in homine verum est.

Cur autem Deus in animalibus sexum constituere voluerit, eius diuinæ sapientiæ & voluntati adscribendum. Potuisset Deus, si voluisset, plures mundos creare: vnum tamen saltem creauit. Neque enim Deus semper id facit, quod absolute est perfectius, vel nobis tale videtur, sed quod in ordine ad finem à se constitutum est melius. Itaque etsi Deus vnum hominem perfectiorem, & qui vtriusque sexus perfectionem vnus exhibuisset, creasset: non tamen mundus ideo factus esset perfectior, cuius perfectio in miro omnium essentiarum consensu, & in vnum finem conspiratione & coordinatione consistit. Etenim deficiente altero sexu minùs foret iucunda vita & societas, quæ coniugio constat, minusque firma. Ideo Deus Opt. Max. sexum geminum fecit ut vterq; haberet, quod extra se amaret, & nō solum

Cur Deus sexum in animalibus constituerit.

Dei

Dei sapientiam cognoscendo, sed & eius bonitatem amando repræsentaret.

*An semē
sit excre-
mentum.*

Tertiò obiiciunt, semen esse excrementum tertix coctionis, & proinde non tam nobile, vt animæ rationalis capax sit; sed corpus tantum perfectum, & omnibus suis instrumentis præditum aptum esse ad animam rationalem recipiendam. De hoc argumento iam capite præcedente actū, vbi demonstraui, quòd semen excrementum propriè dictum non est, neque inutile quid in corpore generatur; sed eo saltem modo excrementum dici potest, quatenus è corpore excernitur. Aliàs, & ex sua natura est nobilissima totius corporis substantia & totius hominis quasi compendium & fructus, vt diximus. Multo minus excrementum est tertix coctionis: sed ex sanguine venoso & arterioso, ac spiritibus vitalibus in suis vasis generatur, vt idoneum ad animam propagandam sit receptaculum. Ideoque animæ in quocumque animatorū specie capax est. Et si anima rationalis à corpore è semine & sanguine mēstruo formato recipi potest, cur non etiam in semine recipi possit?

Præter istas tres rationes nonnulli contra animæ in semine præsentiam vtuntur variis generalibus argumentis suprà, imprimis cap. 7. vt & 8. & 9. propositis, quæ hîc repetere opus non est; cum non semen & animam humanam in specie, sed & plantarum & animalium animas concernant, & ipse Fienus, *de Format. fact. quæst. 5.* fatetur ea parùm firma esse, eorūque solutionem ipse afferat. Quia verò ipse duo addit, quæ efficaciora putat, ea non prætereunda. Primum, atque ita quarta obiectio est, quam etiam suprà,

Suprà, *cap. 9* proposuimus: Nec sanguis, nec spiritus sunt animati. Ergo nec semen. Consequen- ^{Semen} ^{sanguine} ^{nobilius.}
 riam probat, quia illa producuntur in partibus longè nobilioribus, quàm sunt testes, nimirum corde, cerebro. epate, quæ si non potuerunt animam sanguini ac spiritibus impertiri; ergo nec potuerunt testes. Verùm & ibi responsum, semen esse fructum viuientis corporis & sanguine ac spiritu longè nobilius & præstantius.

Secundum argumentum, atque ita Quinta obiectio est, si in semine hominis esset anima, esset vel rationalis, vel sensitiua, vel vegetatiua. Sed nulla esse potest. Rationalem esse non posse, probat primò, quia, si esset rationalis, iam semen hominis in testibus, aut parastatis existens esset homo. Secundò, seminis in terram emissio esset homicidium. Tertiò, semen in terram emissum esset baptizandum, ne anima in æternum periret. Quartò, si semen esset animatum animâ rationali, non minus esset animatum semen foeminae, quàm viri: si verò semen foeminae esset animatum, ea ipsa per se posset generare. Quintò, si in semine esset anima rationalis, vel esset anima parentum in semen extensum, & per seminis diuisionem diuisa & multiplicata, vel esset anima aliqua de nouo genita, ac in semine producta, vel à Deo infusa. Omnia autem hæc absurda putat. Primò animam parentum non multiplicari posse existimat, ideo, quia sic sequeretur, animam rationalem esse diuisibilem, & per consequens mortalem, ac omnium hominum eandem esse animam, & animâ nostram esse particulam animæ patris, & animâ patris particulam ani

animæ aui, & tandem omnes nostras animas esse particulas animæ primi hominis, & sic ex traduce. Quæ omnia falsa esse putat, & à religione Catholica aliena. Nō enim animam de nouo productam ab anima patris esse; quia sic educeretur è potentia materiæ, & esset mortalis: neque etiam à Deo infundi, & in testibus creati; quia nūquam posset ibi ad statum perfectum peruenire, &c. Neque etiam animam semini inesse existimat, quia cū vir habeat duos testes, & mater etiam duos, si in coitu semen animatum à quatuor testibus decideret, vnirentur quatuor animæ, vel vnum ex quatuor simul conglutinaris coagulatum. Secundò, quia sic semen animalium esset planta, & homo, antequam peruenisset ad animam rationalem, debuisset pertransire per formam plantæ, & inde per formam bruti, & semel fuisse asinus vel canis. Tertiò, quia illa anima vegetans producta esset ab anima rationali testibus inexistente, quod fieri non potest, quia anima rationalis non potest habere vim producendi animam vegetantem; cū animæ illæ sint species inter se distinctæ. Et plura alia absurda obiicit, si vegetatiua anima in semine inesse dicatur, quæ breuitatis studio omitto.

Miror verò, tantum Virum, & qui, *in initio illius libri alleg.* scribit, nullum effectricem causam conformationis hominis in vtero assecutum, aut, si pauculi quidam illam sint subodorati, eam neque clarè aperuisse, neque vllis rationibus astruxisse, se verò suam opinionem ita firmis & euidētibus rationibus adstruendum,

vt nullus capiā deinceps sit dubitandi locus, rationibus tam friuolis & leuibus in re tam seria vsum fuisse. Primò enim de formatrice fœtus accuratè scripturus, sibi in mentem reuocare debuisset, Medicum quidem à Physico mutuari, vt subiecti sui cognitionem consequatur; quia tamen causas cum effectis non æquat, neque affectiones de propriis subiectis, iis nimirum, quibus per se, primò, & quatenus talia, competunt, demonstrat: tractationem eam non esse scientificam, vt pluribus Iacob. Zabarella, *lib. 2. de meth. cap. 11.* docet. Cùm enim non saltem homo in vtero formetur, sed & alia animalia viuipara; præterea animalia ex ouis excludantur, plantæ è semine formentur: in genere de generatione animalium, imò viuientium inquirere, & quænam causa & plantas & animalia omnia formaret, indagare debuisset, & causâ inuentâ dispicere, an homini ea etiam competat, an verò peculiaris in homine conformationis causa constituenda sit, & rationem reddere, cur vis, quæ alia animalia format, in homine locum non habeat, sed alia quærenda sit. Deinde demonstrare, non præsupponere debuisset, tres esse in homine specie distinctas animas, non vnā diuersis qualitatibus præditam. Tertiò & hoc notare debuisset, non alterutrum maris & fœminæ semen ad fœtum producendum sufficere, neque conceptum appellare, dum est semen in testibus, sed dum utrūque in vtero coniunctum est: quibus obseruatis omnes suas rationes faciliè soluere potuisset. Primò enim faciliè animaduertere potuisset, semen viri,

V

dum

dum est in testibus , ad generationem non sufficere , & propterea id in terram effusum baptisandum non esse , neque fœmininum ad generationem solum sufficere. Quod verò ille falsum, absurdum , & à religione Catholica alienum putat, animam esse ex traduce , equidem Scholasticorum dogmatibus consentaneum non est, interrim verissimum , & sacris literis consentaneum. Quomodo enim illud , Crescite & multiplicamini impletur , nisi ex primis hominibus , & primis animalibus creatis , omnes homines , & omnia , quæ ad hunc vique diem vixerunt & viuunt animalia suas animas accepissent ? Et, *Genes. cap. 46. vers. 26.* animas 66. egressas de femore Iacob. & , *Exod. 1. vers. 4.* animas eorum , quæ egressæ sunt de femore Iacob , fuisse , 70. quæ tamen Theologis perpendenda relinquimus. Neque hinc sequitur , omnium vnâ esse animam , & animam esse mortalem. Vna fuit primi hominis omnino , è qua omnes. Nec vlla est ratio , quòd anima hominis , si multiplicaretur , sit mortalis. Creator enim multiplicari iussit, nihilominus immortalẽ esse voluit. Ex quibus reliqua omnia concidunt , vt opus non sit ad ea respondere. Patetbit etiam ex iis , quæ contra obiectionem sextam & septimam dicuntur , quid ad ea respondendum sit , & quòd , licet à patre ex matre communicatur , non sit composita.

*Semen
quæ ani-
ma sit a-
nimatũ.*

Sextò , quidam è recentioribus ita argumentantur : Aut semen animatum est anima parentis , aut anima propria. Non parentis ; quia anima parentis fieret anima filij : & cum semine ex parentis

parentis corpore emigraret: nec propria; quia, cum uterque parens semen conferat, sic gemina futura esset filij anima, aut vna in alteram coalesceret, & esset composita.

Verum si hoc argumentum obiiceretur contra generationem plantarum & brutorum animalium, illud, quod quis responsurus esset, & hic sibi pro responsione habeat. Deinde dico in genere, & in plantis, & in brutis, & in homine animam parentis animatum esse semen, secundum speciem scilicet; alias enim simile non generaret simile. Deinde etiam verum est, semen habere propriam animam, & iam numero à parentis anima diversam. Inde tamen non sequitur, hoc modo cum semine parentis animam à corpore parentis emigrare. Manet enim anima parentis perfecta & integra, etsi sese multiplicet. Et sicut non sequitur, dum in augmentatione, & in arboribus in novorum ramorum generatione, sese anima in novam materiam diffundit & induit, quod è priore corpore emigret: ita non sequitur, quod, dum semini sese communicat, è generante emigret. Hæc enim vis benedictionis diuinæ est, ut eadem perfecta & integra manens anima sese multiplicare possit. Quod verò dicitur animam filij geminam futuram, aut compositam, ex eo facile sese expedire possunt, qui semen parentis seu matris solum prolificum esse dicunt. Nec tamen hic hærent, qui utriusque parentis semen prolificum esse dicunt; & supra, *cap. 9.* ad id responsum est: nimirum cum animæ sint eiusdem speciei, quæ dum sibi sociantur, compositum non constituunt, dictumque supra, *cap. 9.* ex Scaligeri

exerc. 106. sect. 6. quod ex tribus palmæ stipitibus in vnum exeuntibus vna numero palma fiat, & quæ ex decem facibus accenditur flamma, vna sit, ac nullo modo composita. Et si vulgò sine absurditate dicitur, Animam esse totam in toto, & totam in qualibet parte, cur absurdum sit, statuere, animam totam esse in femine masculino, & totam in sceminino? Et porro, sicut anima dicitur tota in oculo, cerebro, corde, nec tamen inde sequitur, ex multis animabus vnâ componi, sed semper hoc manet verum, vnâ esse animam, quæ informat totum, & omnes partes: sic, licet dicatur, semen tam maris, quàm sceminæ animatum esse, non sequitur: Ergo anima ex duabus animabus componitur, vel vna componitur ex duabus.

*Parentis
anima in
generatio-
ne manet
integra.*

Septimò aliùs eandem obiectionem hoc modo format: si anima hominis traducitur, id sit vel per decisionem alicuius partis ex anima parentum, vel per efficientiam feminis instrumentalem, vel producitur immediatè anima sobolis ab anima parentum, ita vt semen productionem animæ non attingat, sed solas dispositiones efficiat, aut certè sit vehiculum animæ, per quod illa ex anima parentum in sobolem transuehatur.

Verùm istæ obiectiones omnes ortum habent ex ignorantia, quòd nimirum animarum naturam ignorant, nec intelligunt, quomodo illud, omnis forma & anima est sui multiplicatiua, accipiendum sit, & quomodo hætenus illa Dei benedictio, *Crescite & multiplicamini*, sit in actum deducta, & adhuc deducatur: quod si diligenter perpendere, & primò inuestigarent, quâ
ratione

ratione animarum multiplicatio in plantis & animalibus omnibus fiat, etiam modum, quo idem in homine fieret, quantum in hac mentis caligine fieri potest, assequerentur, nec tot absurda sibi fingerent. Vltimum nimirum, si rectè explicetur, verum est, scilicet, quòd semen (corpus feminis puta) sit vehiculum, per quod anima à parentibus soboli communicatur: quæ actio traductio appellatur, vocabulo à plantis desumpto. *Traductio quid.* Ut enim in arboribus, in quibus vis seminalis per totum corpus diffusa est, si pars aliqua decidatur, & alij arbori inseratur, illius arboris anima, à qua surculus abscissus est, alteri arbori communicatur: ita cum semine anima animalium in vterum fœminæ transfuehitur, atque ita ex isto semine animâ suâ prædito animal perfectum emergit. Ut verò, dum ab arbore surculus cum anima deceditur, arbor illa animam suam nec amittit, nec anima illa minor fit: ita &, dum anima parentis in semine in sobolem traducitur, anima parentis integra manet. Et sicut, dum in augmentatione anima affluentis alimento communicatur, anima, quæ in reliquo corpore est, non fit minor; & sicut, dum à radice aut stipite vitis, vel radice lupuli, vnâ æstate multi & longi palmites ac sarmenta enascuntur, quæ omnia animam à radice & stipite accipiunt, anima tamen in palmitē vel sarmento, quod accessit, & recens enatum est, est tota, atque etiam in stipite vel radice veteri tota manet, nec minor fit: ita etiam anima parentis cum semine in sobolem traducitur, ipsa nihilominus integra manens. Exhibetque

ista animarum multiplicatio DE I immensi & infiniti imaginem, qui, vt Iulius Cæsar Scaliger loquitur: *Regnat ubique sine loco. Extra omniaque omnis, sine partibusque totus.* Imaginem dixi. Deus enim rerum omnium principium infinita plenitudo est, omnia replens, quem neque cœli, neque terra capiunt, intra mundum totus existens, totus & extra, nullis tamen dimensionibus coercitus. Anima verò nostra dimensionibus quidem coniungitur, eiúsque plenitudo seu repletia tanta solùm est, quantum corpus, corporisque dimensio: si tamen è minimo corpus quantumlibet excrefcere cogitemus, illud totum eadem anima, nullo addito, sed eadem manens repletura est. Ita etiam quantumuis sæpius animal generet, atque anima sese multiplicet, & soboli sese communicet, nullâ sui parte, vtpote quæ ex se nullam habet, minuitur. De quibus pluribus actum supra, *cap. 9.* Quæ attentius considerare æquius fuerat, quàm veritatem, etsi in profundo latentem, oppugnare.

Tandem, octauò, nec ea alicuius momenti sunt, quæ hîc obiicit Alphonsus Caranza, quibusque probare vult, animam rationalem demum corpori perfecto infundi. Nam primò, quod locum, *Exod. cap. 21.* quem ex L X X. Interpretibus affert, & postea ex Philone, *lib. de special. leg.* probat, attinet, nimirum, si infans non formatus fuerit, multâ percussorem multandum; si verò formatus fuerit, vt homicidam puniendum: ego quidem falcem in alienam messem mittere nolo; hoc tamen dico, id, quod ipse affert, in textu Hebræo non haberi, neque eo probari posse, mox à primo

primo conceptionis tempore non adesse animam. Et admittatur sanè ista pœnarum differentia, & sua sit legibus ciuilibus, & Iurisconsultis, quos hîc subiungit Caranza, authoritas : inde tamen nullo modo sequitur, semen non mox à primo conceptionis tempore esse animarum. Habuerunt forsân Iurisconsulti & Legumlatores causas domi notas, in quas iam non inquiri, & quas suo loco relinquo, cur aliâ pœnâ afficere voluerint eum, qui fœtum iam omnibus partibus perfectum, & aliâ eum, qui imperfectum perdit; & fortasse hanc inter eas non postremam, quòd antequam fœtus moueri incipit, non ita certò de eius vita constat, & quod multa ei in vtero, etsi causa externa nulla accedat, eu. nire possunt, quæ fœui, antequam ad integram perfectionem perueniat, vitam eripere possunt, vt, quod Hippocrates de partu octimestri scribit, *ἐν ὄτρ, ἡ γὰρ ὄτρ non est, & est*, id multò magis de tali fœtu imperfecto dici possit; & proinde maiori pœnâ affici voluerint illum, qui fœtum iam perfectum, minore verò eum, qui imperfectum & dubiæ spei perdidit. Interim nunquam Iureconsultis in mentem verisse puto, vt suis legibus naturæ principiis derogare &, quæ firmissimis rationibus à Physicis & Medicis (ad quos in talibus quæstionibus semper prouocant, eorumque autoritatem venerantur) impugnare voluerint. Patet id clarissimè ex Augusti *Constitut quart. part. 4.* quâ sancitur, eum non gladio, sed pro arbitrio iudicis puniendum, qui abortionis poculum præbuerit, si fœtus vitalis nondum fuerit, & ante dimidium temporis, à conceptione numerandum,

eiectus sit. Nemo enim certè dixerit, vsque ad finem mensis quarti, & dimidium temporis à conceptione ad partum, fœtum nondum vitalem esse; cùm omnes longissimum, inter quem animam fœtus accipiat, terminum diem quadragesimum constituent. Imò ante natiuitatem homo Iureconsultus non est, *per text. in L. cùm inter Veteres Codice de fidei commiss.* Ast quis Physicorum dicat, infantem tum demum, cùm nascitur, esse hominem? Et proinde per fœtum vitalem in legibus ciuilibus intelligitur, in quo vitæ signa manifesta apparent, imprimis ex motu, qui circa medium conceptionis tempus primò accidit. De qua re etiam rectè Thomas Fienus, in *Apolog. adu. Sanctacruz* scribit, eum, qui occidit fœtum animatum quantumcunque paruum, aut imperfectè organizatum, sensu motuque adhuc carentem, esse homicidam, non minùs, quàm qui perfectum; sed inde non sequi, omne homicidium debere æquè puniri: cùm, etsi uterque essentialiter æquè perfectus sit, non tamen sit æquè perfectus accidentaliter. Annon, addit, quiuis putaret, sibi maiorem factam esse iniuriam ab eo, qui sibi altam & frugiferam pyrum amputasset, quàm ab eo, qui paruum solummodo furculum, vnum pedem altum, nuper primum plantatum, è terrâ extraxisset, vel fregisset, & proinde maiore castigatione, ac pluribus verberibus dignum?

Neque, quod secundo loco affert, argumentum magni momenti est, quòd ex eo, quòd Deus fecit Adamum ex limo terræ, eo constructo & figurato inspirauit spiraculum vitæ, concludit,

concludit, quòd & in hac generatione anima rationalis non ante corporis formationem infundatur. Verùm alia ratio est Creationis, alia Generationis. Fœmina ex costa creata est viri, nec tamen hoc modo iam generatur.

Tertiò verò miror, quòd homo Christianus factò illo Hippocratis, *de nat. puer.* probare conatur, primis diebus animam rationalem non adesse in fœtu. Cùm enim grauidæ Psaltriæ suaserit Hippocrates, vt intra sextam diem saltando semen excuteret, eum sensisse putat, eo tempore vtero retentum semen animâ rationali caruisse, aliàs enim abortum non suasisset. Deinde pro eodem autoritatem Aristotelis adducit, qui, *lib. 7. polit. cap. 16.* ἀμβλῶσιν, & fœtus deperditionem admittit, quandiu sensu & vitâ præditus non est, quasi supponat, aliquo notabili spatio fœtû sine vita esse. Verùm ob ipsum hunc locum librum hunc, *de nat. puer.* Hippocratis non esse, non sine caussa censet Ioh. Baptista Syluaticus, *corron. 32.* & si sit Hippocratis, consilium tamè hoc eius nullo modo probandû, sed inter vanas paganorum ratiocinationes, de quibus D. Paulus, *Rom. 1. v. 21.* agit, numerandum; & eodem referenda Ethnicorum illa, de qua Aristoteles, *lib. 7. polit. cap. 16.* habet, conceptûs deperditio. Et propterea etiam decretum illud Iuris Canonici in Decreto *in cap. sicut ex literarum, de Homicidio*, vbi Monachus, cuius opera mulier partum abegerat, irregularis non habetur, & sacris operari non destitit, quia fœtus, vt putatur, non vivebat, à Fr. Ráchino, Medico Doctissimo in *Com. in Hippocratis iusurandum*, meritò iniustum nominatur, & distinctio illa vitiosa.

Si quæ præterea sunt, quæ contra nostram sententiam obijci possunt, eorum refutatio ex iis, quæ hætenus dicta sunt, satis patet. Quorum summa magni cuiusdam Theologi verbis comprehensa hæc est: Totus homo iuxta Dei primæuam ordinationem, generat totum hominem. Totum hominem voco matrem & fœminam, qui sint in carnem vnā, siue vna caro, ex *Genes. 2. v. 24. Matth. 19. v. 6. Eph. 5. v. 31.* Generant autem parentes, quatenus sunt homines, hoc est, secundum id, quod pertinet ad totam speciem humanæ naturæ, virtute verbi illius diuini, *Gen. 1. v. 28.* Benedixit illis Deus, & ait: Fructum ferte & multiplicamini, & replete terram. Et generant cōiunctione coniugali. Non verò generat solus mas, non sola fœmina, non solum corpus, nō sola anima, sed totus homo, nempe mas & fœmina, secundum Dei ordinationem copulati. Et propterea filius vel filia non est seorsim à patre vel matre, sed filius & filia est à tōto patre & matre & æquè huius, quàm illius filius & filia, & vt parentum communis est generatio, ita filiationis opus commune est, quantum ad naturam.

Conclusio.

Atque ita vero consentaneum de generatione viuientium, & animarum per semen à generatibus in sobolem, cum in plantis, tum in animalibus, imò ipso homine, propagatione sententiam me proposuisse, eamque firmis rationibus stabiliuisse, & contrà sentientium obiectiones refutasse mihi videor. Interim ex Scaligeri, *exerc. 297.* monitu video, animaduerto, memini, quàm sit imbe

imbecilla nostræ mentis acies ad inuestiganda naturæ penetralia; & imprimis in quæstione de origine animæ humanæ omnes penè doctos viros de eius obscuritate & difficultate conqueri audio. Et proinde & ego forsan falli & errare potui. Hoc tamen firmissimâ ratione, ab actione ad potentiâ, à potentia ad actum, seu formam & animam, petitâ, me demonstrasse puto, in semine tum plantarum, tum animalium, tum ipsius hominis (siue ea à parentibus propagetur, siue à Deo immittatur) quam primùm formatio corporis viuentis incipit, adesse animam. Et sententiam istam tamdiu tuebor, donec mihi demonstratum fuerit, quomodo sine anima præseste opus hoc formationis corporis viuentis perfici queat. Quod nisi factum fuerit, animi veritatis studiosi fuerit, non laborare, quomodo firmissimam istam demonstrationem obiectionibus quibusdam impugnare, & suspectam reddere possit, sed potius sollicitum esse, quomodo ipse dubia sua soluere queat. Nam Iul. Cæs. Scaliger, in lib. 1. de plantis, ex Aristotele scribit, ubi res constet, si opinio aduersetur rei, quærendam rationem, rem non ignorandam. Constat autem res, quæ firmis rationibus demonstrata est. De eo tandem solemniter protestor, me Animæ Humanæ Præstantiam & Excellentiam, atque à brutorum animalibus differentiam agnoscere, & fateri, eam solam Dei imaginem gerere, à corpore suo separabilem, & immortalem esse. Ideoque si quid dictum, quod non spero, quod hanc animæ prærogatiuam reuocâ impugnare possit, id me indictum velle. An verò propagatio per traducem id faciat, & an propte

propterea necessario statuendum, sit, eam *quævis* à Deo corporibus nostris infundi, de eo suum cuiusque iudicium relinquo. Ego, quod mihi probabile videatur, liberè dixi.



HYPOMNEMA V.

DE SPONTANEA VIVENTIVM GENERATIONE.

CAPVT I.

Falsa de spontaneo viventium ortu opiniones.

*Generatio vinē-
tū quod-
tuplex.*



PRÆTER generationem Viventium, de qua hætenus actum, quæque, quòd simile manifestè generat similè, Vni-noca vulgò dicitur, alia adhuc datur, quæ, quia simile à non-simili generari putatur, Spontanea & Æquivoca vulgò nominatur. Ita ex stercore equino generantur scarabæi, è frumento curgulus, è fabis Midas, colius è lignis, è sordibus cutis & vestium pediculi & pulices, vt & è caeco & carne, alijsque rebus putrescentibus vermes & insecta vulgò dicta varij generis oriuntur, vt postea in specie patebit. Quæ viventium generatio vt à Physico consideretur, omnino necessarium & dignum est; quod ipsum

mo

monuit Aristoteles, dum i. de partib. anim. c. 5. scribit: *Viliorum animalium disputationem, perpen- Insecta & vilia ani-*
sonemque fastidio quodam puerili spreuisse, mo-
lestéque tulisse, dignum nequaquam est; cum nulla *malia e-*
res sit natura, in qua non mirandum aliquid in- *tiā consi-*
ditum habeatur. Et quod Heraclitum dixisse fe- *deratu*
runt ad eos, qui, cum alloqui eum vellent, quòd *digna.*
fortè in casa furnaria quadam caloris gratia seden-
tem vidissent, accedert temperarune: ingredi enim
eos sidenter iussit, quoniam, inquit, ne huic qui-
dem loco Dij desunt Immortales. Hoc idem in in-
daganda quoque Natura animantium faciendum
est. Aggredi enim quaque sine pudore vllò debemus,
cum in omnibus Natura Numen, & honestum pul-
chrúmque insit ingenium. Idque cò diligentius,
cum à paucis ea de re solidi quid, & veritati con-
sentaneum dictum sit. Præter omnes diligentis-
simè & prolixè hac de re scripsit Clarissimus For-
tunius Licetus, in Academia Patauina Profes-
sor, libris quatuor de spontanco viuientium ortu.
 Ergo etsi difficultatem rei agnosco, & aliquid, præter vulgatas opiniones, præsertim hîc, statuere, periculosum, & obrectationi obnoxium esse, facile animaduerto: tamen malo in re obscura liberè γνώμην εἰς βελὴν εἰσφέρειν, quàm à studio veritatis inuestigandæ desistere. Sequatur quisque, quam volet, sententiam. Nulli meam obtrudo. Si quis etiam meliora monstrauerit, cum lubens sequar.

Nominatur autem, vt dictum, ista generatio *Genera-*
 spontanea nōnullis, (Aristoteles, i. de generat. ani- *tio spōta-*
 mal. c. 1. talia αὐτοματιζόντων τῆς φύσεως generari *nea quid.*
 scribit, & inde lul. Cæf. Scaliger, exerc. 168. *Sponte*
quid.
 αὐτο

αὐτοματισμὸν nominat) vocabulo ab actionibus moralibus ad naturales traducto. Etenim Scaliger, *exerc. c. 77. f. 1.* aduerbium hoc sponte ex sponfionibus natum putat. Sponfiones autem omnes voluntariæ. Idemque existimat, *exerc. 140.* non posse subtiliter dici, arborem sponte nasci. Verùm generalius videtur esse vocabulum; & opponi inuito, aut ei, quod non fit, nisi ab externo agente, & contra naturalem inclinationem. Ideoque vt aliis actionibus, quæ ab interno agente, nullâ externâ causâ concurrente, fiunt, ita etiam generationibus naturalibus tribuitur. Vnde Virgilius :

*Quos ramifructus, quos ipsa volentia rura
Sponte tulere sua, carpit.*

In specie autem tribuitur illis generationibus, quarum causâ efficiens in re ipsa latet, & sensibus ita manifesta non est, & cum sine semine, sponte quasi, quod generatur, prorumpit. De quo Virgilius :

*Namque aliæ nullis hominū egentibus, ipsæ
Sponte sua veniunt.* Et:

Sponte sua quæ se tollunt in luminis auras.

*Equiuo-
ca gene-
ratio.*

Vulgo æquiuoca appellatur, quòd nimirum causâ talium viuientium non eiusdem speciei cum generato esse putatur.

*Quæ spō-
se gene-
rantur.*

Quibus autem comperat spontaneus hic ortus, non eadem omnium mens. Fuit antiqua opinio, omnia viuentia animalia bruta, ipsūque adeo hominem, è terra initio prouenisse. Id quod Plato, in *Menexeno*, docuit, vt & alij Platone longè vetustiores Philosophi: quos & Poëtæ secuti sunt. Lucretius hos versus habet :

Vix

*Vix animalia parua creat, qui cuncta creauit
 Secula, deditque ferarum ingentia corpora partu.
 Quare etiam atque etiam maternū nomen adepta
 Terra tenet meritò; quoniam genus ipsa creauit
 Humanum; atq; animal prope certo tēpore fudit
 Omne, quad in magnis ba: chatur mētibz passim;
 Aeriāsque simul volucres variantibus formis.
 Sed quia finem aliquem pariendi debet habere,
 Desistit, vt mulier spatio defessa vetusto.**

Et Iuuenalis, Satyra 6.

*Quippe aliter tunc orbe nouo, cœloque recenti
 Vnebant homines, qui rupto robore nati,
 Compositique luto nullos habuēre parentes.*

Et Virgilius, 2. Georgicor.

*Cū primū lucem pecudes hausēre, virūmque
 Terrea progenies duris caput extulit arnis.*

Verū istæ opiniones ex historia creationis mundi habuēre originem. Cū enim procul dubio ex Mose aliquid inaudissent, veritatem in has fabulas conuertunt; & cum in historia creationis extet, DEVM iussisse, vt terra animam viuētem in genere suo producat, iumenta & reptilia, & bestias terræ secundū species suas, & DEVM fecisse hominem de luto terræ; ipsi verò Creatorem ignorarent: spontaneum istum ortum inde commenti sunt. Tribuitur autem à nonnullis & Auicennæ ista sententia. Verū non credibile est, Auicennam, tantum Philosophum, tam fabulosam opinionem secutum fuisse. Scribit equidem Auicennas, lib. 15. de animalib. cap. 1. Sicut homines possunt se rescindere à generatione aut ex voluntate, aut peste aëris, & mori omnes: & tunc, si fieret homo, ille generaret,

An Auicennas statuerit, homines à terra nasci posse.

¶ *fieret species : & factio & generatio erunt iuuan-
tes adinuicem in saluando speciem.* Verùm sensus
verborum istorum est hic : si omnes homines in-
terirent, vel voluntariè intermittentes generatio-
nem, aut pestilentia interempti, si post omnium
hominum interitum nouus homo fieret, quomo-
docunque is fiat, siue per creationem à Deo,
siue quâuis aliâ ratione, illi recens facto non
esset deneganda vis generandi alios homines
sibi similes, in quibus saluaretur species hu-
mana.

*Causa
efficiens
sponte or-
torū vi-
uentium.
Sponte or-
ta viuentia
nō ca-
su & for-
tuito na-
ta sunt.*

De origine verò & causa efficiente talium vi-
uentium Authores valde dissentiunt. Cardanus,
lib. 9. de subtilit. illa, quæ spontè oriri dicuntur,
casu & fortuna generari dicit. Verùm falsò. Ca-
sus enim & fortuna in rebus naturalibus locum
non habent; & quæcunque casu fiunt & fortui-
tò, ea non semper ex iisdem principiis & eodem
modo generantur. At quæ sponte nascuntur vi-
uentia, semper ex iisdem principiis & eodem
modo generantur, habentque certas causas effi-
cientes, quæ etiam certi finis gratia agunt, cer-
tòsque effectus producunt. Nimirum ex ster-
core equino scarabæi nascuntur, non erucæ; è
calce vermes sui generis, alij è carnibus, & in ge-
nere, semper determinata è determinatis, imò
etiam certo tempore nascuntur, ac muscarum,
erucarum, vermium, scarabæorum, ac papilio-
num genera suo quæque tempore oriuntur & in-
tereunt. Et licèt, quod Cardanus obicit, in va-
riis locis, in terra, in aquis, in cadaueribus, &
alibi eadem generari videntur: tamen ex mate-
ria determinata, quæ in pluribus locis sæpe re-
periri

periri potest, nascuntur. Et quamuis fieri possit, ut materia spontaneæ viuentium generationi apra casu alicubi congregata sit: tamen materia illa est determinata, nec casu viuentia inde fiunt, sed efficiens proximum est determinatum, & semper eodem modo agens. Neque etiam refert, quòd, quæ spontè nascuntur, imperfectiora esse, (cuius rei argumentum quoque esse putant, quod non generant) & propterea finis rationem habere non posse, & proinde casu fieri videntur. Etenim licèt aliis collata imperfectiora esse videantur: tamen ratione essentiaæ suæ perfecta sunt, nutriuntur, augentur, moventur & suæ speciei conuenientes operationes edunt. Falsum verò omnino, quod putant, talia spontè orta non generare; cùm etiam minima & ignobilissima quæque ex his coire, generare, Aristoteles passim, & præcipuè *5. de histor. animal.* & ipsa experientia doceat. Et quamuis respectu aliorum ignobiliora videntur: tamen ad perfectionem totius vniuersi necessaria sunt, ut mox ex Iul. Cæs. Scaligero, *exerc. 150.* dicitur: rectèque Auicenniam scripsisse, melius esse, gigni pediculos, quàm materiam putrem ita permanere, Viri Doctissimi, qui & in pediculi structura mirum artificium agnoscunt, censent. Si enim omnium rerum Opificem primùm spectemus, is, ut suam infinitam sapientiam & omnipotentiam proderet, maluit viuentia, quàm corruptam & putrem, vitæque carentem materiam in natura multiplicari; ipsique placuit, ut viuentium perfectorum corpora, dum corrumpuntur, non simpliciter in putridam

Minima etiam animal- cula ad mundi perfectionem pertinet.

materiam abirent, sed in animalia ignobiliora. Hinc ex animalium partibus, excrementis, ex plantis, & plantarum fructibus, varia animalculorum genera ptodeunt, & quidem è determinatis determinata. Idem sensit & scripsit Iul. Cæſ. Scaliger, qui *alleg. loco* ita scribit: Homo propter Deum propter hominem mundus factus est. Et mox: Animalium princeps homo. Non erat autem homo futurus princeps, nisi talis: quippe in medio. Non potest esse medium, nisi inter extrema. Igitur extrema facta sunt, ut esset medium. Propter medium igitur facta sunt. Extremorum autem, & eorum, quæ medium inter, & extrema sita sunt, si deesset aliquid, daretur in formis vacuum. Quod longè maius esset flagitium in natura, quàm vacuum in quantitate sine corpore. Quid enim absurdius, quàm medium sine extremis? Quod iam olim etiam docuit Augustinus *de Civitate Dei, lib. 12. cap. 4.* Vitia, inquit, pecorum & arborum, aliarumque rerum mutabilium atque mortalium, vel intellectu, vel sensu, vel vitâ omnino carentium, quibus eorum dissolubilis natura corrumpitur, damnabilia putare, ridiculum est: cum istæ creaturæ eum modum nutu Creatoris acceperint, ut cedendo & succedendo peragant infimam pulchritudinem temporum in genere suo istius mundi partibus congruentem. Et mox: Cuius ordinis decus propterea nos non delectat, quoniam parti eius pro conditione nostræ mortalitatis intexti, uniuersum cui particulæ, quæ nos offendunt, satis aptæ, decenterque conueniunt, sentire non possumus. Et iterum: Non ex commodo vel incommodo nostro,

nostro, sed per seipsam considerata natura dat artificii suo gloriam.

Alij etsi casu & fortuitò talia generari non statuunt; nullam tamen habere causam efficientem proximam, sed solùm communem & remotam existimant. In qua sententia est Conciliator, qui, *differ. 29.* hanc differentiam inter reliqua viuentia & spontè orta ponit, quod illa præter agens vniuersale, putà cælum, etiam particulare expetunt; cùm sol & homo generent hominem; per se verò genita causâ proximâ careant, & absque agente particulari producantur. Atque ipsa appellatio id indicare videtur. Cùm enim sponte nasci dicantur, id innui videtur, ea efficiens externum proximum, à se distinctum, nullum habere: alioquin spontè nasci non dicerentur. Verùm enim verò inter causas & effectus semper debet esse proportio, vt effectuum vniuersalium vniuersales, particularium particulares causæ sint, genericorum generales, specialium speciales. Quod nisi ita se haberet, nulla posset fieri demonstratio; quæ non nisi per proximam causam fit, atque ita nulla de spontè viuentibus demonstratio & scientia haberi posset. Deinde communes & remotæ causæ omnes externæ sunt, & manifestæ. At spontè orta viuentia à causa interna & occulta in materia latente prouenire, ex sequentibus satis patebit. Præterea cùm spontè generatorum viuentium magna sit varietas, & differentiarum ac certarum species, eæ certè à causa communi, quæ ad certum effectum determinata non est, sed ad omnes æqualiter se habet, prouenire non possunt, sed cuique speciei speciales

*An sponte
viuentia
saltem à
causa cō-
muni pro-
ducantur.*

proximæ causſæ aſſignandæ ſunt. Et communes illas cauſſas non ſufficere, ex eo etiam patet, quòd, quocùnque ſe vertant, qui hanc opinionem defendunt, ſeſe expedire non poſſunt. Vnde de cauſſa illa remota in varias opiniones diuiduntur.

*Sponſè
viuentia
an animã
à Deo
accipiãt.*

Ioh. Duns, Scorſus, animas iſtas viuentium ſponſè generatorum à Deo ſummo proximè prouenire ſtatuit. Verùm generatio viuentium omnium eſt naturalis. Ergo cauſſa quoque naturalis inquirenda, nec ad DEVM ſtatim recurrendum, qui, poſtquam Naturam creauit & conſtituit, iam immediatè amplius per miraculum nihil producit. Et cum plantarum ac brutorum animalium non ſponſè naſcentium origo ſit à ſuis parentibus, mediante ſemine, non à Deo, niſi vt cauſſa remotà ac vniuerſali: Deus ne erit cauſſa proxima imperfectorum & ignobiliorum eiufmodi animalium? Neque rationes, quas pro ſua ſententia Duns aſſert, ullò modo probant, quòd Deus potiùs ſponſè ortorum viuentium, quàm quæ non ſponſè & ex ſemine oriuntur, cauſſa dici poſſit; ſicut eius rationes prolixè examinat Fortun. Licetus, *lib. 1. de ſpontan. viuent. ortu, à cap. 77. ad 84.* In re plana inhærendum non putamus.

Ab iſta opinione non diſſentit Ioh. Gallego de la Serna, Hiſpanus, *de principiis generat. lib. 1. cap. 3.* qui ſolum Deum cauſſam principalem in generatione æquiuoca dicta ſtatuit, ſcribitque, quòd, quamuis vnaquæque cauſſa vniuoca non poſſit ſua indiuidua producere, niſi ſimul cum actione eius concurrat DEVS, tanquam prima cauſſa: diſpari tamen conatu cum ſingulis concurrere Deum, prout magis aut minus vniuoca generatio recedit.

recedit ab æquiuoca, in qua solus, tanquam principalis causa, operetur. Et. cap. 4. addit, vehementiore indigere concursu Dei ista debilia viuentia, quàm ea, quæ robustiorem habent vim sibi simile procreandi.

Verùm Deus Opt. Max. postquam Naturam, quæ eius ordinaria potestas est, condidit, solus nullius ampliùs rei naturalis causa efficiens immediata & proxima est, sed suo concursu vniuersali omnes res naturales conseruat, earumque generationem moderatur. Quem eius concursum ad vnã rem, præcipuè viliorem & ignobiliorem, magis, quàm aliam, magis alligare & astringere velle, & statuere, cum in re aliqua imperfectiore & ignobili vehementiùs & laboriosius occupari, quàm aliis perfectioribus & nobilioribus, valde absurdum est. Rectiùs & diuiniùs longè Scaliger, exerc. 1. Vis illa, inquit, Dei non plus opera posuit in hac vniuersi coagmentatione, quàm in abiectissimi ligni confectione: neque subtiliorem se professa est, ubi effecit, uti suo beneficio lapis Hercules haberet causas in seipsis cohibentes efficientiam attractionis, quàm cum materia prima formam indidit aeris, ob accessionem. In illius enim operis summa est æqualitas. Et, in 2. de plant. DEVS, DEVS, neque otiosus, neque negotiosus; neque in opere, neque extra opus; sed sine opera operis caput, principium, medium, finis, totum, & ut vno verbo omnia tum expleam, tum ambiam, tum superem: IPSE; cuius simplicissimã atque indinifibili sui intellectu seculi facta vniuersa: ita ut suum quæque finem & ordinem omnia nanciscantur.

Dens
quomodo
ad rerum
genera-
tionem
cōcurrat.

Nec rectius sentit Franciscus Suarez, qui, *disputat. 18. de caus. prox. effic. sect. 2. num. 33.* scribit : Cœlum quidem propria virtute non posse efficere animas : tamen efficere illas in virtute DEI, vt auctoris, & generalis prouisoris naturæ, qui suo maiore concursu suppleat, quicquid virtutis deest in proximis causis. Verùm idem respondetur, quod ad proximam sententiam. Etenim cùm Deus res omnes valde bonas creauit, omnes etiam viribus necessariis instruxit, & propterea nullus hic defectus, nulla debilitas quæ vel à cœlo, vel extraordinario Dei concursu supplenda sit.

Alij ergo in hac causa proxima quidem inuestiganda laborant, sed omnes infelicitè, dum eam extra materiam, non in materia quærunt, & generationem æquiuocam definiunt, quod sit, in qua efficiens ex materia à se & ex se non profecta, sed peregrina & aliena generat suæ formæ sibi quæ specie dissimile. Verùm nemo illorum sine absurditate, quid illud efficiens sit, monstrare, & docere potuit, quomodo quid suæ formæ, sibi quæ specie dissimile, generare possit.

*An forma spirituum
artorum
vimentium
fiat ab
Intelligentiis.*

Auicennas Intelligentiam infra DEVM, quam Colcodeam appellat, animas has producere statuit. Verùm dari tales Intelligentias; à quibus res naturales aliquæ proueniant, nondum probatum. A solo enim Deo, vt rerum omnium causâ primâ, & Naturâ, omnes res naturales proueniunt. Nec creatio ulli alij rei, quàm Deo Omnipotenti tribuenda est. Causa verò efficiens proxima generationis naturalis similis esse debet, vel in specie, vel in genere proximo ei, quod genera

generatur. Ideoque à causâ toto genere diuersâ viuentia ista spontè orta, quæ sunt corpora naturalia, prouenire non possunt.

Tertiò alij proximam generationis spontè natorum causam cælum esse statuunt. Verùm nec hæc opinio locum habere potest. Primò enim cælum est causa communis omnium sublunarium, generationi inferuiens. Itaque pro proxima spontè ortorum solum poni non potest, sed cælum & spontè ortorum, & eorum, quæ non spontè oriuntur, generationem æquè suo modo promouet; neque ratio dari potest, cur spontè natorum generationem potius promouere debeat, quàm non spontè natorum. Nam si ob defectum causæ proximæ ad cælum recurrere velint, monstrabitur postea satis, eam nec in spontè oitorum generatione deesse. Deinde etsi qui cælum causam huius generationis statuunt, vario modo id declarare conentur: nulli tamen rem satis explicant. Alij enim, vt Auerroës, cæli calorem causam efficientem spontè natorum viuentium esse, seu spontè orta viuentia à cælo mediante calore produci statuunt. Alij lumen cæleste causam proximam nascentium esse docent, vt Albertus Magnus; alij motum cæli, vt Thomas; alij occultas influentias, vt Fernélius. Quocunque verò sese vertunt, sese non expediunt, sed eadem difficultate premuntur. Cælum enim, quocunque modo agat, vt modò dictum, remota & vniuersalis causa est. Quilibet verò effectus proximam causam requirit, & quidem specialis specialem. Deinde calor, lumen, motus, occultæ influentiæ accidentia

An spontè orta viuentia sint à cælo.

*An cœli
etiam sit
caussa
particu-
laris.*

sunt. At substantia nulla, quales sunt animæ spontè natorum, potest ab accidente produci. Nonnulli equidem sunt, qui statuunt, cœlum non solum esse vniuersalem causam, quatenus res omnes sublunares afficit, sed & particularem, quatenus peculiari virtute ad singularem generationem mediatè vel immediatè concurrat. Verùm nec hoc modo nodus soluitur. Equidem concedimus, suo modo etiam particulariter ad generationem sublunarium cœlum concurrere, & non vnam cœli faciem, astrorùmque positum, & inde prouenientem influxum, ac hinc pendentes tempestates, sed varium, pro variis plantis, dum nascuntur, maturantur flores, fructusque ferunt, necessarium esse, & res alias alio cœli positu oriri, alio interire, & omnino certarum specierum cum certis stellis esse consensum. Verùm an cœlum formas illas species constituentes det, de hoc quæstio est: id quod negamus, & cœlum suo influxu solum cum varias qualitates primas in aëre, tum & per occultum influxum viuentium formas excitare, & vt ad operationes sibi proprias se accingant, facere statuimus. Atque ita, sicut cœlum in vniuoca dicta generatione, dum sol & homo generant hominem, non proxima & immediata, sed remota & mediata causa est: ita etiam in spontaneo hoc ortu non proxima, sed mediata causa est. Id quod in plantis & ouis ex eo manifestum est, quod etiam calor ab igne elementari excitatus sæpe idem præstat. Ita calor hypocausti hiberno tempore facere potest, vt formæ in seminibus latentes sese exserere & germi-
nare

nare incipiant. Eodam planè modo carnes hiberno tempore in loco calido æquè putrescere, & vermes producere possunt. Et quàm mammæ virginum, dum calore suo ova bombycum fouent, bombycibus formam non tribuunt, aut calor fornicis ouis formam pulli non dat : tàm cælum seu calore, seu occulto suo influxu, rebus, quæ æquiuocè generari dicuntur, formam non tribuit ; sed sicut hominem sine homine generare non potest, ita, nisi antea in materia seminale principium lateat, ex ea nihil generare valet. Cælum nimirum sine causis inferioribus suum motum peragere potest : at inferioribus ipsum solum nihil gignere potest sine concursu causarum inferiorum, utpote, quæ in omni generatione sunt agentia proxima & principalia.

Alexander, Olympiodorus, Cardanus, 9. *de subtil. libell. de animalibus, quæ ex putredine generantur*, quem Cæsalpinus, lib. 6. *de Nat. rer. ap. 21.* alique sequuntur, statuunt, spontaneam viuentium generationem provenire à calore ambientis, vel ut ab instrumento naturæ subcælestis, vel ut ab efficiente primario. Verùm cum calor sit accidens, ultra suas vires agere, & substantiam producere non potest. Præterea calor saltem est instrumentum actionum vitalium ; & propterea non agens primarium.

Alij, ut Philoponus, Themistius, & Platonici plerique animam mundi causam effectricem spontè natorum viuentium esse existimant. Ita, enim Themistius, 1. *de anim. cap. 24.* Animam, inquit, illam mundi unicam atque uniuersalem qua corporibus prabet, siue animā dicere, siue vitam

malis, quæ nihil aliud est, quàm vis quadam vitalis. generalibîsq;e, per omnem naturam inuecta, clarissimè asserunt ea animalia, quæ ortu spontaneo de materia putri proueniunt. Et Marsil. Ficinus, li. 4. Theologia Platon. cap. 1. scribit, animam mundi vbique per terram & aquam spiritalia ac viuifica semina in se continere, & per se gignere, vbicumque semina corporalia desunt, semina rursus derelicta ab animalibus fouere, atque ex putrido vinaceo semine variam, ordinatam, pretiosâmq;e generare vitem, & vbicumque generans deest, solâque apparent qualitates accidentales, generationem efficere, vicemque genetricis substantiæ gerere. Verùm enim verò animam mundi nullam dari, alibi satis demonstratum. Licet enim in animalibus ab vna anima variæ actiones proficiscuntur: tamen mundum eodem modo esse vnum quo animal aliquod vnum est, nondum probatum. Et si omnino animam haberet Mundus, causâ saltem vniuersalis esset, non proximâ, neq; ratio dari posset, cur spôrè nascëtia potius ab ea prouenirët, quàm non spontè nascentia; & omnino danda causâ esset, quæ in spontè nascentibus eam ad hanc actionem determinaret, sicut in generatione reliquorum viuentiû specificæ causæ dantur. Neque ideo constituenda est, vt defectum causæ proximæ in spontè nascentibus suppleat. Illam enim in horum generatione non deesse, postea monstrabitur. Et quomodo ab vna anima tot diuersæ species spontè nascentium prouenire possent?

*An ab anima ter-
ra.*

Non multum ab ista sententia differt Cicero-
nis & Senecæ opinio, qui quod Platonici totius
mundi

mundi animæ tribuunt, id illi de anima terræ & aquæ, seu globi terreni in primis interpretantur. Ita enim Cicero, 2. *de nat. Deorum*, scribit: Quòd si ea, quæ à terra stirpibus continentur, arte naturæ viuunt & vigent, profectò terra ipsa eadem vi continetur, & arte naturæ: quippe quæ grauidata seminibus omnia pariat, & fundat ex sese stirpes, amplexa alat & augeat: ipsaque alatur vicissim à superis, externisque naturis. Et Seneca, 6. *quæst. nat. cap. 16.* Non esse terram sine spiritu palam est, ait. Non tantùm illo dico, quo se tenet, ac partes sui iungit, qui inest etiam saxi mortuisque corporibus: sed illo dico vitali, & vegeto, & alente omnia. Hunc nisi haberet, quomodo tot arbutis spiritum infunderet, non aliunde viuentibus, & tot satis? Quemadmodum tam diuersas radices aliter atque aliter in se mersas foueret, quasdam summâ receptas parte, quasdam altiùs tractas, nisi multum haberet animæ, tam multa, tam varia generantis, & haustu atque alimento suo educantis? Et Marsil. Ficinus, *lib. 4. de immortalit. animæ, c. 1.* Exploratum habemus, inquit, vbi generationem nutritio & augmentû sequitur, ibi vitam animamque inesse. Terram verò videmus seminib, propriis generare innumerabiles arbores animantéscque & nutrire, & augere. Augere etiam lapides, quasi dentes suos, & herbas quasi pilos, quâdiu radicibus hærent, quæ si euellantur & extirpentur è terra, non crescunt. Quis fœminæ huius ventrem vitâ carere dixerit, qui tam multos sponte sua parit fœtus, & alit; qui sustinet seipsum; cuius dorsû dâtes promit & pilos? Eadem est de aquæ corpore

ratio. Habent igitur animam aqua & terra. Nisi forte quis dixerit, viuentia illa, quæ nos (cùm seminibus propriis carere videantur) ab anima terræ fieri dicimus, aut aquæ, non ex tali anima nasci, sed ex influxibus cœlestium animarum.

Verùm vt à priori opinione hæc non multum differt, ita eodem modo facilè refutatur. Equidem aëris & spiritus multum in terræ cauernis contineri, palàm est. At quod aër & spiritus illi anima terræ & aquæ sint, probari non potest. Neque ista, quæ spontè nasci dicuntur, viuentia solum in terra & aqua generantur, sed & in animalibus & plantis; vt varia vermium genera. Et si in terra esset talis anima, terra effectibus suis non esset ignobilior, sed & ipsa nutriretur, augetetur, sentiret. Nulla etiam necessitas ipsos adduxit, vt talem animam terræ ponerent. Non spontè enim viuentia sua semina, è quibus proueniunt, habere, notissimum est. Nec spontè ortis proximam causam deesse, postea monstrabitur. Et si omnino talis daretur anima, cùm esset vna, non posset tot diuersas viuentiũ species producere, sed determinati effectus determinata & specifica causa requiritur. Et licèt terra, vt commune promptuarium, alimentum plantis, ac quibusdam animalibus præbeat: non tamen sequitur, quòd animam det. Per animam iam ante constituuntur plantæ, priusquam è terra alimentum petunt. Neque terra è sua substantia alimentum plantis præbet, sed saltem vt promptuarium, in quo varia mista sunt corpora, quæ in alimentum plantarum abeunt.

Non multũ ab hac opinione dissentit Erasius,

part.

part. 2. disp. contra Paracels. qui potestatem diuinam, toti materiae in creatione rerum à Deo insitam, autorem effectuum talium ponit. Verum non probat, quod vnquam Deus toti materiae hanc potestatem indiderit. Ex terra & aqua plantas & animalia Deus produxit, omnibùtque formas suas indidit, iussitque, vt singulae plantarum & animalium species sese multiplicarent, & secundum speciem suam semina & fructus ferrent: at quod materiae toti extra species potestatem animalia producendi Deus indiderit, nusquam in sacris extat. An tamen aliquo modo tolerari possit hæc sententia, dicetur *cap. seq.*

*An à vi
terra insi-
ta sponte
planta o-
riantur.*

Franciscus Picolhomineus, *de ortis ex putri,* *cap. 3.* statuit, viuentia spontè nata à spiritu è cœlo producto prouenire. Ita enim inter alia scribit: *Pro generatione animalium ex putri Sol, siue cœlum, fungitur modo quodam munere nedum causæ communis, verum etiam propria, quatenus lumine & motu eius constituitur spiritus proximè formans animalia, eisque vitam tribuens, qui proportionè respondet spiritui, per quem semina redduntur fecunda, & fœtus formatur. Qui spiritus quamuis ab eminenti vita cœli habeat, vt sit vitalis: tamen, vt hanc vel illam vitam producat, non habet à cœlo, vt cœlestis est, sed quatenus in definita materia cum definita mensura recipitur, congruente definitis speciebus animantium.*

*An à spi-
ritu è cœ-
lo produ-
cto.*

Verum dicuntur ista, non probantur, neque monstratur, cœlum viuere, & à cœlo talem spiritum vitalem in hæc inferiora dimitti. Et si spiritus iste est causæ proxima, quid opus est determinatâ materiâ? Quâ cum opus sit, potius in eâ proxima spon

sponte nascentium causa querenda erit. Cælum verò erit saltem causa communis, ut in iis, quæ ex semine nascuntur: & cum vniuersimodi facultatem habeat, non magis ad muscam, quàm ad vespam, vel pulicem disposita erit, & proinde propria causa, de quâ hîc agitur, non erit.

Efficiens Alij ergo, cum extra materiam, è qua viuientia
spontè or- talia nascuntur, causam efficientem frustra quæri
torum vi- viderent, eam in ipsa materia. & rectè, quæsiue-
rentium runt. Neque eos illud mouere potuit, de quo
causa in etiam, *hypomnem. præced.* dictum, quòd non-
ipsa ma- nulli putant, formam & materiam esse causas
teria la- internas, efficientem & finem causas externas.
et.

Falsum enim hoc est, quòd efficiens semper inter externas reponi debeat, sed ipsa, Aristotele teste, forma sæpe cum efficiente coincidit. Alij tamen aliter hanc causam quæsiuerunt. Plurimi putredinem solam proximam spontaneæ viuientium generationis causam statuunt. Quam suam opinionem quibus autoritatibus firmare conentur, parum curo, modò monstraui, eam falsam esse. Quod vel unicâ istâ ratione probari potest, quòd tota putredinis ratio consistit in eo, quòd sit corruptio misti, quatenus mistum. Si verò quid præterea ex putredine oritur, id ex accidente euenit. Præterea plantas multas, & alia, spontè nasci, sine omni putredine, experientia testatur. Et ex vermibus insecta volatilia varia nascuntur sine putredine. Ac in Cypro in fornacibus ærariis sine putredine pyraustæ producuntur. Et proinde de alijs etiam viuentibus statuendum, ea non generari ex putri materia, licèt interdum nascantur in re putri, & ex parte rei putrescentis.

Alij

Alij cùm putredinem causam viuientium spontè *An ex*
ortorum esse non posse viderent, coctione, causam *putredine*
huius generationis esse statuere. Verùm enim ve- *nascatur*
rò coctio est saltè alteratio, & temperamenti per- *spontè orta*
fectio, & nullam, quàm in qualitatibus, mutatione *viuentia.*
inducit & proinde substantiã per se producere nõ *An ex*
potest, sed ad rei iam per suam formam constitutæ *coctione.*
perfectionem tendit. Aut si quæ coctio sponta-
neum ortum præcedit, ea saltem est præuia mate-
riæ dispositio, quam vbi nata est forma latens, se-
se exserere, & corpus suum sibi fabricare incipit.
Et licet Aristoteles, 5. de histor. animal. cap. 19.
scribat, quod commune omnium vermium est, &
eorum: quæ ex vermibus proueniunt, animalium,
vt primordium generationis aut à Sole, aut à spi-
ritu præsterur, id tamen non de communicatio-
ne animæ, sed saltem de materiæ dispositione ad
formam sub ratione animæ recipiendam intelli-
gendum est, quæ à calore fit.

Nonnulli verò, cùm & ipsi in putredine suffi- *An à pu-*
cientem huius generationis causam inuenire nõ *tre dine*
possint, iterum ad cœli vires confugiunt, scribunt- *cũ cœlo.*
que, fieri generationem ex putredine, vi cœli &
astrorum calorem putridum excitare, & qui cada-
ueri nõ naturalis est, dirigente, vt si naturalis, &
δημιουργός primarius ad certam peculiarium ani-
malium formam è subiecta materia educendam.
Verùm nullum malæ causæ patrocinium hoc
modo afferre possunt. Primò enim non solùm
astrorum, sed & quicunque alius calor in plantis
& animalibus putredinem excitare potest. Dein-
de petitio principij est, formas educi è potentia
materiæ. Tertiò monstrare debebant, quomodo
calor,

calor, qui est qualitas, ultra suas vires agere, & non solum ut instrumentum nobilioris agentis sed ipse primarius *δημιουργός* substantiam, & quidem formam animalis, producere possit.

CAPUT II.

Vera de spontaneo viuientium ortu, & causa efficiente sententia.

CUm ergo ex hæcenus enumeratis causis generatio viuientium spontè ortorum prouenire non possit, (qua de re prolixè & operosè, *toto libro primo de spontan. viuent. ortu*, agit Licetus) alia causa quærenda est. Quæ ut rectè inueniatur, primò omnium, quæ sit differentia inter generationem viuientium sponte, & non spontè ortorum, & quæ viuentia propriè sponte oriri dicuntur, inquirendum. Sciendum autem in genere, dici ea spontè prouenire, quæ sine vlla causa euidente & manifesta proueniunt. Ita Hippocrates, 1. *Aph.* 2. turbationes alui & vomitus spontaneos dixit, qui sine medicamentorum ope fiunt, & 2. *Aphor.* 5. spontaneas lassitudines nominat, quæ non ex motu & exercitiis contractæ sunt, sed quæ à latente humorum vitio proueniunt. Sic quoque plantæ, quæ non hominum curâ & labore satæ, sed sine ea oriuntur, sponte oriri dicuntur. De quo Virgilius, 2. *Georgicor.*

Namque alia, nullis hominum cogentibus, ipsa Sponte suâ veniunt, campôsq; & flumina late Curua tenent: ut molle siler, lentaq; genista,

Po

Et animalia, quæ ex coitu patris & matris generantur, non spontè; quæ verò sine parentum opera generantur, spontè generari dicuntur. Sic Plinius, lib. 9. cap. 51. scribit de ranis: *Mirum, semestri vitâ resoluuntur in limum, nullo cernente; & rursus vernis aquis renascuntur, quæ fuere nata, perinde occultâ ratione, cum omnibus annis id eveniat. Et mytuli & pectines sponte natura in arenosis proueniunt.* Verùm ex his nondum satis clarè patet, quænam sint illa viuientia, quæ sponte nasci dicuntur. Etenim etsi plantæ multæ sine cura & labore hominum proueniunt: tamen non omnes illæ sine semine; cum pleræque seipsas seminant, & semina sua in terram abiiciant, vel per radices se propagent. Ideoque quænam differentia sit inter sponte & non sponte orta viuientia, iam inquirendum.

Fortunius Licetus, lib. 2. de spont. viuent. ortu, *Fortunij*
cap. 2. statuit, spontaneum videntium ortum pro- *Liceti ea*
uenire à principio occulto, eoque latente in ma- *de re sen-*
teria, è qua generatio fieri debet; atque adeo à *tentia.*
principio interno ipsimet rei generandæ, sed latente. Verùm non satis clarè adhuc à spontaneo viuientium ortu hoc modo spontaneus distinguitur; cum & in non spontaneo viuientium ortu principium rei generandæ occultum in materia (semine puta) lateat. Equè n. occultum sensibus est principium generationis in bulbo cæpæ vel allij, aut grano tritici, ac in stercore equino, è quo scarabæus generatur. Differentia potius hæc con- *Vera dif-*
stituenda videtur, quòd, quæ non sponte gene- *ferentia;*
rantur ex semine, vel bulbo, vel alio semini

respondente, à planta eiusdem speciei manifestè producto, proueniunt: sponte verò orta viuientia sine generante manifesto eiusdem speciei producuntur. Equidem dum ipsa fit generatio, seu potius corporis organici formatio, non differt generatio viuentis non spontanea à spontanea. Vtrobique enim ab agente intra materiam latente fit motus & corporis formatio. At in hoc differunt, quòd, antequam formari incipiunt partes, anima secundum essentiam, & quatenus talis, atque officio animæ fungens, est in semine seu materia in ortu non spontaneo: in spontanea verò generatione, quamuis etiam in materia, è qua viuens fit, sit suo modo anima: tamen corpus cadaueris, vel quæcunque alia materia, eam non participat sub ratione animæ; quia cadauer propriè animatum non est; neque etiam sub ratione efficientis; quia adhuc ea torpet, & quiescit.

*Sponte
ortorum
viuentiū
differen-
tia.*

In hac tamen re non leuis est adhuc differentia. Quædam enim reuera è materia specie planè diuersa generantur, vt scarabæus è stercore equino, vermes è caseo vel carne; quædam verò ad sensum saltem sine semine, & è re specie diuersa generari videntur, cum reuera ex semine, aut re semini respondente fiant: sicut plantæ quædam post pluuias vel aquarum inundationes sponte nasci dicuntur, cum reuera fiant ex seminib. pluuiis vel aquis permistis. Ita ex stercore suillo cardui & sonchi, & aliæ plantæ nascuntur, non vt ex fimo equino scarabæi, vel caseo vermes, sed quia de semine plantarum illarum aliquid non mutatum in coctione, quæ fit in ventriculo, relictum fuit, quod postea cum stercore excernitur. Quæ
duæ

duæ ortus spontanei differentia omnino discernendæ sunt.

Et si verò quædam sponte natorum viuentium sit differentia: omnia tamen ab agente vniuoco, non æquiuoco, vt vulgò statuitur, proueniunt: id quod multis locis docet Aristoteles, quorum nomen allegat Licetus, quibus omnibus tradit, substantias omnes generari ab efficiente actu eiusdem naturæ, & vniuoco. Primus est, *de generat. & corrupt. text. 30*. Secundus, *1. Magnorum Moral. c. 10*. Tertius, *1. de part. anim. c. 1*. Quartus, *7. Metaphys. text. 22*. Quintus, *ibid. text. 30*. Sextus, *ibid. text. 31*. Septimus, *ibid. text. 32*. Octauus, *2. Matap. tex. 13*. Nonus, *ibid. tex. 18*. qui omnes apud Arist. videri possunt. Nos vnum atque alterum saltem adducemus. Nimirum Arist. *1. de generat. & corrupt. tex. 30*. *1. Magnor. Moral. c. 10*. *1. de part. animal. c. 1*. scribit, etiam iis, quæ sponte fieri videntur, pariter atque artificiosis, causam efficientem similem antecedere. Et, *7. metaphys. tex. 22*. *ibid. tex. 30*. Manifestum ex his, quæ dicta sunt, quod quodammodo omnia fiant ex vniuoco. Ibidem, *text. 32*. expressè scribit, quod proprium sit substantiæ, quod necesse est præexistere semper aliam substantiam actû existentem similem, quæ eam facit. Et, *12. Metap. tex. 13*. & *12. Metaph. tex. 18*. ideo Ideas Platonicas reiicit, quod res omnes, tam naturales, quàm artificiales, causas, à quibus producuntur, similes & vniuocas habeant.

Et si itaque concedendum est, etiam spontaneam viuentium generationem esse suo modo vniuocam; tamen hoc negare nolim. generationem esse genus ἀπὸ ἑνὸς πρὸς ἕν, seu analogum; &

Loca
Aristote-
lis qui-
bus do-
cet, om-
nia ab
agente
vniuoco
generari.

Quomo-
do sponte
orta vi-
uentia ab
agente

vniuoco
generan-
tur.

Sponte
et non
sponte
orta vi-
uentia
ut disse-
minantur.

Semen
dupliciter
dicitur.

magis euidens esse tò vniuocum in non spontanea generatione, quàm in spontanea. Id quod videtur innuere ipse Aristoteles, qui, loco modò allegato, 7. metaph. text. 30. omnia ait, πῶς, quodammodo, fieri ex vniuoco. Et omnino alia ratio est generationis plantarum, quæ fiunt è semine propriè dicto, qualis est non spontè ortorum, vt & eorum quæ oriuntur ex latente semine; & illorum viuentium, quæ propriissimè sponte & vulgò æquiuocè generari dicuntur. In iis enim semen, è quo generantur, v.g. herbæ, actu animam iam habet: in vis verò materia, è qua viuens generatur, actu animam illius viuentis, v.g. vermis, qui generatur, non habet, nec materia illa, è qua proueniunt, potest propriè dici semen. Forma tamen in materia latens apta est, vt in animâ eleuetur, & se sub ratione animæ materiæ communicet, viuensque corpus fabricet. Vnde facile illa discrepantia, quæ de semine inter Senecam, & Iul. Cæs. Scaligerum, ac Fort. Licetum esse videtur, componi potest. Seneca enim, 3. de benefic. cap. 29. & Scaliger, in Theophrast. 1. de caus. plant. cap. 5. omnium rerum semina esse docent. Licetus verò, de spont. viuent. ortu lib. 4. cap. 2. negat omnium rerum semina esse, & quædam nullò semine propriè dicto propagari statuit, licèt habeant, quod semini proportionem respondeat. Etenim ex ipsis Liceti verbis solutio sumi potest. Nimirum semen sumitur vel propriè, vel impropriè. Propriè dicitur corpus, quod, & quidem vt proprium subiectum, in se actu formali, primo tamen saltem animam continet, id quod fit in iis, quæ non sponte generantur: impropriè verò illud etiam, si non semen, semini

femini tamen respondens, dici potest. quod quidem animam actu non habet, principium tamen, seu formam continet, quæ ubi idoneam materiæ dispositionem nacta est, animæ officio fungi incipit. Vnde cadauera plantarum & animalium, & quibus vermes generantur, in se semen vermium non continent; in se tamen formam habent, quæ postea in animam sese eleuat. Interim & hoc verum est, talia, vt vulgò putatur, non planè æquiuocè generari: quod vel ex eo patet, quod ea viuentia, quæ sponte & æquiuocè generari putantur, sint eiusdem speciei cum illis, quæ non sponte generantur; id quod ex generatione manifestum fit. Licet enim quædam sponte nata non generent, vt fungi & culices vinarij, vermésque alij vilissimi: pleraque tamen viuens suæ speciei procreant; id quod experientia testatur. Scribæ Theophrastus, 1. *de caus. plant. cap. 1. & 5.* & in eum Scaliger, plantam sponte natam semine suo sobolem eiusdè speciei protulisse. Sic laser sponte ortum in Africa, & sylua integra ibidem nata, ubi antea nullæ fuerant, stirpes sementiferas protulit. Apes ex tauro natæ fœcundæ sunt. Et Auicenna 15. *de animal cap. 1.* testatur, se habuisse amicum qui fecit scorpiones, vel ocymi succo sepulto, vel aliter, & illos scorpiones post generasse alios scorpiones. Et in ciuitate quadam Saracenorum, quæ dicitur Scealikam, post pluuiam magnam visos fuisse bombyces operientes terram per multa milliaria, & quemlibet illorum texuisse super se sericum, & exiuisse post volantes à latere, & fecisse semen.

Agens autem vniuocum, à quo generantur

Y 3 viuens

Efficiens
sponte
ortorii est
anima.

viuentia sponte orta, esse animam eiusdē speciei cum illa qua constituuntur in esse, viuificanturque animantia sponte orta, docet Fortun. Licerus, lib. 2. de spont. viu. ortu c. 26. Cū enim, vt Aristoteles tūm alibi, tum 1. *magn. moral. cap. 10.* tradit, animalia & plantæ oriatur ex semine, vt principio vniuoco, semen verò non sit anima i aut plantæ generandæ vniuocum, nisi quia participat animam eiusdem speciei: iam inde constare videtur, efficiens vniuocum, à quo nascuntur animalia spontaneam generationem habentia, esse animam eiusdem naturæ cum ea, qua viuificantur Et omnino res plana est. Cū enim naturalissimum sit, & proprium animæ generare viuentia; nihil procreare viuentia poterit naturaliter, quod animam in se non habet.

Animam autem viuentium illorum sponte ortorum esse in ipsa materia, nec causam efficientem extra materiam quærendam esse, vel ipsa vermium è carnibus generatio docet, in qua nullā accedente causâ externâ, nisi calore ambientis, sponte è carnib. vermes erumpunt.

Anima
genera-
tionis
spontaneæ
causâ
vnde
proueniat

Vnde autem anima illa, quæ efficiens est primum eorum, quæ sponte oriri dicuntur, in materiam illam, è qua viuentium sponte nascuntur, perueniat, potrò indagandum. Etsi verò res hæc omnino difficilis, & è naturæ obscuritatibus non postrema, & præterea suam sententiam hac de re proponere periculosum sit: meam tamen sententiam liberè proponam, quæ si in omnibus arriserit, veritatis tamen studiosi hoc agnoscent, eam propius ad veritatem accedere, quàm illam de educatione formarum è potentia materiæ opinionem,

nem, quæ nihil nisi verba dat, quod verò animum veritatis studiosum satiet, non exhibet, vt *hypomnemat. preced. cap. 4.* satis monstratum. Principio autem, quod extra dubium esse puto, tenendum, materiam talem, & proinde animam, nihil communicare posse, nisi quod sit viuens, vel à viuente proueniat; & propterea sponte orta viuentia saltem à viuentibus, aut iis, quæ vixerunt, nasci: id quod ipsa experientia docet. Neque enim vquam compertum, è simplicibus elementis, è metallis, mineralibus, gemmis, quatenus talia, vllum viuens natum fuisse, sed omne, è quo talia generantur, vel esse corpus viuens, vel vixisse, vel à viuento prodiiisse.

Saltem à viuentibus generantur sponte nata.

Modus autem generationis vt inuestigetur, primò inquirendum, quot modis anima in re aliqua esse possit. Primò nimirum, quod nemo negat, est animæ actus duplex: Vnus Essentialis. seu primus dictus, & est nuda animæ essentia: alter Accidens, qui secundus nominatur, & est ab anima prodiens operatio. Itaque animæ participatio etiam duplex est: prima simplicis animæ substantiæ participatio, vt formæ materiam suam perficientis; secunda participatio est animæ operantis. Secunda participatio est cum organorum ad operationes necessariorum apparatu; ad primam verò participationem saltem materiæ dispositio necessaria est, vt anima per eam efficientis ratione fungi, & corpus formare apta iam sit.

Anima quot modis in materia esse possit. Anima actus duplex. Essentialis, Accidens. Anima operatio duplex.

Verùm præter hos duos modos datur adhuc tertius, & potest adhuc alio modo anima esse in materia aliqua, ita vt neque eam informet, & viuificet, neque etiam operationes viuentis illius

Anima potest esse in materia vt eam non informet,

propriam edat. Ita in aqua & terra semina plantarum & animalium ; & in iis anima inesse possunt, ut tamen neque aquam, neque terram informant & viuificent. Inde Aristoteles non sine causa dixit, *3. de gen. animal. cap. 11.* quod omnia sint animarum plena, dum scribit : *Generantur autem in terra humoreque animalia & planta, quoniam humor in terra, spiritus in humore, calor animalis in vniuerso est, ita ut quodammodo animarum plena sint omnia. Quamobrem consistunt celeriter, cum calor ille comprehensus siue exceptus est.* Id quod manifestè è rebus putridis apparet, è quibus varia germinum genera passim generantur, & in plantis, quæ nullo semine sparso in campis, agris & hortis proueniunt. Et nullus penè locus tam sterilis est, ut in eo non plantæ & animalia sponte generentur. Dictum autem hoc Aristotelis ita accipiendum est, non quod omnia uiuant, & animata sint ; qua de causa etiam Aristoteles non dixit simpliciter, omnia animarum plena esse, sed *περίπου τινά*, scilicet quod in omnibus ferè rebus sit talis ferè substantia, quæ, ubi omnib impedimentis remotis idoneam materiam nacta est, sese exferit, & animæ officio fungitur. Neque enim viuere est animam quocunque modo habere & continere, sed eam participare, & habere ut informantem & efficientem ac conseruantem corpus organicum. Nimirum, ut docet Aristoteles, calor animalis, atque adeo is, qui animam adiunctam habet, est equidem in vniuersa hac mundi inferioris parte, terra, aqua & aëre : verum non ut pars eorum essentialis, vel attributum essentialis ; cum terra & aqua naturâ suâ frigida sint, &

ab

Quomodo omnia animarum plena sint.

Viuere quid.

ab anima neque terra neque aqua informetur: sed vt locatum in loco vel vase, nimirum quia terra, aqua, & aër viuentium cadauera, partésque & excrementa viuentium, in quibus atomi sunt, & corpuscula animam habentia, continent. Atque ita generatio sponte ortorum viuentium fit, cum animæ rebus, vt Fort. Licetus loquitur, in quibus animæ tanquam in loco saltem & vase continebantur, iam caloris beneficio vniuntur & associantur sub ratione causæ efficientis, corpus organicum formantis, seu, vt Aristoteles loquitur, cum materia calorem illum animalium, & vnà animam comprehenderit, illumque sibi proprium effecerit, statim per spontaneam generationem materia illa consistit in naturam viuentem, induendo animam sub ratione formæ, quam antea vt vas solùm à natura sua distinctam continebat.

Qua de re prolixè agit Fortunius Licetus, *Anima lib.2.de spontan.viu.ort.cap.11.28. & seqq.* & operosè probare conatur, formam & animam in materia bifariam inesse, nempe vt actum & perfectionem in proprio subiecto, deinde vt contentum in vase, nihil ad eam pertinens, vel quasi accidens in subiecto. Et huic distinctioni tota eius de origine sponte ortorum viuentium Theoria, tanquam fundamento, innititur. Vt omnia, quæ allegato loco prolixè affert, hîc adducam, operæ precium non est. Certum enim est, ignem cum sua forma esse in ferro, esse in aqua calida, esse in pluuiâ, esse in terra, nec tamen ea informare. Et, quod clarissimum est exemplum, est in aqua Regis aurum in minima solum, & in aqua forti

Anima duobus modis in materiâ est.

argentum in minima solutum ; ita tamen , vt formas suas , vt ex reductione patet , integras retineant ; nihilominus aquas illas non informant , sed auri & argenti forma est in aqua illa , vt in loco . Idem & in animalibus viuentium apparet . Semen enim in terram coniectum , est in ea , vt in loco , nec à forma seminis terra informatur . Imò , quod magis mirandum , in lignis siccis quandoque forma plantæ remanere potest , vt de oleæ ligno scribit Virgilius , 2. *Georgicor.*

Quin & caudicibus sectis (mirabile dictu)

Truditur è sicco radix oleagina ligno.

De quo pluribus infra , cap. 7. dicetur.

Verum an animæ propriè dicantur esse in loco , & an omnes animæ sponte nascentium hoc modo sint in rebus , è quibus oriuntur , dubito . Equidem si semen , vel corpus semini respondens , materia & forma constans , dicatur esse in loco , vt sperma ranarum , vel seminale illud corpus , è quo post pluuiam plantæ generantur , in loco esse rectè dicitur . Verum an anima ipsa , quæ in eo est , in aqua vel pluuiâ , in loco esse propriè dicatur , ambigo . Sed sumatur sanè ita anima cum proprio suo subiecto , & dicatur , hoc modo esse in loco : an verò eâdem ratione in pino , è qua erucæ , vel aliis lignis ; è quibus vermes , vel in frumento , è quo gurgulio nascitur , anima illa viuentis insit , meritò ambigitur . Etenim atomi auri & argenti constantes suâ materiâ & formâ , insunt in aqua regis vel forti , vt in loco ; & semen alicuius plantæ vel ranæ , constans non solum animâ , sed & materiam habens , in qua anima , vt in proprio subiecto , inest , in terra vel aqua , vt in vase vel loco esse potest :

potest: & ita anima ipsa non per se est in terra, ut in vase vel loco, sed propter materiam, cui, ut proprio subiecto, inest, sicut forma argenti non est per se in aqua forti, ut in vase vel loco, sed ratione materiæ, & corporis, cui inest. At cum ex ligno vel carne viuens animal nascitur, ibi anima, quæ per se non est in loco, non habet materiam, in qua, ut proprio subiecto, inest & propter quam in ligno vel carne, ut in loco vel vase, esse dici possit: sed animæ illius subiectum proprium est illud ipsum, vel illa ipsa caro, in qua tamen ea non formaliter inest, sed tantum realiter, nec animæ rationem habet, sed tum demum formaliter inesse incipit, & à ligno vel carne separari, & per se viuere & existere, atque animæ rationem habere, & viuentis operationes exercere, cum per putredinem, vel potius calorem putredini illi coniunctum, materia illa ita elaboratur, ut animæ idoneum subiectum ad formalem existentiam esse possit.

Itaque, ut supra dictum, non vna est sponte nascentium plantarum & animalium generatio. Quædam enim reuera ex semine à viutente eiusdem speciei genito generantur, etsi sponte nasci videantur. Ita post exundationes aquarum, post pluuias, ventos, sponte interdum plantæ nascuntur, ex stercore suillo cardui & sonchi oriuntur. In quibus nulla alia inter ea, quæ sponte & non sponte nasci dicuntur, viuentia est differentia, quam quod semen in his latet, in illis manifestum est. Et sunt semina diuersæ naturæ. Quædam enim, nisi diligenter asseruentur, & colantur, vim seminalem & animam amittunt. Alia verò, etsi

*Spontanea generatio
ratio
quodn-
plex.*

etsi corrupta videntur ; tamen in succo quodam, vel atomis vis seminalis remanet. Sunt deinde alia sponte orta viuientia, quæ sine semine proueniunt. vt cùm è caseo vel carne, aut ligno vermes generantur, in quibus tale semen , quale in aquis vel terra est, non reperitur.

*De sponte nato-
rum pro-
priè di-
ctorum
origine
Fortunij
Liceti
opinio.*

De origine verò posterioris generis animalium maximè ardua est quæstio , in qua aliquid definire obrectationibus facilè obnoxium est. Fortun. Licetus, lib. 2. de spontaneo viu. ortu cap. 36. statuit, efficiens proximè generans animalium sponte ortorum esse animam eiusdem naturæ cum ea, quâ constituuntur in esse viuientia sponte nata, non tamen viuificantem nec actuantem vilo modo subiectum, in quo inest, sed latitantem vt in vase, in cadauere illo, è quo animata hæc sponte generantur: & quidem eam animam, quæ est in cadauere, esse eandem cum ea, quæ animal, vel aliud corpus viuum constituebat, sed labefactatam, non habentem rationem formæ actuantis, perficientisque id, in quo est, sed priuationis; cùm talis eneruatio animam priuet perfectione suâ pristinâ, quæ erat, viuificare ac perficere subditum sibi corpus. Vt enim anima sentiens ac videns est habitus in animali bene se habente; in cæco autem eadem ad organi labefactionem eneruata degenerauit in priuationem: sic etiam post mortem animalis animam, quæ superest in cadauere, degenerare in priuationem statuit, eneruatamque res imperfectas creare sponte nascentes.

Quomodo autem anima ab illa perfectione deiciatur, docet, *ibidem*, cap. 37. & tradit duos modos,

modos, quibus materia cadaueris fortiatur animam non viuificantem. Primus est, quòd, dum oritur viuens, calor ad vitam necessarius non totus aboleatur, sed tantum eius remaneat, quantum satis est ad animam in corpore, tanquam vase, continendam. Quo in casu quemadmodum accidere plerumque posse scribit, vt simul cum labefactione caloris, & viuentis interitu, animæ vegetalis sensualisque substantia illo calore nixa essentialem quandam labem patiatur, quâ in imperfectionum naturam, & in animam viliorē labefactata degeneret; ita putat aliquando euenire posse, vt pristinam speciem conseruans vires tantummodò sibi eneruatas experiatur. Alterum modum hunc constituit: Quia, inquit, dum pristinum viuens emoritur, & dum è viuentis corpore pellitur excrementum, anima eius adhuc superstes in materiam proximam nuper animâ eadem destitutam, nouam procreat animam cum exiguo calore in primo instanti naturæ, non adhuc subiectum sibi corpus viuificare valentem, sed in eo procreetur vt in vase, nonnunquam prorsus eiusdem speciei cum anima generante; frequentissimè verò imperfectionem, viliorēque: tum ob imperfectionem materiæ, quæ tam perfectam animam recipere non potest: tum ob infirmitatem & debilitatem virium animæ generantur, quæ in morte animantis pristini vel cadit, vel maximopere labefactatur. vt similem sibi generare non possit, inferiorem se adhuc procreare valeat. De quo pluribus vsque ad *cap. 39.* agit: in quo tandem suam sententiam his verbis concludit: Causa efficiens proxima spontanei viuentium

uentium ortûs , à qua immediatè sortiuntur animam , & generantur viuentia cuncta sponte nascencia , nihil est aliud , quàm anima vegetabilis aut sentiens degens in cadauere , aut in excremento à viuentibus profecto , vt in vase , latens cum calore debili , illud non actiuans , nec perficiens vlllo modo , nonnunquam eiusdem speciei , aut etiam numero eadem cum ea , quæ in illis viuentibus præfuerat : sæpissimè tamen diuersæ speciei , ac vilioris naturæ , imperfectiorisque substantiæ ; in quam vnà cum corporis & caloris labefactione prior illa degenerauerit : quæ anima in cadauere , aut excremento , à viuente priori profectis , subditum sibi corpus non viuificans , nec in eo vitæ operationes exercens manet , non vt forma in suo subiecto , sed vt in loco , & in vase , quasi ex necessitate materiæ , aut demum cum totali caloris , quo nititur , exterminio casura , aut cum eiusdem caloris augmento ac vigore ab ambientis caliditate acquisito semetipsam subiacenti sibi corpori in formam & in animam viuificantem , vitæque functiones , ac primùm organizationem , spontaneamque viuentis generationem obeuntem communicatura.

Fortun.

*Licet
opinio
exami-
natur.*

*Anima
in cada-
uere post
mortem
non re-
manet.*

Verùm enim verò durum videtur , statuere , in cadauere animam priorem remanere ; & in homine id dicere absurdissimum : cum tamen æquè ex corpore hominis mortui vermes generentur , atque ex aliorum animalium cadaueribus. Equidem , *lib.2. cap. 39.* Licetus animam rationalem excipit , & sentientem & vegetantem solùm remanere scribit. At affirmatur , sed non probatur , tres esse in homine animas , quarum

sentiens

sentiens & vegetans post mortem remanere possint. Imò etiam in brutis illa formarum nobiliorum in ignobiliores degeneratio absurda est, & sine ratione proponitur. Potius constitutio corporis, ac operationes diuersimodæ satis docent, animalia sponte nascentia, quæ ex cadaueribus generantur, specie & formâ differre ab iis corporibus viuentibus, è quibus generantur. Neque etiam causam reddit, cur anima huius viuentis in hanc, non verò in aliam degeneret: cum videamus, non ex quolibet viuente quodlibet sponte ortum animal prouenire, sed ex certis certa. Neque in cæco anima videns in priuationem degenerat, sed in oculo, ob eius membri morbum, visus priuatio inducitur, ipsa verò anima eandem perfectionem, quam antea, obtinet, & morbo sublato iterum visionem perficit, neque, dum homo cæcus est, alias operationes obit. Imò anima etiam oculum cæcum, quandiu viuit, informat, etsi visionem in eo, ob eius morbum perficere non possit. Et si anima in oculo cæci esset vt in cadauere, nihil illi penitus conferens, oculus emoreretur, & sphacelo corripereetur; quod tamen non fit. Et licet verum sit, quòd aliquid de humido radicali & calido innato in cadaueribus animalium & plantarum remaneat, quod non, nisi putredine & carie, quod sæpe longo tempore post mortem accidit, destruitur: tamen temperies illa ac calor viuentis non manet, ac proinde nec anima illa viuentis specifica manere potest; cum mors animalis & viuentis sit caloris illius vitalis extinctio, & per eam animæ à corpore separentur, nullo
verò

verò modo essentialem quandam labem (formarum enim Esse est in indiuisibili) anima patiatur, qua in imperfectiorem naturam degeneret. Et cum ex animalium excrementis viuens generetur, non credibile est, animam in excrementis manere; cum in corpore viuentis anima nunquam in excrementis fuerit.

*Autoris
de sponte
ortorum
proprie
dictorum
origine
sententia.*

Mihi verò magis consentaneum videtur, in corporibus viuentibus plures formas succenturiatas esse, & subordinatas, ita tamen, vt vna sit princeps & domina, quæ viuens informat, & à qua viuens nomen habet, ipsa scilicet viuentis cuiusque anima; reliquæ verò ministræ quasi, quæ, quandiu forma illa superior præsens est, ad materiæ propriæ dispositionem & conditionem pertinent, & propterea materiam quidem illam, vt sit idoneum formæ specificæ subiectum, suo modo informant, suasque etiam actiones habent; eam tamen non animant, nec ei nomen viuentis tribuunt; quod solius animæ specificæ officium est. Neque est, vt aliquis hanc doctrinam de formis subordinatis odiosè, vt nouam exagitet. Tradiderunt eam doctissimi quique viri, & formas istas seminalem quasi materiam sponte ortorum viuentium constituere docuerunt. Iul. Cæs. Scalliger, exerc. 59. sect. 2. scribit: *Vt in terra mutantur planta, alia in alias; ita supra terram gignunt è scriptis animalia. Idque non è putrefactione, sed quedam quasi semina fontes ad generationem. Idem, exerc. 190. Animalia, inquit, non è plantis putridis, sed tanquam successinis operis soboles nascuntur. Nam neque fabas esse putridas, quàm in ipsis bestiola gignuntur, certum est. Idem, lib. 2. de plant.*

*Forma
subordi-
nata
dantur.*

plant. p. 389. rectè docet, ligna quædam, vt abiegna & paleas, habere cimum tecum rudimenta naturalia, manifestum esse. Scribit. *ibidem*, vulgò iactatum esse, è cimum contritis cimum item exoriri. Id verò sibi non esse verisimile. Sed quibus primordiis illis in locis concrebatur olim ii, qui fuerunt ibi contriti, subnati alios. Verùm causam non video, cur rudimenta illa cimum non æquè in contritis remanere possint. Schegkius, Germaniæ Aristoteles, de occult. medic. fac. lib. 2. cap. 1. mibi p. 103. ait: Nihil absurdi erit, si in vna substantia plures formas inesse dicamus. Et postea probat in plantis forma specifica abolita in cadauere non solum crasin, sed & formam substantialem superesse, eamque occultarum facultatum autorem. Zabarella quoque, lib. de generat. & interit. cap. 4. scribit, formam missionis in viuento non fungi officio formæ respectu ipsius viuentis totius, sed potius materiæ; sublata autem anima incipere eandem formam missionis fungi officio formæ, & corpus illud in specie constituere. Et, *ibidem*, exemplo id declarat. Quemadmodum, inquit, si mortuo Rege seruus aliquis fiat Rex, is erat prius etiam Rege viuento, at non erat vt Rex, ideo si quærat quispiam, an sit creatus nouus Rex, nec ne, dicendum absque dubio est, esse nouum Regem creatum, mutatumque esse Regem. Sic igitur in viuētis interitu eate nōs noua forma acquiritur, quatenus quæ prius erat tanquam conditio materiæ, substans formæ nobiliori, nunc incipit esse forma & compositum constituere, & imperare. Quod verò Zabarella saltem de formis missionis dicit, id ad omnes formas,

quæ præter elementa ad viuentis corporis constitutionem necessariæ sunt, extendendum. Quales formas dari, supra, *hypomnem.* 2. probatum. Neque aliquid absurdi importat, præter formam specificam adhuc alias dari formas subordinatas, sed vt Zabarella, *lib. 1. de gener. & inter. cap. 2.* scribit, si duas simul esse, non repugnat rationi, nec quatuor, nec centum repugnat simul esse in eodem.

*An forme
subordi-
natae sint
specificæ.*

Arguatur equidem hoc loco quidam, etiam formas subordinatas esse specificas. Verum vel non intelligit, quid sit forma specifica, vel malitiosè cauillatur; & interim concedit in eodem viuentem plures formas. Sanè nulla forma datur, quæ per se considerata non possit dici specifica. Ita ignis forma, vbicunque est ignis, ipsi est specifica; sed dum in homine est ignis, non est hominis specifica forma, sed anima rationalis est hominis specifica forma. Cum larvis ergo ille pugnat, & cauillationibus ac æquiocationibus ludit, qui formas subordinatas negat, & à specificis distinguendas non putat, utpote quæ & ipsæ specificæ dici possunt. Forma, *inquit*, terra est sub dominio formæ specificæ, sed in propria est materia, & retinet naturam formæ specificæ, etsi alij formæ specificæ subest. Nam non est specifica forma rei, cuius est formæ subiecta, sed est forma specifica materiæ eius, cuius est forma, cum qua manet, venit, recedit. Verum si subest terræ forma alij formæ, cur eam non dicam cum Zabarella subordinatam? In homine verò & terræ & hominis formam esse formam specificam statuere, absurdissimum. Nam nulla res naturalis datur,

quæ

quæ duas formas específicas habeat. Formæ tamen illæ subordinatæ, quæ, dum sunt in viuentē, ad materiam pertinent, decedente formâ specificâ ipsæ specificæ fiunt, vt idem Zabarella docet, & specificæ formæ operationes edunt. Ita illa forma, ex qua sponte generantur è cadauere scarabæus, vespa, apis, dum est in equo, vel alio animali viuentē, non potest appellari forma vespæ, scarabæi, apis; cū tum officio formæ non fungatur, sed solum loco materiæ. Dum verò formæ officio fungitur, iam sibi simile generare, & se multiplicare potest. Atque omnino longè alia ratio est formæ, dum est subordinata, & est loco materiæ, alia dum sit specifica. Ideoque etiam formæ subordinatæ non dant omen rei, nec possum dicere, in homine esse vermes, in iuuenco foliis mori nutrito esse bombyces, sed demum formâ specificâ decedente ipsæ formæ specificæ munere fungi incipiunt, & nomen rei dant.

Neque tamen, quod nonnulli obiiciunt, & hinc sequi existimant, hinc concludi potest, esse in homine, & in aliis animalibus variis, vermes & niueos aliquot vermes, vel alterius generis animalcula in se habere. Etenim ad animatorum tallium, vt omnium corporum naturalium, constitutionem requiritur non solum forma, sed & materia, & forma materiam illam informare debet. Verum hæc formæ etsi realiter insunt viuentibus alijs, tamē non insunt ad modum animæ, nec animæ officio funguntur, nec materiam animant, nec corpus viuificant, nec in eo vitæ operationes exercent, sed omne illud à forma nobiliore & specifica, seu anima viuentis perficitur: ipsæ verò ad

Vna forma inter-
na varias
formas
externas
induere
potest.

materiae dispositionem & determinationem pertinent. Vbi verò specifica illa & nobilior forma, seu Anima recidit, ipsa à calore ambiente excitatur, & idoneam dispositionem nacta, in animae modum eleuantur, & corpori sese in animam viuificantem communicant, & primùm quidem corporis sibi idonei fabricationem aggrediuntur, postea verò functiones vitae conuenientes in eodem incipiunt. Imò eadem formae sub diuerso schemate externo latent, & in Theatrum Naturae prodeunt. Res manifesta est in erucis, in quibus vna anima diuersa corpora induit, & vt Aristoteles, 5. de histor. animal. capit. 19. & Plinius, lib. 11. nat. histor. capit. 22. ait, varia fit formarum successio, externarum scilicet. Interna enim manet eadem. Quod licet absurdum cuidam videatur: tamen nullo modo absurdum est, sed rem ita se habere, cuiuslibet obseruare promptum est. Primò enim ex ouo necydali fit eruca; hæc, vt diligenter id descripsit Andr. Libavius, singular. part. 2. bombycior. lib. 1. cap. 21. intra mensem quater pellem exsui. At quis dicat hinc formam internam mutari; nisi etiam, dum serpentes senectam exsuunt, nouam generationem fieri dicere velit? Hinc fit bombyx, ubi iterum nulla essentialis mutatio, cum bombyx non sit aliud, nisi eruca adulta. Et dum postea fit nympa, nulla iterum fit essentialis mutatio. Neque enim vlla causa dari potest, quæ nouam formam seu educat, seu inducat. Tandem eo modo nullo alio agente accedente, sed internâ saltem formâ operante fit necydalus. Neque hoc solum fit in eruca & bombycibus, sed in omnibus ouiparis, v. g. pullo

pullo gallinæ. Sicut enim, dum à calore autis alterius speciei, vel etiam calore ignis, pullus ex ovo gallinæ excluditur, ne cogitari quidem aliquid potest, quo animam pullo illi largiatur, nisi antea illa in ovo esset: ita etiam dum vel calore mammarum muliebrium ova bombycum excluduntur, & hinc fit bombyx, nihil dari potest, quod novam animam generet. Et unam animam corpora externa varia assumere posse, etiam degeneratio plantarum docet, dum secale & zea in triticum, & hoc rursum in secale & zeam degenerat, manente eadem formâ internâ, mutatâ saltem externâ.

Pertinet enim huc etiam degeneratio plantarum in alias plantas; quod in iis plantis accidit, quarum semina sunt aut ambigua, & formas plures in se concludunt, ita tamen, ut una dominium habeat, altera seruiat; nisi occasione oblata aliud fiat; aut quorum animas ad plures formas externas recipiendas est disposita, ut in bombycibus, imò & apibus apparet. Ut enim eadem formæ essentia in his sub diuersis formis externis manet, & primò fit eruca, deinde bombyx, hinc nectydalus: ita & in plantis eadem fit transmutatio formæ externæ. Quod & Iul. Cæs. Scaliger concedit, dum, in *1. de plantis* confusa quorundam principia in seminibus esse dicit, ut rapæ & brassicæ, & aliorum. Licet quidem, *lib. 2. de spont. viu. ort. cap. 14.* scribit, formam ad magnam materiæ mutationem mutari in alienam speciem, & deprimi in inferiorem gradum. Verum ex materiæ mutatione non solum in inferiorem, sed & in superiorem gradum fit ista

degeneratio. Id quod testatur experientia. Triticum degenerat in lolium; sisymbrium in mentam; rapum in raphanum; ocymum in serpillum; vitis alba in nigram; nigra in albam mutatur, zea in triticum, & contra triticum in zeam. Si in Ungaria secale Germaniæ feratur, generatur inde triticum. Si ager sit paulò sterilior, auena nostra alba, quam appellant, in nigram degenerat; si idem semen aliquot annis feratur, in vilius degenerat. Quapropter post aliquot annos semen mutare necesse habent agricolæ. Contra si auena nigra feratur in solum pingue, fit inde auena alba. Caryophylli, rosæ, violæ sæpe colores florum mutant. Vnde Virgilius de seminibus scribit:

Vidi lecta diu, & mulgo spectata labore;

Degenerare tamen.

- * Et de patre suo scribit Galenus, 2. de alim. fac. class. 2. pag. 30. quòd, cum declinante ætate agriculturæ delectaretur, triticum ac hordeum aliquando senerit, omnibus diuersi generis seminibus, quæ ipsis erant admista, selectis, quò certè cognosceret, num ex ipsorum mutatione lolium & ægyllops nascerentur, an proprium hæc quoque semen haberent. Cùm autem fortè & vna cum puris seminibus in tritico quidem frequens lolium, in hordeo autem magnam ægyllopi vim natam conspiceret, in aliis quoque seminibus idè est aggressus. Reperit igitur in lète quoque ex mutatione ipsius durum, rotundumque aracum & securinum, præterea aparinem enatam. Hanc diligentiam si hodie aliqui impenderent, dignissimam laudem mereretur. Hoc modo enim rusticis deridendos sese non

non tam crebro propinarent. Et magis hæc experientia conferret ad rerum naturalium cognitionem acquirendam quàm vanæ illæ & alga viliores speculationes. Plura de generatione plantarum dicentur infra, *cap. 7.*

Atque hæc de primario efficiente generationis sponte ortorum viuentium dicta sunt. Hoc saltem hic adhuc notandum, de generationes istas propriè non esse spontaneas generationes. cum ex semine, & quidem manifesto, fiant: licet formæ illæ pro diuersa dispositione materiæ varias corporis externi formas fabricandi vim habeant. Concurrit quidem ad eadem generanda etiam calor ambientis, & imprimis Solis & Lunæ: verum calor iste primarium agens non est, sed latentem animam solum excitat, & ei materiam idoneam præparat ac suppeditat. Ideoque hæc, quæ diximus de spontaneo viuentium ortu, vt clariora fiant, de materia eorundem aliquid addendum.

C A P V T III.

De Materia sponte ortorum viuentium.

ET quidem in materia præcipuè est differentia *Materia
sponte orta
orum vi-
uentium.*
inter non sponte orta viuentia, & viuentia
sponte generata. Quæ enim non sponte oriuntur,
tum animalia, tum plantæ, è suis seminibus ita
proueniunt, vt cuius manifestum sit, vnde
proueniant. Quæ verò sponte oriuntur viuentia,
eorum principium latet; & ita sponte orta quæ
sunt

sine vlllo generante proueniunt. Habent tamen & illa suum principium. Neque enim quodlibet horum è qualibet materia generatur, sed determinata ex certa & determinata materia, vt postea in specie patebit.

Propagatio plantarum varia.

Cùm autem supra dictum, quòd aliæ quidem sponte generari videantur, reuerà tamen ex principio seminali à viuente eiusdem specie producuntur; alia è corporibus specie diuersis proueniunt; sciendum, principium seminale non in omnibus ad eandem materiam adstrictum esse; quod etiam ex plantis, quæ non sponte proueniunt, patet. Neque enim plantæ omnes è semine ita in specie dicto proueniunt, sed aliæ sine semine per radices, aliæ per balbos, aliæ per surculos à tota auulsos, aliæ per folia auulsa, vt ficus Indica, propagantur. Itaque non mirum, si seminale principium etiam in aquis, in pluuiis, imò in stercorebus animalium integrum conseruari possit, vt postea in specie dicetur. Imò in animalibus ignobilioribus semen eodem modo in terra, in aqua conseruari, idem postea monstrabitur. Ita, vt rectè Aristoteles, 3. de gener. anim. c. 11. omnia animarum

*Anima-
lia vt ex
imperfecte mix-
tis nascen-
tur.*

plena esse dixerit. Vix enim vlllum corpus datur, è quo talia non proueniunt. Licet quidem lib. 2. de spont. viu. ort. cap. 13. statuit, viuentia talia non generari ex imperfecte mixtis: verum rectè id explicandum est. Certum enim est, ex pluuiâ, nebulis, rore, varia vermium genera generari, & experientia id testatur. Quæ licet inter imperfecte mixta sint, si ex sua natura æstimentur, & in iis aliquod elementum prædominetur, vt in rore & pluuiâ & aqua: tamen corporibus hîcce atomorum forma aliâ

aliâ perfectè mixta admiscuntur, in quibus animæ viuentium, vt in semine insunt, & è quibus postea vermes generantur. Vnde etiam non ex omni pluuiâ, neq; ex omni rore vermes generantur, sed è quibusdam saltem.

De materiali hac causâ proxima sponte ortorum viuentium agit Fortunius Licetus, lib. 2. *de materia spont. ortor. viuentium* cap. 13. 14. 15. 16. quorum summa hæc est. Spontaneam, & non spontaneam viuentium generationem in eo conuenire dicit, quòd vtraq; fiat ex misto perfectò, proximè accedente ad temperatum, in se habente vltimam dispositionem, & potentiam proximam ad animam, ad sui formam subeundâ, & dispositionem præcedentē, seu priuationem illam in generatione non spontanea & spontanea vtrobiq; esse nihil aliud, quàm temperamentum proximè infra gradum animæ, animam nullâ ratione sibi adjunctum habentem, eamque esse caliditatē certi gradus. Differentiam autem in eo esse, quòd non spontanea viuentis generatio fiat ab externo agente, primò sibi præparante materiam alteratione præuiâ, & præparatæ postea per generationem animam imper-tiente: contra verò spontanea viuentium generatio fiat agente intra materiam vi ambientis aëris præparatam delitescente. Et ita dispositionem spontaneò viuentium ortui inseruientem nihil aliud esse, quàm coctionem à calore ambiente. Porro materialis causæ proximæ spontanei viuentium ortus duo attributa ponit. Prius est, nihil in animantium genere sponte gigni posse, nisi ex materia, quæ antea quoquo pacto viuens fuerit, & animata, aut in plantarum,

aut in animalium serie, siue viuentis pars fuerit, siue fructus, siue excrementum, siue aliud quippiam; quod tamen iam amplius animam non ut sui formam habeat, sed ut vas locatum contineat, utpote quæ ad cadaueris, in quo continetur, essentiam non pertineat. Alterum est, ut proximè ab ambientis calore coacta, & coctione præparata fuerit, ad induendam animam, viuentisquæ naturam, aut eiusdem speciei cum priori, aut alterius. Vbi enim materia calorem naturalem comprehenderit, eumque solum effecerit, statim materiam illam consistere in naturam viuentem, induendo animam sub ratione formæ, quam nuper ut vas à sua natura distinctum solum continebat.

*Licet sē-
tētia exa-
men.*

Verum enim verò sententia hæc explicatione commodà & limitatione indiget. Primò enim omnino, quod supra dictum, hîc repetendum, non vnum modum esse generationis sponte ortorum viuentium, sed alia ex semine eiusdem speciei latente prouenire, etiam è lapidibus, ut dum ex latente semine planta post pluuiam generatur; alia verò ex cadaueribus prouenire. Idcòque primum attributum materiæ proximæ spontanei viuentium ortus, nimirum, quod ea sit cadauer, in quo sit anima, ut vase, non animans, secundo tantum generi competit. Si verò in lapidis alicuius rimam, ut ipse, *lib. 3. cap. 17.* statuit, puluis aliquis, vel succus plantæ, principium feminale in sese habens, per pluuiam eo delatus, sese insinuet, ibi certè non ex cadauere, sed ex semine eiusdem speciei nascitur planta. Quod etiam accidit ex limo & excrementis animalium, in quibus vel semina indigestum, vel succus seminalis inest. Nam,

vt supra dictum, seminale principium non in omnibus plantis est semen in specie dictum, quod in certâ plantæ parte certâ formâ externâ præditum generetur, sed in quibusdam per totam plantam diffusum est, vt in salice, vnde à salice auulsa salix generatur. Cum ergo è tali semine, vel succo seminali, planta vel in terra, vel in lapide, vel in alia arbore generatur, ibi non ex cadauere fit planta, sed ex semine. Deinde & hoc explicatione indiget; quod scribit, quod materia, è qua ista fit generatio, proximè ad temperatum accedere debeat. Etenim de causâ efficiente hoc verum est. Neque enim calor imbecillus, neque comburens, materiam disponere potest ad animam suscipiendam, sed moderatus esse debet & coquens. Verùm vt materia, quæ per illam coctione generatur, in omnibus temperata esse debeat, non puto necessarium. Magna enim est temperamenti ratione in corporibus, quæ generantur, diuersitas. Generantur enim vermes ex brassica, absinthio, picea, carne, quæ diuersissima habent temperamenta.

Differentiam verò inter spontaneam & non spontaneam generationem quod attinet, equidem verum est, quod in non spontanea, seu quæ ex semine fit, viuentium generatione, ab anima viuentis materia in corpore viuentis elaboratur, & ita præparatur, vt, quod antea non erat (neque enim sanguis in animalibus, vel humor alimentarius in plantis animatus est) fiat idoneum animæ subiectum, & anima sese illi communicat, atque tum semen dicitur, è quo postea, vbi vel calore uteri, vel Solis, vel alio fouetur,

Differentia inter spontaneam, & non spontaneam generationem.

&c

& excitatur anima latens, viuens eiusdem speciei emergit. Sed hoc modo prius sponte ortorum viuentium genus in sua generatione nō habet modum diuersum ab eo, qui iam expositus est. Nam cum, vt rectè Iul. Cæs. Scaliger, *exerc. 6. sect. 10.* ait, generet arbor vel planta, cum producit semē, non autem generetur arbor vel planta, cum pululat ē semine, sed tum generatum quod erat imperfectū, perficiatur: illud seminale principium, ē quo velin aquis, vel in terra, sine cultura hominū, vel ē lapidibus plantæ proueniunt, in plantis eiusdem speciei generatum fuit, & in aqua, terra, vel lapide aliquandiu latuit, donec idoneam, ē qua corpus sibi formaret, materiam nactum est. Et tum si plantæ illa productio pro generatione habeatur, etiam fit ab interno principio. In altero verò sponte ortorum viuentium genere, cum ex cadauerib. vel excrementis animalium, vel plātis vermes generantur, etiam anima præsens est in cadauere, etsi non sub ratione formæ specificæ, realiter tamen. In actum verò prodire, & formæ ac animæ officio fungi non potest, neque sibi materiam, cui sese communicet, quod fit in plantis & animalibus, præparare valet, sed calore ambientis, seu aëris, seu qui in putredine, opus est, vt materia idonea & certo modo disposita elaboretur; quam vbi nacta est, forma illa sese exserere, & animæ officio fungi incipit. Ad talem autem dispositionem inducendam etiam Cœli, & præcipuè Lunæ influxus non parum facit. Experientia enim docet, ligna, quæ paulò ante noluilunium caduntur, non facilè vermicibus infestari; contra quæ circa plenilunium

cæduntur, vermibus esse maximè obnoxia. Ita è limo, qui circa plenilunium foditur, ad extruendas fornaces & focos, facilè grylli generantur. Corpora autem, in quibus istæ animæ latent, sunt vel cadauera viuentium, vel partes cadaueris, vel fructûs, vel excrementa viuentium: de quibus ipse Aristoteles, 2. *de generat. anim.* cap. 3. expressè scribit, quod principium vitale habeant; & animæ illæ pertinuerunt ad dispositionem materiæ, quæ proprium subiectum animæ viuentis fuit. Hinc fit, vt rectè Aristoteles scribit, vt quælibet forma οἰκείαν ὕλην, propriam materiam, requirat, vt, sicut animæ viuentium differunt, ita etiam formæ illæ subordinatæ, quæ cuiuslibet animæ propriam materiam constituunt, differant, & propterea non ex quolibet cadauere, vel viuentis aut cadaueris corruptâ parte, vel excremento quolibet quodlibet animal fiat, sed determinata è determinatis. E carnibus fiunt sui generis vermes, non alij; è caseo sui generis vermes, non aliis; ex herbarum foliis erucæ; è pino bupresses & pityocampe, non alij vermes; è stercore equino scarabæi sui generis; lumbrici generantur in intestinis; pediculi & pulices è sordibus cutis; certi generis vermes & scarabæi sub calceis, è sordibus pedum.

Fortun. Licet equidem, lib. 2. *de spont. viuent. ortu.* cap. 14. aliter hac de re sentit, vt etiam supra dictum, putatque, animam illam, quam in cadauere, tanquam locatum in loco, latere existimat, esse eandem formam, quæ in viuento antea erat, eamque in cadauere remanere cum aliquo gradu caloris, etsi ad eiusdem substantiam nihil

*Materia
spōte orto-
rū viuen-
tium.*

*An una
forma
mutetur
in aliam.*

nihil pertineat, eamque ad magnam materief-
 mutationem mutari in alienam speciem, & de-
 primi in gradum inferiorem. Verum magnum pe-
 titum hoc est, in animalis cadauere post mortem
 animam remanere; vt & has formas in species
 alienas transmutari. Neque enim credibile est,
 animam piceæ vel pinûs in vermem, aut equi in
 vespam mutari. Et cum ex animalium excremen-
 tis generantur vermes, vnde nam ibi anima or-
 tum habet? Eorum tamen, quæ semel sponte or-
 ta sunt, animam seu principium seminale, corpo-
 re corrupto in materia aliqua hæere, atque ite-
 rum reuiuiscere posse, concedimus. Ita possunt
 muscæ & ranæ in limo liquefcere & ex materia
 illa corrupta tempore verno aliæ muscæ & ranæ
 nasci. Verum ista omnia ex speciali postea de vi-
 uentium sponte ortorû tractatione, vbi de singu-
 lis eorum speciebus dicetur, clariora adhuc fient.

*Materia
 sponte or-
 torû vi-
 uentium.*

*Formæ in
 atomis
 remanēt.*

Itaque, vt hæc concludam, de materia, è qua
 talia generantur, ita verisimilliter statuendum cen-
 seo, cum, vt supra dictum, duo sint sponte orto-
 rum viuentium genera, in priore materiam semi-
 nalem, vt οἰκίαν ὕλην, seu proprium animæ sub-
 iectum, communicari ab ipso generante, & ita dis-
 positam, vt animam retinere, etsi in minima etiam
 diuidatur, possit. Neque id absurdum est, sed
 formas in minimis, & sensu non comprehensibi-
 libus atomis integras remanere posse, vel me-
 talla docent, quæ in minimas atomos ab aquis
 fortibus soluuntur, vt etiam per chartam cola-
 ri possint & nihilominus in minimis illis atomis
 suam essentiam integram retinent, vt ex redu-
 ctione patet. De quo, *hypomn. 3. cap. 1.* pluribus
 actum.

actum. In altero verò genere, vt in cadaueribus, anima subiectum illud habet in quo erat in corpore viuente, dum superiori formæ loco materiæ proximæ esset. Sicut verò non sponte ortorum viuentium semina, etsi in terram coniiciuntur, non semper suam insitam vim exserunt, sed interdum frigore, interdum calore, vel etiam idonei alimenti defectu corrumpuntur & emoriuntur, interdum diu quiescunt, antequam sese exserant; sicut semina multa totâ hyeme in terra quiescunt, donec nimirum calore aëris ambientis foueantur, & idoneum è terra alimentum attrahant; ita & in iis, quæ sponte prouenire dicuntur, vis seminalis quiescit, donec idoneam, è qua corpus sibi fabricet, materiam nanciscatur, & à calore ambiente excitetur & foueatur: vnde accidit, vt animalia, quæ sponte oriuntur, non tempore hiberno, nisi sub fimo interdum, quò frigus non penetrat, sed vere, æstate, & autumnò generentur, vbi scilicet à calore ambientis, quem Sol & Luna imprimis excitant, materia idonea è qua anima latens corpus sibi fabricare possit, suppeditetur, & ipsa anima ad agendum excitetur. Interdum tamen ista vis seminalis planè emoritur & perit. Neque enim est, vt ea, quæ hætenus dixi, postea dicentur, de animabus & vi seminali in atomis & corpusculis minimis quis cauilletur, & mihi affingat, quasi statuam, animas tales, cum in tot mutationibus integræ maneant, immortales esse. Etenim vt semina plantarum non sponte nascentium sæpe diu integra manent, quandoque tamen emoriuntur: ita idem in sponte nascentibus fieri potest,

*Forma
viuentium
diu latet
sæpe.*

*vis semi-
nalis in-
terdum
emoriuntur.*

si nimirum contrarij aliquid ipsis occurrat, vel
 nimium diuidatur illa materia. Qua de re Fr.
 Aquilonius, *lib. 5. optic. propos. 8.* hæc habet: Li-
 cèt non detur minimum quantatis, dari ta-
 men minimum luminis naturale, hoc est, lu-
 men adeo tenue, vt citra interitum magis
 attenuari non possit. Quo pacto & corporum
 naturalium minima dantur; quæ nimirum, si am-
 plius diuidantur, formam essentiàmque deper-
 dunt. Et, *propos. 15.* Et hæc subsistendi imbecil-
 litas non his modò qualitativis, quæ maioris ac
 minoris diuersitatem admittunt, verùm etiam
 omnibus corporibus, quæ magnitudinem va-
 riant communis. Vt enim hæc sine aliqua mole,
 sic illæ sine aliquo excellentiæ gradu sese ab inte-
 ritu vindicare non possunt. Ultra namque vires
 attenuatæ, in nihilum collapsæ pereunt, nullo
 contrario interimente, sed solius mensuræ defe-
 ctu, quæ ad propriam cuiusque tutelam velut ne-
 cessaria conditio irrefragabili naturæ lege expos-
 cit. Quod enim Aquilonius hîc de qualitativis
 dicit, omnino etiam de formis accipiendum, à
 quibus fluunt qualitates.

*Anima
 bestiarum
 non sunt
 immorta-
 les.*

Calumnia verò est, quod quidam ex hac do-
 ctrina mihi affingere conatur, quasi statuam, quod
 formæ omnes bestiarum sint separabiles, & extra
 suam materiam actu primò existere possint, &
 proinde sint immortales. Nunquam enim hoc
 mihi in mentem venit, sed cum omnibus Philo-
 sophis statui, nullam formam, exceptâ huma-
 na, à sua propria materia esse separabilem, sed
 cum ea perire. Tenendum tamen hoc est, for-
 mas omnes non esse eiusdem generis, sed alias
 corpo

corporibus suis, & organis perfectis ita copulatas, vt corpore illo percunte, ipsæ etiam percant, quales formæ sunt bouis, leonis, anseris corui & aliorum animalium perfectorum. Neque enim fieri potest, vt destructo corpore leonino, equino, anserino, coruino, anima leonis, equi, anseris, corui, remaneat superstes. Alia verò ratio est in plantis in quibus anima in semine, radice, surculo folio, imò, vt postea dicitur, in succo matere potest. Eadem ratio est insectorum, quorum anima & in vili materia & organis non instructa, conseruari potest. Non tamen vbiuis existerè possunt istæ formæ, sed licet non sint in corpore organico, sunt tamen in propria materia, & quidem ea ipsa, quæ in corpore organico eorum propria materia fuit. Multominus sunt immortales, sed percunte aut corrupta ista materia, & ipsæ abolentur, vt modò dictum.

C A P V T IV.

De fine sponte ortorum viuentium.

VNum adhuc in genere explicandum restat, *De fine*
nimirum quonam fine sponte orta viuentia *sponte*
generentur. Neque enim casu & fortuito talia fieri *ortorum*
supra dictum. De fine autem horum alij aliter *viuentium*
sentiant. Nonnulli in ea sententia sunt ideo talia *varia*
generari, vt materia putrida absumatur, & ær hoc
modo purgetur. Cùm enim è putridis corporibus
multi prauis halitibus attollantur, qui aërem inquirant, quo postea animalia perfectiora læduntur

& morbos contrahunt: hoc ut præcaueatur, & salubritati hominis atque aliorum animalium perfectorum consulatur, existimant, naturam animalcula eiusmodi producere, & materiam tum in generationem, tum in nutritionem eorum consumere. Verum enim verò eiusmodi animalcula nec generantur ex materia putri, quatenus talis, neque eâ aluntur. Etsi enim ex putrescente materia fiunt: tamen non ex ea, quatenus putris est, fiunt, sed potius à cocta & meliori eius parte; quæ à putri secernitur. Vnde etiam post vermium & eiusmodi animalium generationem putris materia relinquitur, quæ non minùs quàm ante, ærem inquinat. Neque etiam animalcula eiusmodi è materia putrescente genita putridâ materiâ aluntur, sed in alias res, ut plantas, & animalia viua delata, alimentum quærunt. Neque etiam eæ regiones, in quibus nascuntur, & eiusmodi insectorum magna est copia, salubriores, sed plerumque insalubriores sunt.

Alij in ea sunt sententia, ut alias res creates, ita & has hominis gratia factas esse. Verum meritò irridet eos Iul. Cæs. Scaliger, *exerc. 250. sect. 1.* qui pulices hominis causâ creatos dicunt, ad inutilem eius sanguinem sugendum, aut qui cimicem à natura ablegatum dicunt, ut noctu ex importuno somno excitet nos ad preces Deo fundendas. Annon enim canes & alia bruta etiam scatent pulicibus & pediculis?

Alij, ut Auicennas, statuunt, melius esse, gigni pediculos, quam materiam putrem ipsa permanere; qui & in eiusmodi animalculorum structura mirum artificium agnoscunt. Alij propter
vniuersi

vnīuerſi perfectionem eiꝫmodi animalia facta eſſe, & ad eiꝫ pulcritudinem atque integritatem non ſolum animalia perfectā, ſed etiam imperfectiora eiꝫmodi pertinere exiſtimant. Quod docuiſſe videtur Scaliger, qui, *loco allegato*, ita ſcribit: Homo propter Deum, propter hominem mundus factus eſt. Et *mox*: Animalium princeps homo. Non erat autem homo futurus princeps, niſi talis; quippe in medio. Non poteſt eſſe medius, niſi inter extrema. Igitur extrema facta ſunt, vt eſſet medius. Propter medium igitur facta ſunt. Extrēmorum autem, & eorum, quæ medium inter, & extrema ſita ſunt, ſi deeſſet aliquid, daretur in formis vacuum. Quod longè maius eſſet flagitium in natura, quàm vacuum in quantitate ſine corpore. Quid enim abſurdius, quàm medium ſine extremis?

Quæ duæ vltimæ ſententiæ non multum diſcrepare videntur, & ſatis commodæ ſunt, ſi rectè *Vera ſententia.* explicentur. Etenim rerum omnium opifex, Deus, vbique ſuam ſapientiam & omnipotentiam prodere & manifeſtare voluit, & propterea maluit viuētia, quàm corruptam & putrem, vitæque carentem materiam in natura multiplicari, & perfectorum animalium corpora, dum corrumpuntur, non ſimpliciter in putridam materiam abire, ſed in animalia ignobiliora. Varia tamen; verūm determinata, & ſingula ſuæ ſpeciei. Nam cūm, vt rectè Ariſtoteles, 2. *de gen. anim. cap. 3.* ſcribit, vt animæ nobilitate, ignobilitateuē inter ſe differunt, ita etiam natura eiꝫ corporis, cui inſunt, & quod cuiꝫque animæ proprium ſubiectum eſt, differat: differentia hæc à forma aliqua proueniat.

Dei gloria
& in
minimis
elucescit.

neceſſe eſt, quæ, etſi in animalium perfectorum corpore viuente materiæ loco eſt, poſtea tamen animâ decedente ipſa ſeſe exſerit, & id, ad quod agendum apta nata eſt, perficit. Hinc quot corporum perfectorum ſunt ſpecies, tot etiam ſunt ſpecies animalium ex iis ortorum; de quo etiam Auguſtinus, *lib. 12. de Ciuit. Dei, c. 4.* vitia inquit, pecorum & arborum; aliarumque rerum mutabilitium & mortalium, vel intellectu, vel ſenſu, vel virâ omnino carentium, quibus eorum diſſolubilis natura corrumpitur, damnabilia putare, ridiculum eſt: cum iſtæ creaturæ eum modum nutu Creatoris acceperint, vt cedendo & ſuccedendo peragant inſimam pulchritudinem temporum in genere ſuo iſtius mundi partibus congruentem. Et mox: Cuius ordinis decus propterea nos non delectat, quoniam parti eius pro conditione noſtræ mortalitatis intexti, vniuerſum cui particulæ, quæ nos offendunt, ſatis aptæ, decentérque conueniunt, ſentire non poſſumus. Et iterum: Non ex commodo vel incommodo noſtro, ſed per ſe ipſam conſiderata natura, dat artifice ſuo gloriam. Viuentia nimirum nobiliorem corporis gradum conſtituunt, quàm miſta ſim: liciter. Et ipſe Ariſtoteles. *1. de part. anim. c. 5.* (quem locum etiam ſupra allegauimus) Dei Opr. Max. ſapientiam in eiufmodi animalculis agnoſcit, dum ſcribit: *Viliorum animalium diſputationem perpentionemque faſtidio quodam puerili ſpreuiſſe, moleſtèque tulſiſſe, dignum nequaquam eſt; cum nulla res ſit natura, in qua non mirandum aliquid inditum habeatur. Et quod Heraclitum dixiſſe ferunt ad eos, qui, cum alloqui eum vellent, quòd forte in caſa furnaria quâdam calor is*

caloris gratiâ sedentem vidissent, accedere temperarunt. Ingredi enim eos fidenter iussit, quoniam, inquit, ne huic quidem loco Dij desunt immortales. Hoc quidem in indaganda quoque Natura animantium faciendum est. Aggredi enim quæque sine pudore villo debemus, cum in omnibus Natura numen, & honestum pulchrûmque insit ingenium. Quippe cum natura operib. iunctum illud præcipuè sit, ubi nihil temerè vicèque fortuita committatur, sed alicuius gratia omnia agantur. Finis autem, cuius gratia quidquam vel constat, vel conditum est, boni honestique obtinet rationem. At verò si quis caterorum animalium contemplationem ignobilem abiectamque putat, iam hîc de se idem quoque arbitrari debet. Non enim fieri potest, ut ea sine magna abominatione inspiciamus, ex quibus corpus constat humanum, ut sanguinem, carnem, ossa, venas, reliqua generis eiusdem. Hæc Aristoteles. Fortun. Licetus equidem, lib. 1. de spont. viu. ort. cap. 1. eorum sententiam, qui ob vniuersi perfectionem talia oriri censent, impugnat, eâ imprimis ratione, quòd vniuersum naturâ prius sit, & sua perfectione præditum, quàm vllam promoueat spontaneam viuentium generationem, & quòd sæpe accidat, vnam sponte nascentium speciem mundo deesse, nec tamen ideo mundo imperfectum euadere. Verùm etiamsi vniuersum perfectum fuerit, antequam tale aliquod sponte ortum animal prouenerit, & posito, (cum tamen, si non in vno loco, alibi tamen talia ferè semper reperiantur) aliquam sponte nascentium mundo deesse: tamen formæ, à quibus proueniunt, nunquam defuerunt, nec vnquam desunt. Et ipse concedit, animas in aliis corporibus,

vt in vase, latere posse, vt nec efficientis, nec animæ rationem habeat.

C A P V T V.

Summa sententia de spontaneo viuentium ortu,

*Summa
sententia
de spon-
taneo
viuentiū
ortu.*

ATque vt ista, quæ hætenus in genere de spontaneo viuentium ortu diximus, in pauca contrahamus, generantur sponte orta viuentia, cum vel semen, aut seminale principium, & ipsa viuentium anima, occulto modo alicubi latens, idoneam materiam nacta, & calore ambientis excitata, sese exserit, & vitales operationes exercere incipit: vel dum forma, quæ ad animæ viuentis alicuius nobilioris subiectum proprium constituendum necessaria erat, sui iuris iam, animâ priore decedente, facta, & à calore seu ambientis, seu putredinis excitata nouâque, & ad actus vitales exercendos idoneam dispositionem nacta, sese exserit, & materiæ subiectæ, vt forma actuantis & viuificans, se iam exhibet, ac viuentis operationes edere incipit.

*Viuentia
sponte
nata sal-
tem è vi-
uentibus
proue-
niunt.*

Ex quibus apparet, quòd omnis, quæ ad sponte nascentia necessaria est, materia, quæque in se formam noui & spontanei corporis causam latentem continet, à viuentibus prouenit, eaque est vel semen, aut semini quiddam analogum, aut ipsum totum vel cadauer, aut pars cadaueris viuentis, aut excrementum, aut quocunque modo à viuente productum, quod vitale aliquod principium in se contineat. Nam, vt supra quoque dictum, semen,

femen & feminale principium, seminique analogum, in minimis etiam atomis, in diuersis materiis, pulueribus, succisque, in terra latere diu potest. Imò ignobiliora quædam animalia, etsi interdum vitâ quasi priuati, & animæ actû secundum nullum exercere videntur, id quod in muscis, ranis, & aliis quibusdam animalibus, quæ toto hyemali tempore quasi mortua iacent; accidit: tamen anima, etiam in vili materia adhuc latens, eam viuificat, & tempore verno calore ambientis foras & excitata sese vitalium actionum effectricè actu secundo exhibet, & tum reuiuiscere dicuntur. Deinde nullû viuens est, è cuius cadauere, excrementis alui, vrinâ, sudoribus, vaporibus, & fuliginibus à corpore exeuntibus & sordibus in cute & vestimentis collectis, vermium non genera varia producantur, vt rectè Aristoteles dixerit; omnia animarum quodammodo plena esse. Anima autem, quæ in talibus ex animalibus perfectioribus prodeuntibus latet, & postea ex iis prodit, semper inferioris gradûs & speciei est, nunquam eiusdem, vel superioris, nisi imperfectiora quædam animalia sint, vt de muscis & ranis modò dictum. Neque enim eadem anima diuersa specie corpora informare, nihilque vltra vires suas agere potest. Etsi verò, vt antea quoque dictum, Fortun. Licetus, lib. 2. cap. 17. eandem ipsam animam, seu eiusdem speciei & conditionis cum anima pristini viuentis, in sponte natis esse docet: tamen ob dictam causam id admitti non potest. Et longè alia ratio est degenerationis; alia spontanei viuentium ortûs. In degeneratione quidem, vt & in bombycibus & papilionibus, fieri potest, vt eadem

anima sit in diuersis corporibus, & ita apta nata sit, vt diuersas formas externas induere possit, vt dum secale in triticum mutatur, & ex ouo fit crucca, hinc bombyx, postea necydalus: at in spontanea generatione, & quidem propriè dictâ, secundi generis, impossibile est, vt forma nobilior in cadauere vel excrementis maneat, sed hæc iam in specie clariora fient.

CAPVT VI.

De Plantarum spontaneo ortu, & primò de Fungorum generatione.

*Sponte
orta vi-
uentia
quotu-
plicia.*

OMnia autem sponte generata viuentia, siue primi, siue secundi sint ordinis, vel ad vegetabilia, vel ad animalia pertinent Et quidem utraque rursum sunt duplicia: Vegetabilia sunt fungi & tubera muscus, ac plantæ perfectiores: Animalia, Zoophyta, & vera animalia.

*Fungo-
rum &
tuberum
generatio*

Primò sponte, & sine hominum cultura, nec manifesto semine illo apparente, nascuntur omnia tubera quæ, vt Scaliger, *exerc. 140* loquitur, ipsa sibi radix, stipes, & fructus sunt, & fungi ac boleti, quorum ortus adeo celer est, vt vnâ nocte generentur, & ad magnitudinem naturæ suæ conuenientem perueniant. Neque enim semen edunt, è quo generantur, neque per vllam sui partem terræ commissam procreantur & multiplicantur. Cum ergo sponte nascantur, communem generationis sortem cum aliis viuentibus sponte ortis, de qua supra dictum, habere necesse est.

est. Nam quod Matthiolus scribit, terram occultâ qualitatum facultate tubera in se parere & conglobare, commodè explicandum. Neque enim terra per se, & suâ naturâ, causa efficiens tuborum & fungorum est, sed anima in terra aut succo terræ commisto latens. Vnde autem anima illa proueniat, non ita clarum.

Fortunius Licetus, *lib. 3. de spont. viu. ortu. cap. 4.* *Anima fungorū unde,*
ita hæc de re scribit: Ortus spontaneus tuberis & fungi vniuersim fit, quando anima pristini viuentis perfectioris in genere stirpis aut animalis, in cadauere, vt in vase, residens, valde labefactata viribus infirmis materiam nacta non exactissimè dispositam, & non absolutissima instrumenta ob inens ad partium organizationem, sese in formam. & in animam viuificantem communicat substratæ materie prius dispositæ ab ambientis humido tempore caloreuè, qui maximè terræ impingitur verno & autumnali tempore cum tonitru & pluuiâ, seu potius cum sole post pluuias. Idem Licetus, *lib. 3. de spont. viu. ortu. cap. 5.* fungorum materiam esse putat alimentum aptum nutrire plantas, siue ab aliarum stirpium, siue ab animalium cadaueribus in terram defluerit, quam cum sibi non attrahant in alimentum propinquæ stirpes, illam sponte anima in fungos & tubera mutet.

Verum enim verò fungorum non vnum genus est, vt mox de differentiis eorum dicetur. *Fungi quotupli.*
Quidam arboribus adnascuntur, alij è terra proueniunt. Illi quidem ab anima in corporibus suis ob materiæ obiectæ ineptitudinem aberrante proueniunt, sed non ab anima labefactata. Atque

ut in homine fungi quidam, varia verrucarum genera, strumæ, & aliæ excrescentiæ ob alimentum vitiosum, quod natura in eam, quam potest, & quam natura loci patitur, formam mutat, generantur: ita & in arboribus, præcipuè annosis cum vel vitiosum alimentum affluit, vel in parte debili non rectè coquitur, natura eiusmodi fungos generat. Reliqui in terra suam habent materiam, verum non eam omnem, quam vult Licetus. Etenim si ea omnis, quam ipse statuit, esset fungorum materia proxima passim in agris & hortis fungi nascerentur; cum ubique iis in locis talis materia suppetat: quod tamen non fit. Neque unquam obseruandum est, ex animalibus fungos & tubera (nam qui in homine dicuntur fungi, per similitudinem saltem tales dicuntur) nata fuisse.

*Fungi
omnes è
plantis.*

Itaque probabilius esse existimo, saltem in plantis & è plantis tubera & fungos provenire & nasci. Et quidem in terra generari ex radicibus & corticibus arborum & fruticum seu putrefactis & corruptis, seu succum aliquem ex se emittentibus, & ita ex materia, quæ proximum & proprium animæ plantæ subiectum fuit, formamque subdynamatam in se continet quæ postea à calore excitata, & idoneam materiam nacta, in fungum, ad quem naturaliter disposita est, emergit. Cum enim aliquid ab arbore separatur & diuiditur, neque amplius forma plantæ regitur, tum illa forma latens ab ambientis terræ humido calore excitatur, & animæ officio fungi incipit, & ex subiecta ac disposita materia corpus illud semiplantæ format. Vnde post tonitrua & pluuias magna fungorum copia enasci solet. Quòd autem pluuiæ cum tonitru

tonitru præcipuè descendentes tepore suo humi- Fungi ex
populo
alba.
do præstant, ita etiam fermentum cum aqua tepi-
da præstare potest. Scribitque Matthiolus, in lib. 1.
Dioscor. c. 93. populum albam humo tenùs sectam
vsque ad radicem, & aquâ calidâ, in qua fermentum
dissolutum, perfusam, intra quatrduum fun-
gos copiosos edere, esui quoque gratissimos.

Quia autem fungi subito generantur & au- Fungi
cur tam
celeriter
generen-
tur.
gentur, statuit Licetus, lib. 3. de spont. vin. ort. c. 10.
necesse esse, simul plures eiusmodi atomos ad
fungos generandos aptos in sensibilem molem
coire in constitutione fungi; quia vnus atomi
anima imbecillum sit adeo virium, quæ nequeat
materiam fungi viuificare vel efformare, neque id
præstare, quod multarum atomorû in vnum cor-
pus coeuntium animæ ex pluribus coagmentatæ
efficere possint. Verùm dubij aliquid hoc habet:
Nam mirabilis omnino formarum & animarum
natura est, quæ per se quâta non est, & in minimo
corpore easdê vires obtinet, quas in magno. Ne-
que moles fungi id probat; cùm videamus, ex mi-
nimo semine magnam plantam nasci, materiâ pro
formatione & augmentatione è terra attractâ. Ce-
lerrimum potiùs incrementum fungorum id per-
suadere videtur; cùm non sit credibile, tam breuî
temporis spatio animam in exiguo corpusculo la-
titantem tantæ materiæ copiam attrahere posse.
Nisi quis forsân dicere velit, ab anima fungi ma-
teriam sensim præparari, & postea subito in fun-
gum erumpere.

Differentia.

Et si autem omnes fungi à plantis, & ex arbo- Fungorû
differentia
rum ac fruticum ramis, radicibus, caudicibus, &
cornici

corticibus oriuntur : tamen magna eorum est differentia pro materiæ diuersitate. Alij enim arboribus & lignis adnascuntur , alij sub arboribus & in terra nascuntur. Neque facile reperire est fungum , vbi arbor aut lignum non sit vel fuerit. Et quidem iis , qui arboribus & lignis adnascuntur, materiam præbet, imò, ipsa arborum substantia, seu materia illa, quæ animæ arboris proprium subiectum est. Non autem fit ex ea fungus, quando est sub dominio animæ arboris, vel fruticis, sed vbi ab ea deferitur, & vel tota planta, vel pars eius emoritur. Vnde videmus, non arboribus saluis & incorruptis, sed annosis, & aliquâ in parte vitiosis, plerunque fungos adnasci. Secundò, alimentum arboris vel fruticis vitiosum. Tertiò, excrementum aliquod ab arbore vel cortice effusum ; vnde Plinius. *lib. 22. cap. 23.* ex pituita arborum nasci fungos scribit. Et quidem fungos arboribus viuentibus posterioribus duobus de causis & modis adnatos animæ ipsius arboris opera esse, credibile est. Vt enim , vt modò dictum, in corpore humano fungi & verrucæ generantur, dum natura, quæ nunquam otiosa est, humorem superfluum & vitiosum, quem per membranas & poros erumpentem in substantiam partis ob ineptitudinem materiæ , & partis debilitatem mutare non potest, in talem substantiam conuertit & conformat : ita idem in arboribus accidere, credibile est.

*Fungi è
terra
enati.*

Iis, qui è terra nascuntur, materiam præbet vel pars aliqua radicis , vel cortex, vel alia ab arbore separata. Vnde vbi fungi nascuntur, ibi plerunque cortices & partes arborum deciduas reperire est,
quæ,

quæ, cum corrumpuntur & putrescunt, à pluuia superueniente terræ immerguntur, atque eius calore fotæ in fungos mutantur. Idque etiam artificialiter fieri potest. Sic ex populeis frondibus *Fungi à populo.* concisis atque sepultis fungi proueniunt, vt Scalliger animaduertit, *exerc. 104. sect. 17.* Idem euenit *E ficu.* ex ficu defossa, vt Athenæus, *lib. 2. ex Nicandro,* tradit, cuius hæc sunt verba :

— Συκίης ὑπὸ τε σίλῃ & βαδὺ κόπρῳ
 Κακκρύψας ὑδάτεσσιν αἰνάντισι νοτίζεις,
 Φύωντα πιθμέσιν ἀκήριοι, ὧν σὺ μύκητα
 Θρεπτικά μὴ τὶ χαμαιζήλῃς δ' ἀπὸ ρίζης ποταμόν.

Hoc est :

*Cum fuerit ficus multo sub stercore tecta,
 Si mox perpetuo fluxu consperferis illam,
 Innocuis surgent radicibus undique fungi,
 Quos tu ne vertas, radicem cedito nullam.*

Huc referri possunt & fungi, qui nascuntur è sar- *E sar-*
 mentis combustis, de quibus Cardanus, *lib. 13. de mentis.*
subrilit. pag. 509. Fungos, inquit, habebis, cum sar-
 mentis iustis pluuia superuenerit, vel si (non
 succedente pluuia) aquas super reliquias vstorum
 sarmentorum sparseris. Neque hoc saltem in sar-
 mentis combustis, sed & non combustis accidere,
 cuilibet experiri promptum. Cum enim terram,
 cui segmenta & fragmenta lignorum parua ad-
 mista erant, ad hortum colendum vsurpasssem, an-
 no secundo passim fungorum paruorum copia
 enata est.

Deinde etsi nulla pars arboris vel fruticis cui-
 denter in terra corrupta reperiatur: tamen ex iis
 fungi nascuntur, cum succi vel excrementa arbo-
 rum in terra latent. Ita siquidem formæ illæ igno-
 biliores

biliores comparatæ sunt, vt in minimis etiam corpusculis & succis integræ permanere possint, quæ postea, vbi locum idoneum nactæ sunt, & à calore ambientis excitantur, sese exserunt, & corpus fungi formant ac fabricantur. Cum enim in minimis plantarum seminibus anima consistere, & locum & materiam nacta grandem plantam formare possit: quidni hæ formæ longè ignobiliores in minimis plantarum corpusculis seruari integræ possint?

*Fungorum
varietas.*

Varietatem autem fungorum facit primò arborum & fruticum diuersitas; & sub aliis, & in aliis arboribus alij fungi nascuntur. Sic fungi illi satis magni & candidissimi, & caluariam humanam referentes, quos Crepitus lupi vulgò appellant, & quibus Chirurghi ad sistendum sanguinem vruntur, nullibi facillè nascuntur, nisi in vineis, fiuntque è vitibus emortuis & corruptis. Deinde ipsarum partium arborum varietas.

Crediderim tamen, fungorum varietatem non solum à materiæ, quam arbores communicant, diuersitate pendere, sed etiam ex materiæ, quæ aliàs in terra reperitur, varietate provenire. Cum enim certum sit, non totam illam fungorum, interdum satis magnorum, molem ex arbore decisam esse, proculdubio materiam forma seu anima ab arbore communicata in terra obuiam sibi associat, & ex ea corpus sibi conueniens fabricat; sicut aliàs videmus, semina exigua materiam & alimentum è terra attrahere, & inde grandes plantas excrescere. Et obuiam quamque materiam animam fungi arripere, & ex ea fungum formare, vel ex eo patet, quod Plinius, lib. 19. c. 22. scribit: Laertio

Licinio,

Licinio, Prætorio viro, iura reddente in Hispaniâ Carthagine, paucis his annis scimus accidisse mordenti tuber, vt deprehensus intus denarius primos dentes inflecteret.

De Fungo seu Tubere Ceruino.

Cùm autem inter fungos reliquos & ob figu- *Boletus*
Cervinus
ram, & ob odoris grauitatem, singulare quid habeat fungus Ceruinus, de eo in specie aliquid dicendum. Scribit autem de eo, vt re nouiter sibi comperta, Marthiolus, *lib. 3. Epist. ult. ad Iulium Moderatum* his verbis: Cùm rebus nouis te plurimum delectari sciam, Tuber quoddam subterraneum, quod hîc ceruinum Boletum Bohemi vocant, cum hisce meis literis ad te mitto. Puto enim, de eo nihil vnquam te audiuisse, quòd nulla apud antiquos vel recentiores Scriptores extet huiusce fungi memoria, quodque reperiri non possit, nisi iis in syluis, vbi plurimi habentur cerui, ac venatores, qui hæc naturæ secreta norunt: sed cùm hæc inaudita sint apud vos, nolo te impropterum latere ceruini fungi historiam & vires. Fungum itaque hunc tuberum vulgarium modo sub terra nasci affirmant venatores, vbi ceruino semine in coitu inficitur solum. Id quod plerunque fieri solet, exempto è vulua genitali adhuc feminis aliquid continente, maris impetum fugiente fœminâ. Hunc fortasse inuenire non posset, ni cerui ipsi locum quodam statuto anni tempore ostenderent. Scalpunt enim naturali quodam instinctu ducti anterioribus pedibus locum, vbi globorum fungus sub terra delitescit, quod olfactu eos percipere affirmant. Spirat enim fungus grâti odore, præsertim recenter effossus.

effossus. Qui secreta hæc norunt venatores & rustici qui sylvas frequentant, loca diligenter observant, ceruinis pedibus diducta, effossæque scrobe fungos eximunt, & pharınacopœis vendunt, qui dissectos in particulas, & filo traiectas siccant postea in vmbra, seruântque in medicum vsum. His eâdem ferè facies inest, quam in cæteris spectamus tuberibus, globosa tamen in omnibus & inæqualis. Extima cuticula subnigricat, carnosâ verò & ipsâ fungosa substantia albicat. Sunt enim, qui genus aliquod repetiri dicant, erectæ virilis mentulæ formâ, adeò vt in alterâ parte detecta glans, in altera globuli quidam testiculos referentes conspiciantur. Verùm vulgatam istam venatorum de arte tuberis Ceruini opinionem, in quam eos forsan odor, & in posteriori genere figura procul dubio induxit, omnino suspecta est; de quo Thomas Iordanus, *de pest. phœn. tract. 3. pag. 605.* Fungum, quem Boletum Ceruinum vocant, è semine eius animalis genitali ortum, à capellis scalpendo effossâ terrâ deprehensum, magnis exornant elogiis. Sanè reperti sunt iis locis, vbi ab hominum memoria nullus vnquam visus est ceruus. Ad Trenzinium nobile Hungariæ oppidum, circum Carpathi iuga frequentissimum, montuosis loci, syluis opacis, vbi licet ceruos reperies, non tamen tanta eorum copia, quæ plaustris fungorum satisfaceret, siquidem vera censenda, quæ de eius generatione scribuntur. Mihi etiam in posteriori genere suspectum reddidit id, quod anno 1626. hîc Vvittebergæ obseruaui. Cùm enim tum vallum repararetur, & oppidum muniretur, Capitaneus, qui militibus prædiariis præerat,

*Boletus
ceruinus
an ex
cerui se-
mine:*

præerat, in vallo fortè obambulas, odore allectus, fungum istum mentulæ figurâ similem inuenit, & cum miraretur (nam à venatoribus eandem opinionem de ortu huius fungi hauferat) quomodo in loco, vbi nullus ceruus fuerit, fungus hîc generari potuerit, me ad locum deduxit, à quo cùm passibus aliquot adhuc abesse, ipse etiam grauiissimum illum odorem, huic fungo proprium, percepi, & sub sambuci frutice septem tales fungos inueni. Cùm verò certum sit, in locum illum ceruum vllum nunquam peruenisse, probabile est, non è semine cerui tales fungos generari, sed ex succo vel corruptione alicuius plantæ, & materia ad hoc genus fungi determinata, è certa planta oriunda.

Fungi ex Lapidibus.

Deinde & illud consideratione dignum, an fun- Fungi è
Lapidi-
bus.
gi ex lapidibus nascantur. Affirmant id, & è lapidi-
bus fungos esui aptos nasci, plurimi Docti viri sta-
tuunt, I. Cæf. Scalig. exerc. 173, sect. 2. scribit: Pri-
uata lapidis natura inter admirabiles referenda. Is
apud Romanos magno in pretio est. Vnum vidimus
Neapoli, quo in regno tradunt inueniri: crusta crassa
est. Ea terra dodrante operata, aspersaque tepidâ ir-
roratione, quarto post die fungos edit. Et Cardanus,
lib. 13. de subtilit. ait: Nascuntur fungi sepultis la-
pidibus quibusdam latis, mensurarum modo, quos
in Samnitico agro inueniunt quatuor digitorum al-
titudine sub terra, inde aqua inspersa intra quatuor
dies. Abundant in nemoribus, & celerem ortum
habent; calore enim indigent sicciore, ob id lapides
illos exusti quippiam habere conuenit, præceps enim

B b

fungo

fungorū generatio, ac quasi absque radice, nihil enim sine ea. Si enim alimentum trahit si vivit, aut augetur, etiam si non vivat, à terra trahit; oportet autem id, quod trahit, ei, à quo trahit, coniunctum esse; pars autem, quā iungitur, radix est. Et Matthiolus, in Diosc. li. 4. c. 78. hæc habet: Tanta hodie intercessit gratia fungis cum mensis in Italia, ubi eorum frequentissimus est usus, ut Neapoli inveniuntur lapides, qui defossi, & in cellas vinarias translati, terra aliquantulum operiti, & subinde tepidâ aquâ inspersi, intra quatrimum fungos non ingratos procreant. Hos & Roma, & Neapoli vidimus; ubi magna servantur diligentia, nempe quorum merito quolibet tempore fungos edant. Quod confirmat Ioh. Baptista Porta Neapolitanus, in sua villa, lib. 10. c. 70. Postremum, inquit, genus fungorum è satis nascitur. Præciditur ad esum, alius subnascitur; semperque novos producit restibili fecunditate; septem diebus perficitur; sexies anno demetitur; terra do-drante operitur. Neapoli afferuntur ex Vesuvio monte lapides, Surrentum ex Fageto, altissimo sui tractus monte; Abellini ex Parthenio monte, in Apulia ex Gargano, & celsioribus montium partibus. Nam saxa ubi semel produxisse vident, suffodiunt, & venales exportant. Nascuntur aliquando non pileati, sed turiones, ut asparagi, & in ramos divisi. Et Fortunius Licerus li. 3. de spont. vin. ort. c. 11 refert, Iacobum Antonium Martam, Neapolitanum, sibi retulisse, montem, Virginem prædictum, inter omnes in agro Neapolitano iuga extollentes eminentissimum, quorundam lapidum in summo culmine admirabilis naturæ feracé esse, qui sub vinarij dolij stillicidio si reponantur, imbibitis

bibitis vini guttis , quotidie manè noctu exortos
fungos colligendos proferant, gustui suauissimos,
& vitæ innoxios.

Verùm cùm idem Licetus, *loc. allegat. referat*, *Quales*
se Patauij, in horto Benediçti Syluatici, Medici *lapides, &*
preçlari, tres tales lapides fungiferos ex agro Nea- *quibus*
politano transmissos vidisse, & fungos ex iis natos *fungi*
comedisse, addatq; lapides istos infra tophaceam *nascuntur*
duritiem fuisse, tactui cedentes, vt sibi potiùs fru-
sta quædam lignea, quàm lapides visi fuerint: non
immeritò statui potest, ex veris lapidibus nun-
quam fungos nasci, sed lapides istos Neapolita-
nos esse ligna à succo lapidescente in tophaceam
duritiem indurata, vel quod vult Licetus, tophos
hos originem duxisse in terra à succo lapidescen-
te in duritiem mutata, prius referta multis planta-
rum partibus & succis. Quæ ligna, vel plantarum
partes formam fungi in se continentes, si af-
fuso vino vel aquâ tepente emolliantur, & cum
ambientis terræ succo misceantur, atque à calore
vini vel aquæ digerantur, latens intùs forma in
actum erumpit, & corpus fungi format. Qui verò *Fungi è*
fungi è vino in lapidem stillante oriuntur, maxi- *vino in*
mam partem vino originem debent. Potest ta- *lapidem*
men & lutum ibi repertum, vel quod in conti- *stillante,*
nua vini in lapidem stillaturâ generatur, simul
misceri.

CAPVT VII.

De Plantis sponte nascentibus.

*Planta
quomodo
sponte
nascentur.*

*Eraſti ſen-
tentia.*

Plantæ autem quomodo sponte nascantur, alij aliter sentiunt. Nonnulli Eraſti ſentētiā, *cap. 1.* propositam ſequuntur, ſtatuuntque, quamvis terram eſſe præditam peculiari vi producendi peculiareſ plantas, ſeu vim ſeminalem in prima rerum Creatione benedictione diuina communicatam habere, quæ à Sole & influxu ſtellarum in actum deducatur. Vtque id credant, adducuntur eo, quòd, ſi terra è profundiffimo puteo effoſſa in turris altiffimæ taſtigium collocetur, ea plantas producit. Scribitque Ioh. Baptiſta Porta, *li. 2. Phytogn. c. 1.* cùm è profundiffimis ædium fundamentis egeſtam humum conuaſaſſet, vt omnis obiecti ſeminis ſuſpicio tolleretur, atque ſub dio expoſuiſſet editiffimis locis, ne aliudè ventus ſemina appor- taret, non multis poſt elapſis diebus è variis terræ qualitatibus in quaſillis varia herbarum genera exorta fuiſſe, ſed Neapolitano ſolo familiaria. Nā alias argillam, alias puluerē Puteolanū, alias contritos lapillos vel trophos produxiſſe. Et addit Porta, in Creta, Inſula, quocunq; loco mouerit quiſpiā terrā, niſi ſeratur quid aliud, cupreſſū protinauſ gigni. Et omnino certum eſt, in câpis & pratis alibi alias plantas ſponte prouenire. Quam ſententiā ſi quis ſequi velit, cum eo non ligitabo. Hæc tamen dubia occurrunt: primò quòd Deus ſemel terram producere plātas in prima Creatione iuſſit, & factum eſt ita. Plantis verò benedixit, eaſque ſua ſemina,

femina, quibus sese multiplicarent, producere iussit, non verò terræ benedixit. Quod dubium an solui possit, si dicatur, id non de terra simplici, sed de terrarum generibus quorum omnino multa sunt, & quæ corpora mista sunt, accipiendum esse, & terras istas mistas vim seminalem à Creatore inditam habere, certas plantas producendi, Lectori iudicandum relinquo. Inclinare eò videt Ambrosius, qui, *li. 4. hexaemer.* hac de re ita scribit: *Prima vox illa Dei, singulis creaturis gignendis impartita, Natura lex est, qua in terris in aenum remansit, futura successioni datura præscriptum.* Alterum dubium est, quòd talis terra non prius herbas gignit, nisi pluuiâ fuerit humectata. Vnde seminalis vis potius à pluuiis ipsi communicata, quàm à natura insita videtur.

Verum sit sanè, vt hic vnus spontaneæ plantarum generationis modus sit; tamen solus non est, sed sæpe semen terræ ex se sterili aliunde communicari, vel ex eo patet, quod post pluuias & inundationes nouas plantas in quibusdam locis pullulasse & prouenisse obseruatum. Quâ ratione autem hoc fiat, non satis clarum. Ergo omnem illam plantarum sponte ortarum generationem ad duos illos modos, quòs supra in genere posui, reduci posse puto. Aliæ enim etsi ex semine sensibus nostris manifesto non generantur, neq; etiam ex surculis, qui tetraë inferuntur, prodeunt: tamen reuerà à planta alia eiusdem speciei, eiusque semine proueniunt; quod licèt non sit in corpore conspicuo, est tamen in minimis corpusculis, animam eiusdem speciei continentibus, quæ in pluuiâ etiam & terra latere possunt, & idoneum locum

*An Ato-
mi ani-
mā con-
tinentes
semen di-
ci possint.*

naſtam, & à calore ambientis excitata ſeſe exſe-
rit. Equidem Licetus, *lib. 3. de ſpont. vivent. ort.*
c. 13. corpuscula hæc ſeminis vices obire, ſeminī-
que proportioni reſpondere concedit, verè tamen
ſemina eſſe negat: verùm cur id faciat, cauſſam
non video, niſi fortè hanc, quod ſemen tale, vt
alia, externam formationem non habet, interim
ſeminale principium non ſine cauſſa dicitur. Non
enim externa figura & certo modo facta forma-
tio, ſemen conſtituit primariò, ſed anima in eo la-
tens, cum ſpiritu illo inſito, qui elemento ſtella-
rum reſpondere dicitur, & fœcunda facit ſemina:
quæ quia cum illo ſuo ſubiecto in minimis & iam
corpusculis eſſe poſſunt, nulla cauſſa eſt, cur non
& illa ſemina ſuo modo, aut ſeminale principium
dici poſſint. Et licèt anima, quæ in talibus corpus-
culis later, terram vel aquam, in qua continetur,
non informet, ſed in iis vt in vaſe lateat: tamen
corpuscula illa, in quibus vt proprio ſubiecto eſt,
informatur, & in iis actu primo eſt, ad actum verò
ſecundum accedit idoneum locum naſta.

Aliæ verò plantæ magis propriè ſponte naſci
dicuntur, cùm non proueniant à ſemine & anima
eiſdem ſpeciei, ſed ab ea forma, quæ in planta
nobiliore loco materiæ proximæ, & ſubiecti ani-
mæ ſpecificæ fuit, quomodo fungi, de quibus
capite præcedente, dictum, & muſcus in arboribus
naſcuntur.

*Muſci ge-
neratio.*

Naſcitur autem muſcus variis in arboribus, in
cedro, populo, quercu, & picea, à qua in vallis
Ananiæ, montibus ſupra Tridentum, muſcum ad-
modum villoſum ſe quampluries decerpiſſe, mul-
tò odoratiorem, pulchrioremque, quàm qui in
populo

populo & quercu prouenit, scribit Matthiolus, *in*
1. Dioscor. cap. 20. Imò nulla penè arbor est, quæ, si
 senescat, muscum non proferat, & indicium est
 arboris senescentis, vbi musco tegi incipit. Et va-
 rias musci species descripsit Fab. Columna, *minus*
cognitar. stirp. lib. 5. cap. 158. 159. 160.

Ad muscos pertinent lichenis genera, quæ li-
 cet, vt Dioscorides, *lib. 4. c. 48.* scribit, saxi familia-
 ris est, & in petris, lapidibus fontium, & tectorum
 tegulis nascitur: tamen quandoque & in arbo-
 rum caudicibus, calidarum regionum humen-
 tium, atque depressarum præsertim, prouenire te-
 statur idem Fabius Columna, *ibid. cap. 154.* Imò
 in nostris etiam regionibus muscus ille, quem
 pulmonariam arboream nominant, arboribus
 adnascitur.

Hoc loco non prætereunda singularis, & quæ *Planta-*
 plurimis paradoxæ videbitur, opinio Fortunij Li-
 ceti, de generatione plantarum è plantis iam ex-
 siccatis, quæ vulgò mortuæ, & omni animâ carere
 putantur. Equidem supra in genere hac de re ali-
 quid dictum: in specie tamen hoc loco quæstionē
 istam repetere, & clarius explicare licet. Est autem
 Fortun. Licetus in ea sententia, eandem animam,
 quæ viuens constituebat, remanere in cadauere,
 sed cadauer non informare: rursus autem sese ex-
 ferere, & formæ iterum officio fungi posse; idque
 duplici modo. Aliquando enim animam talem
 labefactatam & enervatam res imperfectas pro-
 creare: aliquando verò, vt, *lib. 3. de his, qui diu sine*
alimentis viuunt, cap. 7. docet, è corpore, quod
 habetur pro mortuo, plantam nouam produci.
 Non enim stirpes è terra euulsas, vel à radicibus

fuis & truncis auulsas , statim emori , sed saltem destitutas loco idoneo , è quo alimentum trahunt, non augeri, & folia, frondes, ac fructus generare desinere; interim eam ipsam animam corpus illud vegetare : sicut semina , quæ tempore hiberno asseruantur, nullum aliud animæ præsentis indicium edunt , nisi quod anima illa corpus vegetat ; vnde & semen illud sationi aptum est, ac vires suas in vsu Medico habet : Vbi verò amplius non animatur , sed corrumpitur , & sationi aptum non est , & vires omnes amittit. Si simpliciter, *inquit* , siccum fuerit oleæ lignum , iam non amplius viuet ; cùm vita consistat in humido , & ariditas , Aristotele Doctore , sit plantarum obitus ; sed erit oleæ cadauer , in quo cum caloris aliquo gradu , ac prioris temperaturæ aliquo vestigio, si adhuc vt in vase contineatur anima lignum non amplius viuificans, vbi defossum lignum ab ambiente acquisiuerit debitum vitæ calorem, prioriq; temperamentum simile, tunc aptum efficitur , cui rursus anima sese proferat in formam nouæ oleæ constitutricem : sin autem non exactè siccum extiterit, sed viuat veteris oleæ lignum , id ex se pullulabit , & fundet oleam non spontaneâ generatione. Adduxit autem illum in eam sententiam illud præcipuè , quòd ligna multos annos integra manent & vires suas conseruant. Quin & quod mirum, rursus germinasse, & iterum actu secundo priores animæ operationes exseruisse , obseruatum est. De quo Virgilius, 2. *Georgic.*

*Olea sicca
iterum ger-
minauit.*

*Nil radicis egent, alia summunque putator
Haud dubitat terra referens mandare cacumen :*

Quin

Quin & caudicibus sectis (mirabile dictu)

Truditur è sicco radix oleagina ligno.

Quem versum etsi nonnulli de insitione interpretantur: tamen id contra mentem Virgilij fit, qui sequente versu de insitione agit. Et quid mirabile hoc esset? Rectè verò interpretatus est hunc versum Seruius. Fit, *inquit*, quod nunc dicit, de oliua & myrto, quarum sicci stipites secantur usque ad medullam, & terræ infossi ex se arbores exserūt, quod sine dubio mirum est. Docuit idem Theophrastus, *lib. 5. de causis plant. cap. 4.* qui naturali modo oleaginea arida ligna iterum germinasse scribit. Nam & ligna, *inquit*, quæ sponte germen emittunt, ceu oleaginea, & quicquid generis eiusdem, quæ ad prodigia ostentaque referunt, ratione non carēt. Sunt enim naturâ viuacia, pronaque ad germen fundendum suæ densitatis, humiditatisque causa, quòd, cum extrinsecus liquoris aliquid senserint, quamprimum germina edūt. Enimvero magna ex parte obruta, & locis humidis posita germinant, præterquam si quid præcisum paulò post pullulauit, quod humorem in se aggregatum satis haberet, tempusque vnâ germinandi proximum esset, cui simile quodammodo scillæ euenit, ac cæteris, quæ suspensa germē emittunt. Et idem, *5. de his plant. cap. 10.* scribit, materiam oleagineam imprimis germen producere, cum rudem, tum laboratam in opus, si quæ humore seriatur, locumque habeat humectū, ut iam cardo quidam valvæ germinasse prodatur, & poculum limo iniectum. Ita clauam Herculis, quæ ex oleastro fuit, germinasse, autores fide digni referunt. Et Fortun. Licet. *loco allegato, lib. 3. de his,*

*Claua
Herculis
germi-
nans.*

qui diu viuunt sine aliment. c. 7. scribit, se vidisse Rechi, in horto patruī sui, Bartholomæi Liceti, stipitem oleæ satiuæ aridum ferè, ac leuem per decennium, & vltra à trunco separatū, neque posthac vnquam terræ implantatū, ad alterius ligni fulcrū iuxta puteū in terram demissū, & ligno, cui fulcimentum præstabat, clauis ferreis affixū pullulasse, germinasseq; eodem anno plures oliuarum nouellas foliis & fructibus onustas, atque imposterum etiam ad plures annos protulisse. Cōfirmat idem Ioh. Ludouicus de la Cerda, quē, in Cōment. ad versum illū Virgilij 2. Georg. ita scribit: Testes sunt oculi scientissimorū agricolarū, à quibus id quæsiui: testis ars ipsa, quæ nunc quoq; in Hispania, vbi ago, summè viget. Secant agricolæ, scinduntq; in partes plurimas, caudicem oliuæ, cui amputata radix, cui amputati rami: ita confectū infodiunt, & inde se format radix, & mox arbor, quod Poëta stupet; quia verè mirum.

Non tamen solum lignum oleagineum iterum germinasse, sed & alia obseruatū. Imò ipse Aristoteles, 2. Physic. cap. 1. concedit, lectū ligneum terra defossū germinare posse. Idem de orno mascula ferunt, è qua constabat hasta Romuli, quam Plutarchus, in vita Romuli, nouis radicibus actis iterum germinasse scribit. Quod confirmat Ouidius, lib. 1. Metamorphoseon:

Romuli
hasta ex
orno ger-
minauit.

Vtque Palatinis hærentem collibus olim

Quum subito vidit frondescere Romulus hastam,

Quæ radice noua, non ferro stabat adacta:

Et iam non telam, sed lenti viminis arbor,

Non expectatas dabat admirantibus umbras.

Et Iul. Cæs. Scalig. in Theophrast. de caus. plant. lib. 5.

lib. 5. c. 1. scribit, quod salignas virgas abiectas, ac ne defixas quidem, viderit germinare, quin ingentem populi truncum longo post tempore.

Quæ omnia cum ita sese habeant, & Virorum Doctissimorum testimonio, imò ipsâ experienciâ, nitatur Fortunij Liceti sêntentia, etsi paradoxa videatur, simpliciter nō reitcienda, sed dextrè explicanda & limitâda videtur. Hoc primò certum est, non omnes plantas è terra euulsas statim emori, *Planta è terra euulsa non omnes statim emoriuntur.* vt in scilla & semper viuo Americano videre est. At quòd omnes plantæ è terra euulsæ & exsiccata animam retineant & viuant, & nutritio saltem in iis aliquo modo cesset, id faciliè concedi non potest, imprimis, si radice amputatâ & cortice detracto frustillatim differantur. Multò minus cōcedi potest, quod cadauera animalium pristinam animam retineant. Requirit enim quælibet anima *οἰκεῖαν ὕλην*, proprium subiectū, hoc est calidū innatum, insito & influente constās, in animalibus, in plantis verò etiam temperamentum certo modo dispositum, quod cum in plantis arescentibus mutatur, etiam sic vitam amittunt.

Quia tamen experientia illa nagari non potest, *Qua ratione oleæ sicca iterum germinare potueris.* qua ratione fieri potuerit & possit, vt oleæ sicca lignum iterum germinauerit, inquirendum. Quod etsi inuenire difficile, quia tamen id non miraculosum est, sed naturale; meam sententiam proponam: sequatur quisque quam voler. Primò autem hoc tenendum, vt sæpe dictum, *Propagationis plantarum modorum varij.* non vnum esse propagationis plantarum modum. Etenim plantæ non omnes per semen certo modo formatum & vni particulæ inclusum propagant, sed succus ille seminale principium
in

in se continens in multis per totam plātam diffusus est, ita vt per surculum auultum vel radicem abscissam etiam planta propagari, & sese multiplicare possit, atque hoc modo vis seminalis, seu à semine propriè dicto, seu à radice, seu quocūque modo à planta eiusdem speciei communicata, diu sæpe insensibiliter latere potest. Acanthi seminalem vim hoc modo occultā in terra latuisse octo annis, refert Iul. Cæs. Scaliger, *exerc.* 140. In hortulo, *inquit*, qui hæret Bibliorhecæ, Acanthum seuimus, ac diu seruauimus diligenter. Radicitus extirpatum putabam à furibus pharmacariis, quibus omnia peruia sunt. Amplius octo annos haud comparuit. Prope eius locum depacta est oxyacantha. Locus ipse ligonibus atque marris subactus, agitatus recepit semen Hippolapathi, quē Raved falsò putant. Creuit, aream impleuit, euulsum est. Me ægrotante totum triennium pars illa ab omni opere vacua atque otiosa fuit. Hoc anno cōperi, Acanthi illius rediuuas reliquias binas, pulcherri-
 mis nitidissimisque foliis, stipite tum magnitudine tum flore luculento. Itaque vt in tritico, hordeo, auena, & aliis plantis emortuis semen in stramine suis thecis inclusum saluū manere potest: ita etiā succus ille seminale principium continens, per totam plantam diffusus in quibusdam plantis etiam mortuis & exsiccatis aliquādiu alicubi durare potest. Sicut tamen non quis rectè dixerit, exsiccata iam auenam vel triticum viuere, etsi in siccis aristis semen viuum contineat: ita etiam dicendū non est, signum illud viuere, sed saltem in se principium seminale continere. Pauca tamen plantæ semel exsiccata, pristinam illam seminale dispositio

tionem, quæ ad actum secundum exercendum necessaria fuit recuperant. In olea id aliquando fieri observatum est, utpote quæ pingui illo & balsamico humore præ cæteris abundat. Idem etiã in orno & populo accidisse antea dictum. Herbas tamen ubi putrescunt, & corrumpuntur, reuiuiscere posse, quotidiana experientia testatur, dũ in agris & hortis fimo stercoreatis, eæ plantæ, quæ in fimo putruerunt, generantur, succo seminale principium continente integro manente. Et norũt omnes agricolæ, quod ex suillo stercore sonchus generatur, in vineis, hortis, & agris. Familiare autem alimentum est sonchus suibus; unde & Germanis [Gatvdiestel] id est, carduus suum nominatur. Atque ista omnia, etsi mira, & penè incredibilia videãtur: tamen à veritate aliena non esse, vel ex eo patet, quod etiam è lacrymis & gummi plantarum plantæ generantur, ut infra dicetur.

*Herba putrescens
renascuntur.*

*E stercore
suillo sonchus
generatur.*

Cæterum etsi hæc de plantis vera sunt: tamen animalium perfectorum brutorum animæ post mortem superstites esse non possunt. Et quod è cadaveribus animalium talia animalia ignobiliora fiunt, non accidit, quod anima animalis eadem remanens, ad gradum ignobiliorem redacta vermes producat (neque enim hominis, leonis, vel bouis anima in talia animalia abit) sed quod forma subordinata latens tunc sese exserit, ut supra dictum.

*Anima
brutorum
mortales.*

Porro utròque, quos supra proposuimus, modo, variæ plantæ sponte nascuntur. Primò enim è terra, etsi curâ hominum nullum in eam semen iniectum sit,

*Plantæ aliæ nullis hominum cogentibus, ipsæ,
Sponte*

Sponte sua veniunt,

ut de arboribus scribit Virgilius. Accidit autem hoc non solum (quæ huc non pertinent) cum semina ipsa integra vi ventorum vel aquarum exundatione aliò deferuntur, sed etiam cum corpuscula illa semen in se continentia vel à pluuiâ, vel à vento, vel aquis exundantibus eò deferuntur, aut cum planta eiusdem generis aliqua eò loci computruit, seminalia tamen primordia ibi reliquit. Et hoc modo de Laserpitij spontaneo ortu scribit Plinius, *lib. 19. c. 3.* Id, *inquit*, apud autores Græciæ euidentissimos inuenimus natum imbre piceo repentè madefactâ tellure, circa Hesperidum hortos Syrtinque maiorem; septem annis ante oppidum Cyrenarum, quod conditum est vrbis nostræ annò 143. Vim autem illam per quatuor millia stadiûm Africæ valuisse. Continebat procul dubio crassus ille, niger & piceus quasi imber, multa ex Laserpitio corpuscula seminalia, Laserpitij rudimenta in se continètia, quæ terræ immissa Laserpitium toto eo tractu produxerunt. Atque hoc modo, scilicet corpusculis illis semen in continentibus aliundè vel pluuiis, vel ventorum impetu, vel aquarum exundationibus delatis, integræ syluæ aliquândo sponte natæ fuerunt, ut Theophrastus, *lib. 1. de caus. plant. cap. 5.* testatur. Et hoc modo etiâ in terra, quæ ex imo effossa est, & nullum plantæ alicuius semen in se continet, diu & pluuiis exposita plantæ nascuntur. Nisi quis eorum opinionem, cuius in initio huius capituli mentionem feci, sequi velit, qui statuunt, terrâ vi benedictionis diuinæ in prima creatione factæ habere peculiarem peculiare plantas producendi vim.

Alter

Laserpitium ex imbre natum.

Planta per pluuias quomodo propagentur.

Alter deinde plantarum spontaneæ generatio- *Planta 2
plātis di-
uerse spe-
ciei nata.*
nis modus est, cum planta aliqua ex alia, sed diuer-
sæ speciei, in terra nascitur. Quæ plantarum ge-
neratio non alia est, quàm fungorum, vbi scilicet
forma illa inferior, quæ antea superiori instar ma-
teriæ suberat, iam eâ amissâ ipsa sui iuris facta si-
bi conueniens domicilium extruit & fabricatur.
Hoc modo muscus arboribus adnascitur. Nisi
quis & hîc statuere velit animam, cum ob or-
ganorum suorum vitium, (quod in arboribus
senescentibus accidit) aut alimentum vitiosum,
alimentum in eas, quas debet, partes conuer-
tere non potest, ne sit ociosa, muscum & talia
generare.

Posset huc referri Degeneratio plantarum, de *Degene-
ratio plā-
tarum.*
qua etiam supra, *cap. 2.* dictum, vbi quidem è se-
mine provenit planta, sed diuersæ, vt videtur, spe-
ciei; quando sisymbrium in mentham; triticum in
lolium; hordeum in auenam; ocymum in ser-
pillum; rapum in raphanum; vitis alba in ni-
gram; nigra in albam; zea in triticum, & contra
triticum in zeam, & aliæ plantæ in alias dege-
nerant. Cuius rei etiam rarū exemplū habet Scali-
ger, *exerc. 140.* Huius, *inquit*, vulgaris Apij, quod
falsò vocant Petroselinum, semen terræ manda-
uimus manu nostrâ secundum parietem, qui soles
æstiuos defenderet; vt enati, atque vmbiæ seruari
beneficio vsus esset ad patinas. At non, quod
solet, è terra prodiit, sed plantam longè diuer-
sissimam extitisse admirati sumus. Ea fuit, quam
placuit doctioribus Scorodotim appellare, falsò
hactenus pro scordio receptam multis. Folio est,
prima ætate, si procul adspectus, haud absimili
viola

violariæ, flore candido, alij odore ac sapore. Quæ in re tamen videndum, ne quis decipiatur, & plâ-
tâ quæ ex semine diu alicubi latente in terra pro-
uenit, ex degeneretione alterius prouenisse pu-
tet. De Acantho supra ex Scaligero, *loco modò al-
legato*, diximus, eum, cùm radicitus extirpatus pu-
taretur, & amplius octo annis non comparuisset,
tandem iterum prodiisse.

*Quomodo
fiat.*

Quomodo autem hæc Degeneratio fiat; du-
bium. Equidem Fortunius Licetus, *lib. 4. de spont.
viu. ortu, cap. 3. §. & alibi*, formas etiam degenerare statuit, dum labefactantur, & labefactatæ
degenerant in debiliores. Labefactari autem scri-
bit, vel agente sibi contrario in eas per se operâ-
te; vel ad subiecti mutationem, à quo in esse de-
pendent; vel ob vtramque causam. Sic animam
vituli eo moriente degenerare in animam ver-
mium & apum ex eius cadauere sponte nascen-
tium; sic essentiam tritici in substantiam lolij &
auenæ; sic fatiscentem calorem abire in tepo-
rem, vt non solum substantiæ, verum etiam mu-
tentur accidentium species, scribit. Verum, vt
suprà etiam dictum, ista formarum degeneratio, vt
forma vituli mutetur in formam vermis, rationi
consentanea non est. Potius formarum quædam
germanitas est, vt Matthiolus in *prefat. Dioscorid.*
loquitur, & semina quædam sunt æquiuoca, id est,
pluribus speciebus quasi communia. Et sicut ea-
dem forma interna nunc externam formam eru-
cæ, nunc papilionis, nunc chrysalidis & bom-
bycis gerit: ita etiam in plantis animæ quædam
ita constitutæ, vt, pro materiæ dispositione, cor-
poris figuram nunc hanc, nunc illam formentur
vel

vel ita subordinatæ, vt vna quidem sit princeps, alia verò ministra, & illa quidem dominium suum tandiu exferat, quamdiu materia, è qua plantæ formantur & aluntur, seise rectè habet; vbi verò in ea quid deficiat hæc imperium sibi assumat.

An degeneratio plantarum fiat in semine, vel radice, disputat Theophrastus. 4. *de caus. plantar.* ^{Degeneratio} cap. 6. & in radice fieri negat; quia natura caulis, ^{plantarū} foliorum, & semina semper sequuntur naturam radicis, concluditque in semine fieri, & ea ad effeminationem deuenire, vel propter aîmen i penuriam vel eiusdem vbertatem. Ioh. Gallego de la Serna, *de princip. gener. lib. 2. cap. 7.* duobus modis fieri posse putat stirpium istas degeneraciones, aut quia anima feminis debilitata ob vitium materiæ non potuit producere proprium fœtum, & genuit monstrum, vt in animalibus contingit, aut quia omnino corrumpitur forma tritici, v. g. ex ipsâque corruptione ita manet disposita materia, vt ab vniuersali causa illico in ea producat^{ur} anima lolij vel zeæ. Verùm neuter modus simpliciter admitti potest. Equidem primum quod attinet, hoc verum est, ob vitium materiæ animam non posse producere id. quod aliàs communiter solet. Interim corpus illud, quod producit, non semper est monstrum. Et monstrorum generatio ad nullas certas leges adstricta est. At plantarum degeneratio certis modis fit & plantæ certæ in certas, non quasuis degenerant. Secundus verò planè falsus, quod scilicet anima corrumpatur, & ex dispositione materiæ relictæ à causa vniuersali producat^{ur} aliud. Causa n. vniuersalis nullius specifici effectus causa est. Et

agnoscit ipse, quod non indefinitus, & indeterminatus sit iste effectus, & ex tritico nunquam rapum vel brassica, sed lolium salrem vel zea. Sicut & ex animalium cadauerib. certa quædam animalia oriuntur, non quælibet. Ideoque hoc magis vero consentaneum est, Creatorem formis illis vim varia corpora sibi fabricandi concessisse, sic ut quædam, cum materia est rectè disposita, vulgariter efficiat. Ita ex tritico frequentissimè triticum nascitur. Cum verò materia minus rectè est disposita, ne tamen natura sit otiosa, vim habet aliud corpus producendi, v. g. cum tritici anima habet materiam minus rectè dispositam, facit corpus lolij, zea. Et habet sese res eodem ferè modo, sicut antea quoque dictum, ut in crucis & papilionibus, ubi eadem forma diuersis temporibus diuersa corpora fabricatur. Et animam non perire patet vel ex eo, quòd, postquàm zea è tritico nata, auena nigra ex alba, iterum conuenientè terram & materiam inuenit, rursus in triticum vel auenam albam abit.

Etsi verò ad hos duos modos omnis spontanea generatio plantarum, seu propriè, seu minus propriè ita dicta, referri potest: tamen, ut res clarior fiat, secundum materiam & subiecta, in quibus plantæ sponte nascuntur, hanc explicare libet.

*Planta è
fimo,*

Secundò ergo quod de terra modò diximus, id multò magis de fimo verum est; cum in eo variarum plantarum semina, partes, succi & alia confusa lateant, omnesque causæ, quæ in spontanea plantarum generatione in terra inueniuntur, multò magis in fimo reperiantur.

*Planta
in aquis
nata,*

Tertiò, in aquis plurimas plantas nasci, algas, nymphæas, tribulos aquaticos, & plurimas alias, notissimum

notissimum est. Generantur autem tales plantæ non omnes propriè sponte, sed radices quarundam diuiduntur, è quibus nouæ pullulant; aliæ semen, quod generant, in aquas deiciunt, è quibus eiusdem speciei plantæ nascuntur, & semina plantarum vento, vel aquarum inundationibus in aquas aliunde deferuntur. Quæ verò spontè nascuntur, ita vt ex semine integro non proueniant, generantur vel à plantis in aqua putrescentibus, vel è corpusculis animas in se continentibus per pluuias in aquas delatis; quod & à ventis fieri potest, quando cum puluere tales atomi animas plantarum in se continentes aquæ insperguntur, vel quia ex radicibus arborum succus, vel excrementum aliquod seminale principium in se continens in aquam effunditur. Hisce enim modis omnibus corpuscula illa animas plantarum, aut certè formas in animam abitutas in se continentia, vbi in aquis idoneam materiam inueniunt; quod fit præcipuè in aquis stagnantibus, & à calore ambientis fouentur; excitantur, plantamque, qualem producere aptæ natæ sunt, generant.

Quartò, è niue quoque nonnulli plantas generari statuunt. Sed credibilis est, eas sub niue nasci. *Planta è niue.* Et si enim fieri possit, sed rarò, (neque enim, quod in pluuiâ accidit, faciliè quoque in niue accidere potest) vt cum niue corpuscula, plantarum rudimenta in se continentia, descendant: tamen calor, à quo in actum deduci possint, in ea deest, & proinde vel nunquâ, vel certè rarissimè, si fors calore Solis nix tepescere & liquefcere incipiat, aut si ea pars niuis, & quidem profundioris, quæ

terræ proxima est, à calidis è terra exhalationibus nonnihil tepescere incipiat, & anima illa ibi latens excitetur, & in actum deducatur, plantæ è niue generantur.

*Planta
in aliis
plantis
nata.*

Quintò, plantas alias in aliis nasci, etiam com-
pertum est. ita sæpe in salicibus chelidonium ma-
ius, interdum glycypticum, interdum sambucus,
interdum sorbus, & aliæ plantæ nascuntur. Quod
accidit vel seminibus integris ventorum vi eò
abreptis, (quæ tamen propriè dicta spontanea ge-
neratio non est) vel corpusculis minimis, semen
plantarum in se continentibus, ventis vel pluuiis
eò delatis. Accidit autem hoc in iis arboribus
præcipuè, ubi pars arboris putrescere, & in terram
quasi redigi incipit: id quod sæpe in salicibus de-
truncatis & annosis circa caput quod dicitur ac-
cidit. Cùm enim ibi materia plantæ formandæ
& augendæ idonea reperiatur, anima plantæ sese
facile in ea exferere potest. Atque ita in talibus
generationibus arbor, quæ terræ inhæret, non ni-
si locum dat.

*Planta
in scopu-
lis nata.*

*Corallia
an sponte
nascan-
tur.*

Sextò, & in ipsis lapidibus ac saxis plantas nasci
notissimum est, quomodo & musci genus passim
in lapidibus, & in mari corallium nascitur, ac sco-
pulis adhærescit, & marinus muscus scopulis &
testaceis adnascitur. An verò corallia sponte na-
scentur, dubio. Etsi enim à nullo in mari seran-
tur: tamen quia & certa rerum naturalium spe-
cies est, quæ nullibi reperitur, quàm in marinis
scopulis, neque dici potest, quod ex alterius plan-
tæ vel animalis corruptione fiant: hic procul du-
bio eius natalis locus est, & sine dubio in prima
creatione in hisce scopulis creata sunt, in quibus
vel

vel radicibus, vel succo aliquo, primordia huius plantæ in se continente, propagatur. Reliquas vero plantas quod attinet, eæ in saxis nascuntur, cum pluviæ in eas decidunt, quæ vel corpuscula formas plantarum in se complectentia, vel corpuscula aliarum plantarum corruptione separata, ad plantas tamen producendas apta, in se continent. Idque facilius accidit, si ex pluviis imprimis luti aliquid vel terræ lapidibus inhætescit. Tum enim semina illa se exserendi locum commodiorem inveniunt. Id tamen accidere potest ex auium excrementis super lapides decidentibus; cum & in illis ipsis excrementis formæ plantarum non mutata manere possint. Sæpe tamen euenit, ut non perfectæ plantæ, sed muscus saltem aliquis in lapidibus adnascatur. Cum enim ob alimenti idonei defectum anima illud, quod vult facere non possit, facit quod potest, &, ne otiosa sit, muscum format.

Quod verò non solum in superficie lapidum plantæ interdum nasci, sed & profundis ex iis emergere videntur, caussa est, quod procul dubio lapides illi rimulas oculis non obuias habent, in quas corpuscula illa formam plantæ in se continentia sese cum pluuiis insinuant, quæ à calore ambientis excitata, sese tandem exserit.

Quod verò è muris, vel ex coctili lapide, vel ex lapidibus excisis, calce vel limo ferruminatis, interdum plantæ, imò frutices & arbores nascuntur, mirum non est. Est enim earum ortus idem, qui plantarum è terra, cum vel in arena, quæ calci ad ferruminandos lapides adhibitæ admiscetur, semina aliquod plantæ commistum fuit, vel ab

auibus eò deportatum, vel ventorum impetu eò delatum, rimis murorum sese insinuat, (quæ tamen generatio spontanea propriè dicta non est) vel cum excrementis auium, aut pluuiâ, corpuscula formam plantarum in se continentia, eò feruntur, & in rimas illas sese insinuant, suo verò tempore emergunt.

*Planta è
lacrymis
plantarum.*

E lacrymis quoque & gummi plantarum plantas nasci, Theophrastus, *lib. 1. de caus. plant. cap. 4.* docet. Eam generationem etsi spontaneam esse doceat Licerus, *lib. 3. de spont. viu. ort. c. 2 §.* malim tamen statuere, eum ortum non esse spontaneum; cum suo modo ex semine, & quidem plantæ eiusdem speciei, producantur, & ipse Theophrastus dicat, generationem, quæ ex lacrymis fit, illi planè respondere, quæ est ex caulibus; quæ certè spontanea non est. Et in lacrymis plantarum fœcundum principium coactum esse docet, dum scribit: Sed peculiaris maximè generatio, quam lacrymæ præbent; ut equapij, lilij, & aliorum quorundam. Nec ratio abest, sed caulibus planè respondet. Nihil enim aliud, quàm quod illarum quoque fœcundum principium coactum esse oportet. Quod autem Licerus triplex fœcundum principium statuit, semen scilicet, partem corpoream stirpis, vel radicem, vel caulem, & animam, non rectè sentit. Nam animam, ut diuersum à reliquis, propagationis modum malè addit; cum omnis propagatio per animam fiat, & anima sine corpore nunquam propagetur. Quod autem subiecta seu corpora, in quibus sit anima, & per ea propagetur, semen & radicem & caulem ponit, etiam non rectè docet. In ipsis enim lacrymis etiam anima esse potest.

potest, quod sine causa impugnatur Iul. Cæs. Scaliger, dum, in locum allegatum Theophrasti, scribit, si ex gummi sato nascatur planta, gummi non posse dici arboris excrementum, sed fruticis partem, in qua seminium genitale viget. Etenim vocem excrementi æquiucè accipi, dum tribuitur facibus alui, vrinæ, & aliis propriè dictis excrementis, & postea semini, omnibus notum. Non tamen, ut Theophrastus monet, omnes plantæ à lacrymis fieri possunt, sed certæ saltem quædam.

Quæ verò plantæ à diuersæ speciei plantis generantur, eæ propriè sponte nasci dicuntur. Ita muscus arboreus varij generis in variis arboribus nascitur. Ita viscus in quercu, corylo, malo, pyro, pruno. betulâ nascitur, nullibi verò solus generatur. Alias herbas & frutices in arboribus nasci, non ignotum est, ut modò dictum. Sed ea spontanea generatio non est; cum non ex arboribus nascantur, sed in arboribus saltem, à suis seminibus, arboribusque. Quæ terræ inhæret, non nisi cum det: quod præcipuè fit, vbi cuius pars aliqua putruit, & in terram quasi abiit, de qua re supra dictum.

Planta à
diuersa
speciei
plantis.

Quatuor autem modos, quibus plantæ diuersæ speciei ex aliis plantis generentur ponit Licerius, de spont. viu. ort. lib. 3. cap. 27. duos spontaneos, & duos non spontaneos. Primum ponit, quando veteris plantæ anima in materia quomodocunque intra se degente, nouam animam à se diuersam procreat, quæ constituat plantam diuersæ speciei, ac se imperfectiorem. Secundus est, cum semen plantæ alicuius in aliam plantam quocunque modo incidit. De quo secundo modo

Quatuor
modi Li-
ceti.

nullum dubium est : Primus verò vix admittipoteft. Neque enim credibile eſt, animam aliam ſpecie à ſe diuerſam animam procreare poſſe. Vero ſimilius eſt, à forma ſubordinata nouæ & diuerſæ plantæ generationem prouenire ; vt de vermis è plantis genitis dictum. Verùm is modus propriè ſpontaneus eſt.

Tertium, cùmque non ſpontaneum modum ponit; quando in rimis & meatibus vetuitæ plantæ collecti pulueres tum animalium, tum ſtirpium, in ſe vt in vaſe, animam continentes, ab ambientis calore ad vitam diſponuntur. Verum cum pulueres illi ſeminale principium in ſe contineant, qua ratione generatio iſta per eos ſpontanea ſit, ſupra dictum. Non etiam ad iſtam generationis modum muſcuſ pertinet, vt cum Coſtæo exiſtimat. Neque enim muſcuſ fit ex puluerulenta muſci materia arboribus aliunde allisâ, ſed ex iſtis arborum corticibus, cùm illæ iam corrumpi incipiunt, vt ſupra dictum.

Quatuor, ſcilicet, quando veteris plantæ varia excrementa priſtina forma animante interuentu mortis exuta, ſed eam in ſe velut in vaſe, continentia, vbi ab ambientis calore digeſta fuerint, ad nouam vitam diſponuntur, labefactatam animam, atque à priſtina ſpecie degenerantem ruruſum ſibi adiiciunt in nouam formam viuificam nouæ ſtirpis conſtitutionem.

visci generatio.

In ſpecie viſci generationem quod attinet, de ea prolixè agit Iuſt. Cæſ. Scaliger. exerc. 168. Vbi primò veterum opinionem refert, exiſtimantium, viſci acinis à turdo comediſis, quod ad pulpam attinet, concoqui ; quod ſeminis eſt, incoctum ab

alio

aluo deiici, exire, sistique in arboribus iis. in quibus isti conquiescere consueverunt. Verum eam reiciendam censet ideo, quod solum in tulla terra provenit, neque in quavis arbores, neque credibile, in durissima ligna ita subire, ut findat sibi corticem, ac sine radice unum cum illis fiat; quod è ramis quibusdam exit, quo in loco nullis modis vel stercus consistere; vel semen unquam potuerit hæere; neque in turdorum ventriculis atque intestinis, qui visci baccis hac de causa nutritos secuit, nullum unquam granum inventum est. Ipse verò quasi cornua ex ossibus animalium, sic ex arboribus educi viscum statuit, & à calore interno foto in formata vitæ principia in succo sibi connaturali ab exteno adiuta atque euocata concrefcere, atque in plantam hanc adolescere. Ideoque unicum esse lignum utriusque, non autem insertum tanquam in terram. Quæ sententia eatenus quidem vera est, quod statuit, visci principium arboribus, in quibus crescit inesse, non extrâ provenire, sed intra eam generari & ex superflua quadam materia, ut cornua in animalibus provenire. In hoc tamen est differentia, quod non in omnibus eiusmodi arboribus viscum generatur, sicut omnia eiusdem speciei animalia cornua protrudunt, sed in quibusdam saltem arboribus. Ideoque peculiarem aliquam dispositionem in quibusdam & speciebus, & indiuiduis procul dubio concurrere necesse est, ob quam superfluous eiusmodi humor generetur, quem anima arboris postea ad exteriora protrudit, & ex eo viscum generat. Quod verò obiici potest, quia in diuersis arboribus reperitur, ex vno eodemque principio

prouenire non posse, sed, si ab interna arboris natura proueniret, diuersa visci, pro diuersitate arboris, folia esse debere: ad id respondet Scaliger, non necesse esse, diuersorum excrementa diuersâ esse facie, sed satis est, ut ratione differant, ut in lacrymis videre est. Et licet facies externa sit eadem: natura tamen ipsa diuersa est, & longè aliis viribus pollet viscum quercinum, quàm coturnum. Sicut etiam gallæ in variis plantis nascuntur, ut mox dicetur. Et quidem peculiare hoc habet hic succus, ut, etsi folia arboris decidant, viscum tamen perennet. Equidem Theophrastus, in 2. de causis plantar. perpetuari frondes visci veneribus iis, quæ in arboribus perpetuis foliis oriuntur, in perdifoliis, quod proueniat, ipsum quoque amittere folia scribit. Verùm rectè hoc falsitatis arguit Scaliger. Passim enim in syluis videre est viscum omni tempore viride in quercu, malo, betula, pruno syluestri, ubi arbores istæ foliis spoliatae sunt. Non tamen superfluous simpliciter est hic humor, sed vel arboris alimentarius, vel seminalis, quem arbor quasi luxurians extrudit: vnde arbores, in quibus viscum crescit, plerunque emoriuntur.

Galla.

Eodem modo, ut viscum in variis arboribus prouenit, ita & gallæ in quercu, ilice, fago. Imò gallam in salvia productam, subcinericiij coloris, se vidisse, loco allegato, Iul. Cæs. Scaliger scribit, ubi etiam refert, quòd, qui ex Alepo, cæteraque Asia, merces conuehant Itali, sibi narrârint, in non paucis Asiæ locis eiusmodi saluias pomiferas conspici.

An ex animalibus plantæ nascantur, dubium.

Licetus

Licetus quidem passim affirmat, ex animalibus corruptis nasci plantas. Verùm vix puto, eius rei exempla dari, & quod ex ipsa animalium substantia, vel eorum excrementis generentur plantæ, sicut ex iisdem generantur vermes; nisi forsan semina plantarum, aut succus seminale plantarum principium in se habens, in excrementis animalium contineatur. Et exempla, quæ afferuntur plantarum ex animalibus natarum, vix aliud probant, quàm extrà animalium corporibus rudimenta vel semina plantarum adhærere pòsse, & ex iis nasci vel augeri. Nascuntur autem plantæ vel in viuis animalibus, vel in mortuis. Viua quod attinet, Aristoteles. 9. de histor. anim. c. 5. & Theophrastus, 2. de causis plant. cap. 23. referunt, caprum esse ceruum, hederam in suis enatam cornibus gerentem viridem, quæ, vt rectè addit Aristoteles, cornu adhuc tenello fortè inserta, quasi ligno viridi coaluerit; quod & Plinius, lib. 5. c. 32. confirmat, vt & Iul. Cæs. Scaliger, qui, in comment. in istum Theophrasti locum, scribit, in eruptione cornuum affricatu hederæ ceruum abruptisse nonnihil cum radícula, quæ aliquam in partem molliorem sese induerit. Addit quidem & duos alios modos Licetus, lib. 3. de spont. vin. ort. c. 28. quorum prior est, quod ad cornuum radices inter conterminos pilos congesta puluerulenta ex aëre materia vario humori permista, seu is à cerui corpore manaverit sub sudoris, aliussuè formæ excrementi; seu ab ambiente sub specie roris, vel alia quapiam cornibus adhæserit: cui materiei puluerulentæ, quæ olim ex hedera effluxerit, in cornu ceruino ab ambientis calore apparatus latens in ea,

ut in vase, anima seipsam postea dedat in formam viuificam, & hederæ constituttricem. Alter hic est. Statuit, ex ipso coruino corpore substantiam excrementitiā, potissimū ex hederæ pabulo educā, vi coctionum in ceruo editarum, & à facultate expultrice vnà cum aliis excrementis tertię coctionis ad radices cornuum depulsam, ob lentoris alicuius seu proprii, seu alieni gluren adhærescentem, ab ambientis calore digeri ad nouam vitam. Verū neuter modus probabilis est. Etenim priorem quod attinet, si materiæ puluerulentæ tanta copia ad radices cornuum in pilis colligeretur, ut in ea tauquam in terra, hederæ crescere posset, & aliæ plantæ in ea nasci possent. Neque ratio vlla datur, cur saltem ex hederæ ille puluerulentus humor ad radices cornuum ceruinorum colligi deberet. Deinde non facile monstrari potest, quomodo anima hederæ in tot coctionibus salua ad cornua vsque cerui peruenire possit; neque caussa dari potest, cur non & aliæ plantæ in cornibus cerui generari queunt.

*Musci
in testa-
ceis &
balanis.*

In dorso verò testaceorum & balænarum muscosæ herbæ nascuntur ex limo & sordibus maris, dorso piscium horum adhærentibus, quæ in se semina vel rudimenta feminalia musci & plantarum aliarum continet. Alter verò modus, quem addit Licetus, lib. 3. de spont. viu. ortu, cap. 35. qui fiat consimili excremento ex internis eius animalis partibus, ad superficiem corporis expulso, verò minus consentaneus est. Neque enim credibile est, balænas musco & plantis vesci. Et si modus hic verus esset, idem etiam in aliis piscibus fieri deberet, quos gramine, musco & plantis vesci etiam constat.

An

An verò etiam ex cadaueribus animalium plantæ nascantur, consideratione dignum. Id fieri, & nouum non esse, scribit Licetus, *lib. 3. de spont. viu. ortu, cap. 32.* Verùm id rectè explicandum. Neque enim crediderim, sicut ex ipsa cadauerum substantia vermes nascuntur, ita ex iisdem plantas generari; neque experientia id confirmat. In cranio & ossibus humanis muscus nascitur. Verùm cum id non fiat in ossibus, quæ in sepulchris vel sub rectis iacent, sed quæ sub dio iacentia pluuiis irrigantur: pluuiæ potius origo musci illius debetur, vt illius, qui in lapidibus crescit. Nam, cum vt suprâ dictum, pluuiis seminum plantarum principia immixta sint, si in ossa, præcipuè ea quæ iam cariola fieri, & quasi in terram resolui incipiunt, decidant, hærens in iis seminale illud principium, & materiam inueniens, ac calore fotum, si non aliam plantam, tamen muscum generat.

Referunt quidam etiam, in mari ex cranio humano corallium ortum fuisse. Verùm quòd ex ipsa cranij humani substantia prouenerit, impossibile est: sed procul dubio in mari materia, primordia corallij in se habens, cranio tenaciter adhæsit, è qua postea corallia producta.

E cornibus arietis nasci asparagos, vetus quidem est, sed proculdubio fabulosum; neque experientia id comprobat. Conatur equidem id defendere Fortun. Licetus, *loc. alleg.* quatuor rationibus; sed frustra. Nam primò dicit, ex lapidibus nasci plantas, ergo multo magis fieri posse ex cornibus. Verùm, vt supra dictum, non ex ipsa substantia lapidis nascuntur plantæ, sed ex semine, vel

An ex
cadaue-
ribus
animaliū
plantæ
nascan-
tur.
Muscus
in ossibus
humanis

Corallium
è cranio
humano.

Asparagi
an è cor-
nibus
arietis
nascan-
tur.

è seminali plantarum materia iis adhærente.

Altera est, quia ex plantarum cadauere animalia gignuntur, scilicet è lignis vermes: cùm tamen cadauera stirpium sint cadaueribus animalium imperfectiora. Cùmque longè facilius sit, quid procreare alterum se imperfectius, infra sui conditionem agens, quàm vicissim quid ultra vires suas efficere, creans aliquid se perfectius: credibile est, ex arietino cornu asparagum nasci. Verùm non ipsa cadauera, quasi causæ efficientes, quicquam ex se producant, sed ad materiæ dispositionem respiciendum, &, quid ex formis illis subordinatis fiat, experientia consulenda. Præterea licet vermes sint animalia: tamen an plantis perfectis sint perfectiora, dubitari potest. Neque vlla ratio cogit, quòd, siquidem ex animali animal, licet diuersæ speciei, generatur, etiam planta nasci debeat.

Tertia ratio est, quòd obseruatum sit, ex cranio humano in mari corallium natum esse. Si ergo corallium è cranio natum, etiam asparagi è cornibus nasci poterunt. Verùm quomodo, quod tamen rarissimum est, è cranio corallium natum sit, modò dictum.

Quartò cùm compertum sit, è cornu viuentis cerui enatam fuisse hederam; etiam à cornu arietis nasci poterunt asparagi. Verùm diuersa ratio est. Hedera illa non è substantia cornuum nata est, sed radix hederæ illi adhæsit, vt supra dictum. Ideoque caute, *lib. 1. cap. 18.* antiquam opinionem quidem recitat, sed suam non facit, dum scribit; asparagum etiam nasci prodiderunt, animalis cornibus contusis atque defossis.

Multò

Multòminus è metallis plantæ generantur. *An è metall plantæ nascantur.*
Neque enim in iis vlla ad plantas generandas dispositio est. Et si in statuis æneis plantæ nascuntur, ut id factum refert Plinius, *lib. 7. cap. 25. & lib. 24. cap. 19.* non id è metallo factum, sed quia in statuam seminale alicuius plantæ principium, vel per pluuiam, vel per ventum, vel per aues, vel quocunque alio modo delatum fuit.

CAPVT VIII.

De Animalium spontaneo ortu.

ANimalium autem, quæ sponte nascuntur, *Animalia sponte nascuntia,*
varia sunt genera. Curculio vel corcuio frumenta depascitur, & exinanit; midas fabas exest; trox legumina erodit, voluox Plinio, volucra Columellæ, vermis est, qui vites, coßus & teredo, qui ligna, picea præcipue; tinca & blatta, quæ vestes erodit; termes in canibus nascitur. Et innumeri alij penè sunt huius generis vermiculi, quorum differentias mox explicabimus, à corporibus, è quibus, vel in quibus nascuntur, petitas. De animalculorum autem & insectorum generatione optatim plura, quàm quæ habentur, hac de re extare ab aliis scripta, & miror, quod Vlyßes Aldrouandus, vir doctissimus, in laboriosissimo isto opere de Insectis multa alia minuta de iis persequitur, *An sponte nascuntia in prima creatione creata sint,*
de eorum verò generatione pauca in medium affert. Etsi enim insecta pleraque coëant, & ouo quid simile pariant, de quo Aristoteles, *de hist. animal. lib. 5. cap. 8. & 19.* videatur tamen, cum etiam sponte

sponte nasci talia insecta certum sit; hoc primò
 quæritur, vtrū præcesserint, ea nimirum, quæ
 sponte proueniunt, an quæ ex coitu & semine
 procreantur. Tegit hanc quæstionem Augusti-
 nus, *lib. 1 de Genesi*, dum scribit, quæstionem esse,
 vtrum nonnulla de minutissimis hisce animalibus
 in primis rerum mortalium conditionibus creata
 sint, an ex consequentibus rerum mortalium con-
 ditionibus, aut cadauerum tabe gignantur, quæ-
 dam de corruptione lignorum & herbarum,
 quædam de corruptione fructuum. Eam verò
 quæstionem soluit Eucherius, *lib. 1 in Genesi*, dum
 statuit, existisse rerum omnium formas in princi-
 pio, sed alias actu, alias potentia. De minutissimis,
inquit, animalibus credendum est quæcunque ex
 aquis vel terris nascuntur, in prima rerum condi-
 tione fuisse creata, cætera verò, quæ de vitis cor-
 porum, vel lignorum, vel cadauerum nascuntur
 putredine, non tunc creata sunt in specie, sed
 inerat in corporibus eorum præsens seminis ori-
 go; vt consequenter & de eorum corruptionib.
 de suo quæque genere exorirentur. Hæc Euche-
 rius. Et rectè, atque ex nostra sententia, vt non sit,
 vt ego Nouator & Paradoxologus primus au-
 diam. Nimirum omnia animalia, quæcunque
 minuta, quæ non ex alterius corporis corruptione
 nascuntur, in principio mundi creata, & actu ex-
 titisse, credendum est; quæ verò hodie etiam ex
 aliorum corruptione proueniunt, ea in prima
 creatione, vt actu existerent, non creata fuerunt,
 sed eorum forma in aliis corporibus iam præsens
 fuit, etsi non actu, & formæ officio fungens, sed
 reliquis formis nobilioribus subordinata, iisque
 materiam

materiam & idoneum subiectum præbens. Itaque *Spōte or-*
 ea, quæ supra in genere, *cap. 2. de efficiente causa* *torum*
 sponte ortorum viuentium dicta sunt, etiam in *viuentium*
 animalium sponte ortorum generatione locum *origo.*
 habere, & omnino non à putredine, vel etiam à
 calore, qui putredini coniunctus est, talia animalia
 prouenire posse, id clarissimi quique Philolophi
 & Medici, qui rem diligentius perpenderunt, agno-
 uerunt. Inter Antiquos est Theophrastus, qui,
lib. 2. de caus. plant. c. 3. scribit, vt in cæteris pu-
 trescentibus genus quoddam animalis concrefcit:
 ita *ὅτι ἐν τῶτοις ζῴων οὐκ ἔστι* (& in his de caprifico
 loquitur) animaligena natura est. Quod I. C. Sca-
 lig. *in comment.* approbat, & Vlysses Aldrovan-
 dus, *li. 3. de Insectis, c. 5.* fatetur, se ab hac sententia,
 quæ in herbis ad animalia generanda esse sua ge-
 nerationis principia, statuit, non abhorre, & eam
 ad mentem multorum Veterum explicandam, sa-
 tis conuenire. Consentit cū his etiam Eustachius
 Rudius, qui, *lib. 2. Pract. ca. 27.* de vermium dege-
 neratione ita scribit: Quoniam, *inquit*, simplex
 calor, accidens cum sit, virtute propriâ substantiâ,
 & eam viuentem, efficere minimè potest, (Nam
 calor in viuentibus virtute animæ nutrit, & ex ali-
 mento substantiam gignit) hinc fit, vt: calor hic
 viuendus & valens, & vitali facultate præditus esse
 debeat. Hanc autem vitalem vim non in simpli-
 cem caloris intentionem referre debemus, que-
 madmodum fecit Galenus, *3. aphor. 20.* qui supra
 calorem superiorem facultatem non proposuit.
 Quamuis enim calor ad viuentium productionē
 concurrat: tamen, nisi causa superior vitalis con-
 currat, animal ex se producere nō valet. Cū verò

D d

postea

postea causam illam superiorem cœlestia corpora constituit, in eo errat, cùm vniuocum & causam propriam non ponat, vt supra, *cap. i.* dictum. Rectius & accuratius Doctissimus Medicus, Ioh. Thomas Minadous, olim in Academia Patauina Professor Clarissimus, sentit, qui, *de humani corporis turpitudinib. lib. 2. cap. 9.* de pediculorum generatione agens, (aliorum similium animalculorum eadem est ratio) ita scribit: Hoc loco, *inquit*, cœcutit animus humanus, ac tanquam nocticoracis oculus caligat ad lumen huiusce, & similis cognitionis. *Et mox*, cùm eorum sententiam, qui saltem calorem causam efficientem ponunt, recensuisset, *addit*: Ex altera verò parte, cùm formæ introductio, totiùsque animalis elaboratio, non simpliciter vnus caloris actionem sequi videatur posse, sed ex prouida quadam actione cuiusdam opificis cum discursu & prudentia operantis pendere, mens, vltius præter calorem aliud quoddam agens cogitur inquirere, quod cum consilio & delectu singula in animalis fabrica disponat, & moderetur. Neque enim vnus calor aliquando didicit brachio, oculis, cæterisque membris, suam vnicuique formationem ac staturam condere, neque alicuius præceptoris disciplinâ vti consuevit, sed eadem semper agens ratione, ad varia se conuertit, ad varias formationes se comparat, prout conditor & architector omnium partium illum dirigit, atque permouet. Neque solum perfectorum animalium generationem virtuti superiori acceptam fert Minadous, sed & pediculorum. Et si enim Galenus ad cicadum, pediculorum, pulicum, similiùque animal

animalculorum generationem conuersus vix, imò ne vix quidem, aufit, illorum generationem, formationemque huic diuinæ formatrici virtuti adscribere, haud intelligens, quonam pacto tam præstans & tam nobile agens ad vilia hæc opera sine suæ maiestatis læsione queat descendere: tamen satius esse putat, statuere, etiam horum animalculorum generationi eandem mentem, quæ grandioribus animalibus gignendis præst, præficere, eamque communi quâdam prouidentia etiam minimarum rerum moderatricem constituere, neque æquum esse, putare, eam, noueræ ritu, rerum facto delectu, has quidem contemnere, soli fortunæ aut casui relinquendo, has verò, vt sibi proprias consecrari; cùm tamen illarum nulla sine opificis prouidentia atque consilio ad finem deduci, rectèque absolui queat.

Quæ etiam de fine sponte ortorum viuientium supra, c. 4. dicta sunt, eadem hîc locum habent.

Hoc præterea in genere obseruandum, de quo etiam supra, c. 2. in genere dictum, etsi animalcula & insecta ista ex corruptione plantarum & animalium generantur: tamen pleraque postea oua, seu ouis quid simile parere, vnde eiusdem generis animalia plura suo tempore proueniunt, vt postea in specie dicetur.

Animalia sponte nata generant.

Differentias autem horum animalium secundum rerum, è quibus nascuntur, varietatem proponere libet. Primò, quod mirandum, in ipso igne, in Cypro Insula, in ærariis fornacibus, bestiolæ generantur pennatæ, paulò muscis maioribus grandiores, quæ per ignem volitant, & saliant, emouentur verò, vbi ab igne amouentur, vt Aristoteles,

Differentia animalium sponte ortorum.

*Pyrausta
in igne
nascun-
tur.*

*Vade ge-
nerentur.*

5. *de hist. animal. cap. 19.* Plinius, *lib. 11. ca. 36.* Sene-
ca, *li. 5. quest. natural. cap. 6.* Iul. Cæs. Scalig. *exerc.*
23. atque alij fide digni, imò oculati testes refe-
runt. Non autem ab igne, vel in igne generantur.
Purum enim & simplex elementum viuum ani-
mal producere non potest. Fortu. Licetus, *li. 3.*
de spont. viu. ort. cap. 38. putat, pyraustas nasci è fu-
mis ex lignorum, maximè viridium, combustionè
surgentibus. Verùm cùm ligna passim comburan-
tur, & nihil tale accidat, sed saltem in Cypriis
ærariis fornacibus hæc animalia reperiantur, etiam
causam iis fornacibus propriam & peculiarem
esse oportet. Innuere autem eam videtur Aristo-
teles, dum scribit, in ærariis fornacibus pyraustas
generari, vbi chalcitis lapis ingestus pluribus die-
bus crematur. Excoquitur autem æs in Cypro ex
venâ propria, quam Aristoteles hic lapidem, Ga-
lenus aliquando lapidem, aliquando terram no-
minat, quod nimirum dura sit, vt lapis, sed friabilis,
ac, dum vritur, bullas excitet. Ideoque proculdu-
bio terram aliquam humore diluta lapis ille in se
continet, in quo humore sine dubio forma est,
quæ postea caloris vi actuatur, & excitata hoc ani-
mal generat; sicut in furnis aliàs è limo grylli nas-
cuntur. Et ab omnibus aliis animalibus, quæ spõ-
te nascuntur, diuersam habent pyraustæ materiam;
siccissimam nimirum fuliginem ex adusta materia
eleuatam & fornacum parietibus adhaerentem, in
qua forma latet, quæ calidissimo calore ad forma-
tionem disponitur, à frigore verò perit.

*Animalia
in niue
nascuntur.*

In niue quoque animalia nasci, docet Aristote-
les, 5. *de histor. animal. cap. 19.* Quin etiam, *inquit*, in
iis, quæ putredinem nullam recipere posse existi-
mantur,

mantur, nasci animalia nouimus, vt vermes in niue vetustiore, qui hirti sunt pilis & rubidi; quoniam & ipsa nix vetustate rubescit. Sed in niue mediæ terræ candidi & grandiores inueniuntur: torpent omnes, ac difficulter nouentur. Quod etiam habetur apud eundem, 2. *de plant. cap. 1.* Et Plinius *lib. 1. cap. 35.* scribit. Et in niue candidi, & vetustiore vermiculi reperiuntur; in media quidem altitudine rutili (nam & ipsa nix vetustate rubescit) hirti pilis, grandiores, torpentesque. Et Olaus Magnus, *lib. 2. de hist. septentr. region. cap. 8.* sic ait: In vastissimis Islandiæ solitudinibus, præsertim sub iuniperis, & maximis palearum aceruis, etsi Sol ardeat in Leone, seruaturnix, in qua æstiuo tempore vinum & cereuisiam detinent, quicumque tunc cum luxu bibere cupiunt, nemo tamen vino permiscet, aut cereuisiæ niuem, ob illius visciditatem ac impuritatem. Inueniuntur enim vermes ac teredines in ea, perinde ac in pannis laneis malè custoditis.

Equidem Mercurialis hoc planè in dubium vocat, *lib. 3. variar. lect. cap. 4.* ideo quod ad animalium generationem calor requiratur, qui in niue abest, & quod à niue bestiolæ in terra frugibus nocentes enecantur. Si verò qui vermiculi in niue conspiciantur, eos è terra emerxisse niuibúsque se admiscuisse putat. Verùm hæc non sufficiunt, vt ideo tot Doctorum virorum testimonia reiiciamus. Etenim in niue non omnis calor abest. Etsi enim nix ex sua natura sit frigidissima: aliunde tamen calorem, à Sole puta, & terra accipere potest; & imprimis è terra multæ calidæ exhalationes emergunt, quas nix in se coercet. Vndæ agricolæ

tempore hiberno satis niuem optant ; cum experientia ipsos docuerit, à frigore aëris hiberni facilius fata lædi, si niue non tegantur, quàm si eâ obtegantur, non quòd ipsa nix fata calefaciat, sed quòd exhalationes è terra emergentes coërcet & detinet, ipsùmque aëris frigus coërcet, ne ad fata tam facile penetret.

*Vermes
in niue
quomodo
generantur.*

Generantur autem hi vermes in niue, non quatenus simpliciter nix seu pluuia frigore concreta, sed quatenus niuibus pulueres, succi, vel excrementa plantarum aut animalium ad talia animalcula producenda disposita admisceantur ; & tum eodem modo ex niuibus vermes generantur, quo ex pluuia, de quo postea. Deinde eadem exhalationes & atomi è terra, quibus ea scatet, sub niuibus iacente adscendere ; niuibusque misceri possunt. Imò & pulueres, eiusmodi animalium rudimenta continentes, vi ventorum aliunde apportari, & ventis admisceri possunt ; id quod in niue vetusta potissimum accidit. Hæc autem materia, quocunque etiam modo niuibus admisceatur, vbi postea calore ambientis, partim à sole, partim à vaporibus calidis è terra exhalantibus concitato, fouetur, latens in ea forma sese exserit, & vermes producit. Rarò autem hoc accidit in superficie niuium, cum calor ille è terra exhalans ad excitandam formam necessarius vix eò pertingat, nec ibi diutius esse possit, cum à ventis frigidis facile dissipetur.

*E pluuiis, rore,
& nebulis.*

Ex pluuiis verò, rore, & nebulis, in plantis, in quas decidunt, animalcula varia nasci, agricolis notissimum est, experiunturque id ij sæpe magno suo malo. Nam ex terra solis calore in aërem sursum ferun

tèruntur exhalationes & vapores ex omnis generis corporibus sublunaribus : in quibus cùm sint atomi, in sè formas ad eiusmodi animalcula producenda aptas continentes, aut ζωοποιὸς φύσις, vt Theophrastus loquitur, vbi à calore ambientis fouentur, & eam materiæ dispositionem, quæ ad operationes edendas necessaria est, acquirunt, varij generis vermes procreantur. Et quidem vermiculi illi generantur vel in plantis ipsis, arboribus nimirum & herbis. vnde interdum post pluuias, præsertim minutas illas, quas *ψαράδες* nominant, quæ cælo aliàs sereno decidunt, nebulas, rorem, magna erucarum, & huiusmodi vermiculorum copia emergit; vel, vt nonnulli putant, in ipso aëre.

Observatum enim etiam animalcula cum pluuiis decidisse. Ita Olaus Magnus, *de hist. Septen. li. 18. c. 16.* scribit: Nô solum *inquit*, in Norduegia, sed etiam in Helsingia, & in multis aliis prouinciis Diæcesis Vpsalensis, quædam bestiolæ quadrupedes, Lemnar, aut Lemnus appellata, magnitudine muris, pelle variegatâ, cum imbre de cælo cadunt; & vnde veniant, adhuc est incompertum, an ab insulis propinquis, an à remotis ibi à ventis delatæ, an potius in nubibus natæ sint. Hoc tamen compertum est, eas statim ad terram delapsas dissecctas, inuentas fuisse, habentes in stomacho herbas crudas, nondum digestas. Hæ cadentes locustarum instar, in maxima copia vniuersam destruit stirpiem viriditatem, inficiuntque quicquid ore contingunt, viuuntque vsque dum gustant herbam nascentem, & simul eunt hirundinum volantium more; sed statuto tempore moriuntur

Animalia cum pluuiis delapsa.

Lemnar Norduegia animal.

Animalia nō generantur in aëre.

Lemmer Norduegia.

magna multitudine, maiori terræ infectione, & maxima aëris concussione, qui pestilens fit; unde homines vertigine ac ictericiâ corripuntur. *Hæc ille.* Verum vix credibile est, animalia in ipso aëre generari posse. Sit enim, ut ex aëre animalia deciderint: tamē, an in eo generata fuerint, dubium; cum ventus & turbines multa ex terreno globo in aërem eleuare queant, quæ originem suam non aëri, sed terræ debent. Et cum varia sint animalia alata, æstiuo tempore in aëre volitâtia, si ea imbre confestim defluente corripuntur, vel grauitate guttarum maiorum deliciuntur, vel illorum alis humectatis in volatu impediuntur, decidere cum pluuiâ possunt, licet in aëre generata nō sint. Neque enim probabile est, in aëre gigni posse. Nam cū animalia omnia grauiâ sint, & non, nisi vel saltu, vel volatu eleuentur in aërem, vel alio modo in eo detineantur, pōdere suo omnia ad terræ superficiem tendant, & in ea quiescant, in eo generari non possunt. Etenim partium conformatio, quæ generationem comitatur, cum non fiat in instanti; sed successu temporis; animal nondum perfectè conformatū; ut volatu sese sustentare possit, in aëre detineri nequit, & propterea rude atque imperfectum decideret. Et imprimis animal illud grandiusculum, Lemmer, quod attinet, existimat equidem Fortun. Licetus, *lib. 3. de spont. viu. ortu cap. 40.* illud è nubibus putridis, seu potius ex vaporibus putridorum cadauerum sursum sublatis generatum, & in Norduegiam vi ventorum delatum fuisse. Verum nubes ita putrescere posse, ut ex iis animalia generentur, cum sint corpora rara, aut vapores à cadaueribus, qui in regionibus

iis frigidis pauciores attolluntur, in altum sublato ibi, in loco frigido, putrescere, & in animal mutari potuisse, non probabile est; sed credibile, in Insula, vel loco aliquo vicino incognito, (ut sunt multa loca ibi incognita) genitum fuisse, & vi ventorum, ut locustas, in Nordvegiam delatum. Quod vel illud testatur, quod, ubi statim in terram delapsa dissecta fuerunt animalia ista, habuerunt in stomacho herbas citrudas, non digestas, quas procul dubio alibi, non in nubibus, deuorauerunt.

In aquis, & præcipuè stagnantibus, varia animalcula etiam nasci, experientia testatur. De Tipulis scribit Aristoteles, lib. 5. de histor. animal. c. 19. Tipulæ ferè in puteis, & ubicunque aqua se colligit, terrenâ subsistente concretione, oriuntur. Fit, ut principio sæx ipsa putrescens colorem candicantem trahat, mox nigricantem, postremò cruentum. Talis cum fuerit minutissima quædam & rubra specie algulæ prodeunt: quæ ad tempus hærentia suæ origini mouentur, deinde absoluuntur, itaque feruntur per aquam tipulæ nuncupatæ: tum paucis post diebus erigunt se super aqua duræ, atque immobiles; mox disrupto putamine, culex emergit, ac insidet, donec vel Sole vel flatu moueatur, & volet. Araneas etiam & alia animalcula varia in aquis passim tempore æstiuo reperiuntur.

Generatio autem animalium, quæ in aquis fit, non est vniuersimodi. Quædam enim etsi sponte generari videantur: tamen propriè sponte non nascuntur, sed ex semine & animalibus eiusdem speciei, ut ranæ. Nam sicut pisces sua oua in

D d 5 aquam

In aquis
nata ani-
malia.
Tipulæ.

Animalium in
aquis generatio
varia.

aquam emittunt , quæ postea in pisces eiusdem speciei abeunt: ita & ranæ , & similia animalcula ignobilia , sua semina in aquam emittunt , quæ postea calore solis fouentur & excitantur. Deinde in aquis ex succis & excrementis animalium & plantarum dum eæ corrumpuntur varia animalium genera nascuntur ; quæ cum non sint eiusdem speciei cum iis , è quibus generantur , rectè sponte nasci dicuntur , & eadem est eorum generatio , quæ animalium è cadaueribus & plantis corruptis genitorum.

*E terra
nata ani-
malia.*

E terrâ etiam animalia plurima nascuntur. Verùm non purâ terrâ , sed limosâ & lutosâ. Ranas è terreno pulvere æstiuis humectato pluuiis nasci , notissimum est. Et alibi quoque è terra ranæ nascuntur , de quo Ouidius :

Semina limus habet, virides generantia ranas.

Pulices quoque è terra tempore verno , vbi pluuiæ defunt , generantur , quæ plantas tenellas & lupuli germina prima depascuntur , quas Germani appellât [Croftohe.] Lumbricos in terra nasci , præcipuè sub fimo , vulgò etiam notissimum. Præcipuè autem post Nili inundationes varia animalium genera è terra oriuntur , de quo Ouidius , Metamorp. 1.

Sic vbi deseruit madidis septemfluvius agros

Nilus, & antiquo sua flumina reddidit aluè.

Æthereoque recens exarsit sidere limus,

Plurima cultores versis animalia glebis

Inueniant, & in his quadâ modo cæpta per ipsû

Nascendi spatium, quadam imperfecta, suisque

Trunca vident humeris; & eodem corpore sæpe

Altera pars vivit, rudis est pars altera tellus.

Pisces

Pisces è terra effodi, etiam vbi nullæ restagnant aquæ, tradit Aristoteles, *de admiranda auscult.* *Pisces fossiles.* c. 69. 70. 71. Strabo, *lib. 4.* Plinius, *lib. 9. c. 57.* vt & Theophrastus, *lib. de piscibus*, vbi scribit: Verum præter hæc peculiaris naturæ est, disputationeque opus habet, quod habent fossiles in Paphlagonia pisces. Effodi n. & multos & bonos ex profundioribus locis perhibent: ea verò loca neque aquarum habere stagna, neque etiam irrigari fluuiis; vn. de & oua, & ortûs principia relinqui superius dicebamus; vt reliquum sit, sponte eos gigni idque frequenter: coire enim nequeunt: Quod si ita est, statuendum etiam illud erit, locum illud quasi humidum & genitabilem esse ad horum procreationem idoneum, quod caloris & humoris commodatam missionem habeat; aut intelligere oportet humorem aliunde deriuari, quo genituræ ferantur principia, locum autem aptum natum esse, vt ideo & recipiat & alat. Nam penè alienum ab his quidquam adferre vix possumus. Et noti sunt illi pisces, quos nostri [Peikter] nominant, nonnulli Mustelas fossiles, quos describit Georgius Agricola, *in lib. de animal. subterr.* qui verè sunt pisces fossiles. In locis enim paludosis & limosis, vbi tempore æstiuo aqua, quæ hyeme collecta fuit, exsiccata, è terra limosa effodiuntur. Et de anguillis ferunt, vt est apud Aristotelem, *lib. 6. de hist. animal. cap. 16.* quod neque per coitum procreantur, nec oua pariunt, nec capta vnquam aliqua est. quæ aut semen genitale, aut oua haberet, aut meatus vel semini, vel vuluæ accommodatos; & quod in nonnullis sæculentis stagnis aquâ omni

*Anguilla
ortus.*

exhaustâ, & limo detracto anguillæ denuò generantur; vbi accesserit pluuiâ. Verùm non crediderim, anguillas omni seminali principio destitui; cùm non solùm in fæculentis stagnis, sed in fluuiis capiantur, & in cænosis locis credibile est, eas, quæ capiuntur, relinquere aliquid seminale, è qua postea aliæ generentur: putantque nonnulli, anguillas ex mucosa materia, de anguillæ veteris mucosâ superficie instar seneclæ anguis defluente, generari. De quo etiam Scalliger, *exerc.* 15. scribit, quòd anguillæ in se nihil, extra se limum quendam mutuo complexu conficere credantur, vnde proles conformetur foris.

*Ostrearũ
orsus.*

Ostreæ etiam & testacea omnia è limo nascuntur, de quibus Oppianus, *de piscibus*, lib. 1. ita scribit:

ἔσι δ' ὅς' ἔτε γάμοισι συτέυται, ἔτε γονῆσι
τέκνεται, αὐτοῖσι λεία, καὶ αὐτοῖσι ῥέκτα γενέθλα
ὄσρεα μὲν σύμπαντα τάτ' ἰκνύειται αὐτῇ
κέρων δ' ἔτε τι θηλυπέλα, γένθ', ἔδ' ἐπαμοιβῆς
ἄρσενος, ἀνὸς ὁμόφυλα ἔϊμελα πάντα τέκνυται
ὥς δ' ἔκ' ἡπεδανῆς ἀφύης ὀλιγνηπέλας ἔδνθ'.

Id est: *Qui non concumbunt, nec factus nixibus edunt,*

*Per se nascuntur, sædo velut ostrea cæno:
Est non distincto semper leuis ostrea sexu,
Hos inter pisces nec mas nec fœmina nota.*

Testantur tamen nonnulli & cocleas coire, sèque vidisse cochleas coniunctas, & sibi coherentes, spumamque mucilaginosam emisisse, quæ post vnâ atque alterâ diem in cochleæ formam mutata fuerit. Neque absurdum est,

VITO

utroq; modo generati possit, cumq; spontè generatæ fuere pleræq; postea etiâ per coitû propagari.

Viticæ, præterea, purpuræ, vngues, & omnia, quæ terræ infixæ hærent, sponte nasci videntur, & feruntur à Licio, *lib. 3. de spont. vin. ortu, cap. 35.* Cum enim sedibus suis fixæ adhæreant, nullus inter ea sit coitus, neque etiam plantarum more semen edere videntur. Verùm dubitari de hoc potest. Etsi enim sexum non habent, tamen semen habere possunt, cum sint ζωόφυτα, & ex parte ad plantas pertineant, in quibus sexus etiam propriè non est, & propterea absurdum non est, ea semen posse emittere, quod scopulis adhærens in corpus generanti simile formetur; quocumque etiam modo illa seminis emissio fiat, seu per semen propriè dictum, aut aliud quid semini analogum.

Cum autem tot animalia è terra nascantur, rectè omnino dixit Aristoteles, omnia quodammodò animarum plena esse. Vbi enim ferè reperiuntur minima corpuscula, ab animalium corporibus decisa, in quibus inest anima, sed latens, neque animæ actum secundum exercens. Etenim ignobiliora illa animalia semen, ut perfectæ animalia, non emittunt, sed principium seminale, ut in plantis quibusdam per totum corpus dispersum. Vnde non mirum, ut talium animalium corpora resoluta seminis instar sese habeant, & postea idoneum locum nacta, animalia iterum producant. Agnouit hoc Plinius, qui *lib. 9. c. 51.* de ranis ita scribit: Mirum, inquit, semestri vitâ resoluuntur in limû nullo cernente, & rursû vernis aquis renascuntur, quæ fuere natæ perinde . ocul

occultâ ratione, cum omnibus annis id eueniat.

Nascuntur & animalia è plantis varia, & quidem alia è plantis viuentibus adhuc, alia ex emortuis: non tam. n. ex qualibet planta quilibet vermis generatur, sed ex certis certi; sicut neque ex animalium cadaueribus omnibus eiusdem generis vermes proueniunt, sed ex his hi, ex aliis alij, videntúrque talium insectorum formæ plantarum & animalium formis subordinari. Quod etiam docet Scaliger, *exerc. 59. sect. 2. & exerc. 190.* Quæ autem ex quibus generentur, postea in specie patebit. Qua de re multa egregia & lectu digna, 5. *hist. animal. in primis c. 19.* habet Aristoteles, vbi generatim docet, ex plantis vermes & erucas, ex his chrysalides, ex istis papiliones, aliáque alata animalia nasci. Non enim tantum papiliones, sed alia etiam animalia *πτερόεα* ex plantis nascuntur, muscæ, scarabæi & alia huius generis. De muscarum spontaneo ortu scribit Vlysses Aldrouandus, *lib. 3. de insectis, cap. 1.* Sunt, qui rêtur, partim ex fructibus corruptis, & animalium cadaueribus, partim ex corruptione aëris fieri, vt declarat Ouidius, *lib. 5. Metam.* præcipuam tamen materiam earum terram esse. Ego sicut ex quacunque ferè putri materia muscas, & animalium etiam cadaueribus, oriri posse non renuo: ita ex animalium, non secus ac ex taurorum carne putrescente, ceu re maximè aptâ apes erumpere, supra docui; plerumque tamen ex plantis eas generari existimo, atque ipse eius exemplum obseruaui. Cùm enim ante aliquot annos tempore hiberno, deficientibus herbis virentibus aliis, brassicam rubram contudissem, & in hypocausto,

donec

*Muscarum
ortus.*

donec vermes inde generarentur, adseruassem, vermes inde facti in chrysalides mutati fuere, quos cum in arcula clausos seruarem, eamque postea aperirem, paruorum muscarum cohors erupit, quæ muscæ ex chrysalidibus seu aureliis natæ fuere, & ex putamine abrupto prorupere.

Sed ut ad speciem veniamus. Primò quidem è *E fungis*
 fungis, qui infimus plantarum gradus est, vermes *vermes.*
 nasci, notissimum est. De quorum generatione
 disputat Fortunius Licetus, *lib. 3. de spont. viu. ort.*
cap. 44. existimâtque, non posse ab anima fungi
 eos produci, utpote quæ sit in vegetabilium ge-
 nere infimo, nec possit supra vires suas agere, &
 procreare animam sentientem, vegetabili nobilio-
 rem. Atq; eadem de causa etiam fungi animâ in
 sentientem transmutari non posse. Ipse verò statuit,
 ex fungis nasci vermes, quia in substantia tuberis ac
 fungi multa cõtineantur corpuscula ex animalium
 corporibus, seu viuis, seu mortuis egressa, in qui-
 bus corpusculis pristinae sentientis animæ potio
 velut in vase resideat, quæ emarcescente fungo, &
 calore ambientis dispositiones ad vitam necessa-
 rias adepra, sponte animetur in vermiculis. Verùm
 opinio hæc Liceti sæpius iam proposita & exami-
 nata est. Hoc loco in ea primò hoc dubiũ occurrit,
 an vermiculi illi, quia sunt ex animalium genere,
 simpliciter plâtis nobiliores sint: quod necessariũ
 non videtur. Neque enim Creator vermes istos
 primitus intendit & creauit, sed plantas, ut supra,
cap. 4. de fine talium diximus. Deinde sæpius iam
 dictum, esse *μεγα λιν αιτημα*, quod forma ani-
 malium nobiliorum in vermium ignobiliorum
 formas mutetur. Præterea fungi sæpe nascuntur
 in

in arboribus & sub arboribus, in tyluis, in quibus aliquod cadauer animalium fuisse vix credibile. Et quidem singulis annis nascuntur, & licet forsitan excrementa sua deposuerint eò loci animalia, in iis tamen anima animalis non fuit.

*E plantis
vini vermes.*

Deinde è variis plantis perfectioribus viuis vermes nascuntur Plinius, *lib. 13. cap. 6.* scribit: Terebinthum ferre folliculos emittentes quædam animalia ceu culices. Et Iul. Cæs. Scaliger, *exerc. 59. sect. . .* Neque solum in ipsis fructibus, quales in tritico sunt gurguliones, in nucibus vermiculi, in aliis aliæ bestiolæ, de quibus Theophrastus; sed vt è folliculis lentisci, quos fert, præter baccas, oblongiusculas, facie siliquarum: vt non sine consilio naturæ apparati esse videantur quasi futuræ matrices primò, mox etiam domicilia illorum volucellorum. Sicut in vlmorum quoque vesicellis non absimiles iis. Quapropter Arabes arborem cimum vlmum appellarunt. Sic è medulla cardui fullonij, cum maturuerit, vermiculus fit: de quo non falsò prodidit ad quartanas remedium Discorides. Tales fert etiam Terebinthus, in quibus liquor & culices. In auellanis, cerasis pomis, & prunis vermes nasci, notissimum est. In foliis quercus parua poma instar gallarum nascuntur, in quibus circa autumnus initium vel vermiculus, vel musca, vel araneus reperitur: quorum singula sequentis proximi anni putantur esse præsagia, & vermiculus fertilitatem, musca annonæ caritatem, aranea vestem præsagire creditur. In rosis sylvestribus nascuntur poma villosa, seu spögiæ rosarum dictæ, quæ intus vermiculum habent. Summa, vt rectè Iulius Cæs. Scaliger,

apud

apud Theophrastum, loquitur, vermis in sua quique nascitur arbore vel planta.

Imprimis verò è plantis viuentibus variæ erucarum, & ex his papilionum genera enascuntur. Erucarum
& papilionum
generatio.
Et erucarum quidem ferè centum species depingit Vlysses Aldrouandus, *lib. 2. de Insectis, cap. 4.* Papilionum verò plures, quàm centum, *ibidem cap. 1.* Quod verò supra in genere dictum, etiam de erucis verum, quod ex suis quæque plantis nascuntur. Id quod etiam suâ experientiâ confirmat Fabius Columna, *in obseruat. libr. minus cognit. & rariorum stirpium additâ pag. 87.* vbi habet, quòd non solum è certis plantis erucæ & certa animalcula nascuntur, sed & quòd eruca ex vno plantarum genere enata non depascitur aliud genus, sed proprium: vt, si in vna rutæ planta sit nata eruca, aliarum rutæ similium folia depascetur, non autem aliarum nomine rutæ, vt Caprariæ, & Caninæ dictæ à recentioribus, vel alterius plantæ folia, nisi eiusdem sit qualitat. Quæ verò nascuntur in raphano raphani folia, non alterius generis folia erodunt, nisi fortè eiusdem generis sit planta, vt putamus erodere posse, veluti brassicæ, rapæ, napi, & similibus. Ex qua etiam obseruatione pabuli erucarum similitudinem qualitatum plantarum crosarum quemuis assequi posse centemus. Bombyces quidem, ex quibus sericum, rubi, & mori folia depasci scimus, nostrates quidem, cum adhuc exigui sunt vermiculi, rubi folia depascenda imponunt, deinde grandiores effecti, nigri mori folia, quæ eiusdem naturæ cum rubi foliis esse non ambigitur, adstringunt, & tingunt ambo, vt etiam

chrysalide nascitur, chrysalis ex eruca, eruca ex ovis papilionum; quorum finis est, non erucas aut chrysalides, sed alios papiliones procreare. Aristotelem verò reprehendi, quòd illud, quòd consistit in folio, papilionum semen esse non animaduerterit; præterea non intellexerit, vermiculos illos, quamprimùm erumpunt ex ovis, erunculas esse: Verùm enim verò, etsi negandum non sit, quasdam erucas ex papilionum semine nasci, (quod an Aristoteli planè ignotum fuerit, dubito) & illud ipsum, quod grano milij minus in plantarum foliis apparet, semen papilionis esse: tamen de hoc quæstio iam est; an papiliones solùm ex semine, an verò etiam sponte nascantur: cùm certum sit plurima animalia sponte nata semen generare. Vermes verò tales & erucas è rore & pluuiis in plantas decidentibus generari, experientia docet. Tempore enim verno plerumque hoc modo erucæ generantur, antequam apparent papiliones, ac propterea cùm erucæ illæ præcedant papiliones, illas non ex papilionis semine, sed ex plantis corruptis generatas fuisse, indicio est. Id quod ipse concedere necesse habet Aldrouandus, dum postea refert, erucas eas, quæ in papiliones commutantur, non omnes ex papilionum ovis, sed quasdam etiam ex plantarum corruptione generari. Idque etiam testatur experientia, quâ constat, frequentissimè ex plantarum corruptione erucas, ex his papiliones nasci, qui ova pariunt, è quibus rursus erucæ, & ex his iterum papiliones nascuntur. Eodem in loco Aldrouandus negat, papiliones omnes nasci ex erucis, sed quosdam è

vermibus fieri statuit, scribitque, frumentum, si humidius fuerit, vermes producere, hos chrysalides, ex quibus papilioes. Exire etiam se vidisse scribit papilioes ex arborum, maximè salicum, cauis, suo vix ipolio denudatos papilioes. Verùm de hoc ipso dispiciendum an non illi ipsi vermes crucæ fuerint, quod credibile est, quæ postea mutatae fuerint in chrysalides, & hæ in papilioes. Neque crucæ eiusdem generis sunt, sed aliæ fiunt è plantis viuentibus, a iæ è frumento, aliæ è lignis. Et omnino crucæ illæ, è quibus bombyces, non eandem figuram retinent, sed quater pellem mutant. De qua re videatur Libanius, *lib. 1. bombycior.* qui diligentissimè hac de re scripsit. Hoc generale est, omnes illos vermiculos, qui lanugine se abscondunt, vel foliis arborum inuolunt, post aliquot formarum externarum mutationes in volucre quoddam animal transmutari, ei simile, à quo ova fuere edita.

Observaui & hoc in crucis in nasturtio Indico, quod frequenter depascere solent, in vitro asseruatis, quod ex earum ventre viua animalcula prodierunt, quæ tamen paulò post mortua sunt, procul dubio sequenti vere reuictura, ipsæ verò etiam crucæ mortuæ sunt, nec ex iis papilioes facti. In quo me confirmavit id, quod Aldrouandus, *de Insectis, lib. 4. cap. 1.* refert, eos, qui de mirabilibus noui orbis scripserunt, tradere de formicis, quòd à parentis iam defuncti corpore fiant innumeri vermiculi, eosque miro modo viuere, donec ex habitaculis subterraneis iam allati erumpant: quanquam viuentes adhuc parentes aliquando etiam pariant.

E plantarum, seu viuarum, seu aridarum corruptione etiam culices generari putamus. Et si enim ex aquis & aceto culices generantur: tamen id accidit, quia plantarum seu partes, seu succos in se continent. Nam licet, ut est, apud Aristotelem, *de histor. animal. lib. 5. cap. 19.* etiam ex aqua generentur, præcipuè stagnante: tamen in iis multa è plantarum corruptione generari, dubium non est. Et qui ex acido humore generantur, eos *κύνωπας* appellat Aristoteles, & de his refert Plinius, *lib. 9. cap. 51.* quòd ex acedente humore generentur, & *lib. 10. cap. 70.* quòd acida petant, ad dulcia non aduolent. Sed ipsi tamè non ex acido humore proximè gignuntur, sed è verme, qui ex acedente humore gignitur. Ut ita omnium istorum volatilium è sui generis vermicibus sua origo sit.

In specie ex caprifico culices nascuntur, de quo Aristoteles, *2. histor. animal. cap. 32.* Ficarios culices caprificus generat suis pomis: fit primum vermiculus, mox ruptâ cute euolat culex, mutatâque sede petit ficus immaturas, quibus sese insinuans, facit ne decendant. Theophrastus, *2. de caus. plantarum*, è granis gigni addit, cuius indicium est, quòd, posteaquam euolauerunt, grana ficibus nulla penitus insunt. Euolat enim ex parte pennam aut pedem relinquentes in pomo. Quod confirmat Plinius, *lib. 17. cap. 27.*

Eorum, quæ è viucentibus plantis oriuntur, quadruplicem ortum statuit Fort. Licetus, *lib. 3. de spontan. viucent. ort. cap. 46.* Primum fieri statuit ex plantarum excrementis. Cum enim stirpes alantur succo terreno, cui fimi & multiplicis substantiæ

Animaliū è viucentibus plantis quadruplex ortus se-

cundum portio, quæ de animalium seu viuorum, seu mor-
Licetum. tuorum corporibus effluxit, permixta fit; in ea
Primus. substantia pristinae sentientis animæ aliquam por-
tionem contineri statuit, eamque materiam ad
nutricatum plantæ superabundantem ad flores, aut
fructus, aut frondes, aut cortices, aut alio defer-
ri, quæ ubi cum calore ambientis coquatur, & ad
vitam necessarias dispositiones acquirat, statim
animam, quæ in ea latebat, sese exserere, & mo-
dò erucam, modò gurgulionem, modò tineam,
modò vermem, modò anserem, modò anatem,
modò aliud animal nasci. Verum hic modus vix
rationi consentaneus videtur; præcipuè ut anse-
res & anates hoc modo nascantur. Non enim
credibile est, talium animalium perfectiorum
animas in tot mutationibus integras manere pos-
se, ut postea in floribus & fructibus plantarum
sese exserant. Et si hoc modo nascerentur ani-
malia è plantis viuis, multò frequentius id acci-
deret, & in omnibus id accideret, & ex eadem
planta varia animalcula nascerentur, cum in fi-
mo variæ portiones, ex variis animalium corrup-
tis cadaueribus resolutæ, insint. Minus etiam
accuratè loquitur, dum scribit, sentientis animæ
aliquam portionem ex animalibus in plantis re-
manere. Neque enim sentiens anima vllum ani-
mal in specie sua constituit, habetque quodli-
bet animal, v. g. leo, bos, anser, lepus non so-
lùm sentientem, sed suam etiam specificam, ab
animalium aliorum omnium animalibus differen-
tem, animam.

Secundus. Secundum modum ponit ex atomis, quæ ab
animalium corporibus deflexerunt, in aëre voli-
tan

tātibus, plantarū substāriæ impactis, torisq; glutine adhærescentibus, & intra porosam materiam, aut lanuginosam corpulentiam adactis, quæ temporis opportunitate ab ambientis coctione digestæ, & ad vitam denuo apparatus, animentur in erucas, phalangia, cantharides, anseres, & id genus animalia alia. Verūm neque hic modus probabilis est, nisi limitetur. Anseres enim ex atomis in aëre volitantibus, & plantis adhærescentibus, ut inauditum, ita etiam impossibile esse, cuius patet. Hoc verò concedimus, cum pluviis & rore materiam in plantas incidere, illisque adhærescere, è qua erucæ generentur, ut alia eiusmodi insecta. Imò nec hoc negamus, atomos in quibus semina eiusmodi vermium hærent, cum pluvia vel rore in plantas decidere posse: non tamen hoc semper opus esse putamus, cum plantarum & animalium excrementa, partésque corruptæ hanc potentiam habeant, & seminalia horum animalculorum principia cum rore & pluviis plantis impingantur.

Tertium modum ponit, cum eiusdem generis, *Tertium* atomi seu succi animalium corporibus quocumq; modo elapsi, & stirpi à terra communicati, à calore ambientis excitantur & viuificantur. Verūm nec, ut hoc fiat, opus est, sed ipsæ plantarum partes, si corrumpantur, in talia animalcula abire possunt. Et si hoc modo è viuentibus plantis animalia nascerentur, longè plura generarentur, cum tamen certa è certis nascantur.

Quantum modum constituit eorum proprium, *Quartum* quæ in aquis nascuntur, cum scilicet ex animalium succis, atomis, vel excrementis aquæ commistis,

ac stirpium substantiæ in aquam demissæ adhærescentibus animalia gignuntur.

*Diomodi
generatio.
nis ani-
malium è
plātis vi-
uentibus.*

Quapropter duo modi omnino sufficiunt. Primus est, vbi ex plantarum partibus corruptis animalia nascuntur, quo modo pityocampæ è pini corticibus corruptis oriuntur. Alter est cum atomi formas talium animalium continētes cum rore vel pluuiā in plantas decidūt; quod frequētissimè accidit cum guttæ exiguæ & raræ, quæ *ψικαδες* nominantur, Sole claro decidunt. His enim non solum folia plantarum corrumpi, sed ex pluuiā ista animalcula in iis nasci, agricolis notissimum est.

Animalia è plātis mortuis.

E plantis etiam aridis & emortuis animalia nascuntur, & blattas, tineas, teredines, cossos, & varia vermium genera in erosis lignis nasci, & reperiri, vulgò notissimum est. Aristoteles, 5. *de hist. anim. cap. 19*. Scarabæos, scribit, tauros gigni ex vermibus, qui in lignis aridis nascuntur, & *ibidem cap. 32*. refert, animalium omnium minimum, Acari dictum, non solum in cera vetusta, sed & in ligno candido nasci.

*Ξυλόφθο-
ρος.*

Ad animalia, quæ è lignis corruptis nascuntur, pertinet & vermiculus, quem *Ξυλόφθορον* nominant, quémque Aristoteles, 5. *histor. animal. cap. 32*. describit. Hunc non alium esse arbitror, quàm illum, quem Germani nostri [*Stoetnourm*] appellant, quod ex lignis corruptis & caudicibus in aquis nascatur, qui vermiculus fluuiatilis est, & tempore verno cum gobiis fluuiatilibus capitur. Descripsisse autem potius videtur Aristoteles vermem illum, cum iam chrysalidis formam induit, quàm dum in aquis viuit. Idem

Aristo

Aristoteles, quid ex eo animalis alati fiat, nondum se expertum scribit. Verum mutari in insectū illud vulgò notum, quod Vlysses Aldrouandus, *lib. 2. de insectis, cap. 10.* Perlas nominat, Silesij [Schneider] Milnici [Bolken] vocant, experientia comprobat.

Cimices vnde generentur, dubium est. Plerique *Cimices* quidem è sordibus humanis generari existimant, & Aristoteles, *5. de histor. animal. cap. 3.* 1. inquit. Ex humore, qui per summa corporis animalium consistit, gignuntur. Verum si hoc ita se haberet, cur non in cute, capillis, vestibis generarentur, ut pediculi & pulices. Itaque vero magis consentaneum est, & experientia id testatur, eos generari in lectorum grabatis, & præsertim eorum rimulis, & in parietum lecto proximorum, lignis qui ipsorum proprius locus est. Et si alibi in stramine vel vestibis reperiuntur, è lectis eò prorepserunt. Concurrent tamen sordes aut vapores potius à dormientibus hominibus exhalantes, qui cum lignis adhærent, ut id corrumpatur, & hoc animalium genus in iis generetur, faciunt. Generantur autem præcipuè in lignis abiegna & populnis. Qua de re rectè (nisi quod in paleis etiam generari scribit) Iul. Cæs. Scaliger, *in lib. 2. de plantis.* Ligna quædam, ut abiegna, & paleas, habere illiusce speciei secum rudimenta naturalia.

De Anseribus Scoticis.

Huc referuntur & à nonnullis anseres Scotici, *Anseres* quos nonnulli è lignis putridis nasci scribunt. Ve- *Scotici.* rum cum de eo variæ sint authorum sententiæ, in specie de eo aliquid hic dicendum videtur. Plerique, ut dictum, non ex ouis excludi, sed in

E c s mari

*De eorum
ortu va-
ria sen-
tentia.*

mari nasci scribunt, è lignis putridis ; et si alij alijs in locis. Munsterus in orcadibus Insulis, alij in Scotia, alij in Hibernia, alij in Hebridibus Insulis, alij in quocunque mari, modò naues confectæ sint ex arboribus in Scotia natis, & propterea nōnulli non vni loco, natalem huius volucris adscribunt, sed toti illi tractui inter Scotiam & Orcades, & inter Hiberniam & Hebridas extenso. Deinde etiam de eo, vnde generentur discrepant. Quidam enim existimant, in Orcadibus Insulis supra amnium ripas esse arborem, quæ ferat fructum anatibus similem, qui cūm maturus est, decidat, & si in vndas cadat, mox animari & volucrem fieri, si verò in terram, putrescere. Alij ex lignis maiorum nauticarum in Oceano natantibus primò aliquid protrudi, scribunt, deinde ex alga (maritimo gramine, Vuier, dicto) illis lignis vna cum pice adhærente conchulas dependere, quæ temporis successu alas accipiant, & per aëra volent, aut in aquas decidant & natent. Alij nec è ligno putrido, nec in arboribus, sed è conchis quibusdam anseres hos nasci putant. Alij nullo horum modorum nasci, sed ex ouis, vt alios anseres, excludi existimant.

*Turneri
narratio.*

Verum ipsas autorum narrationes hâc de re adducere libet. Ex Turnero hæc affert Fortun. Licetus, lib. 3. de sponta. viu. ortu cap. 47. Prior Anser à nostris hodie Blanda & Bernida vocatur, & fero anser minor est ; pectore aliquousque nigro, cetero cinereo ; anserum ferorum more volat ; strepit, paludes frequentat, & segetes depopulatur. Caro huius paulò insuauior est, & dinitibus minus appetita. Nidum Bernida, aut ouum nemo vidit ;
nec

net nimirum : cum sine parentis operâ Bernicle ad hunc modum spontaneam habeant generationem.

Quum ad certum tempus malus navis in mari computruit, aut tabula, aut antenna abiegnâ, inde in principio veluti fungi erumpunt; in quibus temporis progressu manifestas avium figuras cernere licebit; deinde plumâ vestitas, postremo viuas & volantes. Hoc ne cui fabulosum esse videatur, præter commune omnium gentium littoralium Anglia, Hibernia, & Scotia testimonium, Gyraldus ille præclarus historiographus, qui multo felicius, quam pro suo tempore Hibernia historiam conscripsit, non aliam esse Berniclarum generationem testatur. Sed cum vulgò non satis tutum videretur fidere; & Gyraldo ob rei raritatem non satis crederem, dum hac quæ nunc scribo, meditarer, virum quendam, cuius mihi perspectissima integritas fidem merebatur, professione Theologum, natione Hibernum, nomine Octavianum consului, num Gyraldum hac in re fide dignum censeret, qui per ipsum iurans, quod profitebatur, Evangelium, respondit, verissimum esse, quod de generatione huius avis Gyraldus tradidit; seque rudes adhuc aves oculis vidisse, & manibus contrectasse; brevisque, si Londini mensem unum aut alterum manerem; aliquot rudes auiculas mihi aduectas curaturum. Berniclas igitur, siue Brantas ex putridis navium malis fungorum more nasci, minime fabulosum esse, doctorum & honestorum virorum oculata fides mihi persuasit. In Vuallia; quæ pars est Anglia, in Hibernia & Scotia aves ista adhuc rudes & implumes in litore, sed non sine forma certa & propria avis, passim inveniuntur.

Hector Boëtius, in descriptione regni Scotiæ, ita

de hac rescribit: Restat, inquit, ut de anseribus Scoti-
cis, quos Clachis appellant, quosque vulgò perperam
in arboribus nasci in his Insulis credunt, ea quæ huius
regni cognoscenda multo iam tempore studiosi, re di-
ligenter exploratâ perspectaque, cognovimus, differa-
mus. Mari enim illis interiecto mihi magis eos pro-
creandi vis quadam inesse videtur, quam alijs alicui
rei. Variis enim modis, semper tamen in mari, eos
provenire conspeximus. Etenim si lignum in id mare
proicias, temporis tractu primum in eo vermes ex
cauato ligno nascuntur, qui sensim formati capite, pe-
dibusque atque alis, plumas postremò edunt: demum
anseribus magnitudine aequales, cùm ad instam per-
venerunt atatem, cælum petunt avium aliarum mo-
re, remigio alarum per aëra delati. Id quod luce cla-
rius anno à partu virginis 1490. pluribus spectanti-
bus in Buthphania visum est. Nam cùm in eam ad
Pethslege castellum fluctibus huiusmodi quoddam li-
gnum ingens delatum esset, rei novitate, qui primi
conspexerant, admirabundi ad loci illius dominum
accurrentes, rem novam nunciant. Is adueniens tra-
bem ferrâ diuidi iubet. quo factò, ingens confestim ap-
paret multitudo, partim vermium, quorum alijs
adhuc rudēs erant, alijs membra quadam formata ha-
bebant, partim etiam iam formatarum perfectè
avium, inter quas quadam plumas habebant, quadam
implumes erant. Itaque rei miraculo stupefacti, iu-
bente Domino in templum Divi Andrea Tyra (pago
cuidam id nomen est) lignum deportant, ubi & ho-
die manet undique velut à vermibus perforatum.
Huius simile biennio post in Taum astu appulsum ad
Bruthe castellum, multis accurrentibus ostensum est.
Neque diversum est, quod exinde duobus rursus
annis

annis *Lethe*, portu *Edimburgensi* uniuerso populo spectare contigit. Ingens enim nauis, cui insigne, ac nomen *Christophori* erat, ubi tres perpetuos annos ad unam *Hebridam* in anchoris constitisset, huc rediit, atque in terram subducta exesis trabibus, quæ mari semper mersa fuerat, partim vermium huiusmodi rudium, perfectamue formam nondum habentium, partim iam absolutarum auium magnum numerum ostendit. Caterum cauillari quistiam possit, arborum illis in *Insulis* natarum truncis ac ramis virtutem hanc inesse: *Christophorum* quoque illum ex trabibus *Hebridianis* contextam fuisse. Itaque quod ipsemet septem abhinc annis vidi, haud grauior in medium adducere. *Alexander Gallonidianus*, *Kilkendensis* Ecclesia pastor, vir præter insignem probitatem rerum admirandarum studio incomparabilis, cum extractâ algâ marinâ inter caulem & ramos à radice statim usque ad cacumen conchas adnatas videret, rei nouitate attonitus, mox cognoscendi studio eas aperit, ubi multò magis quam antea obstupescit constitit. Non enim piscem in testis conclusum, sed dictum mirabile auem, & pro illius magnitudine testas quoque inauetas conspexit. Quibus enim parua inerant, & ipsæ quoque aperta eas pro quantitate amplectebantur. Itaque ad me ex templo, quem huiusmodi rerum cognoscendarum iam olim magna cupiditate detentum nouerat, celeriter accurrit, remque omnem mihi monstrat, non magis rei miraculo obstupescit, quam rei tanta ac tam inaudita conspectu lato. Has enim satis constare arbitror, non hæc procreandarum auium semina aut truncis, aut arborum inesse fructibus, sed ipsi Oceano, quem *Maro* & *Homerus* patrem rerum haud temerè appellauit.

appellauit. Verum quoniam id fieri videbant cadentibus in aquam arborum ad littus positarum pomis, ut temporis tractu ex illis ea apparerent volucres, in eam sententiam adducti sunt, ut poma illa in ipsas alites commutari arbitrarentur, sed falso. Nam tempore adnatis vi maris primum vermibus, atque iis sensim excrescentibus, vicissimque pomis illis humiditate corruptis, disparentibusque, non satis accuratè perspicientibus, ex illis in has transmutari formas visæ sunt. Hæc Hector Boëtius.

Iulius Cæsar Scaliger, exerc. 59. sect. 1. ita hac de re scribit: In Oceano Britannico magis mireris, ignotam vobis auem anatis facie rostro pendere de reliquiis putridis naufragiorum, quoad absoluat atque abeat, quasi tum sibi pisces, unde alatur. Hanc quoque vidimus nos. Vascones, Oceani accola, Crabans vocant illas, à Britonibus Bernachia appellantur. Et paulò post: Allata est Francisco Regi optimo maximo concha non admodum magna cum auicula intus penè perfecta alarum fastigiis, rostro, pedibus, harente extremis oris ostraci.

P. Pena
& M.
Lobelij.

Petrus Pena & Matihias Lobelius, in stirpium observationibus sub finem, hæc de his anseribus habent: Facit specimen istud natura quippiam boni vel è sordibus meditantis, ut iam multa lubeat credere, quæ alioquin resissemus, si legissemus apud rerum septentrionalium historicos. Quanquam paulò secus hi narrant, duntaxat in Scotia aut Orcadibus maris Caledoniæ Arctici, olim à Romana classe deuictis, compertum. Nos verò non solum ex Scotia, sed etiam hic, ad Tamesim amnem, quæ Londinum præterfluit, conchas pediculo rugoso crassiore è nauis annoſa carinâ auulsas habemus. Sunt ea admodum pusilla.

pusilla cernata ferè rotunditatis concha, foris albidæ, lucidæ, leues, tenuitatemque testa ouacea fragilem, biforem, mituli modo præferentes, nuci amygdala compressa pares: pendula autem erant hæc foris ad imum ventricosa nauium carina, cui musco & limo semiputrida innati erant quasi fungi pedicelli, quos ferè Ouracum umbiliculli dixisses, cuius extremum fructuum ritu inferebatur latiuscula concha basi, quasi vitam alimoniamque inde sugerent auicula, quarum rudimenta è summa parte concha hiulca conspiciuntur. Pediculos istos ferunt Historici primùm è vermiculis concreari, quod non potuimus scire, neque dum credere: tametsi scimus, has easdem conchulas elegantissimè efformatas in surculis arborum, quæ maris æstus alluit, temerè projectorum aut depactorum sobolem esse. Earum autem quæ humi in sicco labuntur, emori: quæ verò alluuiionibus maris rapiuntur, concha excludi, & in anatem, aut ei congenerem auem adolescere. Has volunt esse Barnacles Angli & Britanni Galli; Clakis vocat Scotia, ubi abundant, & capiuntur, dum per brumam concreuerunt gelu paludes. Sapit nobis esitantibus anatem aut anserem syluestrem.

Inter Germanos, in tractatu, quem de volucri arborea inscripsit Michael Meier, Medic. Doct. vt oculatus testis, cap. 3. refert, è conchistales anseres nasci, seque ferè centum vi. iisse eiusmodi conchulas, iisque apertis fœtus auium exiguos, veluti ex ouo mox prodituros cum omnibus membris ad volatum necessariis notauisse, & in manibus habuisse. Eorum descriptionem hanc habet: Si quando, inquit, malorum nauticarum, pice illitarum portio in aquas eas Oceani in extremis partibus

Mich.
Meieris.

Scotia,

Scotia, non procul ab Orcadibus aut Hebridibus deciderit, ibique aliquandiu iacuerit, cariem non solum sentit à vermibus intus generatis, sed quoque ab alga seu gramine marino, undiquaque tegitur. Eius enim graminis ibi est magna copia, quod omni ligno facie adnascitur, præsertim si piceam resudet pinguedinem; veluti mala nautica, quæ sunt abietes vel piceæ, resina picis suâ naturâ abundantes, ac deinde in usu nauium eadem imbuta, ut nimirum carbasa veloci motu sursum vel deorsum duci trahique possint, ne alicubi firmitus adhærescant. Fert autem mare in fundo littorali hanc algam maioris vel minoris longitudinis, unde certo tempore emergit, sursumque fertur in superficiem aquæ fluctibus eam quasi euellentibus aut demetentibus. Hæc ut in aqua nata non facile putrescit, salina natura multum apud se habens; ideo in Northollandia, aliisque multis locis, ex eo gramine faciunt vallum munitissimum aduersus impetum Oceani, ita ut remedium ab eo petatur, à quo morbus vel dānum infertur. Lignis itaque dictis malorum hæc algæ circumtectis, quæ se insinuat in foraminula à carie relicta, successu temporis ab altera parte cuiusque graminis crescunt conchula exigua, quæ sunt subalba, vel onychini siue unguis manuum coloris & in forma, cavitare, & oblonga figura ungui minoris digiti valde similes, quarum due, si coniungantur inuicem ita, ut probè cohæreant, supremis partibus magis acuminatis accipiunt algæ extremitatem, & sunt firmiter clausa latioribus, quæ postea aperiuntur, ut fructus maturatus sua sponte excidat ad volatum. Hæc ratione mille, plures, vel pauciores conchula adherent singula singulis graminibus ad extremitates, quæ,

qua, ut dictum, altera extremitate, alligantur lignis pietatis tantâ copiâ, ut lignum vix videri possit: gramina autem illa vix excedunt 12. digitos transversos suâ longitudine, & sunt firmioris ligamenti, tanquam essent ex corio. Aliquando sunt longiora, & ad pedes aliquot extenduntur.

Carol. Clusius, in *Auctuario Exoticorum*, ita de *Caroli* iis docet: *Claiks* siue *Claikees* *Scotis*, *Bernacles* *Clusij*. *Anglis*, *Rodgees* *Hietlandis*, avis est per autumnum, hyememque duntaxat conspicua, formâ anatæ vicina. Huius natalia cum ignorarentur, factum est, ut vulgus primum eius protoplasma siue rudimentum censuerit esse testas quasdam albicantes, adnatas truncis siue fragmentis ligneis, quæ maris fluctibus in arenam littusvè propelli hîc solent, ubi ligna aliàs non crescunt, & formam auiculæ istius quodammodo emulantur. Viuam tamen & omnibus modis absolutam avem ex massa illa testacea euasisse, aut prodiisso, nemo est inuentus, qui se vidisse asserere fuerit ausus. Hactenus *Hoyerus*. Auiculæ porro non sunt, quas in orcadum arboribus mari vicinis nasci vulgò putant, & *Bernacles*, siue *Rodgans* appellant, sed aves anate ferâ non minores, ut ego aliquoties vidi, imò ipsarum carnem etiam gustavi. Meras autem fabulas esse, quacunque de earum natalibus hactenus fuere tradita à *Batanis*, qui ante paucos annos ad nouam *Zemblam* nauigarunt, & fretum *Nassouicum*, vulgò *Vveygaz* appellatum, superarunt, est deprehensum. Eas etenim aves in aliquot scopulis incubantes suis oculis obseruarunt, quarum nonnullæ, & multa illarum oua, in nauim retulerunt, quibus tamen propulsarunt. Hæc *Clusius*.

Quod confirmat *Gerhardus de Vera*, *Amstel-*

F f rodamen

rodamensis, in sua navigatione ad Sinas : Tum remigantes, inquires, ad Insulam, quæ media erat, in ea multa ova Barniclarum (quas Hollandi Rotganssem appellant) & ipsas nidis incubantes inuenimus; quæ fugata clamabant Rot, Rot, Rot, (vnde illis nomen) & lapide iacto unam occidimus quam coctam edimus cum circa sexaginta ouis, quæ in nauem detuleramus. Isti anseres, siue Bernicla fuerunt veri anseres Rotganssem dicti, quales magnâ quantitate singulis annis circa Vvieringem in Hollandiam ventunt & capiuntur; quas hætenus ignoratum fuit (Magnum Albertum hic non viderat) ubi ova ponerent, & pullos educarent. Hinc factum, ut nonnulli autores non veriti sint scribere, quod in Scotia in arboribus nascantur, è quarum ramis supra aquam expansis si fructus in aquam decidunt, anserum pullos gigni; qui verò in terram, corrumpi, ad frugem peruenire: quod falsum esse nunc apparet. Nec mirum, hætenus ignoratum esse, ubi hæc aues ponerent ova, quum nullus (quod compertum sit) unquam ad octoagesimum usque gradum peruenerit, nec ea regio illo loco unquam fuerit cognita (quam arbitramur esse Groenlandiam) multò minus illa anseres ouis incubantes repta fuerint.

*Vera de
anseribus
Scoticis
sententia*

E quibus narrationibus omnibus manifestum fit, non è ligno putrido nasci istos anseres, sed è conchis quibusdam, quæ mediante algâ marinâ foraminibus cariosi ligni adhærent, sicut idem Mejer scribit. Conchæ illæ nigri tegminis semper captantur adhærentes lignis in aqua positis, ut pontium fundamentis ligneis, nauibus submersis. Adhærent autem lignis filamentis quibusdam

busdam pilosis seu mucosis, vel etiam algâ. Ad-
ditque in eorum descriptione & hoc Mejerus,
quod, si conchæ aperiantur, apparent fœtus illi
exigui, veluti pulli auium in suis ouis, qui habent
rostrum, oculos, pedes, alas, etiam pilositatem in-
cipientium pennarum. Et prout fœtus crescit, &
conchæ seu tegumenta eorum, quemadmodum
in aliis conchis & cochleis. Et credibile est, con-
chas illas per gramina illa, aut algam interme-
diam, tanquam per venas vmbilicales fœtui nu-
trimentum è ligni cariosi vicosâ pinguedine &
substantiâ attrahere. Quod verò Hollandorum
relationem, qui aues eiusmodi ouis incubantes
viderunt, attinet, ea cum reliquis ita conciliari
potest, quod scilicet è conchis quædam primitus
in Anglia & Scotia generati fuerint, aliò tamen
volare potuerint: è quorum numero fuerint an-
seres illi, quos Hollandi in itinere suo in nouam
Zemblam in scopulis quibusdam viderunt. Cùm
eum plerâque etiam insecta sponte nata postea
coeant & generent: cur non aues hæ multò
perfectiores idem facere possent?

De modo autem generationis huius animalis
vix certi aliquid apud autores occurrit. Idem
Mejer, *cap. 5.* concharum & auium harum ge-
nerationem cœlo tribuit, & à cœli, nescio quâ,
virtute imaginatiuâ eas prouenire putat. Ve-
rùm, vt alibi dictum, cœlum saltem caussa est
vniuersalis; cùm hîc de proxima quærat. Ne-
que etiam istarum auium generationem sponta-
neam esse puto sed eas, vt alias conchas, generari
existimo.

*Genera-
tio anse-
rum Sco-
ticarum.*

Si quis verò miretur, è conchis auem nasci, is
F f 2 cogitet,

*Agnus
vegeta-
bilis Mo-
sconia.*

cogitet, creatori tam facile fuisse conchas facere, quæ aues ferant, quàm quæ conchas; & perpendat, quàm multa alia miranda in rerum natura accidant. Inter quæ & illa, quæ de agno vegetabilis Tartariæ scribuntur, quæm Sigismundus, Baro de Verberstein, in rerum Moscovitarum commentariis, ita describit: *Non procul, inquit ille, à Caspio mari inter Volgam & Iaik fluvios habitabant quondam Sauuolhenses Reges, de quibus postea. Apud hos Tartaros rem admirandam & vix credibilem Demetrius Danielis, vir (ut inter Barbaros) gravis ac fide singulari, nobis narrauit, patrem suum, aliquando à Principe Mosconia ad Zauuolhensem Regem missum fuisse; in qua dum esset legatione, semen quoddam in ea insula, melonum semini paulò maius ac rotundus, alioqui haud dissimile vidisse: ex quo in terram condito quiddam agno persimile, quinque palmarum altitudine succresceret, idque eorum linguâ Boranez, quasi agnellum dicas, vocaretur. Nam & caput, oculos, aures, ceteraque omnia in formam agni recens edidi, pellem præterea subtilissimam habere, quâ plurimi in eis regionib. ad subducenda capitis tegumenta uterentur. Aiebat insuper plantam illam, si tamen plantam vocare fas est, sanguinem quidem habere, carnem tamen nullam: verum carnis loco materiam quandam cancrorum carni persimilem. Ungulas porro, non ut agni, corneas, sed pilis quibusdam ad cornu similitudinem vestitas: radicem illi ad umbilicum, seu ventris medium esse. Aiuere autem tamdiu, donec depastis circum se herbis radix ipsa inopiâ pabulæ arefcat. Miram huius planta dulcedinem esse: propter quam à lupis, ceterisque rapacibus animalibus multum*

multum appeteretur. Hanc relationem alij confirmant. Fortun. Licetus, lib. 3. de spont. vlu. ort. c. 45. ex Odorico Vtinenſi in itinere, quo petrexit ad magnum Cham hæc refert. Rem, inquit, admirabilem ſcribo, non à me viſam, ſed ab hominib. verè ſi-
de dignis auditam, aſſerentibus in quodam regno eſſe aliquos montes, nomine Capeſcos, ubi naſcuntur per-
magni pepones, qui matureſcentes aperiuntur, & in-
tra eos reperitur animal ad inſtar agni-puſilli, qui
habet peponem & carnem ſimul; etſi hoc videtur
incredibile, tamen, ut in Hibernia, ſunt arbores, qua
producent aues, ita poſſunt verè tales ibi reperiri pe-
pones. Et in alio loco idem repetit, inquiens. Quo-
dam die vidi belluam ad magnitudinem agni, al-
bam, ad inſtar niuis; cuius lana amula goſſypij faci-
le à cute vellebatur; circumſtantes interpellati di-
cebanc, datam à Magno Cham cuidam Baroni pro
carne optima humano victui inter alios omnes: ſub-
diderunt montem eſſe Capſij nomine, in quo pepones
naſcuntur magni, qui matureſcentes hiant; & hu-
iuſmodi beſtiam exſerunt. Idem approbat Iul. Cæſ.
Scaliger, exerc. 181. ſect. 29. Superiora, inquit, lu-
dum putes, prout eſt admirabilis Tartaricus frutex.
Tartarorum horda primaria Zauolla eſt, vetuſtiſſi-
ma nobilitatis commendatione. In eo agro ſerunt ſe-
men, jeminis melonis ſimillimum, ſed minus oblon-
gus. Ex eo ſatu plantam exire, quam Boramez, id
eſt, agnum vocant. Creſcit enim agni figurâ ad pe-
dum ferè ternâ altitudinem, quem pedibus, ungu-
lis, auribus, toto capite, præterquam cornibus, repræ-
ſentat. Pro cornibus pilos gerit, ſingularis cornu
ſpecie. Obducitur corio tenuiſſimo: cuius detracti
uſus ad capitum tegmina incolis. Ferunt internam
F f 3 pulpam

pulpam Graminari referre carnes. Caterum è vulnere quoque sanguinem manare. Dulcore esse admirabili. Radicem humo exertam surrigere ad umbilicum usque. Illud miraculi fouet magnitudinem. Quandiu vicinis obsidetur herbulis, tandiu viuere quasi agnum in lato pascuo. Absumptis illis tabescere atque interire. Idque non solum vel casu vel tractu temporis, sed etiam experiundi gratia subtractis atque ablatiis euenire. Quàm illud auget admirationem, appeti à lupis eam, non item ab aliis bestiis, qua carne vescantur? Vide hac de re Andream Libauium, part. 2. singular. exercit. de agno vegetabili Scythia.

*Animalia è plā-
tis ari-
dis.*

Quomodo verò è stirpibus iam aridis animalia nascantur, dubium. Fortun. Licetus, lib. 3. c. 48. Iul. Cæs. Scaligerum, exerc. 59. sect. 2. statuentem, quòd plantæ à se ipsis animalia generent, idque non è putrefactione, sed semina quasi quædam fouentes ad generationem, reprehendit, eâ de causâ, quod lignum viuens solum constet anima vegetante, quæ nec nobiliorem se, sentientem scilicet, bruti constitutricem procreare possit, nec in eam se commutare. Ipse verò statuit. (qui primus ipsi modus est) ex iis, quæ in substantia ligni corrupti adhuc supersunt, excrementis vnâ cum alimento ex terra educto, de fimo ex variis animalium corporib. & succis coagmentato, & postea ab externo aliquo agente dispositionem ad naturam animalis de nouo inducendam nacta ea nasci, & protinus ab anima præsentem, quæ tanquam in vase lateat, in formam tam sese exferente, & vt formam essentialem & viuificam sese exhibente, formari animal sponte nascens.

*Eorum
genera-
tionis
modi sec.
Licetum.
Primus.*

Verum

Verùm etsi hîc cuilibet suam sententiam liberam relinquo : tamen sententia Scaligeri verò magis consentanea est. Neque enim anima vegetans animam animalis procreat, vel in eam mutatur, sed aliam animalis formam, quæ ad dispositionem materiæ pertinet, sub se continet, quæ postea sui iuris facta sese exserit. Itaque Scaliger non absurdè dixit, plantas continere quasi semina quædam ad generationem animalium. Neque etiam satis probatum, quòd eiusmodi insecta & animalia imperfectiora plantis nobilissimis nobiliora sint, cum & plantæ ipsæ nobiliores vires habeant, & diuturnioris vitæ sint, quàm eiusmodi animalicula, neque primâ intentione in mundi creatione, ut aliæ viuentium species, producta sint, sed saltem ex aliorum viuentium corruptione nascantur. Et si Liceti sententia vera esset, plures multò species animalium, è lignis generarentur; cum excrementa, quæ plantæ attrahunt, variæ sint, & proinde ex eodem ligno varia animalia generari debent; cum tamen certa è certis solû genetentur.

Proponit deinde & alios duos modos Licetus, quibus è plantarum cadaueribus animalia generarentur. Secundum modum ponit eum, cum è stir- Secundus.
pium cadaueribus in aquis animalia nascuntur, idque fieri statuit, cum animalium succi, excrementa, & particule quomodocunque in aqua contentæ in se, ut in vase, adhuc prioris animæ sensitivæ partem quantamlibet eneruatam cum exiguo calore continentia, stirpium substantiæ adhærescunt, & per poros aut rimas in eas demerguntur, ab ambiētis calore digesta ad vitā denuo præparantur, ubi anima ut in forma latens incipit esse

forma substantialis & viuifica, viuique animalis constitutiuā. Verū etſi negandum non ſit, varia animalium excrementa, ſuccos & partes in aquis contineri, & plantis in ea adhæreſcere poſſe: tamen ſi hic modus locum haberet, ſingulis animalium formis reſpondentia animalia varia à lignis in aquis naſcerentur: quod tamen non ſit. Itaque & hoc modo iam expoſito animalia è plantis ſiccis in aquis generari ſtatuo, aquam verò nihil aliud conferre, niſi quod ad putredinem plantas emortuas diſponat, & calorem ad actuantam formam latentem neceſſarium ſuppeditet.

Tertius.

Tertium modum conſtituit, cū extra aquam in ſuperficie lignorum atomi aut ſucci, qui ex animalium, ſeu viuorum, ſeu mortuorum corporibus effluerunt, & in aëre volitat, ligniſque impinguntur, vbi ad congruam quantitatem peruenierint, & ab ambiente calore neceſſarias ad vitam diſpoſitiones acquiſiuerint. Tum enim anima ſentiens, quæ prius in eis, vt vaſe, latebat, ſeſe iis dat in formam viuificam. Atque hoc modo blattas, muſcas, vermes, aliâque id generis in ramis carioſis arborum, nec terram, nec aquam vllō modo attingentibus, naſci ſtatuit. Verū iſta animalcula non tam ex lignis, quàm ex rebus lignis adhæreſcentibus naſcuntur: & ſi ex ipſa lignorum carioſorum ſubſtantia generantur, ad primum modum pertinent.

Quartus.

Quartum denique modum ponit, vbi è ramentis, ſeu ſuccis ab animalium corpore in terram effuſis & è terra in ſtirpium demortuorum corpora quomodocunque intruſis, ab ambiente calore coctis, & ad vitam apparatus, animal naſcitur.

Sed

Sed hic modus non multum à tertio differre videtur.

E plantarum succis animalia etiam nascuntur, *Animalia à plantarum succis.* quod ex vino, aceto, & aliis apparet, & vinariorum culicum mentionem facit Aristoteles, §. de *hist. animal. cap. 19.* quò & mel referri potest. Nam etiam ex eo animalcula nascuntur, præcipuè si ei panis aliquid admisceatur. Istorum autem ortum duplicem constituit Licetus, *lib. 3. de spont. viu. ort. cap. 49.* Primus est, cum in particulis olim ab animalis corpore delapsis, & cum fimo atque alimento vitium, cæparum attractis, ac cum vino, succoque cæparum & ocymi expressis (ex succo enim cæparum & ocymi scorpiones nasci existimat) animæ prioris gradus aliquis remaneat, qui ubi ab ambientis colore fortis ad vitam dispositus fuerit, latens ut in vase anima sentiens sese illis ingerat in formam viuificam, à qua primò animantur vermes. Verum ad eundem modum, quem nunquam satis probavit, recurrit Licetus, quasi scilicet fieri non possit, ut animal non nisi ex animali generetur; cum tamen ipsa experientia doceat, ignobiliora eiusmodi animalcula ex materia, quæ in plantis viventibus formæ plantarum specificæ proprium subiectum fuit, nasci. Et si hoc modo generarentur è succis animalia, è vino non solum muscæ & culices vinarij, sed & alia animalia nascerentur; cum non credibile sit, muscarum saltem formam in fimo, quo sterco-rantur vites, contineri. Et cum multa passim ab Autoribus de ortu scorpionum ex ocymo dicantur, (de quo experientia consulenda est) non credibile est, omne ocymum attraxisse cum

F f § alimento

alimento particulas scorpionum; cùm in multis locis nascatur ocymum vbi nulli sunt scorpiones. Vero magis consentaneum est, cùm ex certis succis non cuiuscunque, sed certi generis animalia nascantur. Creatorem, cum maluerit ex plantarum corruptione animal fieri, quàm corpus putridum, plantarum corpori ad formas hasce determinatas potentiam dedisse.

Animalia quædam sine coitu generare. Mures fœmina sine coitu generant.

Porro animalia pleraque congressu maris & fœminæ seu seminibus masculi & fœminæ mixtis, generari notissimum est. Sine tamen maris & fœminæ congressu animalia quædam generari, etiam obseruatum. Mures fœminæ ex se generant, & inde sæpe celerrimè & copiosissimè multiplicantur. Ita refert Aristoteles, 6. *de histor. animal.* c. 37. quod mure fœminâ prægnante in vase miliario conclusâ, paulo post referato vase, masculi centum & viginti reperti sunt. Ex paulò post scribit, quod terræ Persicæ parte quadam mure fœminâ rescissa fœtûs fœmini in prægnâtes reperti fuerint: & esse, qui vehementer confirmant, mures, si salem lambant, impleri sine coitu. Vt non immeritò quis dubitare possit, an illa, quæ de muribus è quisquiliis natis vulgò feruntur, vera sint. Cùm enim mures tam facile multiplicari possint, si aliquot mures è veteri naui in nouam victu allecti saliant, in magnum numerum facile multiplicari possunt. Ita & anguillas nec mates nec fœminas esse, monet Aristoteles, 4. *de histor. animal.* cap. 11. & nec semen genitale habere, nec oua, sed ex muscosa materia de anguillæ veteris vniuersa superficie, ad instar anguium senectæ defluente generari. Idem &, 6. *de histor.*

Anguille sexum non habent.

hystor. animal. cap. 14. & 16. docet.

E quibus facile est ad eorum obiectionem respondere, qui capere non possunt, quomodo materia seminalis, in quisquiliis, v.g. è quibus mures generari creduntur, (si modò, vt iam dictum, è quisquiliis generantur) possit esse eiusdem naturæ specificæ cum semine maris & fœminæ, è quo eæ teroquin generantur. Animaduertendum enim est, in eiusmodi ignobilioribus animalibus generationem non ita ad semen maris & fœminæ strictè alligatam esse, vt in perfectis animalibus, sed non solum vnum sexum solum generare posse; sed vt semina plantarum quædam etiam in materia vili, vt pluuiæ, consistere & permanere possunt: ita etiam seminalis materia horum animalium in quisquiliis, vel alia vili materia remanere potest.

Seminale principium in quibusdam animalibus in variis corporibus latere potest.

Ortum hunc, vbi animal ex animali eiusdem speciei sed sine semine, vel semine paterno generatur, ad spontaneum viuientium ortum refert Fortunius Licetus, *lib. 3. de spont. viu. ortu. cap. 50.* Verùm mihi minus propriè spontanea hæc generatio nimirum videtur. Et sicut plantarum, quæ sexum non habent, per semen generatio, aut per auulsum surculum, vel radicem propagatio, ideo spontanea non dicitur, cum ab eadem specie fiat, & per semen, seu partem seminale principium in se continentem: ita & mures, si sine mare in se semen generant, aut anguillæ ex musco seminale principium in se continente producuntur, spontè nasci propriè non dicuntur.

Animalium sine sexu generatio non est spontanea.

Magis propriè illa animalia sponte nasci dicuntur,

*Anima-
liū sponte
natorum
triplex
ortus.* tur, quæ ex diuersæ speciei animalibus proue-
niunt. Fit autem hoc triplici modo. Interdum
enim animalcula in viuentibus animantibus ge-
nerantur; aliquando verò ex viuorum animalium
excrementis, aliquando ex cadaueribus mortuo-
rum animalia proueniunt. Et quidem animalia,
quæ in viuis generantur, alia nascuntur in ipsa
partium viuentium substantia, alia in cavitatibus.
*Dracun-
culi.* Quia autem vtraque ex humoribus excrementi-
tiis proueniunt, simul de iis agemus. Pertinent
primò huc Dracunculi, qui in regionum orienta-
lium incolis in habitu corporis externo nascuntur.
De iis scribit P. Ægineta *lib. 4. cap. 59.* In India, in-
quit, & superioribus Ægypti locis, Dracunculi ge-
nerantur, seu animalia quædam lumbricos imi-
tantia, in partibus musculosis, puta brachiis, femo-
re, tibiis, in pueris etiam latera sub cute perre-
ptant, vt palàm moueantur. Deinde cum diu ex-
tremum aliquid Dracunculi remanserit, locus
suppurat, & cute ipsius adapertâ, initium ipsius
progreditur, cum trahitur, dolores mouet, præci-
puè abruptus. Faciunt eiusdem morbi mentionem
quoque Diodorus, *lib. 4. cap. 3.* & Strabo, *lib. 6.* qui
Æthiopibus Sillis finitimis, qui ex locustis viuunt,
hunc morbum accidere scribit; & Plutarchus, 8.
Symphos. quæst. 9. his verbis: Circa rubrum mare,
inquit, morbo correpti, (vt Agatharchides nar-
rat,) cum aliis inauditis accidentibus sunt vexa-
ti, tum angues exigui, qui nati sunt, exsertis capi-
tibus suras & brachia perderent, & tacti rursus
carnem subirent, ac per musculosa serpentes in-
flammationum vim intolerabilem excitarent:
idque morbi genus prius ac posterius vllis aliis
obti-

obtigisse, nemo comperit. De hoc morbo etiam tractat Amatus Lusitanus, *Centur. 6. curat. 64.*

Trahit huc Fortunius Licetus, *lib. de spont. viu.* *Serpentes ortu, cap. 5* 1. ea, quæ, *Num. cap. 21.* de serpentibus in deserto Israëlitis immixtis immixti non fuerunt *Dracunculi.* igneis populo Israëlitis à Deo immixtis habentur, reprehenditque Fr. Vallesium, quod, in *sacra Philosophia*, ubi consimilia argumenta tractat, id non obseruauit & adnotauit; existimâtque reuera ex corporibus Hebræorum uiuentium exortos fuisse paruos serpentes ac vermes usque adeo malignos, ut crudeliter eroderent eorundem membra, magnamque iis adferrent inflammationem, acerrimos ardentissimosque dolores incutientem, unde ignei siue igniti serpentes denominati sunt. Verum sine causa Vallesium reprehendit, atque ista opinio cum textu Biblico non conuenit, è quo clarè apparet, ut miraculosè serpentum istorum ictus ad spectu ænei serpentis sunt curati, ita miraculosè etiam in pœnam à Deo populo Israëlitis immixtos fuisse serpentes, qui extrà eos morderent, non qui in carnibus eorum nascerentur.

Vermes sub lingua cerui nasci obseruatum est, docetque id Aristoteles, *2. de histor. animal. cap. 15.* *Vermes* Idem nascuntur quoque sub lingua canis. Vena-^{sub lin-} torésque referunt, rabidis canibus sub lingua la-^{gua cerui} xis partibus vermem satis grandem ex atro ibi ^{& canis.} sanguine, quo referta est illa vena, nasci, folliculoque suo inclusum virus in vicinum caput effundere, & rabiem excitare, qui exemptus rabiem auertit. Facit eius mentionem Plinius *lib. 29. cap. 5.* scribitque, quod à Græcis Lytta vocetur.

Ricinos & Cynoraustas in cute canum, ouium, *Ricini* *vermes.* boum,

boum, aruorum nasci, notissimum est. Vermes in omnibus penè corporis humani partibus nasci, *lib. 2. Instit. Medic. part. 3. sect. 1. cap. 11.* docui, quod & in aliis fir animabus. Nascuntur enim in iisdem pulices, pediculi Acaris Aristoteles mentionem facit. Longè verò minoris animalis Iul. Cæf. Scaliger, *exerc. 194. sect. 7.* quod Pedicellum Piceni, Scirum Taurini, Brigantem. Vascones vocent. Vulgò Sirones vel chirones nominant. Idque admirabile esse, scribir, nullâ formâ expressâ, præterquam globi, & vix oculis magnitudinem eius capi posse, tamque pusillum vt non atomis constare, sed ipsum vna ex Epicuri atomis videatur; ita sub cute habitet, vt actus cuniculis vtatur.

*Anima-
lium in
animali-
bus gene-
rationis
triplex
modus
sec. Lico-
tum.*

Modum generationis, quod attinet, triplicem ponit Fortunius Licetus, *lib. 3. de spont. vim. org. cap. 52.* Primum. qui fiat ab anima veteris animalis aliam generante in excrementis intra corpus sibi subditum comprehensis, non quidem sibi similem, sed se longè imperfectiorem, impedirà à materiæ imperfectiōe; sicut equinum semen in asinæ materiam non equinam, longè viliorem generet animam, ob materiæ vtilitatem.

Alterum diuersæ speciei animalis è viuente generationis modum ponit, cùm ex excrementis ab alimento segregatis, in quibus vt in vase, insit portio animæ illius olim viuētis, à quo prodiit alimentum. Talia enim excrementa in corpore animalis ab ambientium viscerum calore coctionem passa, & coctione dispositiones ad vitam necessarias adepta, latentem intra se animam accipere in formam viuificam. Atque hoc modo
vermes

vermes generati frequentissimè in ventre humano ex primæ coctionis excrementis ad intestina delatis.

Tertium modum constituit ex excrementis, in qua actione caloris conuersa est substantia viuensis illius, in quo huiusmodi animalia sponte gignuntur, in quibus excrementis superstes sit prioris animæ aliqua portio, veluti in vase, quæ, vbi calore ambientis digerente iterum ad vitam necessarias dispositiones acquisiuerit, semetipsam subditæ sibi materiæ impertiatur in formam viuificam diuersorum animalium diuersi generis constitutricem. Priorem enim adeo esse labefactatam, vt degenerarit in essentiam pristinâ longè imperfectiorem. Atque hoc modo sponte oriri posse in vtero humano serpentem, in cute mulieris canisvè pulicem, intra cutis meatus pediculum.

Verum enim verò primum generationis modum quod attinet, vix ille vero consentaneus est. Nondum enim probatum, animam vnâ generare aliam diuersæ speciei posse. Equidem naturæ inhabilitate materiæ impeditæ sæpe in agendo fine suo frustrantur, ita vt interdum etiam monstra fiant; & vnâ animam diuersa corpora induere posse, antea dictum: verum quod aliam animam producere possit, vero non consentaneum est. Et quidem anima omnis sui multiplicatiua est, non aliam è subiecta materia, & in subiecta materia generando, sed sese ex benedictione diuina multiplicando, aliquidq; suæ essentiæ sine sui diminutione cōmunicando. Neq; quod exēpli & probationis loco affert, mulus generat, quod
cqui

equi anima agendo in materiam asinæ, vt viliosorem, producat animam muli, sed equus suam animam communicat, quæ cum semine & animâ asinæ mixta, non asinum producit, sed mulum, & de equi & de asinæ natura participantem.

Secundus etiam modus locum habere non potest. Neque enim dum lumbrici in intestinis generantur, illius portio animæ à lumbrico antea decidisse adfuit, sed materiæ est talis dispositio, vt ex ea lumbricus generari possit.

Tertiò equidem in excrementis, in quæ partis alicuius substantia conuertitur, vermes generantur, vt in vlceribus interdum accidit: Verùm quis credat, animam humanam (vnâ enim esse in homine animam, supra probatum) ita degenerare, vt in vermibus animam abeat? Et mittamus istam de anima hominis quæstionem, oriuntur in equorum vlceribus sæpe vermes, quis verò credat, animam equi in animam vermibus mutari? Nos in eo acquiescimus, quod *de consensu & diff. Chymic. cum Galenis, cap. 12.* & supra in genere dictum, ex materia, quæ subiectum est formæ specificæ, talia generari, & proinde vt materia talis varia est, ita etiam varia animalculorum genera nasci, & quidem determinata è determinatis, in vlceribus vermes, non pediculi vel pulices, è sordibus cutis pediculi & pulices, non vermes. Eodem enim modo vt plantæ, vt Scaliger, *exerc. 59.* scribit, animalia gignunt non è putrefactione, sed quædam quasi semina fouentes; & *exerc. 190.* animalia non in plantis putridis, sed tanquam successiuis operis soboles nascuntur: ita idem fit in animalibus, & vt *in 1. de caus. plant. cap. 5.* scribit, in
sponte

sponte nascentibus semina sunt occultissima.

Deinde generantur animalia ex excrementis animalium extra corpora eorum, ex fimo equino scarabæi, alia ex animalium aliorum excrementis, sub calceis sudore humectatis quoddam nigri vermis, seu scarabæi genus; & talium animalculorum, pro varietate excrementorum variorum animalium, magnus est numerus.

Tertiò è cadaveribus animalium animalia eiusdem speciei nascuntur. Plinius. *libr. 9. cap. § 1.* de ranis scribit, quòd resoluuntur in limum, & vernis aquis renascantur. Apes & muscas mortuas reuiscere, passim notum, & ex aliorum animalculorum cadaveribus eiusdem speciei animalcula interdum prodeunt. De Bombycibus res nota est, de quibus sunt versus Hieronymi Vidæ, *lib. 1. Bombyc.*

*Ite anima egregia fortunataque laborum
Vltro in fata alacres ; vobis nempe altera fato
Corpora debentur ; vobis miserata priorem
Eripiet formam Venus, atque ad dulcia reddet
Lumina, & æreas rursus reuocabit ad auras.*

Scribitque hâc de re Paulus Zacchias, *quest. Medico Legal. lib. 4. tit. 1. quest. vlt.* Vermiculos quoque & scarabæos, & plura insectorum corpora, pluries mutare, ac multoties reuiscere, novas formas capessere, quicumque experiri volet, facile poterit, & expertus est millies solertissimus Medicus, Petrus Castellus. Quæ alios etiam priùs experiri doceret, quàm contra experientiam res manifestas negare, imò pro absurdis traducere. Equidem mirum hoc est, verum tamen, ipsa experientia teste. Sunt enim formæ ignobiliores ita à natura com-

G g paratæ.

*Animalia quæ-
dā mor-
tua reui-
niscunt.*

paratæ, vt sub materia specie externâ diuerfa la-
tere, atque anima ipsarum essentiam saluam sine
vitæ operationibus retinere possit. Vbi tamen
notandum, talia insecta interdum non verè mo-
ri, sed tantùm, quia malè disposita sunt ad opera-
tiones manifestè exercendas quasi mortua iace-
re: quo modo muscæ tempore hibernio in con-
clauibus frigidis quasi mortuæ delitescent, quam-
primum verò conclauiæ calefiunt, iterum volare
incipiunt. Interdum autem verè moriuntur,
quod fit, dum ranæ in limum quasi resoluuntur,
aut insecta eiusmodi conteruntur, vt nulla am-
plius ad vitam dispositio adsit, vbi nihilominus
nacta materiam anima latens pristinum corpus
format.

*Animalia diuer-
sa specie
e cada-
ueribus
anima-
lium.*

Quartò è cadaueribus animalium animalia
specie diuerfa nasci, notissimum est. Apes iuuen-
co perempto progenerari posse, è Demecrito,
Mago, & Virgilio refert Columella, *de re rustic.*
lib. 9. cap. 14. Ex asini cadauere fucos, ex muli
crabrones, ex equi vespas oriri passim ab autori-
bus docetur. Bombyces ex iuuenco foliis mori
nutrito nasci, docet Hieronymus Vida, *Bombyc.*
lib. 2. Et talia multa circumferuntur, quæ an om-
nia vera sint, experientia consulenda. Bufonem
è cadauere anatis nasci, multi ferunt. E medulla
humana in sepulchris serpentes nasci, multi tra-
dunt, de quo Poëta.

*Sunt, qui, cū clauso putrefacta est spina sepulchro
Mutari credunt humanas angue medullas.*

Et Plinius, *lib. 10. c. 66.* anguem ex medulla homi-
nis (pinæ generari, multis autoribus tradit. Ve-
rùm procul dubio, id fabulosum est, neque expé-
rientia

rientia id confirmat. De Scorpionibus è cancris scribit Ouidius :

Concava littoreo si demas brachia cancro,

Cætera supponas terra, de parte sepulta

Scorpius exhibit, caudaque minabitur uncâ.

Ideoque de his experientia consulenda. Neque enim quælibet animalia talia è quibuslibet generantur, sed certa è certis solùm.

Nec, quod quidam calumniatur, ex nostra opinione sequitur, ad corporum nostrorum constitutionem facere corpora serpentum, seu serpentes, ranas, bufones, lacertas, & ex his nos actu constitui, quæ naturæ nostræ sunt deleteria & lethalia. Neque enim quisquam talia è corporibus humanis generari vidit. Et licet talia in corpore nostro genita fuerint, non tamen ex ipso corpore genita fuere, sed ex materia vitiosa, aliunde in corpus illata. Ita tamen corpus nostrum dispositum est, ut ex eo vermes aliqui nasci possint, qui tamen non actu fuere in corpore, sed materia illa potentiam habuit, ut ex ea vermes fierent. Vbi tamen & hoc dispiciendum, cum corpus nostrum considerari possit ut sanum, & ut morbosum, an vermes illi nascantur ex eo, ut sanum fuit, an ut morbosum. Et credibilius, vermes huiusmodi nasci ex eo, non ut sanum fuit, sed potius ex alimento vitioso, & excrementitiis humoribus, sicut in Arabia Dracunculi in viuis corporibus, ex humoribus excrementitiis nasci, & vermes quidam in dorso infantium oriri feruntur, de quibus lib. 2. tract. 2. cap. 24. dictum. Ideoque subordinatio illa formarum non nimis latè extendenda, neque statim, si quid ex corpore alicuius ani-

*Vermes
quomodo
è corpori-
bus ani-
malium ge-
nerentur.*

negauerint, vt, de morb. infant. part. 2. c. 5. de phthi-
riasi dictum. Alia viuientia suæ speciei edunt, vt
de muribus notissimum; vt supra dictum; modò
certum sit eos sponte generari. Et omnino pauca
esse è sponte natis puto, quæ postea non
sibi simile generent. Noctilucas ex crucis qui-
busdam pilosis fieri, scribit Aristoteles, lib. 5. hist.
animal. cap. 19. Refert tamen Fabius Columna, in
obseru. libr. min. cognit. & rarior. stirp. addit. D. Ca-
rolum Vintimilliam Panormitanum in Sicilia ob-
seruasse, cicindelas alias esse mares, alias fœminas. *Cicindela*
Cum enim in vitro plurimas haberet ex nudis *coenans.*
animi causâ, gauderetque noctu eas spectare, &
propterea eas pane madido aleret, cœnanti sibi
alutam ad lumen circumuolitantem sese obtulif-
se, hanc captam, ac in vitro aliis adiectam, conti-
nuò se spectante, vnâ subegisse, eique adhesif-
se, vt bombyx solet, ab ea deinde diuulsam aliam
atque aliam: sequenti die parere cœpisse, semên-
que dedisse formâ & colore milij seminis.

Conclusionis loco hoc saltem addimus, nos *Omnia*
putare rectè Aristotelem scripsisse: πάντα τῶν ζῴων *anima-*
τὴν ἀπλήρη φύσιν, omnia animarum modo quodam *rum ple-*
esse plena. Quæ etiam si res, in quibus sunt, non *na.*
semper animant & informant, imò nec agunt:
tamen occulto modo in iis latent, & suo tempo-
re aptam materiam nata sese exserunt. Vt pro-
pterea iterum rectè scripserit Iul. Cæs. Scaliger, in
1. de plant. sponte nascentium semina esse occul-
tissima, & omnem latere sensum. Ideoque si ἀνε-
βολοποιῆν libeat, nihil propriè loquendo sponte
nascitur, sed quicquid nascitur, è semine suo, etsi
occulto, & sensum latente, aut semini analogo

principio, nascitur. Et hæc saltem inter seminifera & sponte nascentia differentia est, quòd illa habent semina manifesta, hæc occulta, aut certè quid semini analogum. Neque enim de nomine hîc altercari libet. Hoc saltem tenendum est, ea, quæ dicuntur sponte nasci, non provenire ab agente externo æquiucò, sed ab interno principio, quod si quis semen vel seminale principium, vel semini analogum, vel alio modo nominare libeat, per me licet. Et si enim Licetus, *libr. 4. de spont. viu. ortu cap. 2.* inficiatur, omnium rerum esse semina: ramen ibidem concedit, ea, quæ sponte nasci dicuntur, habere quid semini proportionem respondens. Modus autem generationis hic est; Vt animal aliquod se ipsum alere & augere dicitur, dum commune nutritionis & augmentationis principium & causa prima sese alimento adsimilato communicat, & in id sese induit, non verò sibi similem animam in alimento, efficit: ita spontaneus viventium ortus fit, dum agens intra materiam latens, nec dum animæ opera manifestò edens, materiam rectè dispositam & idoneam nacta sese illi communicat, & in ea operationes sibi proprias edere, & animæ officio fungi incipit, non verò aliam animam in materia producit,

CONCLUSIO.

Atque hæc etiam de hac materia difficillima & obscurissima dicta sunt: sed breuiter. Plura adhuc addere facile fuisset de pluribus sponte ortorum viventium speciebus: verum non historiam

riam naturalem hîc tradere mihi propositum est, sed modum saltem generationis sponte oriundorum viuentium proponere, & quibusdam exemplis declarare. Etsi verò contra modum generationis huius, qui mihi probabilior videtur, multa obiici posse scio: tamen & hoc scio, facilius esse, verum impugnare, quàm adstruere, & rectum obliqui indicem esse, & quicumque veritatem rectè perspexerit, omnibus obiectionibus, quæ infinitæ texi possunt, respondere facile posse. Si quæ tamen obscura & dubia in re à paucis tractata occurrent, ista non prius reiicere aut damnare decet, quàm meliora substituta fuerint. Ideòque, Lector Beneuole,

*Si quid nouisti rectius istis
Candidus imperti: si non his, utere mecum.*





INDEX RERVM. ET VERBORVM.



- B S V R D A** quæ sequuntur opi-
nionem de educatione formarum
è potentia materiæ. 149
Acari quid. 102
Agnus vegetabilis Moscouiæ. 452
Alberti sententia de λόγῳ πλαστικῷ. 158
Schegkij, *ibid.*
Alexipharmacorum qualitates. 76
Alimentorum occultorum qualitas. 75
Alteratio quid. 88
Anguillæ ortus. 427
Anguillæ sexum non habent. 458
Animæ an fiant. 131. 132. de animæ origine in
genere disquirendum. 143
Animæ potius multiplicantur quàm fiunt. 134
Animæ an sint à Deo, vel à cœlo. 134. 137. Fer-
nelij sententia. 137. argumenta. 139
Animæ an educantur è potentia materiæ. 144
Anima quæ sit in semine. 172
Animæ coextenduntur suo corpori, 123. quo-
modo. 125

Anima

INDEX R E R V M.

Anima quomodo sese multiplicet, 194. an sit di-
uisibilis, 195. negatur. 216

Anima non moueatur. 197

Animæ naturæ declaratio. *ibid.*

Anima per se non est quanta, corpus replet; est
indiuisibilis, corpori coextenditur. 198

Anima corpus suum replet, 149. quomodo sit
multiplicabilis, 199. propriè non diuiditur,
ibid. animæ extensio duplex, 200. 201. propa-
gationis animæ modi varij, 203. multiplicatur
in proprio subiecto. *ibid.*

Animæ vnde vim sese multiplicationis habeant:
205

Anima duobus modis inest. 207

Anima an non possit esse nisi de corpore orga-
nico. 208

Anima est in partibus quatenus simile. 209

Anima est primum agens in semine, 114. an mi-
gret de subiecto in subiectum, 216. non est
diuisibilis. *ibid.*

Anima in conformatione corporis spiritu vti-
tur. 221

Animarum coniunctio absurda est. 236

Anima est corporis animalis conformationis
causa. 245

Animam in semine esse formationis causam
probatur. 246

Animæ actio communissima quæ, 256. an animæ
vniantur, *ibid.* animæ organa an introductio-
ductionem præstare debeant, 253. animæ
brutorum non educuntur e potentia materiæ.
276

Anima humana cum semine propagatur in fi-

INDEX R E R V M.

- beros , 260. initio conceptionis , 262. statim
adeft, 264. non educitur è potentia materiæ.
ibid.
- Animæ humanæ nobilitas cum traduce constare
potest. 276
- Animæ an sint plures in homine , 280. *ab* vna
anima plures fluunt facultates & actiones,
282. *in* anima humana nihil corruptibile est,
289. cur anima non statim ab exortu omnes
operationes simul propaget, 290. *ab* vna ani-
ma fit fœtus conformatio. 293
- Anima humana an cum actionibus corporeis
participet. 296
- Animæ brutorum non educuntur è potentia
materiæ. 298
- Anima humana si per traducem propagatur, an
ideò sit mortalis. 299
- Anima in cadauere post mortem non remanet.
350
- Anima humana an ex se sit immortalis. 299
- Anima est efficiens sponte ortorum. 342
- Anima generationis spontaneæ causfa vnde pro-
ueniat. 342
- Anima quot modis in materia esse possit. 343
- Animæ actus duplex. *ibid.*
- Animæ operatio duplex. *ibid.*
- Anima potest esse in materia vt eam non infor-
met, 343. quomodo omnia animarum plena
sint. 344
- Anima duobus modis in materia est. 345
- Animarum omnia plena. 444
- Animæ bestiarum non sunt immortales. 368
- Animæ brutorum mortales. 397
- Animalcula

INDEX RERUM.

Animalcula etiam minima ad mundi perfectio-	
nem pertinent.	321
Animalia an ex imperfectè mixtis nascantur.	369
Animalia sponte nascentia.	415
Animalia sponte nata generant.	42
Animalia è niue.	420
Animalia cum pluuiis delapsa.	423
Animalia non generantur in aëre.	424
Animalia in aquis nata.	425
Animalium in aquis generatio varia.	ibid.
Animalia nata è terra.	426
Animalium è viuentibus plantis quadruplex or-	
tus, primus, 437. secundus, 438. tertius, 439.	
quartus.	ibid.
Animalia è plantis mortuis, 440. ex aridis, 454.	
Eorum generationis modi secundum Licet-	
tum 454 primus, ibid. secundus, 455. tertius,	
456 quartus,	ibid.
Animalia è plantarum succis.	457
Animalia quædam sine coitu generantur.	458
Animalium generatio duplex.	337
Animalium semen est animatum.	238. 241
Animalium sine sexu generatio non est sponta-	
nea.	459
Animalium sponte natorum triplex ortus.	469
Animalium in animalibus generationis triplex	
modus secundum Licetum.	462
Animalia ex animalium incrementis,	465
Animalia ex animalium cadaueribus eiusdem	
speciei.	ibid.
Animalia quædam mortua reuiuiscunt,	466
Animalia diuersæ speciei è cadaueribus anima-	
lium,	ibid.
Anseres	

INDEX RERVM.

- Anseres Scotici, 441. de eorum ortu variæ sententia, 442. Turneri narratio, *ibid.* Hectoris Boetij sententia, *ibid.* Iulij Cæs. Scaligeri narratio, 446. Petri Penæ & Matthiæ Lobelij, *ibid.* Michaelis Meieri, 447. Caroli Clusij, 449. Vera sententia. 450
- Anserum Scoticorum generatio. 451
- Antonij Ponce sententia de instrumento separato, 160. refutatio eius. 161
- Appetitus & cognitio naturalis. 30
- Argumentorum, quæ contra animæ in semine animalium præsentiam obijciuntur, refutatio. 249
- Aristoteles statuit semen animatum esse. 170
- Aristotelis loca, quibus docet, omnia ab agente vniuerso generari. 332
- Artificis & naturæ differentia: 216
- Asparagi an è cornibus arietis nascantur. 413
- Atomorum nomina, 81. doctrina antiqua de Atomis, 80. Explicatio doctrinæ de Atomis, 81. dari atomos multi statuunt, 82. probatur, 84. atomi ignis, 85. aëreæ, 86. aqueæ, terreæ, 87. ex atomis Elementorum fit mistio, 85. Meteora ex atomis. *ibid.*
- Atomi corporum animatorum, 100. plantarum atomi, 101. purgantium atomi. *ibid.*
- Atomi retinent formas rerum, 102. atomi sunt determinatæ. 104
- Atomi animam continentes an semen dici possint. 390
- Auicennas an statuerit, homines è terra nasci posse. 39
- Autorum, qui formas in mistis remanere statuunt, tuunt,

INDEX. RERVM.

statuunt, opinio.	111
Autor opinionis de educatione formarum è potentia materiæ.	144
Autores qui semen animatum esse statuunt.	166
Autoris de sponte ortorum propriè dictorum origine sententia.	352

B

B estiarum animæ non sunt immortales.	368
Boletus ceruinus an ex cerui semine.	384
Brutorum & plantarum formæ an sint ex Elementis.	54
Brutorum animæ an sint ex elementis.	231
Brutorum mirabilia ingenia.	232
Brutorum animæ non educuntur è potentia materiæ.	298
Brutorum animæ mortales.	397

C

C alefactio quid.	88
Calor innatus in semine non est formationis.	188
Camphoræ temperamentum.	34
Causa efficiens an semper sit externa.	215
Causa efficiens sponte ortorum viuientium.	320
Chymicorum principia.	37
Chymicæ operationes atomos probant.	97
Cicindelæ cocunt.	516
Cimices vnde generentur.	494
Claua	

INDEX RERVM.

Claua Herculis germinans.	329
Cælum an etiam sit causa particularis.	328
Combustorum & refrigeratorum generatio.	33
Conceptio quando incipiat.	273
Conformatio corporis viuientis animæ opus.	184
Conformatio corporis viuientis omnibus viuentibus communis.	269
Consensus & dissensus rerum naturalium.	29
Consensus & dissensus rerum exempla.	32
Controuersie itatus de formatione fœtus.	245
Corallia an sponte nascantur.	404
Corallum è cranio humano.	413
Corpus quantum est, diuisibile est, locum occupat, mobile est.	198
Corpora duo non possunt simul esse in eodem loco.	ibid.
Corporum animatorum atomi.	100
Culicum generatio.	497
Culices è caprifico.	437

D

D egeneratio plantarum, 35 <u>7. quomodo</u> fiat,	401
400. vbi?	78
Democriti laus.	78
Deum omnium rerum naturalium primum principium physico cognoscendum.	1. & 2
A Deo omnia.	120
Deus quando ad rerum generationem cum causis secundis concurrat.	135
Deus omnia replet.	198
Deus	

INDEX RERVM.

Deus an formationis corporis humani causa sit.

277

Deus cur sexum in animalibus constituerit.

301

Deus quomodo ad rerum generationem concurrat. 325

Dei gloria & in minimis elucescit. 372

Differentiæ occultarum qualitatum. 68, prima, secunda, *ibid.* tertia, 72 quarta quinta, 75

Differentia generis Logici & Physici, 154.

155

Differentia seminis plantarum & animalium.

251

Differentia sponte ortorum viventium. 338

Differentia inter spontaneam & non spontaneam generationem. 63

Differentiæ animalium sponte ortorum. 419

Discrimen artificialium & naturalium effectuum. 10

Doctrina antiqua de Atomis, 80. rationibus nititur, *ibid.* Explicatio doctrinæ de Atomis.

81

Dracunculi vnde. 460. Dracunculi non fuerunt serpentes in deserto Israelitis immissi. 461

E

Eductio formarum reiicitur. 124

Eductio formarum è potentia materiæ an in S. literis fundata, 156 Fortunij Liceti sententia, 152. Rationes pro educatione formarum è potentia materiæ, 146. absurda quæ sequuntur hanc opinionem. 149

Elemen

INDEX RERUM.

- Elementorum formæ unde, [17](#). An pugna Elementorum in mixtione opus sit, [121](#). an corporum in atomos reductione, [124](#). an solo elementa misceantur. [125](#)
 Erucarum & papilionum generatio, [433](#). quomodo generentur. [434](#)
 Exempla consensus & dissensus rerum. [32](#)

F

- F**ernelius occultas qualitates defendit. [441](#)
 Fernelij sententiæ de origine animarum refutatio. [140](#)
 Fieni contra animæ in semine præsentiam obiectio. [190](#)
 Fieni de animæ humanæ in conceptione præsentiam opinio, [264](#). veræ conclusiones, [267](#). in quibus deficiat ibid. falsæ conclusiones, [268](#). animam tertiam demum die esse præsentem, non probat Fienus. [270](#)
 Finis & usus Materiæ. [10](#)
 Fœminarum semen etiam est prolificum. [234](#)
 Fœtus animalium non formatur ab utero, [241](#). status controuersia de formatione fœtus. [246](#)
 Fœtus membranæ ab animæ formantur. [264](#)
 Fœtus formatio mox à prima conceptione incipit. [270](#). [272](#)
 Fœtus conformatio fit ab vna anima. [293](#)
 Forma principalis generationis causa. [13](#)
 Formarum origo prima. [15](#)
 Formæ Elementorum unde. [17](#)
 Formæ an educantur è potentia materiæ. [28](#)
 Formæ

INDEX RERVM.

Formæ nobis incognitæ.	<u>42</u>
Formæ plantarum & brutorum an sint ex Elementis.	<u>54</u>
Formarum proprietates.	<u>21</u>
Formæ mistorum formis superadditæ.	<u>38</u>
Formarumeductio reiicitur.	<u>124</u>
Forma omnis est sui multiplicatiua.	<u>202</u>
Forma determinat quantitates & figuras.	<u>209</u>
Forma quot modis sit in re.	<u>218</u>
Formatio plantarum mira, 225. propagationis plantarum varij modi.	<u>227</u>
Formarum mistio est possibilis.	<u>235</u>
Forma sponte ortorum viuientium an fiat ab Intelligentiis.	<u>326</u>
Formæ subordinatæ dantur.	<u>352</u>
Formæ subordinatæ vnde, <u>64</u> . Illarum finis, <u>65</u> . subiectum,	<i>ibid.</i>
Formæ subordinatæ an sint specificæ, 354. quomodo rebus insint.	<u>355</u>
Forma interna vna varias formas externas inducere potest.	<u>356</u>
Formæ in atomis remanent.	<u>366</u>
Formæ viuientium diu latent.	<u>367</u>
Forma vna an mutetur in aliam.	<u>365</u>
Fungorum & tuberum generatio.	<u>376</u>
Fungorum anima vnde.	<u>377</u>
Fungorum quotuplices.	<i>ibid.</i>
Fungi omnes è plantis.	<u>378</u>
Fungi ex populo alba, <u>379</u> . cur tam celeriter generentur, <i>ibid.</i> differentia. <i>ibid.</i> & seqq.	
Fungi è lapidibus.	<u>385</u> . <u>387</u>
Fungi è vino in lapidem stillante.	<u>387</u>

INDEX RERVM,

G

- G**alenus De o creatori hymnum canit. 177
- Gallæ generatio. 410
- Generationis principalis causa forma. 13
- Generatio combustorum & refrigeratorum. 33
- Generatio misti animati & inanimati differunt. 120
- Generatio viuentium quomodo fiat, 146. quando. 147
- Generatio viuentium duplex. 142
- Generatio viuentium quomodo fiat. 123
- Generatio quando fiat, & quæ requirantur, 217. 218
- Generatio animalium duplex. 237
- Generatio æquiuoeca. 318
- Generatio spontanea quid, 317. quæ sponte generatur. 318
- Generatio viuentium quotuplex. 316
- Generatio musci. 320
- Generatio crucarum & papilionum, 433. quomodo generentur. 434
- Generationis animalium è plantis viuentibus duo modi. 440
- Generis Logici & Physici differentia, 154. 155

H

INDEX RERVM.

H

H erbæ putrefactæ renascuntur.	397
Homo , nisi cum semine det animam , an possit dici sibi simile generare.	274
Homo an habeat tres essentias.	286
Homo quomodo sit simul homo , animal , vegetans.	229
Hymnus Galeni.	177

I

I gnis mirabiles proprietates.	43
Ignis non est accidens.	91
Inanimatum non potest generare animatum.	
193	
Insecta & vilia animalia etiam consideratu digna.	
317	
Instrumentum separatum per agens nullum datur.	161
Instrumentum actus primus & secundus.	162
Instrumentum à causa principali directum agit supra suas vires.	162
Instrumenti ratio in quo consistat.	164

L

L apides quales , è quibus <u>fungi</u> nascuntur.	
387	
Laferpitium ex imbre natum.	398
Lemnar Norvvegiæ animal.	423. 424
Licet opinio de educatione formarum è pōtēria	

INDEX RERVM.

materia.	152
Liceti opinio de sponte natorum propriè dicto- rum origine.	P.348
Liceti sententia de materia sponte ortorum vi- <u>uentium.</u>	361
Liceti sententiæ examen.	362
Lichenis Genera.	391
λόγος & πλαστικός an sit conformationis fœtus hu- mani causa.	272

M

M ateria finis & vsus.	10
Materia rerum naturalium.	34
Materia corporum an detur alia, præter ele- menta.	35
Materiam qui solùm dat, non sibi simile gene- rat.	274
Materia spontè ortorum viuientium, 359.	360.
	365. 366.
Medicamentorum occulta qualitas.	76
Membranæ fœtus ab anima formantur.	264
Membranæ formantur statim ab initio conce- ptionis.	266
Metalla quomodo generentur.	204
Metallorum formæ an multiplicentur.	204
Meteora ex atomis.	25
Mistio fit ex atomis alimentorum.	25
Mistio quot modis dicatur, 106. quid sit 107. an miscibilia in misticione formas suas retineât, 109. autorum qui formas in mistis remanere statuunt, opinio, 111. Misticionis causa prin- cipalis, 117. Resolutio mistorum in quæ fiat,	127.

INDEX RERVM.

127. Quædam mistiones fiunt ab atomorum
consensu & dissensu. 229

Mistio quomodo fiat. 119

Misti animati & inanimati generatio differunt.

120

Modi tres essendi alicubi. 198

Motus projectorum causa. 163

Mundus à Deo creatus. 2. 3

Mundus ex nihilo creatus. 4

Mundus in tempore factus. 5

Mures sceminæ sine coitu generant. 458

Muscarum ortus. 430

Musci generatio. 390

Muscus in testaceis & balneis. 462

Muscus in ossibus humanis. 412

N

Natura Dei ministra. 119

Natura quæ sit. 168

Natura quid, & vnde eius vis. 207. 208

Nomina occultarum qualitarum, & quid eæ
sint. 43

O

Occultarum qualitarum nomina, & quid eæ
sint. 43

Occultas qualitates dari probatur. 44

Olea sicca iterum germinavit. 392

Olea sicca qua ratione iterum germinare po-
tuerit. 395

Omnia animarum plena. 469

H h 5 Opi

INDEX RERVM.

- Opinio de eductione formarum è potentia materiæ vnde orta sit. 19
- Opinio Autorum qui formas in mistis remanere statuunt. 111
- Opinio de eductione formarum è potentia materiæ an explicari possit. 148. absurda quæ sequuntur opinionem de eductione formarum è potentia materiæ. 149
- Opiniones falsæ de spontaneo viuentium ortu. 316
- Opus mirandum formationis corporis viuentis. 176
- Ortus quadruplex animalium è viuentibus plantis, 437. primus, *ibidem*, secundus & tertius, 438. quartus. ibid.
- Ostrearum ortus. 428
- Oua habent animam. 239
- Ouorum cum seminibus plantarum comparatio. 239

P

- P**Apilionum, & crucarum generatio, 433. quomodo generentur. 434
- Parens in generatione an aliquid amittat. 257
- Parentis anima in generatione manet integra. 308
- Partus non facit similitudinem specie, sed generatio. 275
- Patrum de formatione fœtus sententiæ. 273
- Piraustræ in igne nascuntur, 420. vnde generentur. ibid.
- Pisces fossiles. 437
- Plan

INDEX R E R V M.

Plantarum & brutorum formæ an sint ex elementis.	54
Plantarum atomi.	101
Plantarum semen est animatum.	224
Plantarum formatio mira.	224
Plantæ natæ ex inundationibus aquarum pluuiis.	
227	
Plantarum formatio non Soli tribuenda, 228.	
mira multiplicatio, 229. duæ partes seminis in plantis, 230. pulpa seminis, <i>ibid.</i> cortex seminis cur factus.	<i>ibid.</i>
Plantarum generatio quando fiat.	247
Plantarum & animalium seminis differentia.	
252	
Plantæ an verè viuant.	294
Plantæ quomodo sponte nascantur, Erasmi sententia.	388
Plantarum spontaneæ generationis modi.	389
Plantarum è plantis siccis generatio.	391
Plantæ è terra euulsæ non omnes statim emoriuntur.	395
Plantarum propagationis modi varij.	395
Planta per pluuias quomodo propagentur.	398
Plantæ è plantis diuersæ speciei natæ.	399. 415
Plantarum degeneratio, 357. 399. quomodo fiat, 400. vbi.	401
Plantæ è fimo, 402. è niue,	403
Plantæ in aquis natæ, 403. in alijs plantis, 404.	
in scopulis.	<i>ibid.</i>
Plantæ è lachrymis plantarum.	406
Plantæ an ex animalibus nascantur.	40
Plantæ quomodo in animalibus nascantur.	

INDEX RERVM.

Plantæ an ex cadaueribus animalium nascantur.

[413](#)

Plantæ an è metallis nascantur. [415](#)

Præcipitatio quæ? [32](#)

Principia rerum naturalium duplicia. [1](#)

Principia an sint contraria. [19](#)

Principia an sint actus eorum, quorum sint principia, [57](#). An nihil sit in re, quod non fuerit in principiis. *ibid.*

Principium primum omnium rerum naturalium est Deus. [1. & 2](#)

Privatio quid? [23](#)

Privationis natura explicata. [25](#)

Propagatio plantarum varia. [227. 360](#)

Propositio de animæ humanæ origine dicendum. [259](#)

Proprietates Ignis mirabiles. [43](#)

Proprietates indiuiduales. [61](#)

e

Qualitates primæ quæ? [16](#)

Qualitates occultæ quid sint? [39. 43](#). Omnia ad manifestas qualitates deduci non possunt, [40](#). Fernelius occultas qualitates defendit, [41](#)

Qualitates occultæ scientiam pariunt, [42](#). An sint ignorantie principium. *ibid.*

Qualitarum occultarum nomina, & quid eæ sint. [45](#)

Qualitates occultas dari probatur, [44](#). Earum actiones sunt aliæ quàm manifestarum, *ibid.* modus agendi diuersus. [46](#)

Quali

INDEX RERVM.

- Qualitates occultæ à doctis viris agnitæ & as-
sertæ, 47. Non à primis originem habent. 50
 Qualitates primæ mixtæ non faciunt occultas,
 51
 Qualitates occultæ non educuntur è potentia
 materiæ. 53
 Qualitates occultæ an è cœlo fluant, 59. earum
 vera origo, *ibid.* differentia, *ibid.* Occultæ qua-
 litates in viuientium quibusdam speciebus,
 59. in gemmis, lapidibus & metallis. 62
 Qualitates reales, Intentionales. 68
 Qualitates materiales & species spirituales quo-
 modo differant. 69
 Qualitates occultæ rerum emortuarum, 63
 Qualitates occultæ rerum, quæ in plantis & ani-
 malibus secundum naturam generantur. 66
 Qualitates occultæ rerum præter naturam in
 animalibus generatarum. 67
 Qualitatum occultarum differentia, 68. Prima,
 Secunda, *ibid.* Tertia, 72. Quarta, Quinta. 75
 Qualitates occultæ materiales, 71. spirituales, 71. 72
 Qualitas alimentorum occultorum, 75. medica-
mentorum, 76. venenorum, 76. Alexipharma-
 corum. *ibid.*
 Quatuor de generatione viuientium sententiæ,
 142

R

- R**ationes pro educatione formarum è poten-
 tia materiæ. 146
 Rerum naturalium consensus & dissensus. 29
 Ricini vermes vbi nascantur. 461
 Romuli hasta ex orno germinauit. 324
 H h 3 Sacra

INDEX RERVM.

S

- S** Accuratum literarum in Physicis vsus. 5
 Schegkij sententia de λόγῳ πλαστικῷ, 158.
 Opinionis eius examen. 159
 Scopus Scripturæ sacrae primarius quis sit. 5. & 6
 Sententia de λόγῳ πλαστικῷ Alberti, 158. Scheg-
 kij. *ibid.*
 Sententia Antonij Ponce de instrumento sepa-
rato, 160. Refutatio. 161
 Semen esse animatum, 165. 166. probatur, 173.
 autores qui semen animatum esse statuunt,
 166. quæ sit seminis natura. 167
 Semen quid, 168. semen animatum esse statuit
 Aristoteles, 171. quænam anima sit in semi-
 ne. 172
 Seminis operationes, 175. Prima viuificatio, *ibid.*
 Secunda, 176. præter animam nullum adest
 agens in semine, 188. calor innatus in semine
 non est formationis. *ibid.*
 Semen si non esset animatum non generaret
 simile. 192
 Semen an agat in seipsum, 212. anima est pri-
 mum agens in semine, 214. duæ partes in se-
 mine. *ibid.*
 Semen an sit in planta. 217
 Semen plantarum est animatum. 224
 Semen an sit animal, 219. an viuatur, *ibid.* an sit ani-
 matum potentia, 220. fœminarum semen et-
 tiam est prolificum. 234
 Semen animalium est animatum, 238. 241. in
 ipso semine est causa conformationis. 244
 Semen

INDEX RERVM.

Semen quatenus sit imperfectius generante,

251

Semen an sit actu animatum, 255. quomodo animatur. 249

Semen non est excrementum. 249. 302

Seminis plantarum & animalium differentia.

251

Semen sanguine nobilius. 303

Semen qua anima an sit animatum. 306

Semen dupliciter dicitur. 340

Seminalis vis interdum emoritur. 367

Seminale principium in quibusdam animalibus in variis corporibus latere potest. 452

Sensus & motus nullum animal constituunt,

286

Sententiæ variæ de origine animæ humanæ,

258

Sententiæ patrum de formatione fœtus. 273

Sententiæ variæ de sponte ortorum viuientium,

369. vera sententia.

371

Sententiæ summa de sponte viuientium ortu.

374

Serpentes in deserto Israëlitis immissi non fuerunt Dracunculi. 461

Sexus est in animalibus. 233

Simile non generaret simile, si semen non esset animatum. 191

Simile simile generat. 260

Similitudinem speciei partus non facit, sed generatio. 275

Sirones quid. 102

Solutio eorum, quæ contra propagationem animæ humanæ per traducem obijciuntur. 296

Sonchus

INDEX RERVM.

- Sonchus è stercore fuillo generatur. 397
 Species spiritales quid. 69.71
 Spiritus an sit in seminibus plantarum. 221
 Spontanea & non spontanea generatio quomodo differant, 363. Fortunij Liceti sententia, 336.337.
 Sponte ortorum viuientium differentia. 338
 Sponte orta viuentia quomodo ab agente viuoco generentur. 339
 Spontanea generatio quoruplex. 347
 Spontaneæ plantarum generationis modi. 389
 Sponte quid. 317
 Sponte ortorum viuientium caussa efficiens, 320.
 sponte orta viuentia non casu & fortuito nata sunt. 320
 Sponte viuentia an saltem à caussa communi producantur, 323. an animam à Deo accipiant. 324
 Spontè orta viuentia an à calore proueniant, 329. an ab anima mundi, *ibid.* an ab anima terræ, 331. an à spiritu è cælo producto, 333. an ex putredine, 335. an ex coctione, *ibid.* an à putredine cum cælo. ibid.
 Sponte ortorum viuientium causa efficiens in ipsa materia latet, 334
 Sponte & non sponte orta viuentia vt differant. 340
 Sponte nata generant, 341. sponte ortorum viuientium efficiens est anima. 341
 Sponte nata saltem è viuentibus generantur. 343
 Sponte nascentia an in prima creatione creata sint, 416
Sponte

INDEX RERVM.

Sponte ortorum viuientium origo.	412
Sponte ortorum animalium differentia.	419
Status controuersię de formatione fœtus.	245

T

T Homę Erasti de missionis causſa opinio.	
118	
Tipulę vbi nascantur.	425
Tradux quid.	309

V

V Egetans nullum datur, nisi ad certam speciem restrictum, 284. nullam plantam per se constituit.	286
Vegetatiua vt in plantis & animalibus sit diuerso modo, ita & sensus in animalibus.	293
Venenorum occultę qualitates.	76
Vermes in niue quomodo generentur, 422. è pluuiis, rore, & nebulis, <i>ibid.</i> è fungis, 431. è plantis viuīs.	432
Vermes quomodo è corporibus animalium generentur.	467
Vermes sub lingua cerui & canis.	461
Vina, medicamenta, theriaca, mithrydatum, aquę destillatę an sint vera mista.	129
Vis <i>ελασική</i> an possit esse in semine sine anima.	279
Visci generatio.	408
Vita quot modis dicatur.	219
Vita quot modis sumatur.	57
Viuentia quotuplicia.	224
Viuentia	

I N D E X R E R V M.

Viuentia sponte nata saltem è viuentibus pro-	
ueniunt.	374
Viuentium partes essentielles.	131
Viuentium generatio quomodo	<u>fiat, 193. quatu-</u>
plex.	316
Viuerè quid.	344
Vna est in homine anima, 181. Rationes quibus	
probatur, vnam in homine esse animam, 283.	
ab vna anima fluunt omnes eiusdem speciei	
facultates.	287
Vteri materni virtus non est causa conformatio-	
nis fœtus.	189

X

Eργασίον quid, 440. vnde generetur.
ibid.

F I N I S.







